

楚辭解故

I222.3/4

楚辭解故

朱季海撰

上海古籍出版社

首都师范大学图书馆



20760388

760388



楚辭解故

朱季海撰

(原中華書局版)

上海古籍出版社出版

(上海瑞金二路 272 號)

經售處：上海發行所發行 上海市印刷三廠印刷

開本 850×1156 1/32 印張 11.625 字數 231,000

1963 年 12 月第 1 版 1980 年 3 月新 1 版 1980 年 3 月第 1 次印刷

印數：1—15,000

統一書號：10186·154 定價：1.20 元

出版說明

《楚辭解故》是一部屬於考據範疇的專門著作。作者朱季海先生對以愛國詩人屈原作品爲主要代表的《楚辭》素有研究。他在王逸《楚辭章句》、洪興祖《楚辭補注》的基礎上，對具有濃厚地方色彩的《楚辭》，根據荆楚、淮楚之間的方言、風土、習俗等文獻資料和出土文物，從校勘、訓詁、謠俗、名物、音韻五個方面，作了比較全面的探索，在《楚辭》研究領域中有其特色，具有一定的參考價值。

本書正、續編曾於一九六三年由中華書局上海編輯所出版。這次重印，作者又提出其近年來的研究成果，增補爲三編，合併刊行。

上海古籍出版社

一九七八年十一月

楚辭解故敘

凡爲《楚辭》，解其土風而可知也。自淮南王、太史公、劉向、揚雄論述大義，班、賈、王、二三君子，旣宣之矣。近世學者，無替舊聞，轉相起發，然遺逸多有。今撫其未備，頗據楚語以定之，庶欲其江南黎獻，辨章風謠，存其故俗，使九畹愈滋，百畝彌望，則必有與我同好者矣。

一九四四年三月朱季海

楚辭解故總目

楚辭解故敘	一
楚辭解故	一
楚辭解故續編	一〇三
楚辭解故三編	二八五
後記	三五五
附：楚辭解故及續編引用書目略	三六九

楚辭解故

楚辭解故目錄

離騷第一

王逸章句：離，別也。騷，愁也……………	一三
皇覽揆余初度兮……………	一四
扈江離與辟芷兮三條……………	一五
昔三后之純粹兮……………	二四
雜申椒與菌桂兮……………	二四
豈維紉夫蕙茝……………	二六
何桀紂之猖披兮，夫唯捷徑以窘步……………	三二
指九天以爲正兮……………	三三
畦留夷與揭車兮……………	三三
夕餐秋菊之落英……………	三四
長顙領亦何傷……………	三五
攀木根以結茝兮……………	三七
攀木根以結茝兮，貫薜荔之落蕊。矯菌桂以紉蕙兮，	

索胡繩之纆纆。審吾法夫前脩兮，非世俗之所服……………	三七
固時俗之工巧兮，偃規矩而改錯……………	三八
屈心而抑志兮，忍尤而攘詬……………	三九
步余馬於蘭皋兮，馳椒丘且焉止息……………	四〇
集芙蓉以爲裳……………	四一
不吾知其亦已兮，苟余情其信芳……………	四二
芳與澤其雜糅兮，唯昭質其猶未虧……………	四三
民生各有所樂兮，余獨好脩以爲常……………	四三
女嬃之嬋媛兮……………	四四
薺菜施以盈室兮，判獨離而不服……………	四五
夫何羌獨而不予聽……………	四六
固亂流其鮮終兮……………	四六
汨又貪夫厥家……………	四七
湯禹儼而祗敬兮……………	四八

周論道而莫差·····	六
循繩墨而不頗·····	四八
覽民德焉錯輔·····	四九
夫維聖哲以茂行兮，苟得用此下土·····	五〇
夫孰非義而可用兮，孰非善而可服·····	五一
攬茹蕙以掩涕兮·····	五二
馳玉虬以乘鸞兮·····	五三
欲少留此靈瑱兮·····	五五
路曼曼其脩遠兮·····	五七
總余轡乎扶桑·····	五七
折若木以拂日兮·····	五七
鸞皇爲余先戒兮，雷師告余以未具·····	五八
吾令帝閭開關兮，倚閭闔而望予·····	五九
登閭風而縹馬·····	六〇
解佩纓以結言兮，吾令蹇脩以爲理·····	六一
紛總總其離合兮，忽緯繡其難遷·····	六二

保厥美以驕傲兮，日康娛以淫遊·····	六三
覽相觀於四極兮·····	六三
雄鳩之鳴逝兮·····	六三
索蘆茅以筵筵兮·····	六四
爾何懷乎故宇·····	六六
覽察草木其猶未得兮，豈理美之能當·····	六六
百神翳其備降兮，九疑繽其並迎·····	六六
皇剡剡其揚靈兮·····	六七
湯禹嚴而求合兮，擎咎繇而能調·····	六七
甯戚之謳歌兮，齊桓聞以該輔·····	六八
路脩遠以多艱兮，騰衆車使徑待·····	六八
恐鵲鳩之先鳴兮·····	六九
惟此黨人之不諒兮·····	七〇
椒專佞以慢偕兮·····	七〇
揚雲霓之旻藹兮·····	七三
齊玉軼而並馳·····	七三

抑志而弭節兮，神高馳之邈邈……………七三

九辯第二

宋處兮，收潦而水清……………七四

時晝晝而過中兮……………七五

超逍遙兮今焉薄……………七五

白露既下百草兮，奄離披此梧楸……………七五

余萎約而悲愁……………七六

歲忽忽而遒盡兮……………七六

印明月而太息兮……………七七

竊悲夫蕙華之曾敷兮……………七六

鳳亦不貪餒而妄食……………七六

霰雪雰糅其增加兮……………七九

自壓按而學誦……………七九

心搖悅而日率兮……………七九

何沅澨之浮雲兮，森蓬蔽此明月，忠昭昭而願見兮，

然露噎而莫達……………八〇

堯舜之抗行兮……………八〇

被荷裯之晏晏兮……………八一

九歌第三

東皇太一二條……………八三

瑤席兮玉瑱，盍將把兮瓊芳……………八三

蕙肴蒸兮蘭藉……………八五

雲中君一條……………八七

華采衣兮若英……………八七

湘君六條……………八七

薜荔柏兮蕙綢，蓀櫨兮蘭旌……………八七

望涇陽兮極浦……………八八

橫大江兮揚靈……………八九

隱思君兮徘徊……………九〇

捐余玦兮江中，遺余佩兮醴浦……………九一

采芳洲兮杜若，將以遺兮下女……………九二

湘夫人七條……………九三

帝子降兮北渚，目眇眇兮愁予。嫋嫋兮秋風，洞庭

波兮木葉下……………三

與佳期兮夕張……………五

夕濟兮西澨……………六

辛夷楣兮葳蕤……………七

罔薜荔兮爲帷……………七

寧汀洲兮杜若，將以遺兮遠者……………九

聊逍遙兮容與……………九

大司命三條……………六

踰空桑兮從女……………六

折疏麻兮瑤華，將以遺兮離居……………九

老冉冉兮既極……………一〇

少司命一條……………一〇

蓀獨宜兮爲民正……………一〇

東君一條……………一〇

噉將出兮東方……………一〇

山鬼一條……………一〇

路險難兮獨後來……………一〇

天問第四

隅隈多有，誰知其數……………一〇

天何所沓……………一〇

夜光何德，死則又育……………一〇

不任汨鴻，師何旨尙之？僉曰：『何憂？』何不課而行

之……………一〇

伯禹懷鉉，夫何目變化……………一〇

洪泉極深，何以窺之……………一〇

西北辟啟……………一〇

靡薛九衢……………一〇

鯀魚何所……………一〇

禹之力獻功，降省下土四方……………一〇

啓代益作后，卒然離孽……………一〇

帝降夷羿，革孽夏民。胡歟夫河伯，而妻彼雒嬪……………一〇

何獻蒸肉之膏，而后帝不若	二二
阻窮西征，巖何越焉	二三
白蜺嬰茀	二三
撰體協脅，鹿何膺之	二六
釋舟陵行，何以遷之	二六
妹嬉何肆	二七
厥萌在初，何所億焉	二七
登立爲帝，孰道尙之	二八
何肆犬體，而厥身不危敗	二八
孰期去斯，得兩男子	二八
而黎服大說	二八
簡狄在臺，何宜？玄鳥致貽女何喜	二九
有扈牧豎，云何而逢	二九
眩弟竝淫，危害厥兄	二九
何乞彼小臣，而吉妃是得	二九
湯出重泉，夫何臯尤	二七

到擊紂躬，叔且不嘉。何親揆發足，周之命以咨嗟？	
授殷天下，其位安施？反成乃亡，其罪伊何？爭遣	
伐器，何以行之？並驅擊翼，何以將之？	二八
昭后成遊，南土爰底。厥利惟何？逢彼白雉	二八
師望在肆，昌何識	二八

九章第五

惜誦八條	二九
忘儇媚以背衆兮	二九
壹心而不豫兮，羌不可保也	二九
中悶瞫之忼忼	二九
昔余夢登天兮，魂中道而無杭	二九
有志極而無旁	二九
欲釋階而登天兮	二九
增弋機而在上兮	二九
背膺脾以交痛兮	二九
涉江三條	二七

余幼好此奇服兮	一七
乘舸船余上沅兮	一七
齊吳榜以擊汰	一八
哀郢五條	一八
皇天之不純命兮，何百姓之震愆，民離散而相失	一八
兮，方仲春而東遷	一九
荒忽其焉極	一九
心嬋媛而傷懷兮，眇不知所躋，順風波以從流兮，	一九
焉洋洋而爲客	一九
慘鬱鬱而不通兮	二〇
謠荏弱而難持	二〇
抽思五條	二二
何回極之浮浮	二二
覽民尤以自鎮	二二
蓋爲余而造怒	二二
願承閒而自察兮	二三

軫石崖嵬，蹇吾願兮	二四
懷沙八條	二四
胸兮杳杳，孔靜幽默	二四
章畫志墨兮	二五
內厚質正兮	二六
玄文處幽兮	二六
夫惟黨人鄙固兮	二七
衆不知余之異采	二七
曾傷爰哀，永歎喟兮。世溷濁莫吾知，人心不可謂	二七
兮	二七
明告君子，吾將以爲類兮	二九
思美人五條	二九
蹇蹇之煩冤兮	三〇
因歸鳥而致辭兮	三〇
羌宿高而難當	三一
吾誰與玩此芳草	三一

解篇薄與雜菜兮，備以爲交佩……………一五三

惜往日二條……………一五三

惜往日之曾信兮，受命詔以昭詩……………一五三

惜聖君之不昭……………一五四

橘頌一條……………一五四

淑離不淫，梗其有理兮……………一五五

悲回風四條……………一五五

思不眠以至曙……………一五五

心戰戰而不形兮……………一五五

忽傾寤以嬋媛……………一五五

問茫茫之無紀……………一五七

遠遊第六

漠虛靜以恬愉兮，澹無爲而自得。聞赤松之清塵兮，

願承風乎遺則……………一五八

因氣變而遂會舉兮……………一五八

絕氛埃而淑尤兮……………一五九

吸飛泉之微液兮……………一五九

玉色頽以晚顏兮……………一六〇

崑崙噓其騰奔兮……………一六一

內欣欣而自美兮，聊嬉娛以自樂……………一六一

涉青雲以汎濫游兮……………一六一

卜居第七

將呶訾栗斯……………一六二

漁父第八

世人皆濁……………一六三

寧赴湘流……………一六四

招隱士第九

偃蹇連蜷兮……………一六六

枝相繚……………一六七

山氣龍嵒兮……………一六八

谿谷嶄巖兮……………一六九

不自聊……………一七〇

林木茂飢……………一七〇

青莎雜樹兮，蘋草露靡……………一七一

白鹿麀麀兮……………一七二

招魂第十

得人肉以祀，以其骨爲醢些……………一七三

蝮蛇秦秦……………一七三

五穀不生，秦菅是食些……………一七五

增冰峨峨，飛雪千里些……………一七六

敦歿血拇……………一七六

工祝招君……………一七九

檻層軒些……………一七九

冬有突厦……………一七九

砥室翠翹……………一八三

翦阿拂壁……………一八四

纂組綺縞……………一八五

結琦璚些……………一八五

翡翠翠帳……………一八六

肺鼈炮羔……………一八六

煎鴻鴈些……………一八六

挫糟凍飲……………一八七

晉制犀比，費白日些……………一八七

九懷第十一

尊嘉一條……………一八七

榜舫兮下流……………一八七

惜誓第十五

乃集大皇之壘……………一八八

乃至少原之壘兮……………一八八

大招第十六

大招者，屈原之所作也；或曰景差，疑不能明也……………一八九

霧雨淫淫，白皓膠只……………一九二

魂乎無東，湯谷宋只……………一九三

鼎鼎盈望，和致芳只……………一九三

吳酸蒿蓂	一九四
黏鷄陳只	一九六
四酎并執	一九六
吳醴白藥，和楚瀝只*	一九六
朱脣皓齒	一九七
麗以佳只	一九七
美目嬋只	一九八
接徑千里*	一九八
田邑千畛，人阜昌只	一九九
北至幽陵，南交趾只；西薄羊腸，東窮海只	一九九
直羸在位	二〇〇
附	
闕文一事	二〇〇
闕文存疑一事	二〇一

* 凡正、續編目下標有此符者，釋文前後有部分重複，如有異義，以後者爲定，可參閱。

-

.

楚辭解故

離騷第一

王逸《章句》：『離，別也。騷，愁也。』洪興祖《補注》：『太史公曰：『離騷者，猶離憂也。』』班孟堅曰：『離，猶遭也，明己遭憂作辭也。』顏師古云：『憂動曰騷。』

李海按：洪氏引太史公，見《史記·屈原賈生列傳》；引班孟堅，見《離騷贊序》。《史記》之敘《離騷》，實取諸淮南王《離騷傳》（觀班孟堅《序》、劉彥和《辨騷》引淮南云云可見），是以『離騷』爲遭憂，自淮南王、太史公以至班孟堅無異辭。其以離爲遭者，《離騷》曰：『進不入以離尤兮』，王《注》即以『遇禍』釋『離尤』；洪氏《補注》引《惜誦》：『恐重患而離尤』云：『離，遭也』；然《惜誦》云：『紛逢尤以離謗兮』，又以逢、離對舉，知二者於楚俗爲代語（此依用子雲舊名，見《方言·第十》），離尤卽逢尤矣；《招魂》亦云：『離彼不祥些』，並其義也。其以騷爲憂者，《屈賦》無明文，今謂卽是愁之轉語，作楚音呼之如騷耳。其明文作騷者，見於《國語·楚語上》伍舉對楚靈王之言：『德義不行，則邇者騷離，而遠者距違』，韋氏《解》：『騷，愁也；離，叛也。』是《離騷》之爲遭憂，實諸楚語而彌信，三家之言，不可易矣。蓋自王氏《章句》，輒以離別爲說，而大義始乖。《離騷》不云乎：『余既不難夫離別兮，傷靈脩之數化』，明屈子之憂，故有大於離別者，王《注》區區，徒以別愁爲言，豈靈均之志乎？宋人

弟見《楚語》有『邇者騷離』之文，不復究極同異，盡取章《解》以說《離騷》，於今觀之，其釋騷則是，說離則非也。其在《項氏家說》，既引伍舉之言，并及章《注》，乃曰：『蓋楚人之語，自古如此。屈原《離騷》，必是以離畔爲愁而賦之，其後詞人倣之，作《畔牢愁》，蓋如此矣。畔謂散去，非必叛亂也』（見《卷八說事篇》）：『《離騷》下，王應麟《困學紀聞》卷之六亦引《國語》此文及揚雄《畔牢愁》爲說，所見與項安世略同』，不思屈原見疏，乃作《離騷》（事具《史記·屈原賈生列傳》），豈『離畔』、『散去』之謂乎？項氏亦知離畔之難通，始變言散去耳；其實屈平之於懷王，豈得如項氏所云也？今謂『離畔』、『散去』，不惟不可以目屈平，并未可一切以目楚之衆人，蓋《哀郢》始云：『民離散而相失兮』，方賦《離騷》時，雖楚之衆兆，猶未至離畔、散去也。揚雄作《畔牢愁》，項、王並附會章《注》，以爲《離騷》義證，尋《漢書》本傳，雄作書又有：『反離騷』，《廣騷》，曰反、曰廣、曰畔，其屬辭略同，於《離騷》大義，故無與也。

皇覽揆余初度兮。 注：覽，觀也。揆，度也。覽一作鑒。又：覽民德焉錯輔。注：言觀萬民之中有道德者，因置以爲君，使賢能輔佐，以成其志。又：覽余初其猶未悔。注：言己上觀初世伏節之賢士，我志所樂，終不悔恨也。又：覽相觀於四極兮。覽相一作求覽。注：言我乃復往觀視四極。又：覽察草木其猶未得兮。注：察，視也。言時人無能知臧否，觀衆草尚不能別其香臭。又：覽椒蘭其若茲兮。注：言觀子椒、子蘭變志若此。又：《九章·抽思》：覽民尤以自鎮。注：尤，過也。鎮，止也。言己覽觀衆民，多無過惡，而被刑罰，非獨己身，自鎮止而慰己也。又：覽余以其脩姱。注：陳列好色，以示我也。覽一

作鑒。

季海按：王注《屈賦》：『覽』有二義：其一訓『望』，《九歌·雲中君》：『覽冀州兮有餘』是也，此自常語；其一訓『觀』（其『覽余』訓『示我』者，亦義出於此，說詳《抽思解故》），與『察』訓『視』者，義實相近。蓋楚之代語，覽亦察也，故《離騷》又言覽察矣。《老子》語楚，其云『滌除玄覽，能無疵乎？』正與《離騷》相應。明乎是，則知『覽揆』、『覽余』，一本作『鑒』者，後人不諳楚故，遂循時俗，改舊文耳。

扈江離與辟芷兮。

注：江離、芷，皆香草名。《文選》離作蘼。洪氏《補注》曰：江離說者不同，《說文》

曰：『江離，蘼蕪』；然司馬相如《賦》云：『被以江離，糝以蘼蕪』，乃二物也。《本草》：『蘼蕪，一名江離』，

江離非蘼蕪也；猶杜若一名杜衡，杜衡非杜若也。蘼蕪見《九歌》。郭璞云：『江離似水薺』，張勃云：『江

離出海水中，正青，似亂髮』，郭義恭（原引誤倒，今正）云：『赤葉』，未知孰是。又：《況揭車與江離》？離一

作蘼。又《九歌·少司命》：『秋蘭兮蘼蕪，羅生兮堂下』。洪氏《補注》曰：《爾雅》曰：『蘼，蘼蕪』，郭璞云：

『香草，葉小如菱狀』。《山海經》云：『臭如蘼蕪』。《本草》云：『芎藭，其葉名蘼蕪，似蛇牀而香，騷人借

以爲辟。其苗四五月間生，葉作叢而莖細，其葉倍香，或詩於園庭，則芬香滿徑，七八月開白花。』《管

子》曰：『五沃之土生蘼蕪』。相如《賦》云：『穹窮、昌蒲、江離、蘼蕪』，師古云：『蘼蕪，即穹窮苗也。』《綠

葉兮素枝，芳菲菲兮襲予』。注：言芳草茂盛，吐葉垂華，芳香菲菲，上及我也。枝一作華。又《九章·惜

誦》：『播江離與滋菊兮』。注：播，種也。《詩》曰：『播厥百穀。』滋，詩也。

季海按：洪云江離、蘼蕪乃二物，是也。其引郭璞以下諸家『江離』說並見《漢書·顏師古注》。尋

《司馬相如傳》錄相如《賦》云：『穹窮、昌蒲、江離、蘼蕪』。《注》既具引郭璞以下，終云：『諸說不同，未知孰是，今無識之者，然非蘼蕪也。』是洪義實自師古啓之，惟顏氏徒以『蘼蕪一名江離』爲《藥對》之誤（見顏《注》，洪氏未引），洪乃能引《說文》，亦可謂青出於藍矣。今按屈平所賦，既不出於海中，張勃《隋書》卷三十三志《經籍二》：『《吳紀》九卷，晉太學博士環濟撰。晉（當作梁）有張勃《吳錄》三十卷，亡。』今按《吳錄》言『江離』事，始見《漢書》顏師古《注》。《司馬相如傳》錄相如《賦》：『江離、蘼蕪』，《注》：『師古曰：張勃又云：『江離出臨海縣海水中，正青似亂髮。』』《史記司馬相如傳》索隱《出江離》，引《吳錄》曰：『臨海縣海（毛刻誤作開，今正）水中生江離，正青，似亂髮，即《離騷》所云者是也。』司馬貞所引有『即《離騷》』云云，視顏《注》爲加詳矣。《太平御覽》卷第九百九十九藥部七《芎藭》條：『《山海經注》曰：『號山、洞庭之山，其草多芎藭』，郭璞《注》曰：『芎藭（宋本原奪此字，今補），一名江離（宋本誤从竹），《吳錄地志》曰：『臨海縣有江離草，海水中，正青，如亂髮，乾獻之，亦鹽藏，有（原作其，依劉逵《吳都賦注》改）汁名爲濡酪，《楚辭》所云：江（宋本原脫此字，今補）離是也。』』按今《山海經》『號山』、『洞庭之山』郭《注》俱不引《吳錄》，又郭不謂江離生海水中，知《御覽》所引，不出郭《注》，其文視司馬貞所引尤爲完具，以校《吳都賦注》，知劉氏海苔注文，與《吳錄地志》所說大同，但未知二家孰爲先後耳。今《文選》劉《注》云：『乾之』者，『之』上當脫『獻』字，《赤鹽藏》，『赤』當作『亦』，惟『濡酪』字，疑當从劉《注》作『濡苔』，《御覽》字誤。然《吳錄》久亡，非宋人所得見，疑此所引，本之《修文殿御覽》也。所書，又殊乖於芳草，臨海正青似髮之叢，豈荆

楚白芷、揭車之伍？《吳錄》之謬，亦已明矣。《文選·吳都賦》：『江離之屬，海苔之類』，劉逵《注》：『江離，香草也。《楚辭》曰：『扈江離。』海苔生海水中，正青，狀如亂髮，……臨海出之。』是張勃所說，即海苔矣。左既不謂之江離，劉亦分別起《注》，知《史記》司馬相如傳索隱引《吳錄》以爲『即《離騷》所云者』，故不足憑也。夫海苔者，於《釋草》曰：『薺，海藻』，郭《注》：『藥草也，一名海蘿，如亂髮，生海中，《本草》云』，故《初學記》引沈懷遠《南越志》云：『海藻，一名海苔，或曰海蘿』，是也。郝懿行《義疏》云：『《初學記》引……張勃《吳錄》云：『陸離生海水中，正青如亂髮』，按此即海蘿，蘿與離聲相轉；又即海苔，苔與薺亦聲相轉也。』郝說是也。《吳錄》『江離』，本作『陸離』，未知孰是（疑注離之誤，《名醫別錄》『薺蕪一名』从草作）；然蘿謂之離，郝《疏》至確，自是海產，與《離騷》所云，故無涉也。郭璞曰：『江離似水薺者，水薺未知當今何物，然郭《山海經·西山經》號山：『其草多薺、薺、芎藭』《注》謂：『芎藭，一名江離』，知水薺當似芎藭矣。是自來言江離者惟餘二說：一者郭璞注《子虛上林賦》云：『芎藭』，今歷陽呼爲江離（《隋書》卷三十五志·經籍四：『梁有郭璞注《子虛上林賦》一卷』，《史記》司馬相如傳索隱：『芎藭』條引郭璞云云，當出於此）；注《山海經》璞注《子虛上林賦》一卷，《史記》司馬相如傳索隱：『芎藭』條引郭璞云云，當出於此）；注《山海經》又云：『芎藭，一名江離』者是也。按晉之歷陽，漢、晉皆屬淮南，其地正當楚分，是芎藭謂之江離，故楚語也。《楚辭》偏名芳艸，再言江離，而不及芎藭者，良以此矣。《名醫別錄》（見《重修政和證類本草》卷第七『薺蕪』下引）及《藥對》（見《史記》司馬相如傳索隱：『薺蕪』條引）俱云：『江離（《政和證類》引《名醫別錄》字俱从艸，今从陸德明《爾雅釋草》音義引），芎藭（《名醫別錄》作薺）苗也』，蓋

循楚俗；惟二者皆以爲蘼蕪之一名，則猶有所未嘗也（說詳後）。《博物志》卷第七：『芎藭苗曰江蘼，根曰芎藭』，以爲芎藭苗與《名醫》同，然不云一名蘼蕪，得之。一者郭義恭云：『赤葉紅華』者是也（見《史記》司馬相如傳索隱『江離』條引《廣志》）。按吳普《本草》云：『芎藭……葉香細、青黑、文赤，如藁本，冬夏叢生，五月華赤，七月實黑，莖端兩葉，三月採，根有節，似馬銜狀。』（見《重修政和證類本草》卷第七『芎藭』下《嘉祐補注》引『吳氏』）知郭所云，即吳氏所說芎藭狀也。今謂苟能知芎藭、蘼蕪之相別異，即江離之實可知也。尋《嘉祐補注本草》出朱字《神農本草經》，『芎藭』、『蘼蕪』，初不相亂；又出墨字《名醫》增補，於『芎藭』乃云：『其葉名蘼蕪』，於『蘼蕪』則云：『一名茝（原誤茫，今從陸氏《釋草》音義改正）蘼，芎藭苗也。』其生地、採時，頗有異同（具見《重修政和證類本草》卷第七引），學者於此，故不能無惑也。按《淮南·汜論訓》云：『夫亂人者，芎藭之與藁本也，蛇牀之與蘼蕪也，此皆相似者』；《說林訓》云：『蛇牀似蘼蕪而不能芳。』如《淮南》之言，則藁本、蛇牀之不類，猶芎藭、蘼蕪之別矣。『《嘉祐本草圖經》：『藁本』云：『葉似白芷香（《廣雅·釋草》：『山茝，藁香，藁本也』，蓋葉似白芷，故謂之山茝矣。《爾雅·釋草》：『蘼茝，蘼蕪。』陸德明《音義》：『《本草》云：『白芷，一名白茝。』按陸引《本草》，出《名醫》所增，見《重修政和證類本草》卷第八。《嘉祐補注》出朱字《神農本草經》：『白芷』下。《漢書·司馬相如傳》錄相如《賦》曰：『藁本，射干』，師古曰：『藁本，草類白芷，根似芎藭』，與《嘉祐圖經》可以互相印證。樊光云：『藁本，根名蘼茝（汲古閣本誤『延』）。』即緣此而誤，若如顏說，藁本雖根似芎藭，然不得謂之蘼蕪，樊說誤耳），又似芎藭，但芎藭似水芹

而大，藁本葉細耳』，又云：『五月有白花』（《重修政和證類本草卷第八》引），此云『似水芹而大』，正謂大葉芎藭矣，而藁本似之，是《淮南》所云『芎藭』，故指大葉者而言也。』自唐《新修本草》說芎藭有二種：一大葉，一細葉。《重修政和證類本草卷第八》：《嘉祐補注》出朱字《神農本經》『當歸』條引《唐本注》云：『當歸苗有二種：於內一種似大葉芎藭，一種似細葉芎藭，惟莖葉卑下於芎藭也』，是也。又《卷第七》：《嘉祐補注》出朱字《神農本經》『芎藭』條引《蜀本草圖經》云：『苗似芹、胡荽、蛇牀輩（原誤葦，依下引《嘉祐圖經》改），叢生，花白』；又引《嘉祐本草圖經》：『其苗四五月間生，葉似芹、胡荽、蛇牀輩，作叢，而莖細。……七八月開白花。』今按蜀及嘉祐二《本草圖經》俱云苗葉似芹、胡荽、蛇牀輩者，實兼《唐新修本草》所言：大葉、細葉二種芎藭而言之。蓋似芹者大葉，似蛇牀者細葉也。其似蛇牀者，則《重修政和證類本草卷第七》：《嘉祐補注》出朱字《神農本經》『蛇牀子』條引《蜀本草圖經》云：『似小葉芎藭，花白。』又引《嘉祐本草圖經》曰：『三月生苗，……似馬（原誤焉，今正）芹類，四五月開白花。』是也。《爾雅·釋草》：『蘼，蘼蕪』，郭《注》：『香草，葉小如萎狀，《淮南子》云：『似蛇牀』，《汜論》、《說林》皆言蛇牀似蘼蕪，郭云：『葉小』，與《淮南》正合，然則蘼蕪當爲細葉芎藭明矣。夫芎藭、蘼蕪、藁本、蛇牀，俱開白花，又略皆相似，古人或不能別，而異說紛如矣。芎藭、藁本，蛇牀、蘼蕪之亂人，《淮南》言之；吳氏《本草》云：『蘼蕪，一名芎藭』（見《太平御覽卷九百八十三香部三》『蘼蕪』條引），《名醫》既云：『芎藭，其葉名蘼蕪』，又云：『蘼蕪，芎藭苗也』（見《重修政和證類本草卷第七》引），其實唐人所謂細葉芎藭者名蘼蕪，大葉者當正名芎藭，

非蘼蕪也。觀淮南、郭璞之言可知矣。蓋自吳普《名醫》之書行，而《淮南》之文，幾不可復理。唐《新修本草》於蘼蕪乃云：『此有二種：一種似芹葉，一種如蛇牀，香氣相似，用亦不殊爾』（見《重修政和證類本草》卷第七）；《嘉祐補注》出朱字《神農本草經》『蘼蕪』下引《唐本注》，蓋爲《名醫》所誤，其實似芹葉者乃芎藭，如蛇牀者方是蘼蕪耳。其初當緣二者『香氣相似，用亦不殊』，《本草》家或以相代，而漢東京以降，寢至不甚分別，季漢、三國時人增益《本經》，吳普則合二者爲一，《名醫》遂以苗葉之說實之，不知西京故不爾也。若云『蘼本，一名蘼蕪』，則樊光惑焉（見《史記司馬相如傳索隱》『蘼蕪』條引。郝懿行《爾雅義疏·釋草》『蘼蕪』下云：『蘼本葉圓如蘇，與蘼蕪異，樊《注》非矣』，是也）。今謂楚人言江離，自指大葉芎藭，晉歷陽語可證也。漢東京以還，芎藭、蘼蕪，名實漸亂，故《說文·艸部》曰：『江離，蘼蕪也。』季漢人以蘼蕪爲芎藭苗，故《名醫》增益《神農本草經》輒云：『蘼蕪，一名江離，芎藭苗也』，不悟《離騷》再言『江離』，都不云『蘼蕪』，《九歌》別自有蘼蕪，故判然二物，顏、洪之說竝是也。《史記司馬相如傳索隱》『江離』條云：『按今芎藭苗曰江離，綠葉白華者，以江離爲芎藭苗，故襲《名醫》之說矣。顏師古當隋唐之際，於江離遂云『今無識之者』，非不能識，莫能正名而已。若吳氏說芎藭，《廣志》說江離，與羣書所記，一皆不合，義既隱僻，今亦弗取，姑記於此，以俟知者論定爾。

蘼江離與辟芷兮。《注》：辟，幽也，芷幽而香。劉師培《楚辭考異》：案原本《玉篇·艸部》引『辟』作『靡』。季海按：劉引《艸部》，又謂字作『靡』，皆誤記。尋原本《玉篇·艸部》：『辟（原誤辟，今正，下文放

此)，孚赤反。《楚辭》：「扈（原作厖，無以下筆）江離與辟芷，王逸曰：「辟，幽也。」《說文》：「辟，仄（原誤厖，今正）也。」是也。唐諸家韻書，增補陸生《切韻》，亦嘗采摭及此。敦煌唐寫本王仁昫《刊謬補缺切韻》殘卷（P二〇一一）《十七昔》、敦煌本唐末五代刊唐人韻書殘卷（P五五三一之一）《廿一錫》（與昔同，王仁昫引李韻正如此，是李季節《音譜》所定，與唐韻有時而合也）俱出：「辟（原作厖，今正），幽」（敦煌唐寫本《切韻》殘卷：S二〇七一《十七昔》「芳辟反二」錄「僻、癖」而已。法言原書，雖眇不可覩，然賴此卷，足明本紐初無三文，王韻以下又出「辟」者，自屬唐人新撰），即本王《注》，雖「厖」誤加點，致「广」不分，而「广」形故在，猶足與《說文》、《玉篇》相證也。今謂平賦「辟芷」，猶稱「幽蘭」，《湘君》不云乎：「橫流涕兮潺湲，隱思君兮徘徊。」曰幽，曰僻，曰徘徊，凡以見「離居」之情而已。

扈江離與辟芷兮。 注：江離、芷皆香草名。豈維初夫蕙芷？注：蕙、芷皆香草。雜杜衡與芳芷。注：杜衡、芳芷皆香草也；又《九章·思美人》：「馳大薄之芳芷兮。」擊一作搯，芷一作芷。擊木根以結芷兮。（《太平御覽》卷第九百八十三香部三）《白芷》下引《楚詞》曰：「擊木根以繫（宋本原誤潔，今正）芷兮。」《文選》：擊作擊。洪氏《補注》曰：《荀子》云：「蘭槐之根是爲芷。」《注》云：「苗名蘭槐，根名芷，然則木根與芷，皆喻本也。又：申之曰攬芷。一云：又申之攬芷。蘭芷變而不芳兮。又《九章·悲回風》：「蘭芷幽而獨芳。」芷一作芷。又《九歌·湘夫人》：「沅有芷兮醴有蘭。」注：言沅水之中，有盛茂之芷，醴水之內，有芬芳之蘭。芷一作芷，醴一作醴。洪氏《補注》曰：《水經》云：「醴水又東南注於沅水，曰醴口，蓋其枝瀆

耳』，引『沅有芷兮澧有蘭』。辛夷欄兮葯房。注：葯，白芷也。洪氏《補注》曰：『《本草》：『白芷，楚人謂之葯』，《博雅》曰：『芷，其葉謂之葯』。芷葺兮荷屋。一本葺下有之字。

季海按：《說文·艸部》：『葺，楚謂之離，晉謂之葺，齊謂之芷，从艸，聿聲。』段玉裁《注》：『芷，《本艸》經謂之『白芷』，葺、芷同字，匪聲、止聲，同在一部也。』《內則》曰：『佩悅離蘭。』掌禹錫曰：『《范子計然》云：『白芷出齊郡。』王逸《九思》曰：『芳葺兮挫枯。』《埤蒼》曰：『齊芷，一曰葺。』按《屈原賦》有芷、有芷，又有葯，王《注》曰：『葯，白芷也。』《廣雅》曰：『白芷，其葉謂之葯』，《說文》無葯字，聿聲、約聲，同在一部，疑葺葯同字耳。』段云：『芷、芷同字』，是也。《重修政和證類本草卷第八》：『嘉祐補注』出朱字《神農本草經》『白芷』下，《名醫》云：『一名白芷，一名葺』，是《名醫》謂《說文》之芷，即白芷矣。《史記秦始皇本紀索隱》出『昭襄王享國五十六年葬芷陽』，《注》云：『十九年而立，葬芷陵也。』芷、芷，古今字耳。『齊謂之芷』，段引《范子計然》正合。凡《楚辭》言芷，俱謂芷耳。《離騷》云『芳芷』，《九章》作『芳芷』，《離騷》云『蘭芷』，《九章》作『蘭芷』，《內則》亦云『芷蘭』矣。是芷謂之芷，亦齊楚間通語矣。今《楚辭》芷、芷字互見者，亦猶葺、葺字互見，後人或以今字改故書，有不盡耳。段『疑葺、葯同字』者，《山海經·中山經》：『其草多離芷、多葯』，郭《注》：『即離』，與段義相成，但不云同字耳。惟郝氏《箋疏》駁之云：『懿行案郭云：『葯，即離』，非也。《西次四經》號山：『草多葯離』，郭既分釋於下，此《注》又謂一葯，誤也。《玉篇》云：『葯，白芷葉，即離也』，又承郭《注》而誤。』尋《西山經》號山：『其草多葯、離、芎藭』，《注》：『葯，白芷別名。離，香草也』，此

《注》既與《崆山》郭《注》不合，一如郝《疏》所譏；又吳仁傑《離騷草木疏卷第一》：「《蒹葭》」云：「又《山海經》號山：『草多葍葍』，《崆山》：『草多葍』，郭璞《注》：『葍，即葍』；又云：『而葍與葍（原誤葍，今正）葍，文有詳略耳，如葍一名葍，若一名陵苕也』，都不言二山郭《注》異同，亦不引《號山》《注》，頗謂今本此《注》乃宋以來人據他書加之，非郭意也，吳氏所見，尙無此謬耳。然《號山》經文云：『葍葍』者，郭不應無《注》，疑此《經》本云：『其草多葍』，與《崆山》經文言『葍』者相錯，故郭彼《注》云：『即葍』，以明二名故一實也。吳氏所見，已云『葍葍』者，蓋校書人依郭義旁注，寫者不省，併作《經》文耳，亦可本是郭《注》，與《經》文相亂也。

《說文》：『蒹，楚謂之蒹者，段氏《注》云：『下卽系以蒹篆云：『江蒹，蒹葍』，以蒹、江蒹、蒹葍爲一物，殊不可曉。』《離騷》曰：『扈江蒹與（原作於，段誤記）辟芷兮』，非一物明矣。』又云：『而《說文》以蒹葍釋江蒹，且以江蒹卽楚人謂蒹者，但楚謂蒹爲蒹，不云謂蒹爲江蒹也。蓋因《釋艸》有『蒹葍，蒹葍』之文而合之，蒹與蒹葍又未必一物也。』（見『蒹葍』字《注》）今按：蒹非江蒹，蒹非蒹葍（《廣韻》六止：『蒹』下引《字林》云：『蒹葍別名』，當本《唐韻》。若孫愐所引不誤，是呂忱殊未知二者初非一物也），段說竝是也。許君所記，未詳所出，其所謂楚，亦未知當楚何地；要之，屈《賦》但謂之蒹，不謂之蒹，是知此非楚之通語，與三閭遺言，故不相應也。

《重修政和證類本草卷第八》：《嘉祐補注》出朱字《神農本草經》『白芷』下，《名醫》云：『一名白蒹，一名葍，一名莞，一名苕蒹，一名澤芬，葉名葍麻』，則又緣誤認《說文》之『蒹』爲『苕蒹』，遂以蒹、葍、

莞、苻離爲一物也。吳氏《離騷草木疏》：「《蕝(葍)》云：『至《黑字》云：『一名蕝，一名苻離，葉名蕝麻』，乃諸醫以《爾雅》文傳益者也，是豈足據哉？』吳訂《名醫》之失，是也。然吳亦以《說文》之『蕝』爲『苻離』，以附會《爾雅》『莞、苻離』之文，因云：『《離騷》所謂蕝、葍者，指莞蒲言之，非白芷別名』，是『楚則失矣，而齊亦未爲得也』。

孫星衍、孫馮翼輯《神農本草經卷二》：『白芷下，吳普曰：『白芷，一名蕝，一名苻離，一名澤芬，一名蕝』（孫引《御覽》見卷第九百八十三香部三）『白芷』條引《吳氏本草》。是《名醫》以芷、蕝、苻離、蕝(莞)爲一物，與吳普正同。孫氏於本條下系以考證云：『按《名醫》『一名莞』云云，似卽《爾雅》『莞、苻離，其上蕝』，而《說文》別有『蕝，夫離也』，「蕝，夫離上也」，是非一草。舍人云：『白蒲一名苻離，楚謂之莞』，豈蒲與蕝相似，而《名醫》誤合爲一乎？或《說文》云：『楚謂之蕝』，卽夫離也？未可得詳。』孫辨《名醫》之誤，是也；其疑『蕝卽夫離』者，則自吳普以逮吳仁傑，皆坐此失之矣。

晉三后之純粹兮。

注：后，君也。謂禹、湯、文王也。至美曰純，齊同曰粹。

季海按：《遠遊》：『精醇粹而始壯』，王《注》：『我靈強健，而茂盛也』，洪氏《補注》：『班固云：不變曰醇，不雜曰粹。』《補注》所引，卽出班氏《離騷經章句》；然宋世久亡，蓋從《文選·魏都賦》：『非醇粹之方壯』；劉淵林《注》轉引得之。據孟堅此《注》，知《離騷》故書本作『醇粹』，與《遠遊》同矣。

雜申椒與菌桂兮。

注：菌，薰也。葉曰蕝，根曰蕝。五臣云：椒、菌桂，皆香木。洪氏《補注》曰：《博雅》

云：「茵，薰也，其葉謂之蕙」，則茵與蕙一種也。下文別言「蕙茝」，又云：「喬茵桂以紉蕙」，則茵桂自是一物。《本草》有茵桂，花白葉黃，正圓如竹，茵一作箇，其字從竹，五臣以爲香木，是矣。

季海按：洪說是也。《文選·蜀都賦》：「於是乎邛竹緣嶺，茵桂臨崖」，劉逵《注》：「《神農本草經》曰：『茵桂，出交趾，圓如竹，爲衆藥通使』」，一曰：「茵，薰也。葉曰蕙，根曰薰。」是淵林作《注》時「茵桂」已著於《本草》，《重修政和證類本草》卷第一《梁陶隱居《序》》：「舊說皆稱神農本經，余以爲信然。……至於藥性所主，……至于桐雷，乃著在於編簡，此書應與《素問》同類，但後人多更修飾之爾。……今之所存，有此四卷（臣禹錫等謹按：……四字當作三，傳寫之誤也），是其本經，所出郡縣，乃後漢時制，疑仲景、元化等所記。」又《嘉祐補注》引《唐新脩本草》云：「惟梁《七錄》有《神農本草》三卷。」故陶隱居云：「按本經惟有茵、牡二桂」（見《重修政和證類本草》卷第十二《桂》下《嘉祐補注》引）也。劉引一說，全寫叔師《章句》之文，都不云箇、茵字異，明「茵桂」字初不从竹也（吳仁傑《離騷草木疏》卷第二《茵》下云：「蓋桂之似竹者曰「箇桂」，其字从竹」，其實不然。王念孫《廣雅疏證》卷第十上釋草：「箇、籥，箭也。」子引之述云：「箇之言圓也。《說文》云「圓謂之困，方謂之京」，是困圓聲近義同。箭竹小而圓，故謂之箇也。竹圓謂之箇，故桂之圓如竹者，亦謂之箇，《名醫別錄》云：「茵桂正圓如竹」是也。」王謂：「困圓，聲近義同」，最是知微之論。茵、箇同从困聲，即俱有圓義，是茵桂故以正圓得名耳。《離騷》字不从竹，故王逸以薰蕙說之，後人紛紛改字，徒亂故書而已）。晉永興元年振威將軍襄陽太守嵇含撰《南方草木狀》卷中云：「桂生合浦，生必以高山之

巔，冬夏常青。其類自爲林，間無雜樹。交趾置桂園，桂有三種：葉如柏葉，皮赤者爲丹桂，葉似柿葉者爲菌桂，其葉似枇杷葉者爲牡桂，其狀三桂詳矣。《山海經·南山經》招搖之山：『多桂』，郭《注》：『桂葉似枇杷，長二尺餘，廣數寸，味辛，白華，叢生山峯，冬夏常青，間無雜木。』《呂氏春秋》曰：『招搖之桂。』郝氏《箋疏》：『懿行案《爾雅》云：『檜，木桂』，郭《注》與此同。』今尋郭《注》所說，卽牡桂矣。《山海經·海內經》：『南海之內有衡山，有菌山，有桂山』，郭《注》：『或云：『衡山有菌桂』，桂員似竹，見《本草》。』此景純明引《本草》，以釋菌桂，與淵林所引正合。吳仁傑《離騷草木疏》『菌』下引《山海經》『桂山、格山』郭《注》及此《經》、《注》，乃曰：『按菌與桂爲兩物，如桂與格也』，不思『菌』之與『桂』，縱是兩物，初無害『菌桂』之爲一物也（郭此《經》、《注》，卽以爲一物）。吳引郭《注》，欲以破洪，適足證成洪義。其字从竹、从草之分，稽之羣籍，都無其徵，洪引一本，蓋不足據（《重修政和證類本草》卷十二『桂』下錄《開寶重定本草》引陳藏器《本草拾遺》云：『筒卷者，卽菌桂也，以嫩而易卷。古方有筒桂字，似菌字，後人誤而書之，習而成俗，至於書傳，亦復因循。』《重修政和本草》又引蘇頌《本草圖經》曰：『舊說：菌桂正圓如竹，有二三重者，則今所謂『筒桂』也。筒箇字近，或傳寫之誤耳。或云：卽肉桂也。』此皆以菌桂爲筒桂之誤，然《重修政和本草》『桂』下《嘉祐補注》又引《唐新脩本草》云：『菌桂，葉似柿葉，中有縱文三道，表裏無毛而光澤，……今按桂有二種，惟皮稍不同：若菌桂，老皮、堅板、無肉，全不堪用；其小枝薄卷及之（疑當作皮二）三重者，或名菌桂，或名筒桂。其牡桂嫩枝皮名爲肉桂，亦云桂枝，其老者名木桂，亦名大桂』，

如蘇恭所說，則菌桂之『小枝薄卷及之三重』者始有筒桂之名，其老皮、堅板、無肉者，卽不謂之筒桂，又安得以菌桂爲筒桂之譌耶？恭說菌桂葉似柿葉，與嵇含書合，而言之彌詳，當緣目驗，其書宜尤可信耳。蓋藏器始爲字誤之說，《唐本草》修於顯慶中，猶無此論也，吳氏又引陳藏器說，尤而效之，故其失彌遠已。然《七諫·自悲》：『飲菌若之朝露兮，構桂木而爲室』，《九懷·匡機》：『菌閣兮蕙樓』，《九歎·怨思》：『菴蘿蕪與菌若兮』，俱以菌、桂爲二物，是《章句》所說，乃東方朔、王褒、劉向以來舊義，蓋南中草木，時出北方學者見聞之外，《楚辭》先師，故有所未究也。

《重修政和證類本草卷第十二》：『菌桂，味辛溫，無毒。主百病，養精神，和顏色，爲諸藥先聘通使。久服輕身不老，面生光華，媚好常如童子。生交趾、桂林山谷巖崖間，無骨，正圓如竹，立秋採。』凡字旁無點者，《嘉祐補注》所出朱字，《神農本草經》，其加點者墨字，《名醫》因神農舊條而有增補者也。劉遵《注蜀都賦》引《神農本草經》已云：『出交趾，圓如竹，爲衆藥通使』，則知《名醫》所增，有在淵林前者，但尙未言桂林亦出菌桂耳。《嘉祐補注》引陶隱居云：『交趾屬交州，桂林屬廣州，而《蜀都賦》云：『菌桂臨崖』，俗中不見正圓如竹者，惟嫩枝破卷成圓，猶依桂用，非真菌桂也。《仙經》乃有用菌桂，云『三重者良』，則明非今桂矣。必當別是一物，應更研訪。』又引《唐新脩本草》云：『菌者竹名，古方用筒桂者是，故云『三重者良』，其筒桂亦有二三重卷者，葉（原誤集，今正）似柿葉，中三道文，肌理緊薄如竹，大枝小枝皮俱是菌，然大枝皮不能重卷，味極淡薄，不入藥用，今惟出韶州。』今按陶稱菌桂，不云筒桂，唐本草所云『古方用筒桂』，考之陶記，實未必然。其小枝皮能重

卷者，豈非陶所云『惟嫩枝破卷成圓，猶依桂用』者邪？然陶不以此爲真菌桂，是所謂『正圓如竹』『三重者良』，自梁以來，故不無異義也。

同卷《嘉祐補注》：臣禹錫等謹按蜀本《圖經》云：『葉似柿葉而尖狹光淨，花白藥黃，四月開，五月結實，樹皮青黃，薄卷若筒，亦名筒桂。厚硬味薄者名板桂，又不入藥用。三月、七月採皮日乾。』洪引《本草》：『花白藥黃。』正出於此。

豈維初夫蕙茝。注：蕙、茝，皆香草。洪氏《補注》曰：《本草》云：『薰草，一名蕙草，生下溼地。』陶隱居云：『俗人呼蕙草，狀如茅而香，爲薰草，人家頗種之』，引《山海經》云：『薰草，麻葉而方莖，赤花（按此出《西山經浮山》，今本字作華）而黑實，氣（今作臭）如薜蘿（今本多『佩之』二字），可以已厲（今作癘）。』又《廣志》云：『蕙草，綠葉紫花。』陳藏器云：『此卽是零陵香，生零陵山谷，《南越志》名蕙草。』

季海按：郝氏《西山經浮山箋疏》云：懿行案《史記司馬相如傳索隱》引《本草》云：『薰草一名蕙，《廣志》云：『蕙草綠葉紫華（原誤莖，今从洪引並探下文改），魏武帝以此燒香』，今東下田有（汲古閣校刻《索隱》單行本有『此』字）草，莖葉似麻，其華正紫也。』（據《重修政和證類本草》薰草在《唐本退二十種》中，出《名醫別錄》，《索隱》引《本草》及《廣志》云云，疑并出陶隱居《別錄》，其稱『今東下田』云者，並是陶語，如《重修政和證類本草》卷第七『蘭草』引陶隱居云：『今東間有煎澤草，名蘭香，亦或是此也』；又《卷第八》『白芷』引陶云：『今出近道，處處有，近下濕地，東間甚多』，其言『今東』云者，着語正復相似，但《政和證類》『薰草』下引陶書不完，故未見有《廣志》以下所云也。然《政和證

類引陶有《藥錄》《山海經》之文，與《廣志》以下所說華集正合，明此文故可本出陶氏也。又《西山經》蟠冢之山：『有草焉，其葉如蕙。』郭《注》：『蕙，香草，蘭屬也；或以蕙爲薰葉，失之。』郝氏《箋疏》云：『懿行案《廣雅》云：「茵，薰也。其葉謂之蕙」，本《離騷》王逸《注》爲說也。《廣雅》又云：「薰草，蕙草也」，故《南方草木狀》云：「蕙草一名薰草」，是蕙卽薰也。《草木狀》又云：「葉如麻，兩兩相對，氣如薜蘿，可以止癘，出南海」，與上文《浮山》「薰草」，名義相合，是張揖、嵇含，竝以蕙薰卽爲一草，但不以蕙爲薰葉耳。郭氏不從《離騷》注，故云「失之」。今尋《西山經》或言薰，或言蕙，又都不言根葉之異，且《浮山》方舉麻葉以曉人，而《蟠冢》之草，又云其葉如蕙，彌使人疑，頗謂《山經》之文，本非一草，初非一經之中，其名歧出也。薰草麻葉，《山海經》、《藥錄》（《重修政和證類本草卷第三》）《唐本退二十種：薰草》下引陶隱居云：『《藥錄》云：「葉如麻，兩兩相對」』、《南方草木狀》備言之，故當不謬，唐人又以爲零陵香（見《重修政和證類本草卷第九》「零陵香」下，又《卷第三》「薰草」下引陳藏器《本草拾遺》），然《古方但用薰草，而不用零陵香》（語本蘇頌《本草圖經》，見《重修政和證類本草卷第九》「零陵香」引），《政和證類》有「零陵香」者，本出開寶所增耳，知在昔惟有薰草而已（王念孫《廣雅疏證卷第十上釋草》：『薰草，蕙草也。』子引之述云：『《倍四年左傳》：「一薰一蕕」杜《注》云：「薰，香草。」《西山經》云：「浮山有草焉，名曰薰草。麻葉而方莖，赤花而黑實，臭如薜蘿，佩之可以已癘。」古者祭則養之以祿，《周官鬱人疏》引《王度記》云：「天子以鬯，諸侯以薰，大夫以蘭，苾」是也。或以爲香燒之，《淮南·說林訓》云：「腐鼠在壇，燒薰於宮。」《漢書·龔

勝傳云：「薰以香自燒」是也。凡此諸文，都不言蕙，淮南語楚，亦但云「燒薰」而已。王疏下文又引離騷此句及西山經云：「天帝之山，下多菅蕙」，不悟西山經蕙、蕙判然，未嘗混爲一草也。《名醫別錄》始附於《本草》，其以此草爲「一名蕙草」，亦始於是，觀《廣志》所說蕙草狀，正是古之薰草，《魏武帝以爲香燒之》，亦猶淮南說林訓、漢書龔勝傳所云也。而謂之蕙草，則从《本草》《廣雅》之今名也。而南方草木狀繼之，是薰彼蕙名，殆行於吳晉之間乎（《政和證類卷第七》《蘭草》出墨字《名醫》所增有云：「生大吳池澤」，當出吳人所記，又劉達注《蜀都》引《本草》語頗有在《名醫》錄中者，是其書當不晚於季漢孫吳之世也）。至於《廣雅》所記，自有二說：其曰「茵，薰也，其葉謂之蕙」者，郝氏謂本《離騷》王注是也；然以蕙爲葉稱，知不名蕙草矣，《名醫》所錄，稽含所狀，與此薰當非一物耳。《廣雅》又云「薰草，蕙草也」者，正與《名醫》所出相當，稚讓魏人，俱當季漢時，見聞故不相遠耳。稚讓既兼載兩說，是未嘗并爲一談也。郝氏具引其文，而又云「張揖、嵇含，並以薰蕙卽爲一草，但不以蕙爲薰葉」者，其言既自相矛盾，又未悟稚讓所記，前後故是兩物也。陳藏器《本草拾遺》云：「薰卽蕙根。」（見《政和證類卷第九》《零陵香》下《嘉祐補注》引，又《卷第三十》《薰草》下《嘉祐補注》引）亦由比附舊文，不加別異，故有此失也。《政和證類卷第三十》《薰草》下引陶隱居云：「俗人呼蕙草狀如茅而香者爲薰草，人家頗種之。《藥錄》云：「葉如麻，兩兩相對。」《山海經》云：「薰草，麻葉而方莖，赤花而黑實，氣如薜蘿，可以已癘。」今市人皆用蕙草，此則非，今詩書家多用蕙者（原作諸誤，以意改），而竟不知是何草，尙其名而迷其實，皆此類

也。按如陶所言，是蕙草不得爲薰草，既云狀如茅，是不得葉如麻矣。其曰薰草者，俗人以其香遂被以香草之名而已，故曰『此則非』者，陶意不謂《名醫》所增《本草》所出卽此蕙草之香者也。然則《政和證類》卷第九《開寶》所增『零陵香』下云『生零陵山谷，葉如羅勒。《南越志》名燕草，又名薰草，卽香草也。《山海經》云：『薰草，麻葉方莖，氣如薝蔔，可以止癰』，卽零陵香也』者，非陶意也。其所謂燕草者，又未必如陶所云也。《蟠冢之山》郭《注》云『或以蕙爲薰草，失之』者，郝謂郭氏不從《離騷》注，是也。蓋王、張所說薰草謂之蕙者，既無當於《山經》，亦不可以注《名醫別錄》，蓋別是一物，未知當今何草也。若薰草麻葉亦曰蕙草者，自是南方草木，嵇含所謂『中州之人，或昧其狀』者是矣。然此二者，都不近蘭，故郭注《蟠冢》，並無取也。探《離騷》下云：『余既滋蘭之九畹兮，又樹蕙之百畝』，知蕙亦蘭儔，故先於留夷、揭車之屬矣。是《楚辭》稱『蕙』，《蟠冢》郭《注》以爲『香草、蘭屬』者，庶幾近之。《重修政和證類本草》卷第三十『有名未用』中有『蕙實』：『生魯山平澤』。《嘉祐補注》引陳藏器《本草拾遺》云：『五月收，味辛香，明目止氣，是蘭蕙之蕙』，豈卽景純所云邪？（吳仁傑《離騷草木疏》卷第一『蕙』下亦引《本草》『蕙實』爲說，而又主山谷云云，其實二家之說，未見其爲一物也。）

何桀紂之猖披兮？夫唯捷徑以窘步。 注：猖披，衣不帶之貌。捷，疾也。徑，邪道也。窘，急也。言桀紂愚惑，違背天道，施行惶遽，衣不及帶，欲涉邪徑，急疾爲治，故身觸陷阱，至于滅亡，以法戒君也。猖一作昌，《釋文》作倡。披一作被。唯一作維。

季海按：云『倡披（依《釋文》本），衣不帶之貌』者，以喻桀紂之政教墮弛，法度敗壞也。此平自設問：『何桀紂之政教墮弛，法度敗壞乃爾乎？』『夫唯』以下乃自答曰：『祇以捷徑窘步之故也。』楚人言『夫唯』，猶云『祇以』、『正因』之比，多用於詮釋所由。《老子》凡稱『夫唯』，每與『故』或『是以』連文（如云『夫唯弗居，是以不去』、『夫唯不可識，故強爲之容』，不備舉），其義可見已。《離騷》下云：『夫唯靈脩之故也』，其指陳事物之故正同。又云：『夫維（猶『夫唯』，上文唯一作維也）聖哲以茂行兮，苟得用此下土』，王《注》云：『哲，智也。下土，謂天下也。言天下之所立者，獨有聖明之智，盛德之行，故得用事天下，而爲萬民之主。』尋叔師之言，妙達屈平辭氣，其曰『故得』云云，信足爲楚語傳神矣。學者於此，或漫不加省，故詳說之爾。

指九天以爲正兮。

注：言已將陳忠策，內慮之心，上指九天，告語神明，使平正之。五臣云：言我指

九天，欲爲君行正平之道。

季海按：《九歌·少司命》云：『登九天兮撫彗星』。又云：『蓀獨宜兮爲民正』。注：『言司命執心公方，無所阿私，善者佑之，惡者誅之，故宜爲萬民之平正也。』《九歌》之作，因乎楚俗，明此云『指九天以爲正』者，蓋上告司命之辭。又賈誼《新書·耳痺篇》：『大夫種拊心嗚啼沫泣而言信，割白馬而爲犧，指九天而爲證。』平爲此言，其情同爾。大抵古事古言，取證不遠，後人第弗暇考，而異說紛如矣。五臣云云，何其迂謬！

畦留夷與揭車兮。

注：留夷，香草也。揭車，亦芳草，一名芑輿，揭一作藹。洪氏《補注》曰：相如《賦》

云：『雜以留夷』，張揖曰：『留夷，新夷』，顏師古曰：『留夷，香草，非新夷，新夷乃樹耳。』一云：『留夷，藥名。』《爾雅》：『藕車，芎藭。』《本草拾遺》云：『藕車味辛，生彭城，高數尺，白花。』

季海按：《漢書·揚雄傳》錄《甘泉賦》曰：『列新雉於林薄』，服虔曰：『新雉，香草也。雉、夷聲相近。』師古曰：『新雉即辛夷耳，爲樹甚大，非香草也，其木枝葉皆芳。』今謂師古《漢書》二《注》皆是也。後漢以來說辛夷者，惟顏氏爲能徵實矣。《山海經·北山經》繡山：『其草多芍藥、芎藭』，郭《注》：『芍藥，一名辛夷，亦香草屬。』郝氏《箋疏》：『懿行案《廣雅》云：『辛夷，芍藥也。』張揖注《上林賦》云：『留夷，新夷也。』新與辛同，留攣聲轉。王逸注《楚詞·九歌》云：『辛夷，香草也』，是攣夷即留夷，《離騷》之留夷，又即《九歌》之辛夷，與芍藥正一物也。郭《注》本《廣雅》及《楚詞》。郝云：留、攣聲轉，留夷即攣夷，與芍藥爲一物；新與辛同，新夷即辛夷，竝是也。然謂留夷即辛夷，尙承漢晉諸儒之誤；蓋自王逸以逮服虔、張揖、郭璞，於南州嘉樹，故猶有所未諳也。《重修政和證類本草》卷第八《朱字·神農本草經》有『芍藥』，又《漢書·司馬相如傳》錄相如《賦》曰：『勺藥之和。』師古《注》：『勺藥，藥草名。其根主和五藏，又辟毒氣，故合之於蘭桂五味，以助諸食，因呼『五味之和』爲『勺藥』耳。……今人食馬肝、馬腸者猶合勺藥而煮之，豈非古之遺法乎？』留夷即芍藥，故一云『藥名』矣。

又按：郝懿行《爾雅義疏》云：『《御覽》引《廣志》云：『藕車香，味辛，生彭城，高數尺，黃葉白華。』《齊民要術》云：『凡諸樹有蛀者，煎此香冷淋之，即辟也。』《尋《御覽》引《廣志》，與洪氏《補注》引《本

草拾遺》文略同，然此文實出陳藏器，其爲《廣志》之文者，止『黃葉白華』一語耳。《重修政和證類本草卷第十》『二十五種陳藏器餘』云：『藹車香，味辛、溫，主鬼氣、去臭及蟲魚蛙蚰，生彭城，高數尺，白花。《爾雅》曰：『藹車，葇輿。』郭《注》云：『香草也。』《廣志》云『黃葉白花』也。』此下又云：『《海藥》（當卽《南海藥譜》省稱）按：《廣志》云『生海南山谷』，陳氏云『生徐州』，微寒無毒，主霍亂，辟惡氣，薰衣甚好。《齊民要術》云：『凡諸樹有（原誤封木，今从《御覽》）蛙者，煎此香冷淋之，善辟蛙蚰也。』其《海藥》以上所引，卽出陳氏《本草拾遺》，《御覽》引《廣志》云云，具見於此矣。知非陳氏全襲《廣志》者，陳云『白花』，《廣志》云『黃葉白花』，陳云『生彭城』（《南海藥譜》引云『生徐州』，徐州卽彭城，地望不殊耳），《廣志》云『生海南山谷』（見《海藥》引），此其異也，今《御覽》所引乃云『生彭城』，不云『生海南山谷』，是知正是陳書，非《廣志》也。推其致誤之由，當緣篇末『黃葉白花』一語，明引《廣志》，遂謂全文皆出於此，又移其名於簡端耳。

夕餐秋菊之落英。

注：英，華也。又《九歌·少司命》：『秋蘭兮麝蕪。』秋一作穠。《禮魂》：『春蘭兮秋菊。』

菊一作鞠。

季海按：《說文·禾部》：『秬，禾穀孰也，从禾，龜省聲。籀文不省。』今《離騷》『秋』从省聲，《少司命》本或不省，蓋从籀文。秦兼天下，李斯作《倉頡篇》，始『取史籀大篆，或頗省改』，原《賦》在《倉頡》前，其故書正當不省耳。又尋《說文·艸部》：『菊，大菊，蓬麥。』《蕪》，日精也，以秋華，从艸，鞠省聲。《蕪》，鞠或省。』是秋菊字當作蕪，《夏小正》『九月榮鞠』，《月令》『鞠有黃華』，皆段鞠爲之。《禮

魂。菊一作鞠，蓋《楚辭》舊本如是，《離騷》作菊者，後人以今字改故書爾。菊曰英者，《爾雅·釋草》：『榮而不實者謂之英』，郝氏《義疏》引《詩》『顏如舜英』及《離騷》此文是也。

長顙顙亦何傷？

注：顙顙，不飽貌。言已雖長顙顙，飢而不飽，亦何所傷病也。洪氏《補注》：顙，虎感切，戶感切；又：上，古湛切，下，魚檢切。顙顙，食不飽而黃貌。顙，一作頤，音同。

季海按：日本古寫《文選集注》殘卷卷第六十二：《離騷經》文及王《注》，『顙顙』（顙當作頤，洪引一本是也）並作『減淫』（原从俗作『減淫』，今正），《集注》出《音決》：『顙，口感反，《玉篇》：呼感反，顙，胡感反。曹：減淫二音』；陸善經曰：『顙顙，亦爲減淫』（減原作『咸』，今从《集注》所出《經》本校改）——是唐人所傳《文選》，此句蓋有二本：一曰顙顙，公孫羅、陸善經本如是，今所見宋尤延之刻李善《注》本及宋刻六臣《注》本亦皆如是，正與今《楚辭》同耳；一曰減淫，《文選集注》殘卷及陸善經所記別本如是，《集注》故以李善《注》爲本，而兼出諸家異同者，善之學原出曹憲之傳，則此句直書『減淫』，與《音決》所記曹讀相應，亦無足怪，但《集注》於此，未知爲即據李本，抑但依曹音改字耳。家藏琴川毛氏本《文選》舊有朱筆過錄何義門批校極精好，此『顙』字之半是本乃似『咸』非『成』，剗改殊不成字，何校左半作『減』，是何氏所據舊本字作『瀕』矣。何校所出宋本非一，此雖未言所自，然偏旁尙从減作，是猶傳曹音消息於微茫之際，亦彌足貴已。若字遂作『瀕』者，當緣本是校人旁注『減』字，傳者不審，遂致誤合二本爲一耳。尋《說文·頁部》：『顙，飯不飽，面黃起行也，从頁，咸聲，讀若戀』，『顙』面顙顙兒，从頁，齏聲，文正相次，明从許君，不飽貌，當以『顙顙』爲本字（段

玉裁《說文解字注》：『顛』字下引《離騷》此句，是也；又云：『《離騷》假借顛爲『顛』，許書單出顛篆云「面黃也」，此恐淺人所增』，亦是也。曹作『滅淫』二音者，滅卽顛音（洪云：『又，古湛切』者，卽此音），淫卽顛音耳。《說文·邑部》：『鮒，地名，从邑，奮聲，讀若淫』，顛、鮒俱从奮聲，故其讀同矣（大徐引孫愐《唐韻》：『顛，盧感切』、『鮒，力在切』，此今音，然同在來紐，聲亦不異也）。許君楚人，故於楚言，尤極審諦，曹音與許讀相應，蓋楚之遺聲矣。宋玉《賦》字又作『坎廩』（廩原作廩，俗，今正，下放此），《九辯》：『坎廩兮貧士失職而志不平』，王逸以爲『數遭患禍，身困極也』，廩一作壞；杜子美《丹青引》亦云『終日坎壞纏其身』，是也。顛顛古音俱在侵部，本疊韻字，廩亦在侵部，而坎在談部者，猶《詩·氓》之以耽韻甚（段若膺以爲借作熾樂字，見《六書音均表》四第七部），蓋楚音之以談入侵者，其讀坎正如『顛』耳（尋《招魂》以淹、漸爲韻；又：楓、心、南爲韻，分用畫然，是楚音談、侵有別。此自片言之轉，非一部皆通也）。顛依公孫羅《音》則與坎雙聲，依曹憲則旁紐雙聲，俱屬牙音。《說文》讀若『顛』，顛从顛聲（見《心部》），孫愐《唐韻》：『顛，古送切』（大徐引見《貝部》），顛从顛省聲（見《貝部》，大徐云『顛非聲』，誤），顛，孫愐『苦感切』（大徐引見《夂部》），是顛所从得聲，俱屬牙音，則知顛顛依汝南舊讀，亦當歸牙（大徐引孫愐『顛，陟絳切』，此今音，漢讀不爾），此正與曹憲、公孫羅之作牙音讀者相應，汝南楚分，明二家之音亦楚矣。若依《玉篇》則顛入曉母，依《唐韻》則當在匣母（大徐引孫愐『下感、下坎二切』，見《頁部》），俱屬喉音，此喉牙相轉之理。大徐引孫愐『陷，戶猗切』（見《自部》），亦匣母字，而《說文》云：『坎，陷也』（見《土部》），是顛之爲坎，

猶陷亦謂之『坎』矣。然顧、孫之作喉音讀者，自是當時相承雅音如此。弟觀娃娃楚音歸牙，而郭景純乃以喉音爲是，牙音爲非，與此正同（義具《大招解故》），則知典午以還，楚語讀如牙音者，雅言時或歸喉，明乎此理，然後可與『論南北是非，古今通塞』矣。

擊木根以結茝兮。

注：擊，持也。根以喻本。言已施行，常擊木引堅，據持根本。《文選》：擊作擊。

季海按：《太平御覽》卷第九百八十三香部三『白芷』下引《楚詞》曰：『擊木根以潔芷兮』，《注》：『擊，持也。』擊作擊，與《文選》合。潔當作絜，《禮記·大學》：『是以君子有絜矩之道也』，《注》：『絜猶結也，絜也』，是也。又《莊子·人閒世》：『絜之百圍』，《釋文》：『絜，約束也』；《史記·秦始皇本紀》：『度長絜大』，《集解》：『絜，音絜束之絜』，是絜有約束之義。《素問五常政大論》：『是謂收引』，《注》：『引，斂也。』絜束、引斂，義正相比，今謂《章句》『引』字，即釋絜矣。王云『引堅』，似謂束茝於根，堅即據根而言，亦可堅本作茝，形近致誤耳。絜結、茝芷，皆古今字。

擊木根以結茝兮，貫薛荔之落蕊。矯菌桂以紉蕙兮，索胡繩之纒纒。謇吾法夫前脩兮，非世俗之所服。

注：言我忠信謇謇者，乃上法前世遠賢，固非今時俗人之所服行也。一云：謇，難也。言已服飾雖爲難法，我做前賢以自脩潔，非本今世俗人之所服佩。

季海按：『所服』即承上服佩衆芳而言，一說近之。前說雖立義不謬，然於當句未爲善釋者，以『所服』偏指『服行』，則於『結茝』四句，語氣不復相貫也。《離騷》下既云：『進不入以離尤兮，退將復脩吾初服』，王《注》云：『故將復去，脩吾初始清潔之服也』；復云：『製芰荷以爲衣兮，纍芙蓉以』

爲裳。不吾知其亦已兮，苟余情其信芳。高余冠之岌岌兮，長余佩之陸離。芳與澤其雜糅兮，唯昭質其猶未虧。《涉江》又云：『余幼好此奇服兮，年既老而不衰。帶長鋏之陸離兮，冠切雲之崔嵬。被明月兮珮寶璐，世溷濁而莫余知兮，吾方高馳而不顧。』雖據辭不同，其假服佩以見意則一也。

國時俗之工巧兮，偪規矩而改錯。 注：偪，背也。錯，置也。言今世之工，才知強巧，背去規矩，更造方圓，必失堅固，敗材木也。背繩墨以追曲兮，競周容以爲度。

季海按：《九辯》：『竊美申包胥之氣盛兮，恐時世之不固。何時俗之工巧兮，滅規渠而改鑿？獨耿介而不隨兮，願慕先聖之遺教。處濁世而顯榮兮，非余心之所樂。與其無義而有名兮，寧窮處而守高。』固在魚部，此與鑿相叶，是楚音讀鑿如錯，自宵入魚，與諸夏別也。《史記·晉世家》：『定公卒，子出公鑿立』，蓋據《世本》（司馬貞云：『《系本》名鑿』，見《史記索隱》：六國年表第三）。《世本》趙人所作（《史記·趙世家》：『幽繆王遷』，《索隱》：『徐廣云：《系本》《年表》及《古史考》皆云：『今王遷』，無諡』，是《世本》實書幽繆王遷爲今王，明是趙人所記也），書晉君名當得其實。《史記·六國表》：『周元王三年，晉出公錯元年』，字又作錯者，蓋因《秦記》，《六國表》敍所謂：『余於是因《秦記》，踵《春秋》之後，起周元王，表六國時事』，是也。然則在晉謂之鑿者，在秦直書曰錯也（晉人當亦呼『鑿』如『錯』，故秦人受而書之，其聲則是，其文則非也）。《離騷》：『偪規矩而改錯』，以宋玉之言證之，知故書『錯』亦當作『鑿』，以鑿叶度，猶叶固矣，楚音自同部爾。言此者，明俗偪規矩則方圓既謬，

譬如枘鑿，難復入也。《離騷》云：『不量鑿而正枘兮，固前脩以菹醢』（王《注》：『量，度也。正，方也。枘，所以充鑿』，洪氏《補注》：『淮南子』云：『良工漸乎矩鑿之中』；又云：『何方圓之能周兮？夫孰異道而相安』（王《注》：『言何所有圓鑿受方枘而能合者？誰有異道而相安耶？言忠佞不相爲謀也』）；《九辯》云：『圓鑿而方枘兮，吾固知其鉏鋸而難入』，並其義也。夫矩鑿既改，尙何望方枘之能周乎？屈宋之用心在此，彌見設喻之巧，猥以錯置字當之，甚無謂也。今書作錯者，當緣漢師不明楚音，祇據關西語定之（楚人呼『鑿』，蓋如關西語呼『錯』矣），以就度韻，遂失其讀耳。觀《秦記》之書晉君，亦以鑿爲錯，故無足怪矣。《九辯》之文，獨存其真者，徒以下與教、樂相協，故得免於竄改也。《九辯》又云：『何時俗之工巧兮，背繩墨而改錯？卻騏驥而不乘兮，策驚駘而取路。』此以錯、路爲韻，亦在魚部，然變言繩墨，則不必借喻枘鑿，或本是『錯』字，未可知也。東方朔《七諫·諤諫》云：『固時俗之工巧兮，滅規矩而改錯，卻騏驥而不乘兮，策驚駘而取路』，幾全襲《九辯》，而強改其『背繩墨』爲『滅規矩』，不悟宋玉自借喻鑿枘，故言規矩，曼倩云云，徒貌取耳。然《諤諫》又云：『夫方圓之異形兮，勢不可以相錯』，則知上脩『滅規矩而改錯』者，自朔之本文云爾，非關後人改字也。蓋自朔始混宋玉二文爲一談，而『改鑿』之義晦矣。

屈心而抑志兮，忍尤而攘詬。 注：尤，過也。攘，除也。詬，恥也。言己所以能屈案心志，含忍罪過，而不去者，欲以除去恥辱，誅讒佞之人，如孔子誅少正卯也。《釋文》：詬作詢。

季海按：《史記·伍子胥列傳》：『伍奢曰：員爲人剛戾忍詢，能成大事』，《太史公自序》亦曰：『能忍詢』

於魏齊，《離騷》：『攘詬』字，故書亦當作『詢』，蓋與《史記》正同，《釋文》本是也。今《離騷》文作『詬』者，猶《史記·伍子胥傳》之有鄭氏本矣（《索隱》云：『鄭氏作詬』也；然徐廣、裴駰字俱作詢，明故書應爾）。今謂『攘詢』卽『忍詢』。（《左·昭二十年傳》、《呂氏春秋·離俗篇》、《淮南·汜論訓》並言『忍詢』；若詢或作詬、詬、垢，重言又曰謨詢，或作謨詬，謨詬者，義具王念孫《讀書雜誌·荀子解蔽》『忍詬』條。）此承上言『忍尤』，故變云『攘詢』，忍、攘於楚，直是代語，皆謂隱忍耳（尋《說文·竹部》：『簍，裒也，从竹，襄聲』，段玉裁《注》：『《衣部》曰裒，裒也』，是簍有裒義，攘、簍聲同，卽借爲簍，攘詬猶裒詢矣；又《爾雅·釋詁》：『裒，仍，因也』，郝懿行《義疏》：『裒者，攘之段音也。《釋文》：『裒，樊，孫如羊反，引《論語》：其父攘羊釋之，作攘，《注》云：因來而盜曰攘』，是樊光、孫炎本裒作攘』，是於《釋詁》裒、攘同讀，此言攘詢，亦與因仍義近。《說文·口部》云：『因，就也』，《詩·常武傳》：『仍，就也』，《說文·手部》又云：『捫，就也』、『捫，捫也』；今俗言『將就』、『遷就』，皆謂因仍，而有忍義，亦其比也。是忍謂之攘，雖實楚俗，邇其淵源，又未嘗不可與雅言相通也。以上二讀小殊，而根蒂不遠，蓋名言孳乳，枝葉扶疏，學者苟心知其意，亦可以左右逢源矣。太史公曰：『故隱忍就功名，非烈丈夫，孰能致此哉？』（見《伍子胥列傳》）此靈均之所由『屈心而抑志』歟？卽此足以見志，故不必如王《注》之以『除去恥辱』爲辭也。

步余馬於蘭皋兮，馳椒丘且焉止息。

注：步，徐行也。言已欲還，則徐步我之馬於芳澤之中，以觀聽

懷王，遂馳高丘而止息，以須君命也。又《九章·涉江》：步余馬兮山皋，馳余車兮方林。注：言我馬強壯，

行於山阜，無所驅馳，我車堅牢，舍於方林，無所載任也。又《招魂》：步及驟處兮誘聘先。注：言獵時有步行者，有乘馬走驟者，有處止者，分以圍獸，已獨馳聘，爲君先導也。又《大招》：騰駕步遊，獵春囿只。注：言從曲閣之路，可駕馬騰馳而臨平易，又可步行，遂往田獵於春囿之中，取禽獸也。

季海按：步、馳對舉，此與《涉江》皆謂徐行勿驅，王《注》是也。二者之文，波瀾相似，《邱余車兮方林》，猶《馳椒丘且焉止息》。然朱駿聲《離騷賦補注》引《左傳》：『左師見夫人之步馬者』；俞先生《讀楚辭》亦云：『《離騷》王《注》非也。襄二十六年《左傳》：『左師見夫人之步馬者』，杜《注》曰：『步馬，習馬。』步余馬於蘭皋，當從此解。』今謂步馬自有二義，《春秋傳》主習馬，不可以說《離騷》。《說苑·正諫篇》：『楚昭王欲之荆臺游，於是令尹子西駕安車，步馬十里，引轡而止，曰：『臣不敢下車，願得有道，大王肯聽之乎？』』（亦見《渚宮舊事》，文句小異，其言步馬則同。）此楚事也；《淮南·人間訓》：『徐行而出門，上車而步馬，顏色不變。其御欲驅，撫而止之』，此楚書也；然皆謂安步徐行，不關習馬。《離騷》言步馬，與此文同，二君隸事誤也。《招魂》上言『結駟千乘』，下言『引車右還』，步、驟、處，俱謂馬耳。步、驟對舉，猶步、馳對舉，非有徒、乘之異。《淮南·原道訓》：『縱志舒節，以馳大區，可以步而步，可以驟而驟』，其稱步驟同矣。《大招》下言『瓊轂錯衡』，明是乘車，然步遊亦謂步馬，非徒行也。此兩注未密。

藥芙蓉以爲裳。

注：芙蓉，蓮華也。言已集合芙蓉，以爲衣裳，被服愈潔，脩善益明。藥，一作集。

季海按：日本古寫《文選集注》殘卷卷第六十三：《離騷經》文作『集扶容以爲裳』，引王《注》亦皆

作『扶容』，揚雄《反離騷》云：『被夫容之朱裳』，字又作『夫容』（見《漢書》本《傳》），蓋《楚辭》故書，初不从艸。

不吾知其亦已兮，苟余情其信芳。又：夫維聖哲以茂行兮，苟得用此下土。注：苟，誠也。下土，謂天下也。言天下之所立者，獨有聖明之智，盛德之行，故得用事天下，而爲萬民之主。又：委厥美以從俗兮，苟得列乎衆芳。注：言子蘭棄其美質，正直之性，隨從諂佞，苟欲列於衆賢之位，無進賢之心也。

季海按：說者或謂此三句皆倒以趁韻，苟爲假設連詞，所以領起屬句。今謂『夫維』句《注》云：『苟，誠也』，以此說之，良是。然《大戴禮記·曾子立事第四十九》：『人知之，則願也；人不知，苟吾自知也』，孔廣森《補注》：『屈原曰：不吾知其亦已兮，苟余情其信芳。』孔君引《離騷》此句，以證《曾子》，是也。《曾子》既是散文，又何趁韻之有？明古人自有此句法，於此言苟，止如今俗言『只要』、『但求』耳，初非倒句。此二例仍是主句在後，『苟』是副詞性連詞，所以領起主句，說者未見《曾子》，不悟『苟』字可作此用，遂一切以爲倒句趁韻爾。其在《國語·周語中》：『襄王德翟人，將以其女爲后，富辰諫曰：『《書》有之曰：必有忍也，若能有濟也』，韋氏《解》：『《書》，逸《書》也。若，猶乃也。濟，成也。言能有所忍，乃能有成功。』是古人『乃』亦謂之『若』，實無『乃』『若』之異，如韋《解》，此亦主句在後，而以若爲連詞者。漢人已專以乃領主句，若領屬句，『乃』『若』既分，讀此便嫌於語倒，故韋云：『若，猶乃』以通之，此以當時語釋古言耳。《離騷》用『苟』，尙無主屬之分，與《逸書》用『若』正同矣。『委厥』句王云『苟欲』，已得其解，《章句》云云，知叔師未嘗以此爲倒句也。

芳與澤其雜糅兮，唯昭質其猶未虧。注：芳，德之臭也。澤，質之潤也。糅，雜也。言我外有芬芳之德，內有玉澤之質，二美雜會，兼在於己，而不得施用，故獨保明其身，無有虧歇而已。又《九章·思美人》：芳與澤其雜糅兮。注：正直溫仁，德茂盛也。羌芳華自中出。注：生含天姿，不外受也。又《惜往日》云：芳與澤其雜糅兮。注：質性香潤，德之厚也。孰申旦而別之。注：世無明智，惑賢愚也。

季海按：《懷沙》：『同糅玉石兮，一槩而相量』，《注》：『賢愚雜廁，忠佞不異』，此《注》最確。既云『雜糅』，明是異類，芳、澤相反，猶玉、石殊科，『芳與澤其雜糅』，正謂『賢愚雜廁』，設喻同爾。首句『唯昭質其猶未虧』，言雖賢愚雜廁，君子終不以小人損其明也。次句言君子芳華在中，滿內揚外，非小人所能點汙也。三句言遭夜方長，則芳澤莫辨爾。蓋自《大招》始云：『施芳澤只』，而靈均所謂『芳與澤』者，叔師已不能言之，然益見《大招》晚出，與屈宋初不同時也。澤猶汗澤，亦汗垢之類，義見《詩·無衣》：《鄭箋》及《釋名·釋衣服》：『汗衣』，世人頗知之，故不煩辭費也。夫垢澤之與芳華，豈容不別乎？又澤、澤同从睪聲，亦可澤讀若澤，《說文·占部》：『澤，敗也』，芳香之與澤敗，義亦相反矣。

《淮南·俶真訓》云：『行純粹而不糅』，正謂雜糅，此楚語之遺也。

民生各有所樂兮，余獨好脩以為常。注：言我獨好脩正直，以為常行也。洪氏《補注》：下文云：『汝何博謔而好脩』；又曰：『苟中情其好脩』，皆言好自脩潔也。

季海按：王洪俱得屈意，洪說於文理尤密察耳。今尋楚俗，自脩脩人，俱謂之脩。《國語·楚語上》：白

公子張之諫靈王，謂武丁：『既得道，猶不敢專制，使以象旁求聖人，既得以爲輔，又恐其荒失遺忘，故使朝夕規誨箴諫，曰：必交修余，無余棄也。』觀白公述武丁之言，則知靈均之博審好脩，既以自脩，亦以脩君也。上云：『謇吾法夫前脩兮』，則靈均平生所自許，亦必有如傳說之於武丁者，離騷實云：『說操築於傅巖兮，武丁用而不疑』，此靈均之志也。惜乎！懷襄之非其人也，然後有離騷之作。

女嬃之嬋媛兮。

注：女嬃，屈原姊也。又：聊逍遙以相羊。逍遙一作須臾。

季海按：『方言·第十二』：『嬋，姊也。』錢繹箋疏：『廣雅：『嬋，姊也。』玉篇作嬋，云『姊也』。廣韻：『嬋，齊人呼姊。』說文：『嬋，女字也。』引楚詞·離騷曰：『女嬃之嬋媛』，賈侍中說：『楚人謂姊爲嬋。』王逸注：『屈原姊。』嬋，嬋語之轉。離騷：『聊逍遙以相羊』，文選李善注本作『須臾』，其例也。』今謂錢說是也。楚人讀宵部字或如侯，故嬋作嬋，消作須，『惜往日』又以昭（宵）、厨（侯）同協幽部字，皆楚音也。消搖，離騷或作須臾（見敦煌本·楚辭音，錢引文選李注本與騫公讀相應）；須臾，漢郊祀歌作須搖（漢書·郊祀歌·天地八：『神奄留，臨須搖』，注：晉灼曰：『須搖，須臾也』），凡消搖、須臾、須搖之於楚言，音義初無分別，實一語也。騫公·楚辭音必以須臾爲是，消搖爲非，徒據後師所讀以爲言，豈探微之論乎？『錢氏箋疏』又云：『易：『歸妹以須』，疏引鄭·注：『須，有才智之稱，天文有須女，屈原之妹名女須。』史記·呂后紀：『太后女弟呂嬃』，又樊噲傳：『噲以呂后女弟呂須爲婦』，是妹亦稱嬋。』今按此說非也。嬋之爲姊，自賈侍中以下無

異詞，以子雲所記別國方言證之而益信，鄭氏《易注》亦本當作姊，今《詩疏》引《易注》及《鄭志》並作妹者（見《詩小雅桑扈疏》，錢氏《易》下逕引《疏》，而《易疏》初無此文，蓋失勿校已），緣《易》：『歸妹』字致誤耳（余蕭客《古經解鈎沉》二下輯鄭君《易注》據惠校相臺岳本《毛詩疏》十四之二作『屈原之姊』，阮元《毛詩注疏校勘記》校此《疏》云『案姊誤妹』，皆是也）。若呂復云者，正《說文》所謂『女字』也，何關女弟，輒相附會？」

蕢蕢施以盈室兮，判獨離而不服。 又《九章·抽思》云：好姱佳麗兮，畔獨處此異域。畔一作叛，一作析。又《悲回風》云：汜濫濫其前後兮，伴張弛之信期。

季海按：孫仲容《札迻》云：『判、畔、伴、叛字並通，蓋分別離散之意，即《遠遊》注所謂叛散也。云判獨離、畔獨處者，言叛散而獨離處也。云伴張弛以信期者，言張弛任時，叛散無定也。諸篇字舛異而義實同。』今謂諸篇字異義同，孫說是也。以爲分別離散，意亦不遠，然未嘗夫楚語也。《方言》：『拌，棄也。楚凡揮棄物謂之拌。』郭音伴，又普槃反。今湖南新寧人猶謂棄去曰『拌掉』，音近『伴』（Pan），作去聲呼之；平江人則曰『拌開』，音近『普槃反』（p, a, n），作平聲呼之；是足以驗郭音之確，而徵楚語於未訛矣。諸言判、畔、伴、叛，讀與拌同，皆揮棄之意。錢繹《方言箋疏》云：『《廣雅》：拌，棄也。』王懷祖曰：『拌之言播棄也。』《士虞禮》：尸飯，播餘于篚。古文播爲半，半古拌字，謂棄餘飯于篚也。』（說具《廣雅疏證》。）播、半皆借字，拌字後出，其本字當作華。《說文》云：『箕屬，所以推棄之器也。象形。』華、拌聲同，器以事名，事緣器見，其始一也。觀於象形本字、禮經古文，知

棄謂之拌，亦在普通語爾。『伴張弛之信期』，猶言『棄張弛之信期』。《抽思》云：『昔君與我誠言兮，曰黃昏以爲期。羌中道而回畔兮，反既有此他志』，是其事也。洪氏《補注》云：『言己嘗以弛張之道期於君，而君背之也。』孫謂洪說近是，而謂以張弛之道期於君則非其旨；於今思之，未必非也。如孫以張弛任時說張弛信期，於文義亦無害，然伴當爲揮棄失職貌矣（孫云：『伴張弛以信期』，本文以作之，又以《抽思》《悲回風》爲《九歌》，或書手誤也）。

夫何煢獨而不予聽。注：煢，孤也。《詩》曰：『哀此煢獨。』煢，一作竢。洪氏《補注》曰：煢，今《詩》作

惇。又《九章·思美人》：獨煢煢而南行兮。

季海按：《方言·第六》：『絰、挈、傑（原作『傑』，郭《注》：『古煢字』，然下云：『楚曰傑』宋本作『傑』，與《衆經音義卷一》：『煢，古文惇、傑二形』正合，今據改。錢繹《方言箋疏》謂：『傑即傑之譌』，未確）、介、特也。楚曰傑，晉曰絰，秦曰挈，物無耦曰特，獸無耦曰介，郭《注》：『傑，古煢字』，是也。重言則曰『煢煢』，如《思美人》所云也。

固亂流其鮮終兮。注：昇以亂得政，身即滅亡，故言鮮終。洪氏《補注》曰：以亂易亂，其流鮮終，湜澆之事是也。又：固時俗之流從兮。一作從流，一本從誤作徙。注：言時世俗人，隨從上化，若水之流。五臣曰：固此諂佞之俗，流行相從。

季海按：此二流同詁，斥淫放也。《荀子·彊國篇》：『其聲樂不流汙』，《注》：『流，邪淫也』，《禮記·樂記》：『使其聲足樂而不流』，《注》：『流，猶淫放也』，是也。書傳亦或言『流湎』，《荀子·非十二子篇》：

『多少無法而流涵然，雖辨，小人也』；《淮南·原道訓》：『此齊民之所以淫佚流涵，聖人處之，不足以營其精神，亂其氣志』，亂、流義正相成，不當以『其流』爲解。流從讀如流縱。《爾雅·釋詁》：『縱，亂也』。郝懿行云：『通作從』（說具郝氏《義疏》本條下），是流從、亂流，義相近也。《惜誓》：『俗流從而不止兮』，正旁《離騷》之文，本或作從流者，後人誤執《哀郢》：『順風波以從流』，亂其故書耳。觀叔師《章句》，亦弟云：『隨從上化，若水之流』，則知《離騷》此文之失其讀，亦已久矣。

浞又貪夫厥家。

注：浞，寒浞，羿相也。婦謂之家。言羿因夏衰亂，代之爲政，娛樂畋獵，不恤民事，信任寒浞，使爲國相。浞行媚於內，施賂於外，樹之詐慝，而專其權勢。羿敗將歸，使家臣逢蒙，射而殺之。貪取其家，以爲己妻。又《天問》：『惟濞在戶，何求于嫂？』

李海按：《玉燭寶典·正月孟春第一》：『《歸藏·鄭母經》云：『昔（《古逸叢書》本原誤作借，尋《歸藏》發端，每篇『昔者』，今輒依例定之）者浞（原作起，形近而誤）射羿而賊其家，久（疑誤）有其奴』，《注》：『浞（原誤起），羿臣之名，奴，子也。』是據《歸藏》，浞不惟『貪夫厥家』，又並『有其奴』也。王《注》略本《左·襄四年傳》，唯《傳》不云逢蒙殺之耳。《傳》言：『羿猶不悛，將歸自田，家衆殺而亨之，以食其子，其子不忍食諸，死于窮門』，是羿子死于難，而云『久有其奴』者，蓋魏絳所聞《夏訓》，與《歸藏》異辭也。《傳》又曰：『浞因羿室，生澆及豷』，或謂之家，或謂之室，其實則一，方言殊矣。觀魏絳所云，先澆後豷，則澆自居長。更有嫂者，《天問》有云：『浞娶純狐，眩妻爰謀』，王《注》：『言浞娶於純狐氏女，眩惑愛之，遂與浞謀殺羿也』，是浞賊羿家之前，已娶純狐，其兄蓋卽純狐之子；又浞

既有羿奴，卽羿子於澆，亦爲同母兄弟，故澆得往至女岐（王云：『澆嫂也』）之戶矣。

湯禹儼而祗敬兮。

注：儼，畏也。儼，一作嚴。洪氏《補注》：『《禮記》曰：『儼若思』，儼亦作嚴，並魚

檢切。

季海按：日本古寫《文選集注》殘卷卷第六十三：『《離騷經》文及王《注》字並作嚴，與一本合。』《集

注》云：『《音決》：嚴，騫上人魚檢反』，又云：『今案陸善經本，嚴爲儼』，是道騫、李善、公孫羅字並作嚴，蓋故書如是，今作儼者，依音改字，殆始於陸善經耳。

周論道而莫差。

季海按：日本古寫《文選集注》殘卷卷第六十三：『《離騷經》文作『周論道既莫差』，《集注》云：『今案陸善經本既爲而』，是道騫、李善、公孫羅本字並作既，蓋《楚辭》故書如是。』《經》本既作而者，當出陸生肱改，後人又以《文選》改《楚辭》耳。

循繩墨而不頗。

注：頗，傾也。《易》曰：『無平不頗』也。頗一作陂。洪氏《補注》曰：『《易》泰卦云：『無

平不陂。』陂一音頗，滂禾切。

季海按：《方言》第六：『陂（偏頗）、傴、袤（宋本誤作袤）也。陳楚荆揚曰陂。』此白楚語，字正作陂，一本是也。陸德明《周易音義》泰卦出『不陂』云：『彼僞反，徐：甫寄反，傾也。』《注》同。又破河反，偏也。』陸氏雖出又音，而不破字，知所見諸本，亦皆作陂也。今《章句》引《易》亦作頗者，蓋後人不曉陂字古音，讀《離騷》不諧，遂變其舊文，並改王《注》也。

覽民德焉錯輔。

注：錯，置也。輔，佐也。言皇天神明無所私阿，觀萬民之中有道德者，因置以爲君，

使賢能輔佐，以成其志。洪氏《補注》：上天佑之，爲生賢佐，故曰錯輔。

季海按：《孔子三朝記·少閒篇》孔子之對哀公曰：『於此有功臣焉，有利器焉，有措扶焉』，盧辯《注》：『謂股肱之良也』，孔廣森《補注》：『措扶，當爲錯錯，匠所用也。』今謂措扶、錯輔，亦轉語耳，或謂有道之佐，或謂功臣所憑，盧《注》與《離騷》正合，孔《注》但就字作釋，未盡仲尼言外之意，其讀扶爲錯，亦非也。《說文·車部》：『輔，人頰車也』，王《注》：『輔，佐也』，非其義。凡輔佐字，蓋借爲扶，《說文·手部》云：『扶，左也』，是也。《少閒篇》舉『措扶』，與『功臣』、『利器』並稱者，尋《說文·木部》：『榜，所以輔弓弩』；又《弱部》：『弱，彊也，从二弓』，『彌，輔也，从弱』，此扶蓋讀如輔彌字，所以輔弓弩，與榜爲對轉，猶亡爲無矣。《淮南·人閒訓》：『去高木而巢扶枝』，《注》：『扶，旁』，此自楚語，魯語榜謂之扶，亦若是矣。『措』讀與『錯』同，《淮南·本經訓》云：『公輸王爾，無所錯其剗削鋸』，猶此云『措扶』、『錯輔』矣。王氏訓置，故不誤。《懷沙》云：『巧倕不斲兮，孰察其撥正』（王《注》：『言倕不以斤斧斲斫，則曲木不治』，蓋得其意，惟『撥謂曲枉，與正對文』，王《注》：『撥，治也』，失之，義詳係氏《札迻卷十二》），《淮南·本經訓》又云：『扶撥以爲正』，是措扶卽所以扶撥，施諸曲木，猶弓弩矣。於治亦然，雖有明君，不能無賢者爲之輔彌（夫棐、榜、輔、彌，此四同出而異名：《說文·木部》：『棐，輔也』，今在部末，蓋二徐所據本偶佚其字，因從後加之耳；莫友芝所得唐寫本《木部》：『棐居『榜、檟、檣、栝』之次，是也。《釋詁》云：『弼、棐、輔、比，輔也』，郝氏《義疏》：『《書·康誥》云：

「天威棐忱」、《大誥》云：「天棐忱辭」，又云：「越天棐忱」，《漢書·翟方進傳》「棐忱」俱作「輔誠」，是棐亦輔也。《韓非子·外儲說右下》：《經》曰：「榜桢矯直」，《說四》曰：「榜桢者，所以矯不直也」；於《荀子·性惡篇》曰：「繁弱、鉅黍，古之良弓也，然而不得排檄，則不能自正」，《注》曰：「排檄，輔正弓弩之器」，排讀與棐同。段氏注《說文》：「棐」字云：「蓋弓桢之類」，所見甚卓，但乏義證耳。其實排之爲榜，猶誹之爲謗——「誹，謗也」，見《說文·言部》，語相轉耳。陸氏《毛詩音義·小雅角弓》出《桢》云：「弓匣也」，《說文》云：「榜也」，謂輔也，是榜亦輔也。《爾雅》《說文》又俱以弼、輔同訓，知桢、榜、輔、弼，一也，凡所以矯不直而已。輔弼之臣，蓋取義於此；如晉厲公嘗「合諸侯於嘉陵」，而「氣充志驕」，《內无輔拂之臣》，終爲欒書、中行偃所幽死（語在《淮南·人間訓》），楚懷晚節，實有驕志，縱失德尚未若晉厲之著，而內无輔拂則同，此尤貞臣之所痛，原有匡君之志，故以錯輔爲急也（逮賦《天問》，乃云：「彼王紂之躬，孰使亂惑？何惡輔弼？讒諂是服！」則故都日遠，嗟號吳晏之作，既傷君之難寤，彌歎國之無人，故不覺其情益憤懣，而辭愈激切也）。是則措扶之名，本起于功匠，引而申之，亦以目股肱之良矣。

夫維聖哲以茂行兮，苟得用此下土。 注：哲，智也。茂，盛也。苟，誠也。下土，謂天下也。言天下之所立者，獨有聖明之智，盛德之行，故得用事天下，而爲萬民之主。

季海按：王云：「哲，智」，是也。《方言·第一》：「黨、曉、哲，知也。楚謂之黨，或曰曉，齊、宋之間謂之哲。」知、智本是一語，古不別耳。觀《離騷》此文，「知」謂之「哲」，故是齊楚間通語矣。然王以聖哲

爲聖明之智，以爲猶茂行之爲盛德之行，則非也。其於《國語》、《楚語》有之：白公子張之對靈王曰：『若武丁之神明也，其聖之容廣也，其智之不疾也，猶自謂未父，故三年默以思道』，此楚故也，是靈均所謂聖哲者，武丁堪之矣；又：觀射父之對昭王問曰：『古者民神不雜，民之精爽不攜貳者，而又能齊肅衷正，其智能上下比義，其聖能光遠宣朗，其明能光照之，其聰能聽徹之，如是則明神降之。』亦以聖、智爲二，明楚俗十口相傳，更無異辭。聖、哲既各是一事，卽與茂行並舉耳，非以聖哲與茂行對舉也，叔師徒囿於東京偶儷之習，又未尋楚事，遂不悟其立說之疏也。《注》以『用此下土』爲『用事天下』者，《史記·伍子胥列傳》曰：『至於吳，吳王僚方用事』，是有國、有土，其爲『用事』一也。然《惜誓》云：『來革順志而用國』，《注》：『來革，紂佞臣也。言來革佞諛，從順紂意，故得顯用，持國權也』，又以『持國權』爲『用國』者，亦言其能用事國中耳，初不以『顯用』爲義，王《注》得其大意，而又援『顯用』作釋，蓋猶依違未瞭，故失之蛇足也。

夫孰非義而可用兮，孰非善而可服？

注：服，服事也。言世之人臣：誰有不行仁義而可任用，誰有不

行信善而可服事者乎？五臣云：服，用也。又《天問》：彼王紂之躬，孰使亂惑？何惡輔弼，讒諂是服？

注：服，事也。言紂憎輔弼，不用忠直之言而事用諂諂之人也。洪氏《補注》曰：服，行也，用也。

季海按：《離騷》之文，服亦用也，互文耳。『讒諂是服』，猶讒諂是用。《說文·舟部》：『服，用也』，楚語正與《說文》相應。王《注》言『服事』、『事用』，或漢人語實有之，當唐宋時已岢岢不可爲訓，故五臣、洪氏並改王義，皆是也。

攬茹蕙以掩涕兮。

注：茹，柔夷也。言猶引取柔夷香草，以自掩拭。

季海按：日本古鈔卷子本《揚雄傳反離騷》：『臨江瀕而掩涕兮』，晉灼曰：『《離騷》云「攬茹蕙以掩涕。」』（景祐本以下並作茹蕙。）尋《反離騷》：『衿芰茹之綠衣兮，被芙蓉之朱裳。』正旁《離騷》：『製芰荷以爲衣兮，纂芙蓉以爲裳。』師古曰：『茹，亦荷字，見張揖《古今字詁》，是也。平既茹衣而惠纓，故云「攬茹蕙以掩涕」，寔余襟之浪浪也。』晉灼本於義爲長。灼當典午中朝，《離騷》舊本，班、賈之書，大抵具在，故其見聞，或出章句之外。然自茹、荷相質，茹之爲茹，不復可知者，亦已久矣。（茹爲荷，猶莖爲蓀。《字詁》：『莖、莖，今蓀是也。』敦煌本《楚辭音》：『莖蕙化而爲茅』，出蓀字，云『本或作莖，非也。凡有莖字，悉蓀音』。是既據音改字，又以今字爲是，古字爲非也。蓀又自引《字詁》，而云『復同得』者，是雖知其故，猶不能反矣。王逸所謂『以壯爲狀』者，恐多此比耳。）

騶玉虬以乘鸞兮。

注：鸞，鳳皇別名也；《山海經》云：『鸞身有五采，而文如鳳』，鳳類也，以爲車飾。

鸞，一作鸞。洪氏《補注》：《山海經》云：『九疑山有五彩之鳥，飛蔽一鄉』，五彩之鳥，鸞鳥也；又云：『蛇山有鳥五色，飛蔽日，名鸞鳥。』

季海按：洪引《山海經》，今略見《海內經》：『南方蒼梧之丘，蒼梧之淵，其中有九嶷山，舜之所葬，在長沙、零陵界中。北海之內，有蛇山者，蛇水出焉，東入于海，有五彩之鳥，飛蔽一鄉（郭《注》：『漢宣帝元康元年，五色鳥以萬數，過蜀都，卽此鳥也』），名曰鸞鳥。』（郭《注》：『鳳屬也，《離騷》曰：騶

玉虬而乘翳』。而詞有繁省，語或參差，於九疑既不云『有五彩之鳥，飛蔽一鄉』（今錯在蛇山下），於蛇山之鳥，又不云『飛蔽日』，是慶善所見《經》本，視今已多出入也。然郭引《離騷》作『乘翳』，與日本古寫《文選集注》殘卷卷第六十三：《離騷經》文正合（同卷引《章句》及《音決》，字並作翳），是《楚辭》故書，與《海內經》所云，名實相應也（洪校一本得之）。《離騷》有云：『百神翳其備降兮，九疑繽其並迎』，王《注》：『翳，蔽也』，是蔽謂之翳，故楚語矣。『尋《釋木》曰：『蔽者翳』，郭《注》引《詩》云：『其楸其翳』，見《大雅·皇矣》（今本楸作菑，是此語故出於雅言；又《說文·目部》：『瞿，又目翳也』，是瞿之爲言猶蔽也，今謂目有蔽曰生翳）依平聲呼之，蓋古之道語矣。」據洪引《經》本，或云『飛蔽一鄉』，或云『飛蔽日』，此正翳鳥之所以得名。洪引翳鳥，本出九疑之山，屈賦降神，亦云九疑並迎，尋其謠俗，故在蒼梧、零陵間矣。《釋鳥》：『鷦，鳳，其雌皇』，《說文·鳥部》：『鷦，鳥也，其雌皇，从鳥，侵聲；一曰鳳皇也』，亦卽斯鳥矣。泰寒對轉，故翳或謂之鷦，然名從主人，則作翳爲正（《說文》：『侵』，《醫》字俱从『侵』，『侵』，衺後有所俠藏也』，『从侵』，而又『上有一覆之』，是有蔽義，《自部》又云：『隱，蔽也』，《醫》、《侵》、《隱》並隸影紐，轉寒則爲侵，轉諄則爲隱，本自一言，語隨聲轉，意相受也。其羣乳之故，廣如《文始》二·陽聲諄部丙所說。準是可知，鷦、鷦語轉，雖方音或殊，要其以蔽爲名，亦無異爾）。蓋白鷺、鷦字行，而斯鳥得名之故，益幽隱難知，雖段（若膺）、郝（蘭皋）之精鑒，於此猶未能疏通證明也。

《爾雅》、《說文》又或云：鳳者，卽王《注》『鳳皇別名』之說（然今王《注》又引《山海經》『而文如

鳳。《山海經》今無此文，以爲『鳳類』，則與前義，自語相違；果持兩端，亦當標明或說，而今無文，何也？《文選》李善《注》及日本古寫《文選集注》殘卷所錄王《注》並無『五采』以下，未知爲是注家覺其違而刪之，抑今王《注》出後人所加也。蓋鷖既『五彩之鳥』，鳳亦『五色備舉』（見《說文》）；鷖鳥得名，既以『飛蔽一鄉』（郭云：『五色鳥以萬數過蜀都者，是也』），夫鳳之爲言猶朋也，故古文亦以爲朋黨字（見《說文》古文『鳳』下），是鳳鳥得名，又緣『鳳飛羣鳥從以萬數』也（亦見《說文》，自《漢書宣帝詔》以下，或言『羣鳥從以萬數』，或言『羣鳥列侍以萬數』，事具桂馥《說文解字義證》第十）；校其名實，本無二致，頗謂原是一鳥，方俗不同，傳聞異辭，遂衍爲數名。神鳥之鳳，本以鷖鳥爲質，說者日從而神之，神鳥之名，始爲鳳所專，而鷖鳥之實日晦。然《離騷》、《海內經》皆既出鷖，又書鳳，則相傳以爲二鳥者，由來舊矣。

《漢書·宣帝紀》：元康三年六月詔曰：『前年夏神爵集雍，今春五色鳥目萬數飛過屬縣』，師古曰：『三輔諸縣也』；四年三月詔曰：『迺者神爵五采日萬數集長樂、未央、北宮、高寢、甘泉、泰畤殿中及上林苑』；又神爵四年春二月詔曰：『鸞鳳萬舉，蜚覽翺翔，集止于旁』，總曰鸞鳳，大氏亦五色鳥之成羣者耳。依郭《注》推之，雖皆謂爲鷖鳥可也。然郭不引者，史無明文，持此爲說，容有異同之論耳。惟元康元年過蜀都，《本紀》不書，景純蓋別有據；郭寧舍《紀》引此者，當緣楚、蜀比鄰，謠俗不遠，舊書雅記，故老傳聞，以此爲鷖鳥，尚有足徵耳。

或曰：蜀、屬形音俱近，字得相亂，郭《注》所引，即元康三年詔書所云，當爲『三年』，而書『元』者，或

蒙《詔》上稱『前年』而誤，亦可《注》本作『三』，今書字誤。今尋荀悅《漢紀》：『元康三年春有鳥（或誤作烏，今正）五色，以萬數，飛過京師，翱翔屬縣』，則知師古以『屬縣』爲『三輔諸縣』，自不誤。小顏盡見舊本，折衷諸家，於此都不云更有異同，明班書此文初不作『蜀』；若云誤在景純，則以郭君之雅才，縱疎於尋繹，亦何至一誤再誤乃爾？義既無徵，今故弗取。景純述漢事，而書蜀都者，將以子雲一賦，見重于時（王右軍與人書嘗稱『揚雄《蜀都》』也），玄亭之業，既素所服膺，故於述作之次，亦有樂乎斯名也。

《宣帝紀》又云：神爵元年三月詔曰：『南郡獲白虎、威鳳爲寶』，服虔曰：『威鳳，鳥名也』，晉灼曰：『鳳之有威儀者也。與《尚書》『鳳皇來儀』同意』，師古曰：『晉說是。』尋《尚書》言『來儀』而已，殊不以威爲名，詔云奇獸、白虎，並爲珍物，豈無威儀，而獨以名鳳乎？今謂服說得之，翳威雙聲（皆影紐字），秦脂旁轉，威鳳猶翳鳳耳。蓋楚人謂之翳，南郡楚地，故謠俗相承矣。

欲少留此靈瑣兮。

注：靈以喻君，瑣，門鑊也，文如連瑣，楚王之省閤也；一云：靈，神之所在也，瑣，門有青瑣也，言未得入門，故欲小住門外。瑣一作瑣。洪氏《補注》：《漢舊儀》云：『黃門今日暮入對青瑣丹墀拜』，《音義》云：『青瑣，以青畫戶邊鑊也。』

季海按：章先生《小數答問》：『《明堂位》言：疏屏，謂刻鏤之。古者守望，牆牖皆爲狀孔，故《釋名》云：『樓，謂牖戶之間，有狀孔樓樓然也。』《說文》：『罽，牖中网也』、『𦉰，門戶青疏肉也』，《楚辭》言：『网戶朱綴，刻方連咎』，竝是狀孔。屏設在外，守望尤急，是故刻爲网形，以通矢族』，此論至確。

蓋上古重門擊柝，以待暴客，門屏之間，皆施駭孔，不獨駭樓而已，故《周官》有射人，與僕人爲官聯，諸侯有中射士，給事宮內（義詳《札迻》卷七·韓非子十過第十《說中射士》條），地皆親近，所以禦非常也。後世益文，則在門屏之間者，始比於彫飾，以爲榮觀云爾。尋《說文·疋部》：「𨾏，門戶疏窗也，从疋，疋亦聲，肉象𨾏形，讀若疏」，又《玉部》：「瑣，玉聲也」；《漢舊儀》云：「青瑣」，王《注》云：「瑣，門鑊」者，字借爲𨾏，正謂「門戶疏窗」矣（𨾏，古音在魚部，瑣在歌部者，虧从崖聲，當在魚部，《離騷》以韻離，《天問》以韻加，見段玉裁《詩經韻分十七部表》；又《九辯》亦以瑕韻加：是於楚音，古魚部字，多有讀入歌者矣。以聲言之，則𨾏之於瑣，猶朔之於蘇也）。《招魂》言「网戶」，卽此，其曰「刻方連瑳」者，猶王《注》云「文如連瑣」也。《說文》云「肉象𨾏形」者，是誠粗略，然亦未嘗不存其遺象於髣髴矣。然𨾏謂之瑣，故是楚俗，其字作瑣者，亦可漢師以爲「文如連瑣」，故从瑣書之。《慧琳》《大藏音義》四十九引《倉頡篇》云：「鎖，連環也」（見陶方琦《補本》），是王云「文如連瑣」者，《倉頡》有其字；然《說文·金部》無「鎖」者，疑《倉頡》故書，正當从玉也。此字从金，則大徐《新附》已云「鐵鎖」矣。」

路曼曼其脩遠兮。 注：脩，長也。《釋文》曼作漫。洪氏《補注》曰：曼，漫，並莫半切。《集韻》：「曼曼，長也，謨官切。」

季海按：敦煌本《楚辭音》出「曼曼：亡半反」，與今本及洪音正合；觀齋公《音》，知隋人於此不作平聲讀也。《賦》曰「脩遠」者，《方言》第一：「脩，長也，陳楚之間曰脩」，是也。

總余轡乎扶桑。

注：扶桑，日所拂木也。《淮南子》曰：『日出湯谷，浴乎咸池，拂于扶桑，是謂晨明；登于扶桑，爰始將行，是謂朏明。』洪氏《補注》：『《山海經》云：『黑齒之北曰湯谷，有扶木，九日居下枝，一日居上枝，皆戴鳥』，郭璞云：『扶木，扶桑也。天有十日，迭出運照』；《淮南子》云：『扶木在陽州，日之所噴』，噴，猶照也。《說文》云：『搏桑，神木，日所出。』

季海按：王引《淮南》，見《天文訓》，亦云扶桑，與王《注》同（湯谷作暘谷，小異）。如《補注》所出，扶桑又謂之扶木，洪引《山海經》，見《海外東經》，今書云『湯谷上有扶桑』，郭《注》：『扶桑木也』，以《注》校《經》，知《經》本云『扶木』，若本是桑，何勞注也？洪引故作『扶木』，是宋本尚未誤也。今本又無『皆戴鳥』句，亦以洪本爲完。餘文小有參差，洪既節取，故可得而略矣。洪引《淮南》，見《墜形訓》，亦云扶木，與《海外經》同。然許君自作搏桑，洪引《說文》，見《木部》『搏』字，又《彖部》『桑』字云：『日初出東方湯谷所登搏桑，桑木也，象形』，是也。尋《淮南·覽冥訓》又云：『朝發搏桑』，《注》云：『搏桑，日所出也』，文義與許書並合，今謂此簡猶仍許君記上之舊，《注》亦《閒詁》遺文矣。許君親受古學於賈侍中，又嘗著《淮南閒詁》，今其書唯作『搏桑』字，知《離騷》《淮南》之文，本當如是，後人並作『扶』者，以今字改古字耳。日本古寫《文選集注》殘卷卷第六十三：『離騷經』文作『總余轡乎扶桑』，《集注》出《音決》：『搏，音扶』，云『今案《音決》：扶爲搏』，是公孫羅本字作搏，與許君所記足相印證。公孫之學，出於曹憲，是隋唐諸師，猶及見故書也。

折若木以拂日兮。注：拂，擊也；一云蔽也。言折取若木，以拂擊日，使之還去；或謂拂，蔽也，以若

木鄣蔽日，使不得過也。朱氏《離騷賦補註》云：「此蓋與《悲回風》『折若木以蔽光』同意，拂讀爲蕝，蔽也。」

季海按：王注『或說』得之，朱氏《補注》義是也。蔽謂之拂，蓋楚言。《易林·渙之睽》：『折若蔽目，不見稚叔。』某氏《注》引《離騷》此文，又云『目當作日』，並是也。蓋《楚辭》舊讀之不絕如綫者，於是乎可知也。又《史記·屈原列傳》引《懷沙》之賦曰：『脩路幽拂兮』，《索隱》《正義》俱曰：『《楚辭》作幽蔽。』則唐本與今正同。史公所引，是其本文。尋《懷沙章句》直云『幽深蔽闇』，而無佗說，則王本已作蔽字。果爾，楚語之訛，東漢已然。叔師據劉向所校作註，未知是向改其本文，抑叔師所自定也。（叔師譏班固、賈逵以壯爲狀，義多乖異，其於舊文，亦當有所正定。）

鸞皇爲余先戒兮，雷師告余以未具。注：雷爲諸侯，以興於君，言已使仁智之士如鸞皇，先戒百官，將

往適道，而君怠墮，告我嚴裝未具。先一作前，余一作我。洪氏《補注》：《春秋合誠圖》云：『軒轅，主雷雨之神』；一曰：雷師，豐隆也。

季海按：《漢書·揚雄傳》：《反離騷》云：『鸞皇騰而不屬兮，豈獨飛廉與雲師』，應劭曰：『《楚辭》云『鸞皇爲余先戒兮』，後飛廉使奔屬』，「雲師告余以未具」；飛廉，風伯也，雲師，豐隆也，鸞皇，俊鳥也。《晉灼》曰：『已縱其轡，使之奔馳，鸞皇迅飛，亦無所及，非獨飛廉雲師，言莊嚴未具，使君不適道也。』尋揚雄所賦，應劭所引，是《楚辭》故書，「雷師」實作雲師。《晉灼》《注》：『言莊嚴未具，使君不適道』者，即探『告余以未具』言之，蓋漢師舊說，必有以雲師爲斥君側佞人，詭言誤君，使君不適道

者，故灼得而脩之。《離騷》下云：『飄風屯其相離兮，帥雲霓而來御』，以『雲霓』喻佞人（義見王《注》），與此雲師告言，語正相應，明應、晉之所以申揚者，於義實長也（應氏所引，先不作前，余不作我，則一本非也）。惜叔師而外，漢注盡亡，晉氏所據，未知爲班爲賈，然吉光片羽，終賴《漢書音義》以傳，使靈均與采，子雲微言，灼然復明，則亦彌足寶矣。應劭云：『雲師，豐隆』者，《離騷》下云：『吾令豐隆乘雲兮』，《注》：『豐隆，雲師』（洪氏《補注》本此《注》下有校語云：『一曰雷師，下《注》同』，今謂一本誤以他說改之，非叔師之舊也，說詳下），洪氏《補注》云：『《九歌》：『雲中君』，《注》云：『雲神，豐隆』（此《注》或非王《注》，然洪氏已引之，則必舊本有之，當不晚於《釋文》，要足證《離騷》王《注》之爲『雲師』也）；又《九章·思美人》：『願寄言於浮雲兮，遇豐隆而不將』，王《注》亦云：『雲師徑遊，不我聽也』；《遠遊》云：『召豐隆使先導兮』，《注》：『呼語雲師，使清路也』；又云：『涉青雲兮，汎濫兮』，《注》：『隨從豐隆，而相伴也』，是王逸以豐隆爲雲師，與應劭同矣；若《遠遊》脩『雨師』，《雷公》，《注》於『雨師』云屏翳，於『雷公』獨不云豐隆者，益知叔師不以豐隆爲雷師也。洪氏《補注》云：『據《楚詞》則以豐隆爲雲師』，是也。

吾令帝閭開關兮，倚闔闔而望予。 注：閭闔，天門也。言已求賢不得，疾讒惡佞，將上訴天帝，使闔人開關；又倚天門，望而距我，使我不得入也。

季海按：成二年《公羊傳》曰：『相與踦闔而語。』何休《解詁》：『閭，當道門。閉一扇，開一扇，一人在外，一人在內，曰踦闔。』倚，讀與踦同。闔闔，亦門也。如休之言『閉一扇，開一扇，一人在外，一人在內，曰踦闔。』倚，讀與踦同。闔闔，亦門也。如休之言『閉一扇，開一扇，一人在外，一人在內，曰踦闔。』

人在內，則不納可知矣。倚門，蓋古之通語（《戰國策·齊六第十三》：『王孫賈年十五事閔王。王出走，失王之處。其母曰：「女朝出而晚來，則吾倚門而望女；暮出而不還，則吾倚閭而望女。」』其情雖異，其言則同）。

登閭風而縹馬。

注：閭風，山名，在崑崙之上。又云：閭風，清明。洪氏《補注》曰：閭，音郎；又音浪。

劉師培《楚辭考異》：『案原本《玉篇·糸部》引作「登浪風而縹馬」』（今按：原本《玉篇》『風』下衍『雨』字，『縹』作『繼』，餘如劉說）。

季海按：日本古鈔卷子本《揚雄傳反離騷》：『望崑崙以摶沆。』蘇林曰：『《離騷》云「登涼風而縹馬。」』（景祐本以下並作閭。）尋《淮南·墜形訓》：『縣圃、涼風、樊桐在崑崙閭闔之中。』注：『縣圃、涼風、樊桐皆崑崙之山名也。』《離騷》、《淮南》，文字相應，蘇本是也。依顧野王所引，又知江南舊本，尙不從門，持校古書，偏旁未失也。然字作浪者，依《廣韻·四十二宕》浪、閭同紐，豈在陳世已讀『力宕反』，隋本如審公所據，遂逕作閭字邪？（敦煌本《楚辭音》出閭『力宕反』，是審所見已同今本。）《廣韻》浪、閭同紐，字皆兩收。其在《下平聲十一唐》『郎，魯當切，三十』有『浪，滄浪水名，又盧宕切』，又：『閭，當門，又盧宕切』，其在《去聲四十二宕》『浪，來宕切，又魯當切五』有『閭，高門；又閭中，地名，在蜀；又閭風，崑崙峯名也』。今按敦煌唐寫卷子本（S二〇七一）《切韻》卷第二平聲下十二唐不收『閭』，惟『郎，魯當反，廿』下有『浪，滄浪，又盧宕反』，是閭讀平聲，非《切韻》之舊也。《廣韻》兩收者，蓋出王仁昫《刊謬補缺切韻》，敦煌唐寫卷子本（P二〇一一）《刊謬補缺切韻》卷第四

冊一宕有『閨，高門，又地名，在蜀，又力唐反』。是王德溫始兩收也。敦煌本王韻『唐韻：『郎，魯當反，二十三』下有『浪，滄浪，又盧宕反』，不收『閨』，其『徒郎反，廿八』乃有『閨，門高，又力盎反』，與『冊一宕』『閨』下出又音不合，當是寫書者失之。又曰『閨風清明』者，『墜形訓』八風：西南曰涼風也。然王云清明，與東南景風一曰清明風者不相涉也。

解佩纈以結言兮，吾令蹇脩以爲理。

注：理，分理也，述禮意也。言已既見宓妃，則解我佩帶之玉，以

結言語，使古賢蹇脩，而爲媒理也。

季海按：孫仲容謂『理即行理之理』，『亦猶言『使』也，與媒義略同』（說詳孫氏《札遶卷十二》），是也。王旣以媒理爲釋，而又云『分理』者，以理述禮意，是有『分理』之義也。理之所以得名，雖未必果如王說；弟問媒理之用，則亦於事未遠也。孫氏一切以爲『未當』（見《札遶》），亦少過矣。尋《後漢書·崔駰列傳》駰所著二十一篇中有《婚禮結言》，王先謙《集解》：『惠棟曰：『鄭仲師有《婚禮謁文》，駰因之作《結言》，蓋納徵問名之辭也。』侯康曰：『《藝文類聚》四十引崔駰《婚禮結言》曰：乾坤其德，恆久不已；爰定天綱，夫婦作始。乃降英媛，有淑其儀，姬姜是伴，比則姚嬀，載納嘉賁，申結顰顰』，王引惠說見《後漢書補注》，侯說見《補注續》，今謂二氏說皆是也。蓋《離騷》『結言』，漢世猶行於婚禮矣。崔駰與班固同時，苟考亭伯之文，即漢《楚辭》先師舊義可知也。然王云『述禮意』（此雖因『爲理』作釋，而實與『結言』相成，故引之耳），惠云『納徵問名之辭』者，意皆近之。

紛總總其離合兮，忽緯繅其難遷。

注：緯繅，乖戾也。遷，徙也。言蹇脩既持其佩帶通言，而謫人復相聚毀敗，令其意一合一離，遂以乖戾而見距絕，言所居深僻，難遷徙也。洪氏《補注》：《博雅》作敦繅，《廣韻》作微繅，此言隱士忽與我乖刺，其意難移也。

季海按：上偁宓妃，本以求女爲喻。蹇脩爲理，佩纓結言，則良媒已具，及當告期往迎，忽又意有離合，雖以我車往，猶以乖戾而見距絕，莫肯徙就我也。屈辭高簡，必尋繹意內，略當如此矣。『緯繅』，王云：『乖戾』者，《說文·女部》：『緯，不說兒，恣也。』從女，韋聲，又《言部》：『譏，言壯兒，一曰數相怒也。』從言，嵩聲，讀若畫，緯繅猶緯譏，其聲同耳。恣且數怒，則乖戾可知矣。『遷』讀若『以我賄遷』，亦切謀爲室家，非泛指也。知者，《衛風·氓》曰：『匪我愆期，子無良媒』，《箋》云：『子無善媒來告期時』，又曰：『以爾車來，以我賄遷』，《箋》云：『故答之曰：徑以女車來迎我，我以所有賄賄，徙就女也。』情詞實不相遠，比而觀之，文義自見爾。王《注》粗得梗概，而未暢厥旨，故聊復申之；洪以『難遷』爲『其意難移』，則非也。

保厥美以驕傲兮，日康娛以淫遊。

注：言宓妃用志高遠，保守美德，驕傲侮慢，日自娛樂，以遊戲自恣，無有事君之意也。

季海按：『淫遊』以佚畋兮，注：『言羿爲諸侯，荒淫遊戲，以佚畋獵。』此不云荒淫者，逸意主於遁世隱居，用志高遠。既云『保守美德』，即與荒淫不類。是淫遊名同，而實有異，故云『以遊戲自恣』，又以『自恣』釋『淫』也。《書無逸正義》引鄭玄云：『淫，放恣也』，是其義。此與驕傲句正相應。然

淫遊實雙聲語，淫亦遊也，字借爲尤。《說文》：『尤，淫淫，行兒。從人出口』，是有遊義。《招魂》：『歸來兮，不可以久淫些』注：『淫，遊也。』謂兩淫遊字當從彼訓（五臣云：『淫，久也』，洪氏又引《說文》《爾雅》，皆不合。《廣雅·釋言》：『淫，游也。』王念孫《疏證》引《曲禮正義》、《文選注》，而不及《楚辭》，亦千慮一失也）。保當訓恃。《左·僖二十三年傳》：『保君父之命，而享其生祿』（杜《註》），《呂氏春秋·誠廉篇》：『阻兵而保威』（高《註》），《漢書·廣陵厲王胥傳》：『揚州保疆』（李奇《註》），《後漢書·班固傳》：『保界河山』（王念孫《讀書雜誌餘編》所證明），並其義也。恃美驕傲，故云無禮，不關保守美德也。

覽相觀於四極兮。

覽相一作求覽。

季海按：覽、相、觀，皆言視也。上篇云：『相觀民之計極』，此又云覽，亦止明一意耳。古人辭氣，自有其比，不獨韻文也（見俞先生《古書疑義舉例·二語緩例》）。敦煌本《楚辭音》：『覽，力敢反；相，息亮反；觀，古丸反。』自是舊本如此。一本求字，因上改求字衍，又脫相字，不足據。

雄鳩之鳴逝兮。

《釋文》：雄作鳩。洪氏《補注》：《說文》云：『鳩，鵲鳩也』，《爾雅》云：『鵲鳩，鵲鳩』，

《注》云：『似山鵲而小，短尾，青黑色，多聲』，《月令》：『鳴鳩拂其羽』，卽此也。

季海按：《淮南子·天文訓》：『孟夏之月，以熟穀禾，雄鳩長鳴，爲帝候歲』，高誘《注》：『雄鳩，蓋布穀也。』尋《爾雅·釋鳥》：『鵲鳩，鵲鳩』，郭《注》：『今之布穀也』，《詩·曹風·鵲鳩》、《左·昭十七年傳》云『鵲鳩』，《西山經》云『戶鳩』，《詩·召南·鵲巢》、《月令仲春》、《呂覽·仲春紀》云『鷹化爲鳩』，俱謂

此烏矣。《御覽》引陸璣《疏》又云布穀，「一名桑鳩」（具詳郝氏《爾雅義疏》）：是布穀謂之「鳩」，誰告然矣。《離騷》云：「雄鳩鳴逝，」《淮南》云：「雄鳩長鳴，蓋楚俗相承，無改其舊矣。」《淮南》云：「爲帝候歲」者，郝氏《釋鳥義疏》亦云：「農人候此鳥鳴，布種其穀矣」，此其所以有「布穀」之名也。郝《疏》又引陳藏器《本草拾遺》云：「江東呼爲郭公，北人云撥穀，似鶴，長尾。牝牡飛鳴，以翼相拂擊」，然《離騷》下句云：「余猶惡其佻巧」，試卽「牝牡飛鳴，以翼相拂擊」思之，而佻巧之狀，已如在目前矣。騷人之言，雖以興寄爲主，而體物之精，亦於此可見矣。是雄鳩爲布穀，誘說不可易也；若洪《注》所云，則班鳩耳。《呂覽·季春紀》：「鳴鳩拂其羽」，高誘《注》云：「鳴鳩，班鳩也」，高以布穀釋《淮南》之「雄鳩」，以班鳩釋《呂覽》之「鳴鳩」，殊不以班鳩爲雄鳩，其義精矣，洪氏弟弗深考耳。

索薺茅以筵簞兮。

注：索，取也。薺茅，靈草也。筵，小折竹也。楚人名結草折竹以卜曰筮。洪氏

《補注》：《後漢·方術傳》云：「挺專折竹」，《注》云：「挺，八段竹也。」

季海按：依《注》，筮是楚人卜名，此句蓋謂取靈草、用折竹，而爲楚之筮卜云爾。尋《漢書·揚雄傳》：《反離騷》：「又勤索彼瓊茅」，孟康曰：《離騷》云「索瓊茅以筵簞」，師古曰「索，求也。瓊茅，靈草也。筵簞，折竹，所用卜也。」師古以筵簞爲折竹，未知取諸班、賈舊文，抑《漢書音義》，要與叔師異辭，今謂顏說是也。筮，讀若專，《說文·寸部》：「專，六寸簿也」，段玉裁《注》云：「蓋筮也。」《釋名》曰：「筮，或曰簿，可以簿疏物也。」徐廣《車服儀制》曰：「古者貴賤皆執筮，卽今手版也」（按：見《左桓二年傳疏》）。杜注《左傳》：「琕，玉筮也，若今吏之持簿」（按：見《左桓二年傳注》）。《蜀志》：「秦

必見廣漢太守，以簿擊頰，裴松之曰：「簿，手版也。」六寸未聞，疑上奪二尺字，《玉藻》曰：「笏度二尺有六寸。」是珽、笏、簿、手版，古今異名，其實皆專類也，段說於此，頗能觀其會通，惟專爲六寸簿，故是簿之短小者，輒以爲奪二尺字，則非也。（《禮記·玉藻》鄭《注》引《相玉書》曰：「珽玉六寸」，王逸《離騷》章句引《珽》作《瑳》，其言六寸則同，是珽亦或以六寸玉爲之矣；又《說文·竹部》：「符，信也。漢制以竹，長六寸，分而相合」，是漢制符、專同長，皆六寸者，便握持耳，此六寸之義也；或曰：符、傳皆五寸者，說蓋晚出，章先生《小學答問》云：「《地官掌符》：『凡通達於天下者，必有符，以傳輔之』，鄭君曰：『下爲信耳，傳說所齟齬及所適』，《司關》：『凡所達貨賄者，則以符傳出之』，鄭君曰：『傳如今移過所文書』，《古今注》：『凡傳皆以木爲之，長五寸，書符信於上』，此則傳以合信，上書其事，亦簿忽、簿籍之屬也。《古今注》言傳五寸，《說文》言專六寸者，如應劭說竹使符以竹箭五枚，長五寸，《說文》則云「符，信也，漢制以竹，長六寸，分而相合」，此或度量不同，或漢初承秦制水惠六寸，後用公孫臣土惠之說，改爲五寸，故不同邪？」《荀子·大略篇》曰：「天子御珽，諸侯御茶，大夫服笏，禮也」，《禮記·玉藻》曰：「天子搢珽」，《注》：「此亦笏也」，又曰：「諸侯茶」，《注》：「諸侯唯天子誦焉，是以謂笏爲茶」，又曰：「笏，天子以球玉，諸侯以象，大夫以魚須文竹，士竹，本象可也」，又曰：「年不順成，君衣布摺本」，《注》：「皆爲凶年變也。摺本，去珽茶，佩士笏也，士以竹爲笏，飾本以象」，是古者自天子至於士皆有笏，大夫、士以竹，天子、諸侯，則以玉、象，其始當皆以竹爲之。蓋珽者筵也，茶者茶也，《方言·第十三》：「析竹謂之茶」，是也（予二十年前，嘗謂此皆上古合

符之遺制。《說文·竹部》：『符，信也。漢制以竹，長六寸，分而相合』，是符、專皆爲折竹，以漢制考之，長又相等也。笏、簿、專，猶箒也，後世益文，乃以玉、象，別異之耳。大氏施於人事，用諸朝廷，則玉、象爲優；楚俗以爲卜具，且格於神明，用之齊民，其事尙質，故猶因折竹之製，要之筵箒之於筵專，本由一言孳乳，其形與名，皆起於折竹耳。《離騷》此文，正謂求靈草與折竹而卜之也。戴震《屈原賦注》云：『以，猶與也，語之轉，小斷竹謂之筵箒』，並是也；然又引王《注》云：『楚人名結草折竹以下曰箒』，則是謂王亦以下竹爲箒也。然王止云：『楚人名結草折竹以下曰箒』，不云『曰筵箒』者，知東原引此，未得王意。蓋其自爲說則是，引王《注》則非也。

爾何懷乎故宇。宇一作宅。洪氏《補注》曰：『若作宅，則與下韻叶。』

季海按：敦煌本《楚辭音》：『宅，如字；或作宇音。』是舊無作宇之本，或音專行，遂改其字耳。段氏《六書音均表·第五部入聲》引《離騷》：『宅、惡』，是也。

覽察草木其猶未得兮，豈理美之能當？
美惡乎？
注：言時人無能知臧否，觀衆草尙不能別其香臭，豈當知玉之美惡乎？

季海按：當，知也，讀與黨同（皆从尙聲）。方言：『黨、曉、哲，知也。楚謂之黨。』此言豈理美之能知也。王《注》猶未乖語意，然以爲豈當字，則非也。五臣云：『豈能辨玉之臧否而當之乎？』則辭如蹇吃，去之彌遠矣。

百神鑒其備降兮，九疑續其並迎。
注：續，盛也。九疑，舜所葬也。言巫咸得己椒糈，則將百神蔽日

來下。舜又使九疑之神，紛然來迎。疑一作嶷。又《九歌·湘夫人》曰：「九嶷繽兮並迎，靈之來兮如雲。」注：九嶷，山名，舜所葬也。言舜使九嶷之山神繽然來迎二女。嶷一作疑。

季海按：繽故書當爲賓，讀如賓于四門。王逸以爲繽紛字，非也。《漢書·郊祀歌華燁燁十五》云：「神之愉，臨壇宇。九疑賓，夔龍舞。」此楚聲也，字正作賓。楚俗降神，蓋有使巫飾爲九疑之神，以賓迎尊神者。夔龍舞，所以虞神，亦巫飾之爾。昔之說書者專以爲想像之辭，胥失之矣。

皇剡剡其揚靈兮。注：皇，皇天也。剡剡，光貌。言皇天揚其光靈。又：陟陞皇之赫戲兮。注：皇，皇天也。赫戲，光明貌。言已雖……陞天庭，據光曜，不足以解憂。

季海按：王注是也。《屈賦》之言「皇天」者，《離騷》上云：「皇天無私阿兮」，又《天問》云：「皇天集命」，是也。但謂之皇，不言天者，《淮南》亦或如是。《精神訓》：「登太皇，馮太一，玩天地于掌握之中。」注：「大皇，天也。」《淮南》言「登太皇」，猶《離騷》言「陟陞皇」矣。

湯禹嚴而求合兮，鑿咎繇而能調。注：調，和也。言湯禹至聖，猶敬承天道，求其匹合，得伊尹、咎繇，乃能調和陰陽，而安天下也。

季海按：調當訓適，此楚語也。《淮南·說林訓》：「梨、橘、棗、栗不同味，而皆調於口（作已誤）。」《注》：「調（作謂誤），適。」今謂此調字與《淮南書》同，言湯禹求匹，而摯、咎繇能適也。王云：「調、和」，自是通語，和、適義亦相近。賈生曰：「剛柔得適謂之和，反和爲乖。合得密周謂之調，反調爲鑿。」（見《新書·道術篇》。）又曰：「上下調而無尤」，曰：「君臣乖而不調。」（並見《耳痺篇》。）是和、調、乖、

整亦可互舉，其言調者，於《離騷》不遠矣。又尋《楚辭·七諫·謬諫》曰：『恐操行之不調。』《注》：『調，和也。恐不和於俗，而見憎於衆也。』彼注無失，以說此文，亦可也。第不當言調和陰陽耳。（《淮南·脩務訓》：『若以布衣徒步之人觀之，則伊尹負鼎而干湯。』高《注》亦曰：『伊尹處於有莘之野，執鼎俎，和五味以干湯，欲其調陰陽，行其道。』《詩》云：『實惟阿衡，實左右商王』是也。『高又引《詩》，疑三家詩說有其義。叔師與高，各有取焉爾。』）

甯戚之謳歌兮，齊桓聞以該輔。
注：該，備也。桓公夜出，甯戚方飯牛，叩角而商歌，桓公聞之，知其賢，舉用爲客卿，備輔佐也。

季海按：該，備於楚故爲代語，《招魂》曰：『招具該備』，《注》：『該，亦備也』，是其義。

路脩遠以多艱兮，騰衆車使徑待。
注：騰，過也。言崑崙之路，險阻艱難，非人所能由，故令衆車先過，使從邪徑以相待也。待一作侍。

季海按：《遠遊》：『左雨師使徑侍兮』，與『右雷公以爲衛』對舉，其爲『徑侍』甚明，故王《注》云：『告使屏翳，備不（今本作下，誤）虞也』（孫氏《札迻卷十二》轉欲據《離騷》今書，改《遠遊》此文作『徑待』，既弗勘下文，又未細讀王《注》，其說非也）。《離騷》此文，亦當作『徑侍』，與《遠遊》同；近人已頗知之，茲故可得而略也。尋《史記·五帝本紀》：黃帝『遷徙往來無常處，以師兵爲營衛』，原則無事師兵，但騰車以侍足矣。騰亦不訓過，《說文·馬部》：『驛，置騎也』；『驛，驛傳也』；『騰，傳也』，文相次比，蓋騰之本義云爾。此騰正當訓傳，騰衆車者，謂傳車相屬，如置郵矣。王《注》以徑爲邪徑，

又云：使衆車先過以相待，皆非也。若今書《離騷》章句，非後人所亂，卽叔師《經》本，已誤作『徑待』矣。

恐鵠鵠之先鳴兮。

注：鵠鵠，一名買鵠，常以春分鳴也。鵠一作鵠。

季海按：敦煌本《楚辭音》正作鵠，達計、達兮、徒典三反，具詳異讀，而無異文。《文選》亦作鵠，諸唐人所引，復多從鵠（《史記曆書索隱》、《漢書揚雄傳注》、《後漢書張衡傳注》），蓋隋唐舊本如是。《廣韻》於鵠惟曰『鵠鵠』，《集韻》引《說文》『鵠鵠或從弟』而已，尙不以爲鵠鵠字。今本作鵠，當出宋人。鵠有弟音，流俗遂作鵠字耳。敦煌本《楚辭音》又云：『鵠，又鵠同。』唐人引多作鵠鵠，與又本合。劉申叔《楚辭考異》謂隋唐已有作鵠之本，引《玉燭寶典》《文選注》證之，當時未見敦煌卷子故也。今據騫公所引《文釋》，與李善《思玄賦注》引服虔說悉同（偶有出入，是傳述小異），俱云鵠鵠。是作鵠之本，又不始於隋唐也。古今釋此文者，大抵不出三家：其一主買鵠，卽子規，王氏以下是也。其一主伯勞，騫公引《文釋》，李善引服虔是也。其三主布穀，《楚辭音》《張衡傳注》引《廣雅》是也。其文與今《廣雅》不合，當由討論未精，章懷亦承舊音之誤耳。王氏《疏證》駁之，是也。觀《疏證》引《玉篇》諸文，則知陳隋間人所見略同，承訛已久。今本出於曹憲（《集韻》引《博雅》：鵠鵠，子鵠也。與今正同，惟鵠、鵠爲異，亦據曹本也），專門之學，宜加審正耳。其主伯勞者，徒以鵠、鵠音聲相附，不嫌同呼，然《夏小正》云：『鵠者，百鵠也。』《爾雅》：『鵠，伯勞也。』不聞伯勞更名鵠鵠。以此改王，毋乃專輒。王云：『恐鵠鵠以先春分鳴，使百草華英摧落，芬芳不得成也。』此以

鵲鳩先鳴，見地氣劇轉，衆芳後時，故云芬芳不得成，理本無謬。江氏以春鳥譏之，不然耳。（李善引服說，未詳所據，疑不出子慎，今本字誤爾。）

惟此黨人之不諒兮。 注：諒，信。一作亮。

季海按：敦煌本《楚辭音》出『亮』，云：『宜作諒，諒，信也，同力仗反』，是《楚辭》故書本作『亮』，後人從舊說改作諒耳。《爾雅·釋詁》：『亮，信也』，《離騷》之文，正與《爾雅》相應。又《方言·第一》：『諒，信也。衆信曰諒，周南、召南、衛之語也。』『諒』郭《注》：『音亮』，與騷《音》同，是亮、諒音義俱通，古今字爾。如子雲之記，信謂之亮，故是楚語。

椒專佞以慢愒兮。 注：椒，楚大夫子椒也。洪氏《補注》曰：『古今人表』有令尹子椒。

季海按：《史記》有令尹子蘭，無子椒。王云子椒楚大夫，未知何據。今尋《鹽鐵論·非鞅篇》：『大夫曰：是以上官大夫短屈原於頃襄。』又《訟賢篇》：『文學曰：夫屈原之沉淵，遭子椒之譖也。』（椒今作柳，形之誤也。王引之《春秋名字解詁》子柳有三，字皆借爲酉。羣書不云屈平同時更有子柳。）季海謂子椒是上官大夫字，《史記》有上官而無子椒，以此。大夫、文學，當昭帝初，計其受書之年，故在武帝之世，見聞去遷甚近，故其言最審。《史記》云：『懷王使屈原造爲憲令。屈平屬草藁未定，上官大夫見而欲奪之。屈平不與，因譏之』，云云。卽其專佞慢愒可知矣。又云：『令尹子蘭聞之大怒，卒使上官大夫短屈原於頃襄王，頃襄王怒而遷之。』以下具述漁父之辭，終之以《懷沙》之賦。然原之沉淵，遭上官之譖甚明。大夫謂之上官，文學謂之子椒，其爲一人，又可知也。自《新序·節

士篇：『張儀之楚，貨楚貴臣上官大夫、靳尚之屬，上及令尹子蘭、司馬子椒』，而王逸又云：『同列大夫上官、靳尚、懷王少弟司馬子蘭。』其實令尹、司馬，俱楚之尊官，遂相皮傳耳。令尹子蘭而外，要不足信。然考之《史記》，頃襄王立，始以其弟子蘭爲令尹。於勸懷王行，猶曰稚子子蘭。張儀之楚，又在其前，則此云令尹子蘭，亦誤也。《人表》：令尹子椒，次卽子蘭。令尹字當屬子蘭，無爲著子椒其間。又列上官大夫於中，子椒於中下，亦不合《史記》（惟以上官大夫、靳尚爲二人，可以釋後學之疑）。疑本云『上官大夫子椒』，寫者錯子椒在下，遂與令尹子蘭相提。然蘇林注《揚雄傳》反離騷已云：『椒、蘭，令尹子椒、子蘭也。』則魏本與今正同。豈以舊無界畫，故等差易漫耶。（界畫自顏氏以來有之，而景祐本諸表，尙多散無友紀者，則其前可知已。）

【附記一】《淮南·人間訓》：『白公勝果爲亂，殺令尹子椒、司馬子期。』注：『子椒、子期皆白公之季父。』此卽《春秋傳》公子申，羣書皆曰子西，不云子椒也。若非《淮南書》誤，卽《春秋》古文子西當爲子西，椒借爲西，申、西字正相應。今書闕宜申、曾申，字俱作子西，此亦從西作，無足怪也。西、西形近，義亦比傳，故當相承不覺耳。《淮南注》不言子椒當爲子西，是叔重所讀，不作西字也。《人表》所書，豈謂是邪？然校以世次，不當在此。今表亦自有楚子西，與楚司馬子期世次相當。然子期既書司馬，此不書令尹何也？豈以蘇林誤引，後來遂移子椒於子蘭之世，浸據今書，補記子西，故缺略不備耶？

【附記二】子蘭爲令尹，在頃襄世，更有明文。懷王令尹，不知何人。《人表》：令尹子椒在子蘭前，

若非後來所改，卽班以子椒當懷王令尹也。然史公不記，劉向未窺，班將何從而得之？今亦勿取也。

【附記三】《元和姓纂》云：楚懷（《秘笈新書》引無此字）王子蘭爲上官邑大夫，因氏焉。秦滅楚，徙隴西之上邽。（見《孫星衍洪塾同校本三十六養上官條》。然《四十一漾》引《秘笈新書》又出上官，鍾複無謂，是其疎也。）以爲子蘭，與《史記》不合。然以上官爲楚邑，宜有所據，以廣異聞可也。

揭雲霓之晦藹兮。

注：晦藹，猶翳鬱，陰貌也。藹，《釋文》作濫，一作靄。

季海按：《釋文》是也。《集韻十四太》有云：「晦濫，鬱陰也。」其義卽取之王《注》（惟王云「翳鬱」，云「陰貌」；今云「鬱陰」，則割鬱字下屬，是誤讀王《注》耳），所據與《釋文》本正合。《離騷》「濫」字，王逸訓作奄，一作晦，又訓掩。敦煌本《楚辭音》於「濫吾遊此春宮」句出「濫」，苦閑反。王逸曰：「濫，奄也。」案奄並作晦字，於感反。《廣正》：「晦晦，暗也。」《字詁》云：「亦暗字也。」王逸又詁爲掩。凡作三形也。其「苦閑反」，自是今音，王讀不爾。依王，晦、濫聲義俱近，濫、濫同字。《廣雅》：「濫，依也」（《衆經音義卷十九》引），本或作「濫」，依也」（《集韻·二十八盍》引），今書作「濫」，當卽「濫」之壞字，是也。晦猶濫也。雙聲言之，則曰晦濫。《漢書·郊祀歌赤蛟十九》云：「晝晦濫。」師古曰：「濫，音藹，晦濫，雲氣之貌。」此自楚聲，《離騷》舊本當與《漢書》同。其作藹者，以音改之，猶宅改字也。（日本古鈔卷子本《楊雄傳反離騷》顏《注》引《離騷》已作晦藹字，則自唐以前，有此本矣。）

靄則又蒙雲霓字從雨耳。

齊玉軼而並馳。

注：軼，軼也；一云：車轄也。言齊以玉爲車轄，並馳左右。洪氏《補注》：《方言》云：輪，韓、楚之間謂之軼。

季海按：下以軼爲鋼，未詳；或讀若鍋，蓋有二義：《方言》第九：「車釭，齊、燕、海、岱之間謂之鍋，或謂之鋸；自關而西謂之釭，盛膏者乃謂之鍋。」若齊、燕、海、岱之間語卽謂車釭；關西語又謂盛膏器也（然《史記·騶衍列傳》：「故齊人頌曰：談天衍，雕龍奭，炙穀過髡」，《集解》：「《別錄》曰：過字作「軼」，「軼」者，車之盛膏器也」，此述齊人之言，而與關西語正同）。此二義於《離騷》皆無取。其一云「車轄」者，《漢書·揚雄傳》《甘泉賦》：「肆玉鈇而下馳」，晉灼曰：「鈇，車轄也」，然下文明云：「風儼儼而扶轄兮」，則子雲不以鈇爲轄也；於《離騷》文義亦不相會，段氏非之，是也（見段玉裁《說文解字注·車部》：「軼」字下）。洪氏云云，出《方言》第九，以說此賦，亦爲迂闊。尋《說文·車部》：「軼，車轄也」；「轄，轂端鎔也」，戴東原、段若膺並據此以說《離騷》，最是。其在《方言》第九又曰：「轄、軼、鍊鎔，關之東西曰轄，南楚曰軼，趙魏之間曰鍊鎔」，戴君《屈原賦注》獨引此文而爲之說曰：「齊玉軼，言竝轂而馳」，其義精矣，俱引《方言》，而洪氏乃不免失之眉睫也。

抑志而弭節兮，神高馳之邈邈。

注：邈邈，遠貌。言已雖乘雲龍，猶自抑案，弭節徐行，高抗志行，邈

邈而遠，莫能追及。一云：邁高馳。

季海按：《哀郢》：「衆踳踳而日進兮，美超遠而逾邁」（語又見《九辯》，故《注》云：「此皆解於《九辯》

之中），與《離騷》此言正合，明楚語有之，一本是也。《說文·辵部》：『邁，遠行也』，超遠逾邁、高馳邁邁，並有遠義（《說文·辵部》：『邁，遠進也』，宋玉之辭，蓋用其本義。《遠遊》曰：『高陽邁以遠兮』，《方言·第六》云：『物，邁，離也。楚謂之越，或謂之遠』，是邁、遠於楚，亦代語也。蓋單言曰邁，重言則曰邁邁，俱謂遠矣），許君說得之。玩《離騷》經、注，俱與神無涉，知今本誤爾。

又《九歌·湘君》：『沛吾乘兮桂舟』，王《注》：『沛，行貌，言己雖在湖澤之中，猶乘桂木之舩，沛然而行，常香淨也』；《九章·抽思》：『實沛徂兮』，王《注》：『徂，去也。言己誠欲隨水，沛然而流去也。』沛借爲邁，邁、沛古音皆在脂部，《釋言》《毛傳》皆曰：『邁，行也』，與王注《湘君》，意同耳；或以爲行，或曰行貌，因文制宜，遡源則一也。《楚辭》『沛』借爲『邁』，猶《毛詩》『邁』借爲『怖』矣（《詩·小雅·白華》：『視我邁邁』，《毛傳》曰：『邁邁，不說也』，《釋文》云：『《韓詩》及《說文》並作怖怖。《韓詩》云：『意不說好也。』許云：『很怒也。』今《說文》作恨，似宜依很，邁者怖之段借，非有韓、許，則《毛詩》不可通矣。許宗毛而不廢三家詩——見段玉裁《說文解字·心部》『怖』字《注》）。沛、怖俱从巾聲耳。邁、沛本是一言，而漢師各从所讀，或書作邁，或書作沛，蓋自王叔師以下，莫能尋其本源者，非一事已。

九辯第二

宋廖兮，收潦而水清。

注：源瀆順流，漠無聲也。宋一作寂，廖一作寥，一作謬。溝無溢濫，百川

淨也。

季海按：《淮南·兵略訓》：『是故將軍之心：滔滔如春，廣廣如夏，湫湫如秋，典凝如冬。』宋古音同湫（同在幽部），『宋慶』即『湫湫』，此郢都遺言，下逮漢之淮南，猶無改舊俗爾。

時憂憂而過中兮。 注：時已過半，日進往也。五臣云：過中，謂漸衰暮也。

季海按：《史記·扁鵲倉公列傳》：『吾年中時』，《索隱》：『按年中謂中年時也。中年，亦壯年也，古人語自爾。』過中，謂過年中時也。

超逍遙兮今焉薄。

注：遠去浮遊，離州域也；欲止無賢，皆讒賊也。又：衆踳踳而日進兮，美超遠而逾

適（此二句又見《九章·哀郢》，所謂『口多微辭，受之於師』也）。又《九歌·國殤》：『平原忽兮路超遠。』注：言身棄平原山野之中，去家道甚遠也。一云：平原路兮忽超遠。

季海按：凡此諸文，或單言超，或超、遠並舉，皆謂遠也。《方言·第七》：『釗，超，遠也。燕之北郊曰釗，東齊曰超。』然則遠謂之超，亦齊楚間通語爾。

白露既下百草兮，奄離披此梧楸。

注：痛傷茂木，又芟刈也。

季海按：《說文·艸部》：『菩，艸也。从艸，吾聲。』《楚詞》有『菩蕭』。《段注》：『按今《楚詞》無『菩蕭』，惟宋玉《九辯》云：『白露既下百草兮，奄離披此梧楸。』『梧楸』，蓋許所見作『菩蕭』，正『百草』之二也。』段說是也。尋《易林·剝之坤》：『從風縱火，萩（今譌作荻，此从王念孫校）之俱死』，其於《淮南·俶真篇》則云『巫山之上，順風縱火，膏夏、紫芝，與蕭、艾俱死』，《左·襄十八年傳》云『伐

雍門之萩，晏子春秋外篇則有云『見人有斷雍門之櫛者』，依王念孫說，蕭、萩、櫛、楸爲轉語（見《經義述聞》第二十八爾雅下『蕭萩』條）；然楚人謂之蕭（《說文》引《楚詞》及《淮南·傲真篇》可證），齊人謂之櫛（晏子春秋），故是齊語，不謂之萩、楸者，則語從其方也。《爾雅·釋草》有云：『蕭，萩者，正所以釋方國之殊語耳。逮陸機著《草木疏》乃云：『蕭，今人所謂『萩蒿』者是也』（《詩采葛正義》引），蓋至是而『蕭、萩』始爲古今語矣。《淮南》語楚，文與《楚詞》相應，《九辯》故書，正當作『蕭蕭』耳。許君親遊東觀，及事賈逵，故所引最爲審諦。《章句》以『茂木』爲義，是讀爲『梧楸』，昉自叔師也。

余萎約而悲愁。

《注》：身體疲病，而憂貧也。萎，《文選》作委，五臣云：『言使余委弃，而悲愁也。

約，弃也。』洪氏《補注》：萎，草木枯也。約，窮也。又：柯彷彿而萎黃。《注》：肌肉空虛，皮乾腊也。萎一作委，一作殘。

季海按：《離騷》：『雖萎絕其亦何傷兮』，《注》：『萎，病也』，洪氏《補注》：『萎，草木枯死也。』《平賦》『萎絕』，猶玉賦『萎約』，《萎黃》，蓋楚語如是。王云『萎，病也』者，《說文·艸部》：『萎，食牛也』，非其義；字當借爲『殘』，《內部》：『殘，病也』，是也。『萎黃』：『萎』一作『殘』，與《說文》合，正用其本字爾。尋慧琳《大藏音義》七十六引《倉頡篇》：『萎黃，病也』（見陶方琦《補本》），是『萎絕』、『萎約』、『萎黃』，俱謂病也。楚言：病謂之萎，自人通於草木，初無異辭；洪氏必依草木爲義，是猶囿於偏旁，故失之拘覷矣。

《釋詁》：『魑、頹、玄黃，病也』，郭《注》：『魑、頹、玄黃，皆人病之通名，而說者便謂之馬病，失其義也』，郝氏《義疏》引《易》：『其血玄黃』，《詩》：『何草不黃』，《素問》：『黃如蟹腹』，《史記·扁鵲倉公傳》：『望之殺然黃』，以申成郭義，皆是也。然病謂之『黃』，白人以通於草木，又不獨見於『萎黃』而已。
歲忽忽而道盡兮。 注：年歲逝去，若流水也。適一作逝。

季海按：原本《玉篇·阜部》：『隤，徒雷反，野王案：《說文》：『墜下也』（今《說文》作下隊也）。《楚辭》：『歲忽忽其隤盡』是也。顧引《楚辭》，即《九辯》之文，今書『其』作『而』者，猶《離騷》：『芳菲菲而難虧兮』，『而』一作『其』，《惜誦》：『事君而不貳兮』，『而』一作『其』，《九辯》：『春秋遼遼而日高兮』，『而』亦作『其』（《說文繫傳四》引，見劉氏《楚辭考異》）；『適』即『隤』之壞字。《九章·悲回風》：『歲忽忽其若頹兮』（《類》當从《玉篇》作『隤』，《說文》：『隤，秃兒』，非其義，流俗書不復分別耳），此宋玉所本。叔師《章句》舊第，《九辯》在《九章》前，故野王捨彼取此也。王彼《注》：『年歲轉去而流沒』，與此《注》：『年歲逝去若流水』正相似，明皆據隤作釋，故無一致，適別有義，叔師無緣不爲分別也。《九辯》下文又自有『歲忽忽而適盡兮』，《注》：『時去晻晻，若驚馳也』，《注》似小異，疑此句始作『適盡』，故王別爲之注，不云『解已見前』也。亦可本皆作『隤』，王《注》姑隨文作釋，不復謹嚴。一作逝者，涉《注》而誤。劉氏《考異》亦載此條，而持兩端，無所折衷，今不取。

印明月而太息兮。 注：上告昊旻，慰神靈也。印一作仰。洪氏《補注》曰：印，望也，音仰。又：仰浮雲而永歎。注：慰天語神，我何咎也。古本仰作印。五臣云：衆人皆蒙君澤，而我獨不濡，故仰望而長

歎也。

季海按：《說文·匕部》：『印，望欲有所庶及也，從匕、從卩。』《詩》曰：『高山印止』，此云『印明月』、『印浮雲』，語同一律，正用本字，今或作仰者，後人所改耳。段玉裁云：『印與仰義別，仰訓舉，印訓望，今則仰行而印廢，且多改印爲仰矣。』《小雅·車桑》曰：『高山印止』，《箋》云：『印，慕』，《過秦論》：『常以十倍之地，百萬之衆，叩關而攻秦』，俗本作叩、作仰，皆字誤、聲誤耳』（見段氏《說文解字注》），是也。

竊悲夫蕙華之曾敷兮。 五臣云：敷，布也。

季海按：敷借爲蓐。《說文·艸部》：『蓐，華葉布，從艸，傅聲，讀若蓐』，是也。

鳳亦不貪餒而妄食。

季海按：《說文·食部》：『餒，飢也，一曰：魚敗曰餒』，大徐依孫愐《唐韻》音『奴罪切』，非其義。此借爲『萎』，《說文·艸部》：『萎，食牛也』，《唐韻》音『於僞切』，是也。據玄應《正法華經音義》：『餒，奴罪反，《三蒼》作餒，餓也』；又《陀羅尼雜集經音義》：『餒，於僞反，《三蒼》：『餒，飢也』』，是唐人所據《三蒼》，餒有兩讀，亦或以爲萎飢字矣（義詳梁章鉅《倉頡篇校證》）。尋《舊唐書·經籍志》有三蒼二卷，李軌等撰，郭璞解，《新唐書·藝文志》云：李斯等三蒼三卷，郭璞解；又有三蒼訓詁二卷，張揖撰，《新書志》云三卷：疑前讀出張揖，稚讓魏人，去漢未遠，其聞見宜與許君差近；後讀當出景純解中，江左學者，時多新義，郭生好奇讀亦頗異矣。《說文》取其前義，蓋後讀晚出，許君時所未

有，故以『姜』爲『食牛』，而不於『餒』下云『一日食牛』也。

霰雪霏糅其增加兮。其一作而。洪氏《補注》：『霰，雪貌。』

季海按：《九辯》上云：『惟其紛糅而將落兮』（王《注》：『蓬茸顛仆，根蠹朽也。』）糅一作揉，而一作之，紛糅、霰糅，明是一語；此从雨者，流俗緣霰雪字改其偏旁耳，故書止當作紛糅。

自壓桮而學誦。注：弭情定志，吟詩禮也。壓一作厭，桮一作按，一作壓塞。洪氏《補注》引《釋文》：『厭，於鹽切，安也。』

季海按：《釋文》音義是也。壓當作厭，桮當從一本作塞，厭塞卽厭塞，《方言》：『厭塞，安也。』《注》：『物足則定。』是厭塞有安定之義，故王云弭情定志也。《廣雅·釋詁》：『厭塞，安也。』理兼情志，故字又从心。《方言》所記，卽出楚語，後人不達，改作壓桮字耳。

心搖悅而日幸兮。注：意中私喜，想用施也。搖一作遙，一作搖，幸一作幸。洪氏《補注》：『搖，動也；搖，憂也；無喜悅義。幸與幸同。』

季海按：《方言》第十三：『眺說，好也』，郭《注》：『謂姘悅也，音遙』，搖悅卽眺說，本謂美好，亦或以爲自好，語不殊耳。一本作遙，與郭《音》正合；又或从心者，流俗緣悅字改故書耳。郭云『姘悅』者，『姘』讀與『般』同，《釋詁》：『般，樂也』，郝懿行云：『般者，昇之段音也，《說文》云：『昇，喜樂貌』；省作弁，通作般，又通作槃，又作盤（詳郝氏《爾雅義疏》），是也。其實郝《疏》所出，音義並與『姘』同，本一名耳。《孟子》云：『般樂怠敖』（見《公孫丑篇》），又云：『般樂飲酒』（見《盡心篇》），

《荀子》云：『般樂奢汰』（見《仲尼篇》），則『般亦樂也』，楊說得之（見《仲尼篇注》；趙君注《孟子》云：『般，大也』，未諦）。婢悅、般樂，語略同耳。子所雅言，嘗及說、樂矣，說者或云『悅深而樂淺』，或云『自內曰悅，自外曰樂』（並見陸德明《論語學而音義》引），必以內外、淺深爲義，則郭言『婢悅』，故內而深者也。《九辯》之文，正見美人自好覲幸之情，王《注》僞：『意中私喜，想用施也』者，詞約理精，不可易矣（《說文·口部》：『喀，喜也』，眺，借爲喀）。慶善乃謂『無喜悅義』，豈其然乎？

何汜濫之浮雲兮，森壅蔽此明月？忠昭昭而願見兮，然霽暘而莫達。

洪氏《補注》：霽，音陰，雲覆日

也。暘，陰風也。

季海按：霽當作霽，《說文·雲部》：『霽，雲覆日也，从雲，今聲』，是也，霽卽霽之壞字。《九辯》上云：『陰陽不可與儻侖』，《釋文》：陰作霽，足證今本之誤。《說文·日部》：『暘，天陰沈也』（从段校），段玉裁《注》：『《邶風》曰：『終風且暘』，《爾雅》、《毛傳》皆云：『陰而風曰暘』；暘主謂不明，《爾雅》、《毛傳》因詩句，兼風言耳，故許易之。陰沈當作霽，今謂段說皆是也。尋《晏子春秋·內篇諫下》，景公嬖妾死章：『仲尼聞之曰：星之昭昭，不若月之暘暘』，係星衍《音義》引《詩·邶風》：『暘暘其陰』，《毛傳》：『如常陰暘然』，亦是也。宋玉之辭，『昭昭』與『霽暘』相對，猶仲尼以昭昭、暘暘爲對文也：是霽霽曰暘，亦齊、魯、衛、楚之間通語爾。

堯舜之抗行兮。注：聖迹顯著，高無顛也。瞭冥冥而薄天。注：茂德煥炳，配乾坤也。瞭一作杳。洪

氏《補注》：瞭，音了，明也。又《九章·哀郢》：堯舜之抗行兮，瞭查查而薄天。一無瞭字，一云：杳冥冥而薄天。

季海按：此宋玉用屈平句，所謂「口多微辭，受之於師」也。平言杳杳，玉云冥冥，意不殊耳。以此爲驗，知一本紛紛，皆非也。王云：「茂德煥炳」，卽以明瞭爲義，《補注》申之，是也。然此瞭實當讀爲瞭，《文選·魏都賦》：「劍閣雖瞭，憑之者蹶」，李善《注》：「《廣雅》曰瞭巢，高也，力彫反」，是也。此云薄天，正見抗行之高，王《注》上句得之。

《說文》無瞭字者，蓋正篆止當作「瞭」。《風部》有「瞭」，云：「高風也，从風，翏聲」，翏聲古音在幽部，寮聲在宵部者，楚俗古宵部字或讀入幽也。《惜往日》以昭韻流、幽，《九辯》以昭韻悠、愁，《招隱士》以瞭韻幽，是楚人讀「瞭」聲正如「翏」，故有高義，漢師受之，蒼卒不得其字，遂弗能正讀耳。被荷櫛之晏晏兮。注：荷，芙蕖也。櫛，祗櫛也，若櫛櫛矣。晏晏，盛貌也。然潢洋而不可帶。注：潢

洋，猶浩蕩，不著人貌也。言人以荷葉爲衣，貌雖香好，然浩浩蕩蕩，而不可帶，又易敗也。洪氏《補注》：潢，音晃，戶廣切，水深廣貌。洋，音養，混潢，水貌。

季海按：劉氏《楚辭考異》云：「案慧琳《音義》三十三引作「潢潢而不可帶」，《四十二》、《四十三》引作「潢潢而不可帶」；又云：「案慧琳《義音》三十三引《注》作「潢潢，猶浩蕩，大波濤也」，與此異，或「不著人」乃「大波濤」之誤。」尋玄應《一切經音義·陀羅尼雜集經第一卷》出「潢潢」，云「胡廣反，《楚辭》：「潢潢而不可帶」，王逸曰：「潢潢，猶浩蕩也。」經文作「洗洋」，古黃反，下似良，以章

二反，二形並非今用，與慧琳《音義》四十二、四十三引作『潢潢』者合，是唐本《楚辭》：『潢潢』作『潢潢』也。字作『潢』者，《說文》云：『漾』，古文从養也（見《水部》），《楚辭》此賦，既先秦舊書，足徵古文矣。王云『猶浩蕩』者，蕩，借爲『漾』，《說文》云：『漾，水漾漾也，讀若蕩』，是也。潢潢、漾漾、浩蕩，既俱是水貌，義亦宛轉相通矣。或曰：據《說文》，則『漾』者，古文以爲漾水字；然宋玉言『潢潢』，許君言『漾漾』，何也？曰：是借爲『漾』，《說文·永部》：『漾，水長也，从永，羊聲，《詩》曰：『江之美矣』』，本義爲水長，引申而爲『潢潢』、『漾漾』，蓋『漾』字晚出，古文但作潢耳。潢潢、浩蕩，本是水貌，而賦言『不可帶』，明此正謂荷裊不著人貌，浩浩蕩蕩然也，故王《注》云爾。《大藏音義》三十三又云『大波濤』者，慧琳自申己意，以明所釋耳，劉說非也。《補注》云『潢，水深廣貌』者，本字當作『汪』，《說文·水部》：『汪，云：『深廣也』』，《唐韻》音『烏光切』，是也；《說文》：『潢，積水池，从水，黃聲』，非其義。然玉《賦》言『潢潢』者，潢正當讀若『洸』，《說文》：『洸，水涌光也，从水，从光，光亦聲』，光、黃聲通（《說文·黃部》云：『黃』，『从艹，艹亦聲，艹古文光也』），『水涌光』與『水漾漾』，義亦相成，玄應引經文，亦作『洸洸』矣。洪以水深廣爲言，雖音義可通，而實非當句所用，知者，以水貌擬其形容則均，而有動靜之異，此喻其動，而衣不著人，狀溢目前也；苟以深廣爲言，亦於荷裊何與？玉《賦》下云：『然潢潢而不過兮』，《故書》亦當作『潢潢』，既曰『不遇』，其『不著人』可知；王注此句云『偃偃後時，無所逮也』者，既『不著人』，則必『偃偃後時』矣。《注》文雖異，義則同也。

九歌第三

《東皇太一》：『瑤席兮玉瑱，盍將把兮瓊芳。』注：瓊，玉枝也。言已修飾清潔，以瑤玉爲席，美玉爲瑱。靈巫何持乎？乃復把玉枝以爲香也。

季海按：《離騷》云『折瓊枝以繼佩』，又云『折瓊枝以爲羞兮』，王以瓊爲玉枝，當出於此。然《離騷》所云是琅玕樹之比，寓言而已，非真致此也。《九歌》瓊芳，乃靈巫所把，原所親見，本非想像之辭，不當援彼說此。若以玉枝止謂美玉之如枝柯者，則玉有五德，何云芳也？今謂瓊芳與葳茅同實。《離騷》『索葳茅以筵簞兮』，《文選》葳作瓊。葳、瓊皆借字（洪氏《補注》、吳氏《草木疏》皆引《爾雅》『葳、葳茅』以釋《離騷》，此大誤也。若以爲葳，則葳是本字。然葳一名舜，《說文》云：『舜，楚謂之葳，秦謂之葳。』《離騷》楚書，反作秦語乎？郝懿行《爾雅義疏》朱氏《離騷賦補注》並言其非是，而義證闕如，是未考方言也。然《說文》舜字解詁陸機、郭璞，皆止名葳，陸氏《釋草音義》於狼尾注出茅字，亡交反，於本條則否，知今《說文》葳字解及《釋草》此文有茅字者，後人妄加之。葳蓋楚之香茅，故云芳也，又曰靈茅（《封禪書》集解引孟康，《郊祀志》注引張晏，未知孰是）。《尚書》曰荇茅（從鄭義），《春秋傳》曰苞茅，管仲所謂一茅三脊，本一物也。《夏本紀》正義引《括地志》云：『辰州盧溪縣西南三百五十里有苞茅山。』《武陽記》云：『山際出苞茅，有刺而三脊，因名茅山。』《元和郡縣志》云：『麻陽縣苞茅山產茅，有刺而三脊，在縣西南三百五十里。』蓋後屬麻陽，然不得復云西南三

百五十里，此襲《括地志》舊文而誤也。洪亮吉云：『包茅山在麻陽縣東九十里茅坪邨』，是也。《太平寰宇記》永州有苞茅：『《山川記》云：『野有香茅，貢以縮酒，左氏謂楚貢包茅不入是也。』《湘州記》云：『其俗八月上辛日把以祓神。』』如《括地志》說，當今湖南西部，依《寰宇記》引，則其南部也。揚榘而言，蕝芳所出，故在沅湘之間矣。《湘州記》明載楚俗，云『把以祓神』《周官·男巫》亦云『旁招以茅』。《九歌》所用，度不相遠。《禮魂》云：『春蘭兮秋菊，長無絕兮終古。』注：『言春祠以蘭，秋祠以菊。』是楚俗事神，有春秋之祠。據《湘夫人》稱秋風，《少司命》稱秋蘭，則靈均緣秋祠作歌也（《風俗通義·祀典篇司命》云：『今民間祀司命齊天地，大尊重之。汝南餘郡亦多有，皆祠以腊，率以春秋之月。』汝南楚分，春秋祀司命，正是楚俗，漢末未改也）。然稱吉日，其上辛與？

尋《水經注》卷三十八湘水：『營水又西北逕泉陵縣西……《晉書·地道記》曰：『縣有香茅，氣甚芬香，言貢之以縮酒也。』』蓋王隱之言，與《太平寰宇記》引《山川記》正合，明『永有香茅，貢以縮酒』，故史無異辭也。又胡渭《禹貢錙指》卷第七『包匭菁茅』下云：『茅氏《匯疏》曰：『《溪蠻》（二字原本誤倒，今正）叢笑云：『麻陽包茅山茅生三脊，孟康曰零（當作靈）茅，揚雄曰瑤茅，皆三脊也（按朱輔書自此以上屬『三脊茅』）。《爾雅》謂之莠，廣雅謂之芘莫，《本草》云：生楚地，三月採（《學海類編》本採下有根字），陰乾。俗人以社前者爲佳，名鴉衡草（按朱書自此以上屬『鴉衡草』，即紫草也，茅氏誤引）。』今辰、常並出，包茅山在麻陽縣東九十里，靖州亦多有之。』渭按：《封禪書》：『管仲謂桓公曰：『江淮之間，一茅三脊，所以爲藉也』，其用不同，恐別是一種。《易》曰：『藉用白茅』者

是。且江淮之間，謂淮南、江北也。其在古荊州域者，今爲德安、黃州二府地，而未聞有異茅焉。《晉地道志》亦不言香茅有三脊。荊州所貢，殆非管仲之所稱也。湖南產茅處雖多，終當以泉陵之香茅爲正，泉陵今永州府治零陵縣及所領祁陽縣，皆其地也。今按茅瑞徵誤認《溪蠻叢笑》『三脊茅』與『鴉銜草』爲一事而並引之，胡氏不能匡正，亦其疎也。然茅氏謂辰、常、靖州並出三脊茅，地望都緣沅水，不越湘西，洪亮吉《乾隆府廳州縣圖志》『常德府』亦云『土貢包茅』，辰州盧溪西南則苞茅山在焉，以此推之，茅說故不誣也。胡氏謂荊州所貢，殆非管仲之所稱，今雖未敢質言，然麻陽地處荊州西南，苞茅山所產，亦傳有明文，三脊之異，初不限胡氏所舉『江淮之間』也。

蕙肴蒸兮蘭藉。 注：蕙肴，以蕙草蒸肉也。藉，所以藉飯食也。《易》曰：『藉用白茅』也。言已供待彌敬，乃以蕙草蒸肴，芳蘭爲藉。蒸一作蒸，一作烝。洪氏《補注》：肴，骨體也。蒸，進也，蒸、烝並同。《國語》曰：『親戚宴饗，則有殺烝』，《注》云：『升體解節折之俎』。

季海按：《左·宣十六年傳》：『冬，晉侯使士會平王室，定王享之，原襄公相禮。殺烝（杜《注》：『烝，升也，升殺於俎』），武子私問其故（杜《注》：『享當體薦，而殺烝，故怪問之』）。王聞之，召武子曰：『季氏，而弗聞乎？王享有體薦（享則半解其體而薦之，所以示共儉），宴有折俎（杜《注》：『體解節折，升之於俎，物皆可食，所以示慈惠也』）。公當享，卿當宴，王室之禮也』（杜《注》：『公，謂諸侯』），足與《國語》之文相證。此云肴蒸，謂折俎也。上文云『穆將愉兮上皇』，王《注》云：『上皇，謂東皇太一也。言已將修祭祀，齋戒恭敬，以宴樂天神也』，然則此祭本以宴樂天神，雖祀上皇，猶同宴饗。

之禮：寧舍體薦，而用折俎也。

『蘭藉』義：王《注》是也。《南山經》：『凡雝山之首，自招搖之山以至箕尾之山，凡十山。……其祠之禮毛，用一璋玉瘞，精用秬米；一璧，稻米；白菅爲席。』郭《注》：『菅，茅屬也。』郝氏《箋疏》：『懿行案：《爾雅》云：『白華，野菅。』《廣雅》云：『菅，茅也。』席者藉以依神。《淮南·說山訓》云：『巫之用精藉。』高誘《注》：『精米，所以享神。藉，菅茅。』是享神之禮，用菅茅爲席也。』又《西山經》：『凡西次二經之首，自鈴山至于萊山，凡十七山。……其祠之毛用少牢（郭《注》：『羊、豬爲少牢也。』）。白菅爲席。』觀二經之文，知祠此諸山之神，並以白菅爲席矣。然二經言席，猶《淮南》言藉。《南山經》：『白菅爲席』，上承『精用秬米』，文正相次，知即《淮南》所謂『巫之用精藉』者是也。郝氏引之允矣，然謂『席以依神』則非也。尋《說山訓》：『病者寢席，醫之用針石，巫之用精藉，所救鈞也。』《注》云：『席，蓐。』是於《淮南》，席藉異物甚明。以《淮南》之藉，釋《山經》之席則可；以『依神之席』，當《淮南》之藉則不可。《說文》：『藉，祭藉也。』桂馥《義證》：『「祭藉也」者：《廣韻》：「以蘭、茅藉地。」《周禮》：「鄉師：大祭祀供茅菹。」鄭大夫讀菹爲藉，謂祭前藉也。』又一《甸師》：「祭祀共蕭茅。」《注》云：「茅以共祭之苴，苴以藉祭。」《士虞禮》：「取黍稷祭於苴。」《注》云：「苴，所以藉祭也。」《黃帝問元女兵法》：「祭法：白茅爲藉，長二尺四寸，廣六寸。餅、棗、栗並脯置藉上。」（《隋書經籍志》：『《黃帝問元女兵法》四卷。』《注》：『梁三卷。』今佚。桂氏所引具見《太平御覽》卷第五百二十六禮儀部五祭禮下。玄作元，避清諱。書稱黃帝，自出依託，然《七錄》已有其目，要是晉宋

所傳。此記藉制最詳，雖未必有當楚俗，然於祭藉之用，及夫廣長之數，故可得其髣髴也。是藉以藉祭，非所以依神也。王云『藉，所以藉飯食』得之。然古之祭藉，實用白茅，此變言蘭，恐是靈均假想像之辭，喻佩芳之志耳。

《雲中君》：華采衣兮若英。注：華采，五色采也。言已將修饗祭以事雲神，乃使靈巫衣五采華衣，飾以杜若之英，以自潔清也。

季海按：華，楚語謂賊也。《方言》：『華、荇，賊也。齊楚之間或謂之華。』又曰：『焜、畢，賊也。』注：『焜、畢，焜耀，賊兒也。』是華與焜、畢、焜耀同意。此言華者，正謂衣飾之美曄如也。采衣即五采之衣。不以華采爲義。

《湘君》：薜荔柏兮蕙綢，蓀櫓兮蘭旌。注：柏，搏壁也。綢，縛束也。《詩》曰：『綢繆束楚』是也。柏一作拍。搏一作搏。屈原言已居家則以薜荔搏飾四壁，蕙草縛屋，乘船則以蓀爲楫櫓，蘭爲旌旗，動以香潔自修飾也。蓀一作荃。旌一作旂。

季海按：戴震《屈原賦注》云：『拍，王《注》云「搏壁也」。劉成國《釋名》云「搏壁，以席搏著壁也」。此謂舟之閣間搏壁矣。綢，縞也。今謂戴說柏義是也。此文與蓀櫓相屬，明謂舟上所施，王依居家作釋，固矣。王讀蕙綢如綢繆字，故云「縛束」，戴又以爲縞，則皆非也。綢讀當爲幃（《釋訓》：『幃謂之帳。』《釋文》：『幃本又作幃。』《詩》又作幃，《小星》：『抱衾與幃。』《箋》：『幃，牀帳也。』《正義》引《鄭志》答張逸問曰：『今人名帳爲幃，雖古無名彼爲幃。』《說文》云：『幃，幃帳也。』凡此諸文，

實一物也），楚亦謂帳爲幃，與漢人語同耳。劉成國釋搏壁在《釋牀帳》中，帳與搏壁，物以類舉，故歌辭取以成文矣。《招魂》曰：「蔚阿拂壁，羅幃張些」（說詳《招魂》中），正其比也。其曰「蕙幃」，於《太康之英》則曰「密葉成翠幄」云爾（見陸機《招隱詩》，李善《注》引杜預《左氏傳注》：「幄，帳也」）。

望涿陽兮極浦。 注：涿陽，江碕名，近附郢。極，遠也。浦，水涯也。屈原思念楚國，願乘輕舟，上望江之遠浦，下附郢之碕，以深憂患。洪氏《補注》：今澧州有涿陽浦。《水經》云：涿水出漢中南縣東南旱山，北至沔陽縣南，入于沔。涿水，卽黃水也。《說文》云：浦，濱也。《風土記》：大水有小口別通曰浦。

季海按：《說文·水部》：「涿，一曰涿陽渚在郢。」段玉裁按：「許曰在郢，王曰附近郢；許云渚名，王云江碕名；皆不云有涿水，謂近郢濱大江之洲渚耳，近儒說未可信」（見《說文解字注》）。段說是也。自《水經注》始書澧水合涿水（見澧水《注》），而唐人屬文，遂曰澧州爲涿陽（見《輿地紀勝》卷第七十澧州《引戎昱以下諸作》），下逮洪氏《補注》，又有涿陽浦者，皆緣後人誤認《九歌》涿陽，卽在此涿水之陽，故轉相皮傅，彌失其真耳。胡渭作《禹貢錐指》云：「南江自枝江縣南，又東逕公安縣西，又東南流爲涿水，《九歌》：『望涿陽兮極浦』……卽此水之北也」（《錐指》卷第七《沅潛既道》下），又引《澧州志》云：「涿水爲岷江別派，從公安入境……《楚辭》：『望涿陽兮極浦』，今公安舊縣東南有涿陽鎮，卽其地也。」又云：「然自屈原《九歌》云：『望涿陽兮極浦，橫大江兮揚靈』，蓋涿陽在涿水

之北，大江又在潯陽之北，則戰國時固以北江爲正流，而南江爲潯水矣（並見《卷第十四下》）又東至于澧，過九江至于東陵（下），其失同矣。不悟許君撰《說文》，親引桑欽，徧稽衆水，使此名自古，無緣捨水不言，翻取一渚矣。是知酈書所記，於古無徵，然道元初未附會舊文，以充故實，後人浸淫以說《九歌》《禹貢》，則謬以千里矣。段氏墨守許、王，而以片言折之曰：「皆不云有潯水」，其識卓矣。許君問故實侍中，而其言與王大同，知荆楚舊聞若是，賈王以來，初無異說，潯陽在郢，更無可疑。此自言屈原思念楚國，願乘輕舟，遙睇遠浦，以渫憂患，王《注》正得屈意。惟以上望江浦，下附郢碕，分作兩事，似失之固；今謂潯陽自平意所存，要非望中所得見，故聊稱極浦，以目潯陽所在而已。原既身在湘中，而心存郢渚，故下云：『橫大江兮揚靈』，言欲溯江而上，以趨向郢也。《河伯》之歌曰：『登崑崙兮四望，心飛揚兮浩蕩。日將暮兮悵忘歸，惟極浦兮寤懷。』王氏《章句》曰：『寤，覺也。懷，思也。言已復徐惟念河之極浦，江之遠碕，則中心覺寤，而復愁思也。』夫《河伯》之辭，猶《湘君》之志也。原之不能須臾忘郢蓋如是，王氏兩《注》，陳義深美，曲當其情，可謂知言之選矣。

又按：浦，吳楚間轉語或謂之步。任昉《述異記》卷下：『上虞縣有石馳步，水際謂之步；瓜步在吳中，吳人賣瓜於江畔，用以名焉；吳江中又有魚步、龜步，湘中有靈妃步，昉按：吳楚間謂浦爲步，語之訛耳』，是也。

橫大江兮揚靈。

注：屈原思念楚國，願乘輕舟，……橫度大江，揚已精誠。

季海按：句承『望涔陽兮極浦』，則是遡江而上，非橫度也。《方言·第九》：『方舟謂之橫』。《注》：『揚州人呼渡津航爲杭，荊州人呼橫（宋本誤樹，今依錢《疏》），音橫。』尋《說文》：『航，方舟也。』《禮》：『天子造舟，諸侯維舟，大夫方舟，士特舟』，揚州人呼杭，與此言相應。又：『橫，水津也；一曰以船渡也』，荊州人呼橫，與一義合。《九歌》橫字當讀如橫，正謂方舟，王《注》失其讀耳。《說文》：『方，併船也。象兩舟省，總頭形。』《說文》引《禮》，亦見《爾雅·釋水》，郭《注》『方舟』云：『併兩船』，此其義。原『仕於懷王，爲三閭大夫』，身雖放逐，心懷楚國，故願假方舟，以趨向郢也。

隱思君兮屏（今本字作阱，此从原本《玉篇·尸部》，注同）側。注：屏，陋也。言己雖見放棄，隱伏山野，猶從側陋之中，思念君也。洪氏《補注》：『隱，痛也。』《孟子》曰：『惻隱之心。』

季海按：王云『隱伏』非也。尋《悲回風》：『孰能思而不隱兮』，《注》：『誰有悲哀，而不憂也？隱，憂也。』《詩》曰：『如有隱憂』，此二隱同耳，顧野王所謂『憂痛之隱』（見原本《玉篇·阜部隱字》下；《國語·晉語》：『隱悼播越』，《注》：『隱，憂也』，又《詩·柏舟》：『如有隱憂』，《傳》：『隱，痛也』，是隱有憂痛之義）是也。於《說文》蓋借爲『隱』，許君云『隱，痛也』（見《說文·心部》），段氏《注》：『《柏舟傳》曰：『隱，痛也』，此謂隱卽隱之段借』，是也。王注《九章》，洪注《九歌》，比而觀之，足以見義矣。《公羊·隱三年傳》：『隱之也』，《注》：『隱，痛也』，是痛謂之隱，亦齊楚間通語矣。

又按：《釋言》：『屏、陋，隱也』。《注》：《書》曰：『揚側陋。』是『屏側』猶『側陋』也。或言屏，或言陋，楚、夏殊語，居然可知。

捐余玦兮江中，遺余佩兮醴浦。

注：言己雖見放逐，常思念君，設欲遠去，猶捐玦佩，置於水涯，冀君

求己，示有還意。五臣云：捐遺，皆置也。玦、佩，朝服之飾，置於江、澧二水之涯者，冀君命己，猶可以

用也。洪氏《補注》：捐玦遺佩，以詒湘君，與《騷經》解佩纓以結言同意，喻求賢也。又《湘夫人》：捐余玦

兮江中，遺余襍兮醴浦。注：屈原託與湘夫人共鄰而處，舜復迎之而去，窮困無所依，故欲捐棄衣物，裸

身而行，將適九夷也。五臣云：袂、襟，皆事神所用，今夫人既去，君復背己，無所用也，故棄遺之。洪氏

《補注》：捐袂遺襟，與捐玦遺佩同意。玦、佩，貴之也；袂、襟，親之也。

季海按：《湘君》《湘夫人》之文，於此初無二致，惟以『玦佩』『袂襟』爲異耳，而《章句》一則以爲置於水涯，冀猶可用，一則又以捐棄爲解，同辭異說，其誤可知，且歌詞明謂捐諸江中，又不得以置於水涯爲解也。五臣承譌，可以無譏。洪氏《補注》，始悟其失，有廓清之功矣。尋《爾雅·釋天》：『祭川

曰浮沈。』郭《注》：『投祭水中，或浮或沈。』（此本孫炎說，見《公羊疏十二》）。《歌》舉玦佩、袂襟，捐之

江中，遺諸醴浦，非投祭水中而何？玦、佩沈而袂、襟或浮，此浮沈之義也。捐及袂者，《易》：『六

五，帝乙歸妹，其君之袂，不如其娣之袂良。』注：『袂，衣袖，所以爲禮容者也。其君之袂，爲帝乙

所寵也，卽五也。爲帝乙所崇飾，故謂之其君之袂也。』然則袂者古之所以爲禮容而蒙榮寵者崇

飾之所由加也；又《說文》：『巫，祝也，女能事無形，以舞降神者也。象人兩褒舞形。』是舞以降神，

用在兩袖，五臣云：『事神所用』，亦不誣也。今原且舉而捐諸江中，則其情切矣。《九歌》本緣祀神

而作，餘神不言此者，惟祭川則然也。《河伯》亦無此言者，河非竟內山川，故無由投其玦佩也。且

昭不祭河（見《左·哀六年傳》），原所知也。今於河伯，雖因俗作歌，以視《湘君》、《湘夫人》之禮意殷勤，故有間矣。且《河伯》始於『與女遊兮九河』，終於『送美人兮南浦』，是原志之可知者也。其於越望之祭，何心厚望，自不煩鄭重如湘神也。是荆楚之俗，與《釋天》相應。郝懿行《爾雅義疏》云：『邵氏《正義》以爲祭川竝用牲玉，故或沈或浮。金鶚《求古錄》駁之云：據《周官·小子》：『凡沈辜侯禋，飾其牲。』鄭司農注：『沈謂祭川。』是沈以牲，不以玉也。《左傳》之沈玉，非祭禮（見襄十八、昭廿四、定三年），《史記·河渠書》所言，非周制也。《尋《論語》：『犂牛之子騂且角，雖欲勿用，山川其舍諸？』《淮南·說山訓》：『生子而犧，尸祝齋戒，以沈諸河。』高《注》：『祀河曰沈』，並沈以牲之證，金說是也。然《春秋》有沈玉（見邵晉涵《爾雅正義》引《左氏》諸文），《爾雅》有浮沈，不必盡如周官之制，禮本因時，君子循雅以觀俗，因正以通變可也。至於《爾雅》之文雜，不可盡據以難周禮，則鄭君之答張逸，已言之矣（見《鄭志》）。要其所釋者廣，又不可偏據周官，以疑《爾雅》也，觀《九歌》之文，則知《釋天》之言浮沈，牲玉而外，所該廣矣，邵氏必以牲當浮，以玉當沈，亦稍隘矣。

采芳洲兮杜若，將以遺兮下女。 又《湘夫人》：『搴汀洲兮杜若，將以遺兮遠者。』

季海按：《重修政和證類本草卷第七》：『杜若，味辛，微溫。主胸脅下逆氣，溫中，風入腦戶，頭腫痛，多涕，淚出，眩倒，目眈眈，止痛，除口臭氣。久服益精，明目輕身，令人不忘。……生武陵川澤及冤句，二月、八月採根暴乾。』凡字旁無點者，《嘉祐補注》所出朱字，《神農本草經》，其加點者墨字，《名醫》因神農舊條而有增補者也。據此杜若自是上藥（在草部上品之下），平願采之，貽己匹儔，不但

取其芬芳而已。《名醫》所記云：『生武陵川澤』，《政和本草》同卷又引《范子計然》云：『杜衡、杜若，出南郡、漢中，大者大善』，是杜若故楚之良藥，既生於川澤，故欲往芳洲以采之也。王逸云：『芳洲，香草叢生水中之處』，是也。

《湘夫人》：帝子降兮北渚，目眇眇兮愁予。嫋嫋兮秋風，洞庭波兮木葉下。沅有芷兮醴有蘭，思公子兮未敢言。

季海按：《中山經》：『又東南一百二十里曰：洞庭之山，……其草多蓀、蘼蕪、芍藥、芎藭，帝之二女居之。是常遊于江淵，澧沅之風，交瀟湘之淵，是在九江之間，出入必以飄風暴雨。』今謂『帝之二女』，故曰『帝子』，是常遊于江淵，故或降於北渚矣。歌言嫋嫋秋風，洞庭波而木葉下，則正以飄風爲神來之候爾。夫『澧沅之風，交瀟湘之淵』，故歌詞亦兼舉沅澧矣。《經》云：『其草多蓀、蘼蕪、芍藥、芎藭』，此皆芳草。蓀當與《鄭風》秉蘭字同，正謂蘭也。『《中山經》：『又東百二十里曰：吳林之山，其中多蓀草。』郭《注》：『亦菅字。』郝氏《箋疏》：『懿行案：《說文》云：『蓀，香艸，出吳林山。』本此經爲說也。《衆經音義》引《聲類》云：『蓀，蘭也。』又引《字書》云：『蓀與蘭同。』蘭卽蘭也。是蓀乃香艸，《中次十二經》洞庭之山以蓀與蘼蕪並稱，其爲香艸審矣。郭《注》以蓀爲菅字，菅乃茅屬，恐非也。』今謂郝說洞庭之『蓀』是也，其引《說文》『蓀，香艸』，則非也。蓋書傳稱蓀，自漢晉以來，凡有二讀：其一如菅，《招魂》：『五穀不生，藁菅是食些。』《注》：『柴棘爲藁。菅，茅也。』菅一作蓀。文與柴棘相次，必非芳艸可知。觀此明吳林郭《注》，以爲『亦菅字』者，要非無據矣。其一

如蘭，卽《聲類》《字書》所書。（玄應《一切經音義》卷十二：義足經上卷出『草蕞』引《聲類》，又《卷二大般涅槃經》第三十一卷出『菅草』云：『經文作蕞，《字書》與蘭同。』郝氏《箋疏》引《衆經音義》本此。）二家書雖晚出，以驗洞庭之蕞，卽合若符契。今稽之楚地所生，既無屏蘭不書之理，校以《鄭風》毛《傳》，則又蘭、蕞同讀，故定爲蘭草矣。至於郝引《說文》，徒爲《衆經音義》所誤。清儒治《說文》，自段玉裁以下，多從《音義》之文，其實二徐本俱不云香艸，乃轉得其真。徐承慶《說文解字注》匡謬雖頗知『據改』之非，然謂『玄應引書增作「香艸也」，卽用蘭字之訓』，亦非也。蓋唐人引《說文》，時有損益，不盡主於故書，變亂舊章，不獨一李陽冰而已。此所以二徐兄弟，時或優於前賢也。今本玄應書所引，未知果承用唐俗所行，抑是今書有誤，然釋其義訓，時有未協，語或不倫，尤不能無疑耳。尋今《一切經音義》引《說文》本條凡三見：其一在《卷二》：《大般涅槃經》第三十一卷出『菅草』云：『經文作蕞，《字書》與蘭同。蕞，蘭也。』《說文》：『蕞，香草也。』蕞非此用。『頗疑此文《字書》下本云：『蘭，蘭也。』《說文》：『蘭，香草也。』不然，蕞字至于三疊、四疊，何其不憚煩也？其一在《卷八》：《菩薩內戒經》出『著蕞』云：『《說文》：『蕞，香草也。』蕞，蘭也。』疑此本云：『《說文》云：『蘭，香草也。』蕞，蘭也。』不然，亦不煩疊蕞字也。其三在《卷十二》：《義足經》上卷出『草蕞』云：『《聲類》云：『蕞，蘭也。』《說文》云：『香草也。』疑此文『香草』，乃是蘭字之訓，或今脫蘭字，未可知也。若如徐說，則《涅槃經音義》已云：『蕞，蘭也。』又用蘭字之訓增蕞訓作香草，不亦贅乎？蓋《說文》直云：『艸出吳林山』，卽本《山海經》，疑許君已不能質言其物，故不復別爲說解，亦其慎

也。然洞庭在人耳目，故非吳林之比，許君乃捨此取彼者，豈又以爲洞庭之藪與吳林所出，本非一物邪？又今《說文》藪在營蕢、藪蕪之間，是亦以爲芳艸矣。又與蘭相次，豈非以爲與蘭同物？許意若爾，卽當與蘭互訓；必謂藪、蘭同字，又當從重文之例。今皆不爾，明許君舊第，初不若是矣。」是帝女之居，實生衆芳，雖沅澧之有蘭茝，猶不能專美也。

與佳期兮夕張。 注：佳，謂湘夫人也，不敢指斥尊者，故言佳也。張，施也。言己願修設祭具，夕早灑掃，張施帷帳，與夫人期歆饗之也。洪氏《補注》云：張，音帳，陳設也。《周禮》曰：『凡邦之張事』，《漢書》曰：『供張東都門外。』言夕張者，猶黃昏以爲期之意。

李海按：《說文·巾部》：『帳，張也』；帳字晚出，太史公卽以張爲之。《史記·袁盎列傳》：『刀決張』，《漢書》《盎傳》作帳，《索隱》以爲『軍幕』，是也。書傳凡言張者，率謂張施帷帳，王說得之。於《周禮·天官掌次》云：『掌王次之灋，以待張事』，其職則：張次（鄭《注》：次，謂幄也）、張幕、張帟、大氏帷帳之屬也；又云：『掌凡邦之張事』，則洪旣具引之矣。尋《韓非子·十過篇》：『設酒張飲，日以聽樂』，《漢書·高帝紀》：『上流止，張飲三日』，張晏曰：『張帷帳也』，此張飲之義也。洪又引《漢書》者，見《疏廣及兄子受傳》，此以『祖道』饗飲（師古曰：『祖者，送行之祭，因饗飲也』，解在《臨江閔王榮傳》，《劉屈氂傳注》略同），而及『供張』，則亦張飲之事也。凡漢人稱：『供張』、『張飲』，其言『張』，蓋與楚俗無異。韓非旣言：『設酒』，又言：『張飲』，明『張』不訓『設』，《說苑·反質篇》省云：『設酒聽樂』，可也；《韓詩外傳》卷第九乃云：『張酒聽樂』，始誤以『張酒』爲『設酒』矣。若此非寫書者失之，

則當緣燕俗以張、設爲代語，又無「張飲」之稱，故嬰於《韓非書》，有所未達耳。

夕濟兮西澨。

注：濟，渡也。澨，水涯也。自傷驅馳不出湘潭之間。洪氏《補注》：澨，音逝。《說文》曰：「澨，埤增水邊土，人所居者。」

季海按：《說文·水部》：「澨，埤增水邊土，人所止者」（《水經注》：「《禹貢》山水澤地所在」引作：「人所止也」），今本《補注》引「止」作「居」，非也。澨在脂部，止在之部，之脂古音亦自相轉，許君以止說澨，蓋依聲爲訓，若曰：澨之爲言猶止也。楚語聲轉入脂，故謂之澨矣。段玉裁《說文解字注》引酈善長曰：「《左傳·文十六年》：楚軍次於句澨，《定四年》：左司馬戍敗吳師於雍澨，《昭二十三年》：司馬蕞越縊於蘧澨，服虔或謂之邑，又謂之地。京相璠、杜預亦云：「水際及邊地名也。今南陽、清陽二縣之間，清水之濱，有南澨、北澨矣。」《說文》：「澨」字下又引《夏書》曰：「過三澨」，段《注》：「《禹貢》文。《水經》曰：「三澨，地在南郡郎縣北沱」，酈《注》云：「《地說》曰：沔水東行，過三澨，合流，觸大別山阪，故馬融、鄭玄、王肅、孔安國等咸以爲三澨，水名也，惟許慎說異」，按《水經》釋爲地，與許合。《水經》者，或謂桑欽所作，然則許正用孔氏《古文尚書說》也。」今謂段說是也。《夏書》言：「三澨」，在南郡，自是楚地。《左傳》則《文十六年》云：「句澨」，杜預云：「楚西界也」；《宣四年》云：「漳澨」，杜云：「漳水邊」；《成十五年》云：「睢澨」，杜云：「澨，水涯」；《昭二十三年》云：「蘧澨」，杜云：「楚地」；《定四年》云：「雍澨」，杜無《注》，然《傳》云：「楚人爲食，吳人及之，奔食，而從之，敗諸雍澨，五戰及郢」，則其爲楚地可知也。是《左傳》五澨，其三爲專名（段引酈書三澨是也；酈并及漳

澁，而段不取者，當以其非專名故，此雖細事，亦足以見段學之精，皆楚地也。其漳澁、睢澁故是泛指水邊，不必專屬一地。尋《左·哀六年傳》：「楚昭王曰：『江、漢、睢、漳，楚之望也。』」杜預云：「四水在楚界。」（漳水在楚界，詳《左·宣四年傳》；《正義》引《釋例》、《左·哀六年傳》；《正義》引《土地名》），則漳澁亦楚地，明矣。唯睢水在宋，而《傳》云：「五大夫舍於睢上」，杜云：「畏同族罪及，將出奔」，《傳》又云：「遂出奔楚」，是睢水爲奔楚所經，或楚人先嘗居此，亦或楚宋同有澁名矣。酈云：「南、北澁」者，《漢書地理志》曰：「南陽郡宛：縣南有北筮山；育陽：有南筮聚，在東北」，俱在楚境。是凡書傳諸言澁者，大抵楚地，以《九歌》證之，益知澁爲楚語。許君既親從賈侍中受古學，又兼通《尚書》、《楚詞》，故所說字義，最得其真，馬、鄭、服之於《書》、《春秋》，王之於《楚辭》，猶有時不逮也。

辛夷楣兮葍房。 注：辛夷，香草，以作戶楣。洪氏《補注》：「楣，《說文》云『秦名屋榜聯也』，《爾雅》：『楣謂之梁』，《注》云：『門戶上橫梁。』」

季海按：《說文·木部》：「楣，秦名屋榜聯也，齊謂之檣，楚謂之梠」，是秦謂之楣者，楚自謂之梠。《九歌》語楚，此曰「楣」者，卽《爾雅》之梁，王《注》以爲戶楣，得之，非秦之楣也；洪氏兩引，轉以多歧亡羊矣。

罔薜荔兮爲帷。 注：罔，結也。言結薜荔爲帷帳。擗蕙櫨兮旣張。《注》：擗，拊也，以拊蕙覆櫨屋。擗一從木，一作壁，拊一作析，櫨一作椶。五臣云：罔結以爲帷帳，擗析以爲屋聯，盡張設於中也。

季海按：『檣』一作『檣者』，《釋名·釋宮室》：『栒，或謂之檣。檣，縣也，縣連椳頭，使齊平也』，字正作『檣』。然此『檣』實當讀爲『幔』，《說文·巾部》：『幔，幕也』，『幕，帷在上曰幕』，是也。此文上言結帷，下云張幔，語本相承，今誤讀作『檣』，則節族絕矣。『王』《注》：『『幔屋』（从一本），疑本當讀如『幔幄』，言『幔幄』，猶言『帷幄』矣；若爾，則叔師所讀，故不誤也』；且古人言張，正謂張施帷帳，已解於『夕張』句也。

塞汀洲兮杜若，將以遺兮遠者。

注：遠者，謂高賢隱士也。五臣云：遠者，神及君也。又《大司命》：折

疏麻兮瑤華，將以遺兮離居。

注：離居，謂隱者也。洪氏《補注》：離居，猶遠者也。

季海按：洪說是也。《方言·第六》：『侈、邈，離也（郭《注》：謂乖離也）；楚謂之越，或謂之遠。』離或謂之遠，故是楚語。此云遠者，本以乖離爲義，原賦及此，實自傷其類耳。王《注》云高賢隱士，弟揚榷而言，洪氏申之，得其比類矣，然猶未能上尋荆楚逸言，覽其剩義，此子雲獨鑒之功，所以卓絕千古也。五臣援神及君，以釋當句，於上下文義皆不相屬，何其疎闊？

聊逍遙兮容與。

與一作治。又《禮魂》：『娉女倡兮容與。』與一作治。

季海按：作治是也。治古音在之部，《湘夫人》與浦、者韻，《禮魂》與鼓、舞、古韻，皆在魚部，此之、魚旁轉之理，蓋楚聲然爾。後人既失其韻，併改其字，它或言容與，當據此文正之。

《大司命》：『踰空桑兮從女。』

注：空桑，山名，司命所經，將慰神明，故欲踰空桑之山，而要司命也。洪

氏《補注》曰：『《山海經》云：『東曰空桑之山。』《注》云：『此山出琴瑟材』，《周禮》：『空桑之琴瑟』是也。

《淮南》曰：『舜之時共工振滔洪水，以薄空桑。』《注》云：『空桑，地名，在魯也。』

季海按：《九歎·遠遊》曰：『邇高風以低徊兮，覽周流於朔方。就顓頊而陳詞兮，考玄冥於空桑。』

《注》：『空桑，山名也。玄冥，太陰之神，主刑殺也。』《九歌》所稱卽此。司命主祿命，於此山從之；玄冥主刑殺，於此山考之；大抵明神所以祐善誅惡，爲萬民平正者，胥出於是。然向稱朔方、顓頊、玄冥，是北方山也，洪說誤。洪氏所引，可以說《大招》，而不可以說《九歌》。蓋空桑之瑟，本因地得名，『或曰：楚地名』（見《大招章句》）者，主名雖異，地望實同。楚既滅魯，魯之舊壤，亦被楚名耳。今尋《北山經》：『又北二百里曰空桑之山。』郭《注》：『上已有此山，疑同名也。』郝氏《箋疏》：『懿行案：《東經》有此山，此經已上無之。檢此篇北次二經之首，自管涔之山至於敦題之山凡十七山。今才得十六山，疑經正脫此一山也。經內空桑有三：上文脫去之空桑，蓋在莘號間，《呂氏春秋》《古史考》俱言尹產空桑是也；此經空桑蓋在趙代間，《歸藏啓筮》言蚩尤出自羊水，以伐空桑是也；竟地亦有空桑，見《東山經》。』季海謂此經所具，與司命所經，地望相應，眞北方山也。《九歌》所稱，正謂是爾。郝氏此《疏》精矣，然遠引《歸藏》，而不及《楚辭》，亦千慮一失也。

折疏麻兮瑤華，將以遺兮離居。 注：疏麻，神麻也。瑤華，玉華也。離居，謂隱者也。洪氏《補注》曰：

謝靈運詩云：『折麻心莫展』，又云：『瑤華未敢折』。說者云：『瑤華，麻花也。其色白，故比於瑤。』

季海按：說者以瑤華爲麻花，是也。言瑤，所以美之爾。《太平寰宇記》：永州零陵縣有麻山：『在州西北一百一十五里，其山野麻周遍，與種植無異，人多採之，故曰麻山。』然沅湘之間，故多麻矣。

《九歌》之作，蓋興起於是。今云將遺離居，卽物取興，則野麻近之。靈均寓言，時假目前，所謂其稱義小而其指極大，舉類邇而見義遠也。《注》以爲『神麻、玉華』，是未尋其本矣。

老冉冉兮既極。

注：極，窮也。言履行忠信，從小至老，命將窮矣。極一作終。

季海按：一本非也。《注》謂『極，窮』，亦非也。極當訓至，自楚語耳。（《九辯》：步列星而極明。王云：『至明』，不誤。淮南語楚，『極，至』在《說林訓高注》，義又詳《九章》中。）《離騷》曰：『老冉冉其將至兮』，今言既至，在《離騷》後。

《少司命》：蓀獨宜兮爲民正。

注：言司命執心公方，無所阿私，善者佑之，惡者誅之，故宜爲萬民之平

正也。蓀一作荃。

季海按：《老子》曰：『躁勝寒，靜勝熱，清靜爲天下正』，『爲天下正』，與『爲民正』，語故相若也。

《東君》：暾將出兮東方。

注：謂日始出東方，其容暾暾而盛大也。

季海按：將出之日，杲杲未光（見《遠遊》），而形容盛大，故王《注》云爾也。暾，讀與焞同，《說文·火部》：『焞，明也』，言『日耀旭曙，且欲明也』（用《遠遊》王《注》）。《注》云：『盛』者，《詩·采芣傳》：『焞，盛也』；又云：『大』者，《國語·鄭語》：史伯曰：『以淳耀敦大天明地德』，《方言·第一》：『頌、沈、巨、濯、訖、敦、夏、于，大也。陳、鄭之間曰敦』，《鄭語》言：『敦大』，正子雲所謂：『陳、鄭之間曰敦』者，是敦亦大也。暾、焞、敦，其聲同耳。敦爲大者，蓋借爲奄，《說文·大部》：『奄，大也。从大，屯聲。讀若鶉』，是也。暾以一言而該衆義者，狀物之詞，名實相生，委曲可通，故多端也。

《山鬼》：路險難兮獨後來。

注：言所處既深，其路險阻又難，故來晚暮，後諸神也。

季海按：《說文·自部》：『險阻，難也』；『阻，險也』，是險難猶險阻矣，故不煩字別爲義如王《注》也。

天問第四

隅隈多有，誰知其數？

注：言天地廣大，隅隈衆多，寧有知其數乎？洪氏《補注》：隅，角也。《淮南》

曰：『天有九野，九千九百九十九隅，去地五億萬里』，《注》云：『九野，九天之野。一野，千一百一十一隅。』又《九章·思美人》：『指嶠冢之西隈兮』，隈一作隅。

季海按：上云：『九天之際，安放安屬？』則此云：『隅隈多有』，自謂九野之隅，洪引《淮南》，斯其確詰。然《問》云：『誰知其數？』則原初不信此言，亦可當時所傳，弟云：『隅隈多有』而已，下逮淮南諸師，乃復有以九千之數實之者矣。《問》言：『隅隈』者，自是楚語，隈，猶隅也，以類舉耳。《思美人》故書正當爲隈，後人習見隅，漫改之耳。尋《左·僖二十五年傳》：『秦人過析隈』，杜《注》：『析，楚邑，一名白羽，今南鄉析縣。隈，隱蔽之處』，此既楚地，而以隈名，足徵郢俗矣（高士奇《春秋地名攷略卷之八》：《楚》有：『析隈』，云：『析隈山，今在鄧州南七十里，俗訛爲厮隈山』；沈欽韓《春秋左氏傳地名補注卷第四》曰：『《一統志》：『析縣故城在南陽府內鄉縣西北』，按：《玉篇》：『隈，水曲也』，蓋秦人過析，從丹水曲過師，以避戍兵之路。《紀要》有析隈山，在鄧州南七十里，蓋俗人附會。』今謂沈云：秦人從水曲過師，以避戍兵之路，理亦可通；至如流俗所傳，則知有『厮隈』而已——見

高氏《攷略》，焉知『析隈』？若以爲學者附會，亦必由來已舊，故有此訛稱，俗終弗悟耳。要之，名從主人，《傳》書『析隈』，必因楚俗矣。

又《爾雅·釋水》：『隈，隈』，郭《注》：『今江東呼爲浦隈，《淮南子》曰：「漁者不爭隈」，郝氏《義疏》云：「郭云：「今江東呼爲浦隈」，隈當作隈，《文選·詩》：《注》引作「今江東人呼浦爲隈」，是也。郭又引《淮南·覽冥訓》云：「漁者不爭隈」，高誘《注》：「隈曲，深處，魚所聚也」，是隈有深曲之義，《注》《疏》之言竝是也。蓋三閭遺言，猶存於漢之淮南、晉之江東矣。

天何所沓？注：沓，合也，言天與地合會何所。

季海按：沓本字作還，《說文》：『還，迨也。』迨猶合矣。迨从辵，與古文徐从彳同意。楚人言沓音同耳。《釋言》：『逮，還也。』郭《注》：『今荆楚人皆云還，音沓。』斯足徵楚讀矣。

夜光何德，死則又育？注：夜光，月也。育，生也。言月何德於天，死而復生也；一云：言月何德居於天地，死而復生。

季海按：《說文·月部》：『朔，月一日始蘇也，从月，艸聲』，《釋名·釋天》：『朔，蘇也，月死復蘇生也』，蓋朔之爲言蘇也，此問月死復生，而云『死則又育』，是『育』猶『朔』也。《九章·思美人》以莽、草爲韻，此楚音魚、幽相通之證；蘇謂之『育』，亦猶是矣（古音朔、蘇在魚部，育在幽部；以聲言之，育之於蘇，猶誘之於秀，義或从言秀，蓋秀亦聲也）。

不任汨鴻，師何日尙之？僉曰：『何憂？』何不課而行之？

季海按：此以鴻、尚、行爲韻，猶下『禹之力獻功』以功與方、桑爲韻。東入陽韻，《老子》、《淮南》多有其例，皆楚聲也。顧炎武《唐韻正》引《淮南·兵略訓》：『兵失道而弱，得道而強；將失道而拙，得道而工；國（季海按：字當爲邦，此亦以東入陽，與兵、將爲韻，漢人諱邦字耳）得道而存，失道而亡。』則工聲入陽韻，又引《老子》『不自見故明』以下，功與明、彰、長、行韻，則工聲字入陽韻，與獻功句合。鴻从江聲，江从工聲，卽楚讀可知矣。鴻水字求之《說文》，正篆有二：一曰洪，洚水也；一曰洚，水不遵道。讀鴻入東，鴻卽洪矣。然鴻聲或與牟聲通，《說文》『梓，讀若鴻』是其例。《九歌·東君》亦以降入陽韻，常用土風。是讀鴻入陽，猶讀洚入陽，楚人言鴻水與洚水同耳。

伯禹懷鮌，夫何日變化？

注：禹，鮌子也。言鮌愚很，而生禹，禹小見其所爲，何以能變化而有聖德也？懷一作腹，《注》同；一本何下有故字。洪氏《補注》：懷，戾也。《詩》云：『出入腹我』，腹，懷抱也。

季海按：懷當作腹，《故書》本云：『伯禹腹鮌』，《注》云：『言鮌愚很，腹而生禹』，一本是也。《歸藏·啓筮》：『鮌殛死，三歲不腐，剖之以吳刀，是用出禹』（《初學記》二十二）《路史後記十三》引，見洪頤煊《經典集林卷一》，是禹實出於鮌腹，故云『伯禹腹鮌』也。《國語·周語下》：『天子晉諫曰：『其在有虞，有寄伯繇』，又曰：『其後伯禹念前之非度』；《竹書紀年》云：『顓頊產伯繇，是維若陽，居天穆之陽』（《山海經大荒西經注》）；《啓筮》又云：『滔滔洪水，無所止極。伯繇乃以息石息壤，以填洪水』（《山海經海內經注》引，亦見孫氏《集林》），鮌、禹同偁伯者，韋氏《國語解》云：『伯，爵也。』然《逸

周書·嘗麥解云：『其在啓（原作殷，形之誤也，今正）之五子，忘伯禹之命，假國無正，用胥與作亂，遂凶厥國；夫禹既有天下，以傳於後，曷爲猶偁舊爵？蓋古者或氏于爵，或氏于字，俱有伯氏（見《太平御覽》卷三百六十二）引《風俗通》），然則鮌、禹之偁伯者，豈以氏歟？

洪泉極深，何以窺之？注：言洪水淵泉極深，大禹何用窺塞而平之乎？洪氏《補注》：窺與填同。《淮南》曰：『凡鴻水淵藪，自三百仞以上，二億三萬三千五百五十里，有九淵，禹乃以息土填洪水，以爲名山』，《注》云：『息土，不耗滅，掘之益多，故以填洪水也。』朱子《楚辭集注》云：『泉疑當作淵，唐本避諱而改之也。』

季海按：此說是也。洪氏《補注》引《淮南·墜形訓》云『鴻水淵藪』，又云『有九淵』，正說此事。《天對》亦云『焉填絕淵』，則字當爲淵審矣。然尋《天問》上云『不任汨鴻』，《淮南》云『鴻水』，《天對》云『行鴻』，則此洪字亦當作鴻，今作洪者，趣約易耳（洪引《淮南》惟『鴻水淵藪』作鴻，下文及注，字並作洪，景鈔北宋本《淮南書》同。大抵一字屢見，則於初見存其本字，再見及注文多從省易，或以俗字代之，景宋本《淮南書》多有此例，《天問》或當同之耳）。

據《歸藏啓筮》：『滔滔洪水，無所止極。伯鮌乃以息石息壤，以填洪水』（此從《山海經海內經注》引，《史記甘茂列傳索隱》、《北堂書鈔》一百六十）引作『以填洪水』，見孫氏《集林》，是禹窺洪淵，實因鮌業，故曰：『纂就前緒，遂成考功』也。

西北辟啟。辟一作闢，一作開。注：言天西北之門，每常開啓。

季海按：《離騷》：『吾令帝閭開關兮』，《哀郢》：『慘鬱鬱而不開兮』，《悲回風》：『心戰戰而不開兮』（從一本，詳《九章解故》），《天問》：『何開而明』，凡《屈賦》開啓字俱作開，不作啓，古者語不失其方，言啓則不言開，《屈賦》言開不言啓者，蓋楚俗然爾。《方言》第六云：『閻苦（宋本作答，今定从苦），開也。東齊開戶謂之閻苦，楚謂之閻』，郭《注》：『亦開字也』，凡《楚辭》言『開』，正讀如『閻』，古音當在脂部。《說文·門部》云：『開，張也，从門，开聲』，又云：『閻，開也，从門，豈聲』，段君於『開』字《注》云：『此篆开聲，古音當在十二部，讀如攘帷之攘，由後人讀同閻，而定爲苦哀切』，是古音開、閻有別，子雲西漢人，審知開不讀閻，故書作閻，自得楚音之正，《方言》注云：『亦開字』者，郭東晉人，開已讀同『閻』，故不別耳。今謂《天問》此文：『啓』當作『開』，一本作『開』，正符楚語，但不當云開啓，疑《故書》本云『開辟』，辟字形壞似啟，寫書者遂从王《注》『開啓』字回改，校人或見作『辟』之本，輒旁注作辟，漸合異文爲一，轉去開字，而成今本，或云《故書》本作『辟開』，後人依《注》『開啓』字改作『辟啓』，亦通。辟讀與『闢』同。開謂之闢者，《說文·門部》：『闢，開也』，又：『闢，闢門也』，段氏《注》：『《魯語》：『闢門與之言，皆不踰闢』，韋《注》：『闢，闢也』』，許君汝南人，汝南亦楚地，宜其言與《屈賦》相應也。尋《晏子春秋·內篇諫上》：景公將伐宋，曹二丈夫章：『公恐，覺，辟門召占曹者至』，是開門謂之闢門，亦齊楚間通語矣。

靡萍九衢

注：九交道曰衢。言寧有萍草生於水上，無根，乃蔓衍於九交之道？洪氏《補注》：《山海經》曰：『宜山上有桑焉，其枝四（原誤作曰，今從本經校改）衢。』《注》云：『枝交互四出。』又：『少室之山』

有木名帝休，其枝五衢。』《注》云：『言樹枝交錯相重五出，有象路衢。』《天對》云：『有萍九岐，厥圖以詭。』《注》云：『衢，歧也。』逸以爲生九衢中，恐謬。

季海按：洪說是也，引宣山及少室之山文，俱見《中山經》。《少室之山注》：『有象路衢』，今本作『有象衢路也』；此下明引《離騷》曰：『靡萍九衢。』《楚辭》郭《注》久亡，斯其軼說之可考者，其義則柳洪既竊取之矣。然尋《海內經》又云：『有木青葉、紫莖、玄華、黃實，名曰建木，百仞無枝，有九橰，下有九枸。』《注》：『根盤錯也。』《淮南子》曰：『木大則根樞。』音劬。《郝氏箋疏》：『懿行案：見《淮南·說林訓》篇，樞、枸音同。』今謂《淮南書》言樞，讀與『靡萍九衢』同，此楚語之可知者。《山海經》字又作枸，則轉語之錯見者爾。郭《注》以爲根盤錯者，蓋就當句作釋，非有異義也。

鯀魚何所？ 注：鯀魚，鯉也；一云鯀魚，鯀鯉也，有四足，出南方。鯀一作陵，所一作居。洪氏《補注》：『鯀，音陵。』《山海經》：『西海中近列姑射山有陵魚，人面、人手、魚身，見則風濤起。』《天對》云：『鯀魚人貌，邇列姑射』，是也。陶隱居云：『鯀鯉，形似鼈而短小，又似鯉魚，有四足。』《吳都賦》云：『陵鯉若獸』，《注》引『陵魚曷止』，與逸說同。

季海按：王氏《章句》並《吳都賦注》，俱以鯀魚爲即鯀鯉，蓋漢晉以來舊說如是，《山海經》或謂之龍魚，《海外西經》第七次於『軒轅之國』有曰：『龍魚陵居，在其北，狀如鯉』（明成化本作鯉，今從宋本六臣注《文選》卷十五·思玄賦《李善注》引校改），是也。《經》又云：『一曰鼈魚，在天野北，其爲魚也，如鯉』，《文選》·思玄賦：『超軒轅於西海兮，跨汪氏之龍魚』，李善《注》引此文云：『在汪野北』，

『如鯉』下又有『汪氏國在西海外，此國足龍魚也』云云，蓋此《經》漢以來已有異文，故其說參差若是。今謂龍魚陵居，故楚人謂之陵魚（劉淵林云：『居上穴中』也，見《文選》吳都賦注，下同），其狀如鯉（劉淵林云：『鱗甲似鯉』也），故又謂之陵鯉，凡魚不陵居，此所以爲異，故《問》曰：『陵魚何居？』或引作『曷止』者，意同耳。一本鮫作陵，所作居，皆是也。後人不曉居義所出，因改作所耳。若《山海經》：『陵魚』，出西海中，近列姑射山而已，初無陵居之異，又不聞如鯉，是於屈平所問，王、劉所說，要不相涉，柳子厚始誤以爲卽《楚辭》之陵魚，是未悟此二者故同名而異實也。

禹之力獻功，降省下土四方。

注：言禹以勤力獻進其功，堯因使省迨下土四方也。一無四方二字。

季海按：『禹之力獻功』，蓋指『任土作貢』（見《書序》，係星衍《尚書今古文注疏》引鄭注《周禮·載師》云：『任土者，任其力勢所能生育，且以制貢賦』，是也）而言，《說文·貝部》：『貢，獻功也』，是其義。太史公曰：『禹傷先人父鯀功之不成受誅，乃勞身焦思，居外十三年，過家門不敢入，……以開九州、通九道、陂九澤、度九山，令益予衆庶稻，可種卑溼，命后稷予衆庶難得之食，食少，調有餘相給，以均諸侯。禹乃行相地宜所有以貢，及山川之便利』（見《史記·夏本紀》），斯其本事可知已。自王君弗悟『獻功』所謂，遂令此文流爲空言，而本事亦隱矣。

啓代益作后，卒然離蠶。

注：離，遭也。蠶，憂也。言禹以天下禪與益，益避啓於箕山之陽。天下皆

去益而歸啓，以爲君。益卒不得立，故曰遭憂也。何啓惟憂，而能拘是達。注：言天下所以去益就啓者，以其能憂思道德，而通其拘隔。拘隔者，謂有扈氏叛啓，啓率六師以伐之也。皆歸軼輶，而無害厥躬。

注：射，行也。籀，窮也。言有扈氏所行，皆歸於窮惡，故啓誅之，長無害於其身也。朕一作射，籀一作鞠。何后益作革，而禹播降。注：后，君也。革，更也。播，種也。降，下也。言啓所以能變更益而代益爲君者，以禹平治水土，百姓得下種百穀，故思歸啓也。

季海按：王《注》說此，與本文多不相應。如《問》云：『啓代益作后，卒然離蜚。』則離蜚者自是啓，下云：『何啓惟憂，而能拘是達？』承上而言甚明；王《注》猥云：『益卒不得立，故曰遭憂。』豈其然乎？以朕鞠爲行窮，亦甚無謂。『何后益作革』，明作革者本后益，而王《注》乃以『啓所以能變更益而代益爲君』解之，可謂適得其反矣。啓之遭憂，於今可知者，大抵不出二事：其一則益之干位。《汲冢書》云：『益干啓位，啓殺之。』（見《晉書·束皙傳》。《史通·疑古篇》引《汲冢書》云：『益爲啓所誅。』又《雜說上》云：『而《竹書紀年》出於晉代，學者始知后啓殺益。』其一則有扈之叛啓。《史記·夏本紀》：『於是啓遂即天子之位，是爲夏后帝啓。……有扈氏不服，啓伐之，大戰於甘，將戰，作《甘誓》。』史公之言，與《書序》相應，《序》曰：『啓作《甘誓》也。』《誓》曰：『大戰于甘。』馬融以爲『甘』有扈南郊地名矣。（《墨子·明鬼篇》以爲《禹誓》，《莊子·人間世》又云：『禹攻有扈，國爲虛厲。』並與《書序》《史記》不合。蓋古之說《書》者於此茲多異義，不煩具引爾。）《天問》此章首言代益作『后』，次云『后』益作革，明楚舊所傳，益嘗爲后（王逸《注》：『后，君也。』不誤），《孟子》云：『益避禹之子啓於箕山之陰』，則益初未嘗作后，既與《天問》所聞異辭，卽不當援彼說此。王《注》『言禹以天下禪與益，益避啓於箕山之陽』，仍據《孟子》爲說，失之。今謂此云『作革』『離蜚』，其『革』『蜚』字，與

《天問》下文言天降夷羿，《革》《蠱》夏民者正同，古文簡質，不嫌實、業同詞爾。『蠱』自可訓憂，《革》指更易帝位。羿實弑夏后相居天子之位（見王逸《注》），以《竹書》《天問》觀之，益亦不得無事而居斯位也，故《竹書》云：『益于啓位』，而《天問》云：『何后益作革，而禹播降』也。『播降』將謂禹遭播遷，降居於野耳。《史記·夏本紀》云：『十年帝禹東巡狩，至于會稽而崩，以天下授益。』如史公之言，禹既死于會稽，而又以天下授益，宜古之傳言，有謂后益作革而禹播降者矣。王釋『何啓惟憂，而能拘是達』，於文可通，然頗疑當時所傳，將有謂益啓之際，啓嘗見拘，徒以不忘憂勤，方能自脫，故《問》曰：『何啓惟憂，而能拘是達』也。達猶出也，『拘』與『達』爲對文，義正相反矣。《史記·樂書》：『區萌達。』《正義》：『達猶出也。』是其義。《樂記》：『然後草木茂，區萌達。』鄭《注》：『屈生曰區。』陸德明《音義》：『區，依《注》音句，古侯反。』《說文》：『句，曲也。』鄭云：『屈生』，正讀若『句』，古音『區』『句』同部（俱侯部字）。《樂記》『句』與『達』爲對文而義相反；《天問》此文，則『拘』與『達』對，亦其比也。《說文》：『拘，止也，从手、句，句亦聲。』是『拘』聲、義皆受諸『句』，蓋由是孳乳而生『拘』也。王逸以有扈之叛釋此句，《淮南·齊俗訓》亦云：『昔有扈氏爲義而亡。』《注》：『有扈，夏啓之庶兄也。以堯舜舉賢，禹獨與子，故伐啓，啓亡之。』雖未知所據，義或然也。王《注》說『皆歸歟籀』，最爲無理。今謂歟當爲耿，形之誤也。《說文》：『耿，軍法目矢貫耳也。从耳从矢。』《司馬法》曰：『小罪耿，中罪別，大罪剋。』桂馥《說文解字義證》：『僖二十七年《左傳》：『子玉復治兵於蔿，鞭七人，貫三人耳。』《正義》云：『耳，助句也。』馥謂貫耳卽耿也。』按桂說是也。然程大

昌《演繁露》已引『子玉治兵』之文以證《司馬法》矣，桂氏偶失考耳（見《演繁露》卷九又卷十四）。程氏又引《原涉傳》（卷九字誤作涉，卷十四不誤），今按《漢書·游俠傳》記諸豪爲涉共說茂陵守令尹公之辭曰：『原巨先奴犯法不得，使肉袒自縛，箭貫耳，詣廷門謝辜，於君威亦足矣。』程氏以爲實遵古軍法，『以示恐畏，非以意爲之』（見《演繁露》卷十四）者是也。夫《司馬法》曰：『跌』，《左氏傳》曰『貫耳』，其義一也。《說文》：『籥，窮治（段云：『各本作理，唐人所改也。』）是也。今從段校。』罪人也。从卒、从人、从言，竹聲。『問』言『皆歸朕籥』者，斥諸叛啓者，咸當其罪也。『朕』謂既獲罪人，或貫之耳，《籥》謂窮治其事，所以具獄也。啓既克平叛亂，則罪人斯得，故能無害厥躬矣。

帝降夷羿，革孽夏民。胡軼夫河伯，而妻彼雒嬪？
洪氏《補注》曰：此言射河伯、妻雒嬪者何人乎？乃堯時羿，非有窮羿也。革孽夏民，封豨是射，乃有窮羿耳。《淮南》云：『河伯溺殺人，羿射其左目。』注云：『堯時羿射十日，繳大風，殺窳窳，斬九嬰，射河伯。』

季海按：自此以迄『何羿之軼革』，而交吞揆之，皆言有窮，不當僞言堯時。胡，何也（見《注》），言何軼河伯而妻雒嬪，不云何人。洪引《淮南》，今惟《汜論注》中有之，其引《注》又在今《傲真》之篇，傳聞異辭，置之可也。《春秋傳》云：『昔有夏之方衰也，后羿自鉏遷于窮石，因夏民以代夏政。』汲郡古文云：『大康居圻尋，羿亦居之，桀亦居之。』蓋代夏後卽居大康之邑。臣瓚所考，圻尋在河南。《晉地記》亦云：『河南有窮谷，蓋本有窮氏所遷。』（《史記·夏本紀》正義引。）此云軼河伯、妻洛嬪，地望皆自相應，知有窮之居，必在河洛之間矣。（杜氏《春秋釋例》有窮地云：『襄四年有窮、窮石，二

名，闕。鉏，闕。』是無明文可據，故慎言之。《晉地記》云：『蓋者，亦是疑辭。推尋近實，故有取焉。』杜氏《釋小國地》又云：『斟尋，北海平壽縣東南有斟亭，與應劭合。張守節述臣瓚義以爲後遷者是也。』《史記·夏本紀》正義引《括地志》：『斟尋故城，今青州北海縣是也。』蓋漢晉相傳舊說在此矣。又引《志》云：『故鄆城在洛州鞏縣西南五十八里，蓋桀所居也。』按《水經洛水注》又有鄆城，蓋周大夫鄆胖之舊邑，是以爲桀居，亦舊說所無。大抵汲冢書出，臣瓚義行，而學者始知河南別有斟尋，爲桀之居，遂以鄆城當之，此新義也。自是學者言夏事，頗求其地望於河南矣。杜氏《釋小國地》云：『有鬲，平原鬲縣。』《夏本紀》正義又引《括地志》云：『故鬲城在洛州密縣界。』亦其比也。河伯又見《大荒經》及汲郡古文，其《東經》云：『王亥託于有易河伯僕牛。』郭氏《傳》：『河伯、僕牛，皆人姓名，見《汲郡竹書》。』其引《竹書》曰：『殷王子亥賓于有易而淫焉，有易之君緡臣殺而放之。是故殷王（成化本如此，今多作主）甲微假師于河伯，以伐有易，滅之，遂殺其君緡臣。』亥，微亦當夏時，然去羿已可數世，不相及也。今謂河伯是有國之號（王夫之《楚辭通釋》以爲古諸侯司河祀者，近之），其地蓋在洛水之北，河之左右。羿雖歟其君，未滅其國，故近百年間，復能以師助微，伐有易而滅之。郭氏以河伯、僕牛皆人姓名，于今驗之，皆非也。然羿之所歟，本謂人耳，於屈平之世，則爲《九歌》諸神矣。楚廟所圖，必有琦瑋儵倏之迹（王逸引傳，斯其方物），故平以爲問。《商書》曰：『五世之廟，可以觀怪』也。

何獻蒸肉之膏，而后帝不若？ 注：蒸，祭也。后帝，天帝也。若，順也。言羿獵歟封豨，以其肉膏祭天

帝，天帝猶不順羿之所爲也。蒸一作烝。洪氏《補注》：冬祭曰蒸。膏，脂也。《詩》曰：『皇皇后帝』，謂天帝也。

季海按：《困學紀聞》卷之二上：『《論語》：『予小子履敢用玄牡，敢昭告于皇皇后帝』，孔安國《注》云：『《墨子》引《湯誓》，其辭若此。』《疏》云：『《尚書·湯誓》無此文，而《湯誥》有之，又與此小異；唯《墨子》引《湯誓》，其辭與此正同』（《堯曰篇正義》），《集證》：『《墨子·兼愛下篇》引湯曰：『惟予小子履，敢用玄牡，告於上天后』，按：今本《墨子》引『湯曰』，無『誓』字。』依《論語》：『《注》、《疏》』，《墨子》引《湯誓》，與《論語》正同，則以天帝爲『后帝』，《湯誓》已然，蓋猶因夏俗矣。惟今《墨子》弟引『湯曰』，又云：『上天后』者（未知本與《論語》小有出入，《注》、《疏》略而不言，爲是寫書者失之，致令文有訛奪也），其僞天帝曰：后，故無異也。

阻窮西征，巖何越焉？

注：阻，險也。窮，窘也。言堯放鮌羽山，西行度越岑巖之險，因墮死也。洪氏

《補注》：羽山、東裔，此云西征者，自西征東也。

季海按：阻，厄也。（《毛詩·思文正義》引『黎民俎飢』《注》云：『俎讀曰阻，阻，厄也。』此鄭《注》。）窮，謂窮冤失職（《周官·大僕》鄭司農《注》）。巖，謂羽山。上篇云：『永退在羽山，夫何三年不施？』《呂氏春秋·行論篇》云：『堯以天下讓舜。鮌爲諸侯，怒於堯，曰：『得天之道者爲帝，得地（作帝誤）之道者爲三公，今我得地之道，而不以我爲三公！』以堯爲失論。』此所謂阻窮者也。或以絕在不毛之地爲阻窮，亦通（見上篇注）。《行論篇》又云：『欲得三公，怒其（作甚誤，今從《論衡·率性篇》）猛獸，欲

以爲亂。比獸之角，能以爲城，舉其尾，能以爲旌，召之不來，仿佯於野，以患帝。舜於是極之於羽山，副之以吳刀。所謂西征者，正謂『仿佯於野，以患帝』耳。野，卽羽山之野，《離騷》所謂『終然殀乎羽之野』者。蓋鮌遏在羽山東，欲西征以患帝，卒殀乎羽之野，故曰『巖何越焉』？堯遏之，舜副之，蓋其間三年。王此《注》本未審諦，洪又從而爲之辭，皆非也。

白蜺嬰茀，注：蜺，雲之有色似龍者也。茀，白雲透移若蛇者也。洪氏《補注》：《說文》云：『茀，雲貌』，疑卽此茀字。胡爲此堂？安得夫良藥，不能固臧？天式從橫，陽離爰死。大鳥何鳴？夫焉喪厥靈？注：言崔文子取王子僑之尸，置之室中，覆之以弊筐，須臾則化爲大鳥而鳴，開而視之，鸞飛而去，文子焉能亡子僑之身乎？言仙人不可殺也。臧，善也。言崔文子學仙於王子僑，子僑化爲白蜺而嬰茀，持藥與崔文子。崔文子驚怪，引戈擊蜺中之，因墮其藥，俯而視之，王子僑之尸也。故言得藥不善也。洪氏《補注》曰：崔文子事，見《列仙傳》。

季海按：《說文》蜺作霓，在《雨部》，云『霓，屈虹青赤；或白色陰氣也，从雨，兒聲』，邢昺《爾雅·釋天疏》引郭氏《音義》云：『虹雙出，色鮮盛者爲雄，雄曰虹；闇者爲雌，雌曰蜺』，段氏《說文解字注》據此，云『似青赤爲虹，白色爲霓』。又陸氏《爾雅音義》出『霓』，引《說文》曰：『屈虹青赤也；一曰白色陰氣也』，郝氏《爾雅義疏》從之，云『按白色二句，蓋別一義，非謂霓也，白蜺見《楚辭·天問篇》』，又云：『《楚辭·悲回風篇》云：『處雌蜺之標顛』，《遠遊篇》云：『雌蜺嬋媛以曾繞』，皆郭義所本也。』今尋許君所說：『屈虹青赤』爲一義，蓋虹雙出，色鮮盛者爲雄虹，其色以赤青爲序；闇者爲

雌霓，其色反雄虹之序，故云『屈虹青赤』也，郝氏引《楚辭》稱『雌霓』，謂『郭義所本』者是也。以物理言之，凡雲氣中水珠愈細，折散日光諸色聚合愈密，愈近白色，此所謂『白色陰氣』，郝氏以爲別一義，引《天問》：『白霓』以爲說者是也。《屈賦》以前者爲『雌霓』，後者爲『白霓』，蓋分用晝然爾。段氏以青赤爲虹，是誠失之；郝氏必謂白色非霓，亦有所未達也（郝意或但謂『白霓』與郭所云『雌霓』不同，斯無過爾）。許君生於千載之上，獨能據色序以明虹、霓之異，苟非天下之至精，孰能與於斯乎？然《說文》云：『知化窮冥』，信不虛矣。

或曰：然則所謂『白霓』，暨許君言『白色陰氣』者，曷謂？曰：謂白虹也。楚人以爲『白霓』，諸方亦或謂之『白虹』。宋玉《九辯》：『騭白霓之習習兮』，《注》：『騭駕素虹，而東西也』，是『白霓』（霓、蜺同字）卽『素虹』矣。《禮記·聘義》曰：『氣如白虹，天也』，又《史記·魯仲連鄒陽列傳》：鄒陽獄中上書曰：『昔者荆軻慕燕丹之義，白虹貫日，太子畏之』，《索隱》：『《戰國策》又云：聶政刺韓傀，亦曰『白虹貫日』也』（案：見《戰國策·魏四》：唐且對秦王之言，《北堂書鈔》一百五十一、《太平御覽》四引《戰國策》又云：荆軻刺秦王，白虹貫日也；然《藝文類聚·天部·虹》引《戰國策》曰：『聶政刺韓傀』，《史記·刺客列傳》作：『韓相俠累』，《索隱》：『案《戰國策》：俠累名傀也』，是小司馬所見本字作傀，與今《魏策》文合，《類聚》字作傀，與《史記》合，與今《策》文不合；又引《列士傳》曰：『荆軻爲燕太子謀刺秦王，白虹貫日』，疑荆軻云云，本出《列士傳》，今《書鈔》《御覽》之文，故多違錯耳），是書傳亦謂之『白虹』矣。以物理言之，素虹亦可有其雌，但書傳未有言『雄霓』者，蓋許君謂之『陰』

氣，明無雄也。

又按：此言陽離爰死，明仙藥無靈也。苟亡其身，化大鳥而鳴，又何爲乎？其詞蓋有所諷。《注》但陳故事，而不及微言，則靈均之志晦矣。尋《韓非·說林上》：有獻不死之藥於荆王者，中射之士奪而食之。王怒，使人殺中射之士，中射之士使人說王，云云（又見《戰國策楚四第十七》）。亦所謂『安得夫良藥，不能固臧』者矣。此事而信，或靈均所及見，不然，時王亦必有願仙求藥之事，故《天問》及之，而《說林》以爲口實也。吳師道云：『自齊威、宣、燕昭使人入海求三神山而方士盛。楚臣有獻不死之藥者，知當時此術蔓延浸淫，不獨燕、齊然也。屈平《遠遊》之篇曰：『一氣孔神兮，於中夜存。虛以待之兮，無爲之先。』長生久視之方，無以易此。惜乎楚王之不知也。』能爲斯言，可與讀《天問》矣。

《漢書·郊祀志上》：『自齊威、宣時騶子之徒論著終始五德之運，及秦帝而齊人奏之，故始皇采用之，而宋毋忌、正伯僑、元尚、羨門高、最後皆燕人，爲方、僊道，形解銷化。』應劭曰：『《列仙傳》曰：『崔文子學仙於王子喬。王子喬化爲白蜺。文子驚，引戈擊之，俯而見之，王子喬之尸也。須臾則爲大鳥，飛而去。』今道藏本《列仙傳》無此文，洪慶善亦未必逮見全書，《補注》所言，蓋出於此（王照圓校正本亦失引此條，其引《天問章句》輒云：『此所述蓋古神仙之書，未知所出。』然洪頤煊《序》已引應《注》，足補婉佺之缺矣）。叔師雖論世差前，其聞見大抵不遠。應氏於此直引向書，明先乎此者，殆已無可考。王《注》初不引《傳》，而文與之同，若非取諸子政《天問》舊義，安能密合乃爾？然

《天問章句敘》云：『至於劉向、楊雄，援引傳記，以解說之。』而此《注》都不言所出，則當子政時，便無可援引，又可知也。蓋謠俗所出，書記有時弗具。正賴十口相傳，乃能歷久而著。即如白蜺一解，微子政之多聞，將誰與叩其本事耶？今尋劉、王之言，以上考《天問》，明『爲方、僊道，形解銷化』，當楚懷、襄之世，固已盛傳。吳師道所謂『不獨燕齊然』者，信有之矣。

撰體協脅，鹿何膺之？
注：言天撰十二神鹿，一身、八足、兩頭，獨何膺受此形體乎？一云：撰體脅鹿，

何以膺之？洪氏《補注》曰：撰，具也。協，合也。

季海按：十二神鹿，未知何本。八足兩頭，自有二鹿，今云一身，宜據合脅言之，洪氏出協義是也。然實有八足兩頭，則雖合脅，亦各自有體矣。撰體，謂殊體也。撰讀曰譔，《廣雅·釋言》：『譔，殊也』，與楚言正合。王以天撰十二神鹿之體說撰體，然《問》自云『撰體』，不謂天撰之也。洪不破注，亦非也。一本文義暗昧，以《注》推之，足明其誤。尋《文選·蜀都賦》：『射噬毒之鹿』，劉淵林《注》：『有神鹿兩頭，主食毒草，名之食毒鹿，出雲南郡』，此《魏宏·南中志》所記也。然《華陽國志·南中志》云：『雲南郡：有熊倉山，上有神鹿，一身兩頭，食毒草』，《後漢書·西南夷傳》記神鹿語略同，是魏宏之言，常范皆信爲實錄也。楚廟之圖，靈均之問，胥謂是矣；王云神鹿兩頭，蓋南中舊說有之。

釋舟陵行，何以遷之？
注：舟釋水而陵行，則何能遷徙也？

季海按：陵謂陸也，楚人言陵，因其俗也。《春秋傳》：『楚有陵師』，即陸軍矣（義見《左定六年傳注》）。《淮南·說林訓》：『褰衣涉水，至陵而不知下，未可以應變。』水、陵對舉，猶存舊楚遺言。王氏

《讀書雜誌》以淮南此文水、陸相對，據今《意林》改陵爲陸，是未尋《楚辭》及《春秋傳》也。

妹嬉何肆？注：言桀得妹嬉，肆其情意。妹一作末。

季海按：《問》云『妹嬉何肆？』不云桀得妹嬉而肆，以肆爲肆其情意，亦汜而不切。今謂平所發問，本興起於圖畫，此問亦必有象可指。尋《廣雅·釋詁》：『肆，踞也。』王氏《疏證》引《法言·五百篇》『夷俟倨肆』、《漢書·敘傳》『何有踞肆於朝？』是也。此肆正當訓踞。《漢書·敘傳》云：『時乘輿幄坐張畫屏風，畫紂醉踞妲己，作長夜之樂。』漢畫不徒作，知古人垂戒著在圖畫者，蓋有其比矣。此云『妹嬉何肆？』者，卽因妹嬉踞肆之象而問之。《列女傳》云：『桀置末喜於膝上。』楚廟所圖，仿佛之矣。若以爲倒句（詩賦倒句，大抵就韻耳。若此句倒，當以肆諧得、極，四句中自次句以下連三句韻，如此者《天問》多有之。脂叶之韻者，《離騷》『思美人』亦有之，蓋楚音如是。段氏《六書音韻表》第一部於《天問》出得、極，不以肆爲古合韻者，此句可韻可不韻，故慎言之），卽桀踞妹嬉，漢武梁祠畫夏桀象，亦踞二婦人矣（以爲婦人，從瞿中溶）。桀、紂皆沉湎於酒，宜其醉荒亦同也。

厥萌在初，何所僊焉？注：言賢者預見施行萌芽之端，而知其存亡、善惡所終，非虛僊也。僊一作意。

洪氏《補注》：億，度也。《論語》曰：『億則屢中。』意與億音義同。璜臺十成，誰所極焉？注：璜，石次玉者也。言紂作象箸而箕子歎，預知象箸必有玉杯，玉杯必盛熊蹯豹胎，如此，必崇廣宮室，紂果作玉臺十重，糟丘酒池，以至於亡也。洪氏《補注》：《左傳》曰『夏后氏之璜』，璜，美玉也。郭璞注《爾雅》云：『成，猶重也。』《淮南》云：『桀紂爲璇室、瑤臺，象廊、玉牀。』

季海按：《章句》以箕子見微，帝辛無道說此，甚是。其言紂與箕子事，與《韓非子·說林上》語若合符，蓋晚周人所傳如此。《問》云：『璜臺十成，誰所極焉？』者，《韓非》則云：『箕子以爲『則必錦衣、九重高臺廣室也』』（《文選七命注》引作：『箕子曰：紂必爲九重高臺也』）；《問》云：『厥萌在初，何所億焉？』者，《韓非》亦云：『聖人見微以知萌，見端以知末，故見象箸而怖，知天下不足也』；然書傳都不云：紂有璜臺。尋《新序·刺奢篇》：『紂爲鹿臺，七年而成，其大三里，高千尺，臨望雲雨』，而曰：『天下叛之』，所謂：『璜臺十成』者，惟此足以當之。果爾，則璜非臺名，徒因庀材之美而稱之爾。觀《招魂》云：『纂組綺縞，結奇璜些』（《注》：『璜，玉名也』，與本《注》小異者，王意或謂室中之觀，與高臺之飾，其施用繁省不同，取材亦可有精粗之異也），蓋楚俗貴璜，比於瓊瑤矣。尋《史記·殷本紀》：『紂兵敗，紂走入，登鹿臺』，《集解》：『徐廣曰：鹿一作廩』，《逸周書·克殷解》云：『商辛奔內，登于廩臺之上』，此《史記》所本（《列女傳·殷紂妲己傳》亦云：『紂乃登廩臺』，蓋遷、向同據《周書》，而向仍舊名也），而《廩》作『鹿』者，从其俗也，徐廣云：『一作廩』者，讀史者未曉史公意，誤依《周書》改之，遂令一篇之中，《廩》『鹿』歧出，若兩臺然，斯其陋也；甲子之敗，《水經淇水注》引《竹書紀年》又云：『武王親禽帝受辛于南單之臺』（《初學記二十四》引晉束皙《汲冢書抄》略同），酈道元云：『南單之臺，蓋鹿臺之異名也』（見《淇水注》）；然則鹿臺、廩臺、南單之臺，一也。廩、鹿，一聲之轉，《廣雅·釋宮》：『廩、鹿，倉也』，《國語·吳語》：『而困、鹿空虛』，《注》：『員曰困，方曰鹿』，《荀子·榮辱篇》：『餘刀、布，有困、窮』，《注》：『困，廩也。』圖曰困，方曰廩，是廩、鹿俱謂方倉，廩卽鹿矣。亦或謂

之京，《說文·口部》：『困，廩之圖者，从禾在口中，圖謂之困，方謂之京』，許君義蓋本於史游，《急就篇》：『門戶井竈廩困京』，顏師古《注》：『困，圓倉也。京，方倉也；一曰：京之言『矜』也，寶貴之物，可矜惜者，藏於其中也』，是也。《管子·輕重丁篇》云：『有新成困、京者二家』，《史記·倉公傳》：『見建家京下方石』，徐廣《音義》云：『京者，倉廩之屬』，並其義。然《釋名·釋宮室》：『廩，矜也。寶物可矜惜者，投之其中也』，以顏引一說證之，則『京』即『廩』也。成國字止作廩者，蓋讀廩如京，故曰：『廩，矜也』。『廩亦讀如京，矜者』，《說文》：『掠』、『涼』俱从京聲，大徐引孫愐《唐韻》皆『呂張切』；陸氏《春秋左氏音義·昭十一年傳》出『不羹』云：『舊音郎。《漢書·地理志》作『更』字』；《水經》：『清水又南過新野縣西』，《注》：『棘水自新野縣東，而南流入于清水，謂之爲『力口』也。棘、力聲相近，當爲『棘口』也。又是方俗之音，故字從讀變，若世以『棘子木』爲『力子木』，是也』。是古見、來二紐，音相轉也。江聲《釋名疏證》（今題畢沅）據《急就篇》顏《注》謂：『此條之廩，當爲京』，未確，《管子》云：『困、京者』，亦字從所讀爾（尋《牧民》云：『守在倉廩』，又云：『倉廩實，則知禮節』，是《管子》書本亦作廩，字又作京者，蓋駁文，劉向校中外書凡五百六十四篇，今定著八十六篇，其始故不必出於一手也）。觀此，則知廩、京語轉，倉廩正字，本當作廩，方俗音轉，字從讀變，亦借京爲之；成國讀雖如京，猶依正字矣。尋《殷本紀》云：『厚賦稅，以實鹿臺之錢』，《周本紀》云：『命南宮括散鹿臺之財』（《書武成正義》引《帝王世紀》云：『王命封墓、釋囚，又歸施鹿臺之珠玉及傾宮之女於諸侯』，是鹿臺又有珠玉矣；然《文選》五十六·石闕銘：《注》引《世紀》作：『歸璇臺之珠

玉』，見宋翔鳳輯本，《藝文十二》《御覽八十四》引《世紀》作：『歸璇臺之珠玉』，見顧觀光輯本；若此諸本不誤，即鹿乃衍文，施又璇之壞字矣，是紂之貨財，亦聚其中也。劉云：『寶物可矜惜者，投之其中』，信已。《汲冢書》云：『南單之臺』者：『單』，古文以爲『亶』字，《釋詁》：『亶，誠也』，《書·盤庚中》：『誕告用亶其有衆』，《釋文》云：『亶，馬本作單，云誠也』；《釋詁》：『亶，信也』，《書·洛誥》：『乃單文祖德』，《釋文》引馬融《注》：『單，信也』；又《士冠禮醮辭》曰：『嘉薦亶時』，《注》：『亶，誠也』。古文亶爲瘠，是『亶』字晚出，《釋詁》有『亶』者，非後師所譌，即以今字定之爾，古文舊書本多作『單』，亦或以瘠爲之，其从單聲正同耳，《說文·亶部》：『亶，多穀也，从亶，旦聲』，廩臺既紂倉所在，故以多穀爲稱，蓋美其富有爾，言南者，如曰南爲、南畝矣，洪亮吉《乾隆府廳州縣圖志卷十八·河南衛輝府·淇縣》：『朝歌故城，在縣東北。按今縣治，即殷鹿臺』，是鹿臺在朝歌西南，因據南以爲名也。一曰單，讀如《鄭風》：『東門之墠』，毛《傳》：『東門，城東門也。墠，除地町町者』，《禮記·祭法注》：『除地曰墠』，《獨斷上》：『墠，謂築土而無屋者也』，《鄭箋》云：『城東門之外有墠』，墠在城南門之外，則曰南墠，或本因墠而起臺，亦可臺在墠側，故云。書缺有聞，姑述所聞，以俟知者論定爾。

登立爲帝，執道尙之。

注：言伏羲始畫八卦，脩行道德，萬民登以爲帝，誰開導而尊尙之也。洪氏《補

注》：登立爲帝，謂正夫而有天下者，舜禹是也。《史記·夏商之君皆稱帝，逸以爲伏羲，未知何據。

季海按：《竹書紀年》：『啓登后九年，舞九韶』，《路史後紀十三注》引；又《太平御覽八十二》引《帝王

世紀：『啓升后十年，舞九韶』，升亦登也，卽本《竹書》，而九年、十年小異，當有一誤，亦或以爲蓋引《紀年》而誤題《世紀》矣，此以『爲帝』爲『登后』，既是國史所書，其凡亦必有所受之矣。又《逸周書·太子晉解》云：『四荒皆（今書奪此字，依《玉燭寶典》卷第一引校補）至，莫有怨咎（今書作咎，此依《玉燭寶典》，《注》同），乃登爲帝』，《注》云：『咎，歎恨也。』其爲帝僞登，一如《竹書》，是舊法世傳之史，無論記事、記言，其揆一也。此云：『尙之』者，猶《天問》上云：『師何曰尙之？』《注》：『尙，舉也』，俱謂爲人所尙，而《注》不同者，秦漢以來，君臣懸絕，務相別異，昭名分耳，當屈平之世，弟曰：『尙之』而已，初不嫌也。曰：『舉』，曰：『尊尙』，是尙借爲上也。一曰：如太子晉之言，則登立爲帝，道可知矣。『孰』當爲『何』，涉下『孰制匠之』而誤。何道尙之，猶『何道取之』，句法故同，言用何道得尙登爲帝也。尙亦當借爲上，於文：帝正从上矣。《周書·太子晉解》：『師曠之稱虞舜曰：『尙登帝臣，乃察天子』，登謂之尙，義猶是也。王《注》以爲伏羲，雖未詳所據，然始王天下（《易·繫辭》首僞：『庖羲氏』，《周書·太子晉解》：『王子曰：『自太皞以下』也），又與女媧並僞（下云：『女媧有體』是也。漢畫象每以女媧配伏羲，蓋其所從來遠矣），苟非伏羲，亦孰克當之？』

何肆犬體，而厥身不危敗？

注：言象無道，肆其犬豕之心，燒廩實井，欲以殺舜，然終不能危敗舜身也。一云：何得肆其犬豕？一云：何肆犬豕？

季海按：劉氏《楚辭考異》：『案《注》云：『肆其犬豕之心』，似王本體作豕。』今謂此說非也。別本有犬豕字者，皆依《注》增之。本文是犬，而《注》言犬豕者，舉類以曉人也，此例多有，抽繹可知。《問》

云犬體，而王以犬豕之心釋之者，猶《思美人》『固朕形之不服』《注》：『我性婞直，不曲撓也。』然晉當句，義實不爾。王以上下分屬象、舜，亦未安也。疑肆當讀如肆諸市朝，或讀爲鬻。此言舜離于患，而犬受其殃也；或舜使犬代己，如龍工、烏工之以術自解矣。犬體諒亦畫圖所見，本非出諸擬議，今其成事，與圖俱亡，遂末由審知耳。

孰期去斯，得兩男子？

《注》：長子太伯及弟仲雍，去而之吳，吳立以爲君。誰與期會，而得兩男子？兩男子，謂太伯、仲雍也。又《九章·抽思》：『憂心不遂，斯言誰告兮？』又《思美人》：『吾誰與玩此芳草？』此，一作斯。又《遠遊》：『誰可與玩斯遺芳兮？』斯遺芳，一作此芳草。又《卜居》：『將送往勞來，斯無窮乎？』又《漁父》：『何故至於斯？』《注》：曷爲遭此患也？《史記》云：『何故而至？』

季海按：《屈賦》言『斯』，今可見者，祇此六事：《思美人》則今本亂之，《遠遊》一本又承其譌，《漁父》則《史記》改之，蓋三閭遺言之日以漫滅變易者，大抵若是矣。

而黎服大說。

《注》：黎，衆也。說，喜也。言天下衆民，大喜悅也。服，一作伏。洪氏《補注》曰：『湯以臣放君，而黎民說服者，代虐以寬故也。』

季海按：《注》不疊服字，洪云說服，未知王意爾否。果爾，即讀此與『黎大說服』何異？然謂依文可解，當非倒句。服讀曰服（一作伏者，流俗書妄改，或書手苟簡，以伏代服耳。服虔或作伏虔，大抵此類）。《方言》：『服，農夫之醜稱也。』南楚凡罵庸賤，或謂之服。楚人言黎服，猶中國言黎民也（民之爲言或如冥、瞢，或如萌、盲，古者亦多以爲無知之稱）。

簡狄在臺，魯何宜？玄鳥致胎，女何喜？

注：簡狄，帝嚳之妃也。玄鳥，燕也。胎，遺也。言簡狄侍帝嚳

於臺上，有飛燕墮遺其卵，喜而吞之，因生契也。喜一作嘉。

季海按：《離騷》：『望瑤臺之偃蹇兮，見有娥之佚女。』《注》引《呂氏春秋》曰：『有娥氏有美女，爲之高臺而飲食之。』叔師所引，具見《音初篇》。其言曰：『有娥氏有二佚女，爲之九成之臺，飲食必以鼓。』此所謂『簡狄在臺』也。又曰：『帝令燕往視之，鳴若謦謦。』二女愛而爭搏之，覆以玉筐，少選發而視之，燕遺二卵，北飛，遂不反。二女作歌一終，曰：『燕燕往飛』，實始作爲北音，此所謂『玄鳥致胎』也。《離騷》云：『鳳皇既受詒兮，恐高辛之先我』，亦謂是矣。據《離騷》《呂覽》之文，知帝嚳故未嘗在臺也。不然，何『往視』『致胎』之有？蓋自王逸已誤讀《天問》，殆不得其解，又從而爲之辭也。云『魯何宜』者，《宜》讀與『儀』同（《詩》《烝民》傳：『儀，宜也』）。《周語》記內史過之言曰：『昔昭王娶於房曰房后，實有爽德，協於丹朱。丹朱憑身以儀之，生穆王焉。』《注》：『憑，依也。儀，匹也。』《詩》云：『實維我儀。』言房后之行，有似丹朱。丹朱憑依其身而匹偶焉，生穆王也。《內史過》言『丹朱憑身以儀之』，韋以『匹偶』解之是也。《釋詁》曰：『儀，匹也』，是其義。《天問》言『宜』，其義同矣。蓋簡狄居九成之臺，魯實不在，何緣得相匹偶？故曰：『魯何宜』也。吞卵生契之談，又靈均所不信，故於此獻疑爾。《女何喜》當從一本作嘉。顧炎武《唐韻正》云：『今本嘉作喜，是後人不通古音而妄改之也。』按《後漢禮儀志》引此作嘉。《今按》引此作嘉，實見劉昭《注補》中，顧君偶不暇分別，然上尋古音，以訂今本之誤，自是解頤之論。劉引『致胎』作『致胎』，今不從者，以《離騷》有

『受詒』之文也。云：『玄鳥致詒女何嘉』者，正言得子之事。觀《說文》『乙』『孔』『乳』諸訓，知以得子爲嘉，自是古義；而玄鳥爲請子之候鳥，又已著於書契。學者於此，類能言之，故可得而略也。

有扈牧豎，云何而逢？

注：言有扈氏本牧豎之人耳，因何逢遇，而得爲諸侯乎？一曰其爰何逢？一曰

其云何逢？何變化以作詐，後嗣而逢長。注：言象欲殺舜，變化其態，內作姦詐，……終不能害舜。舜

爲天子，封象於有庠，而後嗣子孫，長爲諸侯也。一云而後嗣逢長。既驚帝切激，何逢長之？注：何逢

後世繼嗣之長也。

季海按：諸文言逢，其義一也，王《注》不得其解。尋《書·洪範》：『身其康彊，子孫其逢。吉。』（《偽孔傳》云：『故後世遇吉』，則以逢吉爲句。不知《洪範》正以彊逢爲韻，偽孔讀非是，今從馬融。王念孫《古韻譜》辨偽孔此讀之誤，甚案諦，而譜中祇以從、從、同、逢爲韻，不收彊者，蓋其慎也。）馬融云：『逢，大也』（見《經典釋文》卷第四《尚書音義》下《洪範第六》），是其義也。『云何而逢』，猶言『云何而大』，『後嗣』逢長，亦猶『子孫』其逢也。『何逢長之』，亦指後嗣，其言『逢長』則同。並不以逢遇爲義。『云何而逢』，當作『其爰何逢』，一本是也。篇末有『伏匿穴處爰何云』，王《注》：『爰，於也。吾將退於江濱，伏匿穴處耳，當復何言乎？』明『爰何』自是楚語。王《注》或云：『因何』，或云：『當復何』，亦各隨文勢作釋耳。此《注》或本有『爰，於也』句，後人既改其正文，遂並刪王《注》矣。尋《釋詁》：『爰，粵，于也』。又：『爰、粵、于，於也』。是王《注》所本。此『爰』自是語詞，『粵』、『于』、『於』皆其方物，王《注》是也。今本作『云何』者，『云』亦是語詞（王引之《經傳釋詞》第

三：『云發語詞也』條引《詩》：『惟何人斯』；『云不我可』，《雲漢》：『云我無所』當訓曰：故是常語，其餘諸文，皆以爲發問之詞耳。與『爰』爲轉語。『爰何』猶『云何』，楚人設問，藉此發端耳。靈均以『爰』爲『云』者，猶以『荃』爲『蓀』。『說文』：『荃，芥艸也』，不云芳艸。王夫之《說文廣義》云：『楚辭』之荃，皆本蓀字是也。然《說文》無蓀字。《莊子》《楚辭》，皆假荃爲之。魏晉以來，遂一切讀如蓀音耳。敦煌本《楚辭音》於『荃蕙化而爲茅』句出『蓀』字云：『蘇存反，司馬相如《賦》云：『歲登若蓀』是也。本或荃，非也。凡有荃字，悉蓀音；而《字詁》：『蕙、荃，今蓀』，復同得也。』尋《離騷》：『荃不察余之中情兮』，洪氏《補注》引《莊子·外物篇》：『得魚而忘荃』，陸氏《音義》出『崔音蓀，香草也』。是篤公荃作蓀音，亦承張、崔以來舊讀爾。古者書字本各从其方，稚讓始以荃（蕙古音同），蓀爲古今字，自是學者既執今音以讀《楚辭》，寫書者時亦以今字改故書，至如篤之專精，猶不能無以『荃』爲非之失也。』蓋轉諄入元，正楚聲也（元、諄相協，《天問》、《九章》，多有其例，下逮《淮南王書》，無改其舊，詳拙撰《楚辭韻譜》）。『云何』不以『云言』爲義，觀此而益瞭然矣。

眩弟竝淫，危害厥兄。

注：眩，惑也。厥，其也。言象爲舜弟，眩惑其父母，並爲淫泆之惡，欲共危害舜也。害一作虞。洪氏《補注》：眩弟，猶惑婦也，言舜有惑亂之弟也。

季海按：《天問》上云：『浞娶純狐，眩妻爰謀』，《注》：『眩，惑也，言浞娶於純狐氏女，眩惑愛之，遂與浞謀殺羿也。』眩弟，猶眩妻，亦謂能使父母眩惑愛之耳。洪云：『惑婦』者，《天問》下云：『殷有惑婦何所譏』也；惟以惑亂爲言，殆不如叔師前《注》之精也。王《注》於此，說爲『眩惑其父母，並爲淫』

泆之惡，則不徒無據，抑且不辭。其實《問》云：『竝淫』，猶『朋淫』矣。《離騷》云：『世並舉而好朋兮』，蓋楚俗『並』、『朋』得爲代語也。其在《皋陶謨》，帝舜之戒伯禹曰：『無若丹朱傲』、『朋淫于家』也，《尚書正義》引鄭康成《注》曰：『朋淫，淫門內』，鄭云：『淫門內』者，孫星衍《尚書今古文注疏》云：『《白虎通·三綱篇》引《禮記》曰：『同門曰朋』，故以朋爲門內也。《詩傳》又云：『朋，比也』，朋比、比並，義亦相近，故淫於門內，楚人亦謂之『並淫』矣。《孟子·萬章篇》：象曰：『謨蓋都君威我續』，此所謂『危害厥兄』也；又曰：『二嫂使治朕棲』，此其所以又有『竝淫』之說歟？

孫淵如申鄭輒以朋淫爲『比淫』，乃云：『或以淫爲姪亂，非也。丹朱隱惡，舜不應斥言于朝』，其實《書》云：『用殄厥世』，是已加顯誅，若如《竹書》之言，則『舜囚堯，復偃塞丹朱，使不與父相見』（《史記五帝本紀正義》引），尙何『隱惡』之有，而不『斥言』之乎？

何乞彼小臣，而吉妃是得？
注：小臣，謂伊尹也。言湯東巡狩，從有莘氏乞伊尹，因得吉善之妃，以爲內輔也。

李海按：《呂氏春秋·尊師篇》『湯師小臣』《注》：『小臣，謂伊尹。』與此文同。云『小臣』者，此於《周官》爲『內小臣』。《左傳·僖四年》《國語·晉語》亦曰『小臣』，掌陰事、陰令，奄士是也。《周官·序官》《注》云：『奄稱士者，異其賁。』是小臣故以賁者爲之矣。又《呂氏·本味篇》云：『湯聞伊尹，使人請之有佚氏，有佚氏不可。伊尹亦欲歸湯，湯於是請取婦爲婚，有佚氏喜，以伊尹媵女。故賢主之求有道之士，無不以也。』此所謂『乞彼小臣，而吉妃是得』者也。王《注》太簡，不能徵其本事。

湯出重泉，夫何辜尤？
注：重泉，地名也。言桀拘湯於重泉而復出之，夫何用罪法之不審也？不勝心伐帝，夫誰使挑之？
注：帝謂桀也。言湯不勝衆人之心而以伐桀，誰使桀先挑之也。挑一作挑。

季海按：重泉，洪氏補注引前漢志左馮翊有重泉，未知是否。然地名重泉，毋亦囚於水次？
《墨子·三辯篇》：『湯放桀於大水。』豈非重泉之囚，實啓其心！『夫何辜尤』，言竟有何罪也。『不勝心伐帝』，自謂湯不勝己心而必伐桀也。《湯誓》云：『今爾有衆！汝曰：『我后不恤我衆，舍我穡事而割正夏！』』是衆心尙未孚也。子思曰：『能勝其心，於勝人乎何有？不能勝其心，如勝人何？』（見《中論·脩本第三》引，黃以周據之輯入《子思逸篇》，是也。）是『勝心』之言，實本周世大儒相傳之舊，三閭騰辭，蓋有取焉爾。平營東使於齊，計鄒魯諸儒之所講論，靈均故備聞之矣。『挑之』可有二解：其一謂挑桀使怒，以觀其動也。《說苑·權謀篇》曰：『湯欲伐桀，伊尹曰：『請阻乏貢職，以觀其動。』』桀怒，起九夷之師以伐之。伊尹曰：『未可，彼尙猶能起九夷之師，是罪在我也。』湯乃謝罪請服，復入職貢。明年，又不供貢職，桀怒，起九夷之師，九夷之師不起。伊尹曰：『可矣。』湯乃興師，伐而殘之，遷桀南巢氏焉。（《路史發揮·伐桀升陟辨》引其文小異。）然伊尹實使挑之。其一則挑謂挑戰，古曰致師矣。《國語·晉語》云：『公令韓簡挑戰。』《史記項羽本紀集解》引臣瓚云：『挑戰，撓撓敵求戰，古謂之致師』是也。《周書·克殷篇》云：『陳於牧野，帝辛從武王，使尙父與伯夫致師。』孔《注》云：『挑戰也。』觀夫武王伐紂，尙父實致師，則知湯之伐桀，伊尹挑之，故其倫也。《孟子·萬章篇》引《伊訓》曰：『天誅造攻自牧宮，朕載自亳。』趙岐以爲湯始與伊尹謀之於亳，遂順天而誅也。

私意頗疑『造攻自牧宮』者，即致師之事（趙《注》：『言意欲誅伐桀，造作可攻討之罪者，從牧宮桀起，自取之也。』似失之迂）。要之，觀乎《伊訓》，則『夫誰使挑之』者，亦惟伊尹克當之矣。

到擊紂躬，叔且不嘉。何親揆發足，周之命以咨嗟？授殷天下，其位安施？反成乃亡，其罪伊何？爭遣伐器，何以行之？並驅擊翼，何以將之？

季海按：王《注》說此極微繞，至以『周公於孟津揆度天命，發足還師而歸』釋『親揆發足』，是視屈《賦》幾如歇後語矣。今謂《天問》明言『到擊紂躬』，自與泛稱伐紂有異。《逸周書·克殷解》：『武王答拜，先入，適王所，乃尅，射之三發，而後下車，而擊之以輕呂，斬之以黃鉞。』孔晁《注》：『輕呂，劍名。』是輕呂之擊，紂躬實膺之，故云『到擊紂躬』也。到或當讀如倒，紂已先焚死，蓋倒擊其尸而擊之歟？云『叔且不嘉』者，今雖無文以知之，然《論衡·恢國篇》曰：『君子惡不惡其身。紂屍赴於火中，所見悽愴，非徒色之穀鯁，袒之暴形也。就斬以鉞，懸乎其首，何其忍哉？』漢儒猶爲斯言，則楚俗所傳，有謂『叔且不嘉』者，殊無足怪。『親揆發足』，本事已亡，今亦未敢質言。探繹下文，頗謂指武王弗豫時事（見《書·金縢》及《史記·魯周公世家》）。『發足』自謂武王之躬，親揆之者，或緣省疾，或緣將自以爲質，俾上告三王，以代王發之身（見《史記·魯周公世家》），且先有事乎受代者之軀體云爾。《呂氏春秋·順民篇》云：『湯乃以身禱於桑林。……於是剪其髮，斷（孫詒讓以爲字當作曆，義具《札迻》卷五）《莊子·胠篋》第一：『擲工倕之指』條）其手，以身爲犧牲。』（羣書記湯禱事異文，並見前引《札迻》卷中。）夫湯之禱，實親毀傷其身體髮膚，以自擬於犧牲，且既代發，則先有

事乎發之身，以信於鬼神，又何疑焉？其曰『周之命以咨嗟』，則《金縢》所謂『嗚呼！無墜天之降寶命，我先王亦永有依歸』者，其情可見矣。其曰『授殷天下』者，蓋『武王既崩，成王少在強葆之中，周公恐天下聞武王崩而畔，周公乃踐阼，代成王攝行政當國』也（見《史記·魯周公世家》）。曰『其位安施』者，《史記·魯周公世家》曰：『周公之代成王治，南面倍依以朝諸侯。』《集解》：駟案：《禮記》曰：『周公朝諸侯于明堂之位，天子負斧依南向而立。』鄭玄曰：『周公攝王位，以明堂之禮儀朝諸侯也。不於宗廟，避王也。天子，周公也。負之爲言倍也。斧依，爲斧文屏風於戶牖之間，周公於前立也。』是其事也。『反成』謂『還政成王』（《史記·魯周公世家》）：『及七年後，還政成王，北面就臣位。』；『乃亡』謂周公出亡也。是有二說：一者謂管叔流言，周公避居於東。《墨子·耕柱篇》謂：『古者周公旦非關叔，辭三公，東處於商蓋。』（孫詒讓《墨子閒詁》：『畢云：『商蓋，即商奄。』……《左·昭九年傳》云：『蒲姑商奄，吾東土也。』孔《疏》引服虔云：『商奄，魯也。』……蔡邕《琴操》又謂有譖公於王者，周公奔魯而死。案蔡說奔魯與此書合，但謂公死於魯，則妄耳。』）雖汪中譏其失實（見《述學·周公居東證》），第由是可知管叔流言，周公出走之說，自先秦有之。馬鄭避居東都之說，實興於是矣。若從此說，即『反成乃亡』，謂管叔流言之後，周公即還政成王，避居於東也。其一則謂『及成王用事，人或譖周公，周公奔楚』也。（見《史記·魯周公世家》；又《史記·蒙恬列傳》亦曰：『及王能治國，有賊臣言：『周公旦欲爲亂久矣。王若不備，必有大事。』王乃大怒。周公旦走而奔於楚。』《魯世家索隱》引譙周云：『秦既燔書，時人欲言《金縢》之事，失其本末，乃云……成王用事，人譖周公，周

公奔楚。成王發府見策，乃迎周公。又與《蒙恬傳》同，事或然也。《楚故》所傳，於二者雖未知孰同孰異，然觀《天問》之文，知周公當流言之後，東征之前（說見下文），固當有反政成王，出亡避嫌之舉。『其罪伊何？』言竟有何罪也。『爭遣』以下四句，王說訓故大體可通，惟失其本事耳。今謂此承上文，並就周公而言，直指東征四國耳。《詩·鸛鳴·破斧》曰：『既破我斧，又缺我斨。無亦『爭遣伐器』之效歟？夫既『爭遣伐器』矣，又安能不『廢民之用』哉？『翼』斥四國之衆。『何以行之？』『何以將之？』以見賢者之所爲，常情故難料也。夫周公方受殷天下，儼然天子矣。當還政成王之際，視去天下如脫屣。及其東征，則秉鉞不疑，凡所以利社稷而已。推靈均之志及其所遭，則知《天問》之深有感於周公之事，爲不虛矣。

昭后成遊，南土爰底。厥利惟何？逢彼白雉。
注：言昭王背成王之制而出遊，南至於楚，何以利于楚乎？以爲越裳氏獻白雉，昭王德不能致，欲親往逢迎之。

季海按：依《注》，后當訓背，然義可疑，不知王氏本文果是后字否？（劉氏《楚辭考異》云：『案：據《注》，后疑作倍。』近之。）如平所問，則昭王南遊，亦緣欽想奇瑞，引誘幽荒，欲以崇德邁威，厭耀未服爾。不悟白雉玉環，無益齊民，適符鮑生之譏矣。抱朴子徒以王莽爲解，未檢此文也。（《尚書大傳》云：『越裳以三象重譯而獻白雉，周德既衰，於是稍絕。』昭王當之矣。）

師望在肆昌何識？
注：言太公在市肆而屠，文王何以識知之乎。識一作志。洪氏《補注》曰：『識與志同。』又《九章·惜誦》：『忠何罪以遇罰兮，亦非余心之所志。』注：言已履行忠直，無有罪過，而遇放逐，亦非

我本心宿志所望於君也。《懷沙》：章畫志墨兮。注：章，明也。志，念也。《史記》志作職。《惜往日》：惜壘君之不識。注：哀上愚蔽，心不照也。識一作明。洪氏《補注》曰：識音試，亦音志。

季海按：《說文解字》無志字，段玉裁《注》曰：「志所以不錄者，《周禮》保章氏注云：『志，古文識。』蓋古文有志無識，小篆乃有識字。《保章注》曰：『志，古文識，識，記也。』《哀公問注》曰：『志，讀爲識，識，知也。』今之識字，志韻與職韻分二解，而古不分二音，則二解義亦相通。古文作志，則志者，記也，知也。』又引惠定字曰：『今人分志向一字，識記一字，知識一字，古祇有一字一音；』又：『《哀公問注》云：『志，讀爲識』者，漢時志、識已殊字也。許《心部》無志者，蓋以其卽古文識而識下失載也。』今謂惠、段說是，識字晚出，凡識知、識記字，古文並以志爲之。（王引之《經義述聞》第十九）『宜王有志』條云：『《墨子·非命中篇》：『不志咎也三代之聖善人與，意亡咎三代之暴不肖人也。』《下篇》志作識，識亦知也。』王念孫《讀書雜誌·荀子第二儒效》『無志』條云：『『怨天者無志』，念孫案：志，讀爲知識之識。不知命而怨天，故曰：無識。《法行篇》正作『怨天者無識』。今謂王氏父子之言並是也，然先秦舊書，字當作志，《墨子·非命中篇》、《荀子·儒效篇》是也，其《非命下》及《法行篇》字又作識者，弟如漢人讀耳。』《天問》『何識』、《惜往日》『不識』，意謂識知，《惜誦》『所志』，依《哀公問注》例，亦當云：『志，讀爲識，識，知也』（句承『事君而不貳兮，迷不知寵之門』，則此云『亦非所志』者，正對上『不知』而言，《禮·緇衣》：『爲上可望而知也，爲下可述而志也』，《注》：『志，猶知也』，亦以知、志爲互文，明此云『所志』自當讀爲『識知』字，王以『宿志』爲說，誤認爲『情志』字，失

之），此三文一義，於《楚辭》故書，當並作『志』，《天問》一本是也（今書字作識者，當緣後人不通漢師讀義例，猥據王《注》『識知』字，輒改其本文耳）。《惜往日》舊校都不云『一作志』者，是宋人所見，已無完書矣（今《補注》本出：『識一作明』，《明》既失韻，自是淺人依王《注》『不照』字臆改，疑原校故云：『識一作志』也）。《懷沙》『志墨』，亦讀爲識，義當如《保章氏注》。《史記》志作職者，《廣韻》二十四職《引》字林云：『記微也。』（《廣韻》此文當承唐諸家《切韻》之舊，今《說文》與《字林》同，疑唐開天以後人據《字林》增之。又：今《說文》：『識，常也；一曰知也』，尋《爾雅》釋詁：『職，常也』，疑原本《說文》，有職無識，故从《釋詁》出『職，常也』，而退『知也』於一說，其不收志者，許意正謂古文志與『職常』字義不相附也。若識之訓知，見於《詩瞻》印箋、《禮哀公問注》，叔重何爲先常而後知乎？）漢晉人書職亦或通作識（《脩華嶽碑》：『周禮識方氏』，職作識；郭象本《莊子·繕性篇》：『心與心識』，陸氏《音義》引向秀本作職，是也），是史公讀志如『記微』字，即以『識記』爲義。蓋劉向所定，存彼故書，史公茲讀，正其達詁也。夫曰：明畫記墨，則『前圖未改』（下文云爾）可知矣。《賦》以『畫、墨』爲言，是明謂圖畫也。《史記》『圖』作『度』，雖讀與《爾雅》相應（《釋詁》：『圖、度，謀也』，圖、度自可同訓），故未若本文之尤深切著明也。

九章第五

《惜誦》：忘儼媚以背衆兮。

注：儼，佞也。言已修行正直，忘爲佞媚之行，違背衆人，言見憎惡也。洪

氏《補注》：『僂，《說文》：『慧也，一曰利也』，言已忘佞人之害己，爲忠直以背衆。』

季海按：《方言·第一》：『度、僂，慧也。』秦謂之謾，晉謂之懇，宋楚之間謂之僂，楚或謂之諂，自關而東趙魏之間謂之黠，或謂之鬼，又《方言·第十二》：『僂、度，謾也』，郭《注》：『謂惠黠也』，《九章》此文，正謂黠媚耳。王云『佞媚』，意亦近之，蓋考諸《方言》，而後以惠黠售欺之狀（謾亦欺也，語有『譴謾』、『欺謾』，見《方言·第十》），如在目前也。此原自謂已獨忘爲黠媚之行，違背衆人，王說得之，《抽思》曰：『固切人之不媚兮，衆果以我爲患』，是其事也。洪云：『言已忘佞人之害己』者，直以『僂媚』當佞人，又謂『爲忠直』以釋『背衆』，並於義未安。

壹心而不豫兮，羌不可保也。注：豫，猶豫也。保，知也。言已專壹忠信，以事於君，雖爲衆人所惡，志不猶豫，顧君心不可保知，易傾移也。一本此句與下文，皆無也字。又：行婞直而不豫兮，注：婞，很也。豫，厭也。豫一作斁。鮌功用而不就。注：言鮌行婞很勁直，恣心自用，不知厭足，故殛之羽山，治水之功，以不成也。

季海按：兩『不豫』字同耳，王前說得之。《涉江》：『余將董道而不豫兮，固將重昏而終身』，王《注》：『董，正也。豫，猶豫也。言已雖見先賢，執忠被害，猶正身直行，不猶豫而狐疑也』，亦是也。一本作斁，徒以王釋爲厭，因改故書，不足據也。不豫謂不疑。王釋作猶豫者，《離騷》曰：『心猶豫而狐疑兮，欲自適而不可』；又曰：『欲從靈氛之吉占兮，心猶豫而狐疑』，猶豫、狐疑，互文耳。單言則曰猶、曰豫，《老子》曰：『豫兮若冬涉川，猶兮若畏四隣』，是也。保當訓恃（義具《解故》）；《離騷》第

一『保厥美以驕傲兮』，《惜誦》下云：『曰：君可思而不可恃』，與此云：『羌不可保』者，義實相成，可以互證。

孫氏《札迻卷十二》讀豫如『誑豫』字，釋云：『豫，猶言詐也』；然此三句，依王《注》，以『不猶豫』繼之，則壹心之致、婞直之狀、董道之忱，胥情見乎辭，於文故上下相承，端若貫珠矣。必如孫說，則既言壹心、婞直、董道矣，而猶以不詐自明，何其迂闊？況以楚語衡之，益知其不然也。

中悶替之惛惛。

注：悶，煩也。替，亂也。惛惛，憂貌也。言己憂心煩悶，惛惛然無所舒也。洪氏《補

注》曰：惛，悶也。

李海按：《方言》第十曰：『頓憇，昏也。』郭《注》『謂迷昏也』。又曰：『江湘之間，謂之頓憇。』郭《注》『頓憇，猶頓悶也』。持《方言》之文，以校《惜誦》，則憇之爲言猶悶也，頓之爲言猶惛也，憂心煩悶，亦迷昏之意。《離騷》云：『惛鬱邑余侘傺兮』，《注》：『惛，憂兒』（一本注云：惛，自念兒），洪氏《補注》曰：『惛，悶也。』是單言曰：惛，重言曰：惛惛，其義則一也。《爾雅·釋訓》云：『夢夢、詵詵，亂也。』郭《注》：『皆闇亂。』又：『僂僂、洄洄，昏也。』郭《注》：『皆迷悟。』詵詵、惛惛，故是一語。夢、僂古音在蒸部，悶古音在諄部，然《天問》以『勝、陵』與『文』相韻，是楚音讀『夢、僂』正如『悶』也。僂僂、夢夢，義主昏亂，與楚人言悶，亦無二致。是單言曰悶，重言曰夢夢、僂僂，意亦同也。若連綿言之，則謂之頓憇。是荆楚遺言，與江湘間語相應，頓憇雖附麗成文，稽之楚俗，則散言亦通，既自信而有徵，故無孫叔然『字別爲義』之失也（見《爾雅·釋詁》郭璞《注》）。

昔余夢登天兮，魂中道而無杭。注：杭，度也。《詩》曰：『一葦杭之。』杭一作航。吾使厲神占之兮，曰：『有志極而無旁。』注：旁，輔也。言厲神爲屈原占之曰：『人夢登天無以渡，猶欲事君而無其路也，但有勞極心志，終無輔佐。』

季海按：夢云：『無杭』，占曰：『無旁』，語本相應，並謂舟杭爾。《方言·第九》：『舟自關而東，或謂之舟，或謂之航』，字正作航，與一本合。然杭、航字通，不煩改也。《說文·方部》篆作『航』，段玉裁《注》：『《衛風》：『一葦杭之』，毛曰：『杭，渡也』，杭即航字，《詩》謂一葦可以爲之舟也。舟所以渡，故謂渡爲航。』是舟謂之杭，渡亦謂之杭，《詩》言『杭之』，當如毛說，此云『無杭』，直謂無舟耳。無旁猶無杭，旁借爲舫，讀與榜同耳。《說文·舟部》：『舫，船也（依段玉裁校）。』《明堂月令》曰：『舫人』，習水者』，段氏《注》：『《月令》：『六月命漁師伐蛟』，鄭《注》：『《今月令》漁師爲榜人』，按榜人即舫人，舫正字，榜假借字。許所據即鄭所謂：『《今月令》也。』《子虛賦》：『榜人歌』，張揖《注》曰：『榜，船也。』《月令》：『命榜人』，榜人，船長也。』張所據，亦作榜人』，是其義。登天言無杭者，《遠遊》云：『涉青雲兮汎濫（从一本）兮』，於『青雲』言『涉』，言『汎濫』，是騷人視凌雲與渡水無異，故當須杭以濟也。義又見《遠遊解故》。

有志極而無旁。注：言但有勞極心志，終無輔佐。又：同極而異路兮。注：言衆人同欲極志事君，願忠佞之行，異道而殊趨也。

季海按：極皆常訓至，義具《哀郢》也。

欲釋階而登天兮。

洪氏《補注》：《釋名》云：「階，梯也」，《孟子》所謂「完廩捐階」，是也。

季海按：《說文·自部》：「階，陞也」，《陞，升高階也》，《木部》：「梯，木階也」，許君汝南人，汝南楚分，故其言與《惜誦》相應，皆楚語矣。又《方言·第十三》：「陲，隋也」，郭《注》：「江南人呼梯爲陲，所以隨物而登者也，音剗切也」，戴震《疏證》：「《漢書賈鄒枚路傳贊》：「賈山自下剗上」，《注》：「孟康曰：剗，謂剗切之也。師古曰：剗，音工來反」，今謂《注》、《疏》說並是也。階、陲俱在脂部，古音同耳。江南人呼梯爲陲，猶楚之遺語也。

增弋機而在上兮。

注：增，繳射矢也。弋，亦射也。《論語》曰：「弋不射宿。」言上有冒繳弋射之機。

洪氏《補注》：《淮南》云：「增繳機而在上，罟罟張而在下，雖欲翱翔，其勢焉得？」《注》云：「增，弋射鳥短矢也。機，發也。」

季海按：《說文·木部》：「主發謂之機」，楚言以機發矢，亦謂之機，此與「機蓬矢以歆革」（莊忌、東方朔咸有此句，蓋出屈宋遺文，說詳《存疑》），俱謂以機發之矣。洪引《淮南》及《注》，見《儗真訓》，蓋援《惜誦》以成文，然變「罟羅」爲「罟罟」，而言「機」正同，則知下逮漢之淮南，此語未更，而「罟羅」之云，已無復鄢郢舊俗也。

背膺脾以交痛兮。

注：膺，胸也。脾，分也。一本脾下有合字；一云：背膺敷脾其交痛。言胸背分裂，

心中交引而隱痛也。

季海按：敷脾猶分裂，一本是也。近世學者或據馬融《尚書注》：「敷，分也」，《周禮·小宰、士師》：

『傳別』之文，以證『敷』有分義，並是也。今尋《方言·第七》：『膊，暴也，燕之外郊、朝鮮洌水之間，凡爨肉、發人之私、披牛羊之五藏謂之膊』，膊、敷同从剪聲，亦一語耳。胸背分裂，與披五藏，情事相類，而楚以指人，燕郊、朝鮮以目牛羊，則古之遺言，散在方國者，雖共出一柢，其間施用，亦隨俗小殊也。

《涉江》：余幼好此奇服兮，注：奇，異也；或曰：奇服，好服也。年既老而不衰。注：言已少好奇偉之服，履忠直之行，至老不懈。帶長鋏之陸離兮，注：長鋏，劍名也。其所握長劍，楚人名曰：長鋏也。冠切雲之崔嵬。注：崔嵬，高貌也。言已戴崔嵬之冠，其高切青雲也。嵬一作巍。

季海按：《離騷》云：『進不入以離尤兮，退將復脩吾初服』，又云：『高余冠之岌岌兮，長余佩之陸離』，與《涉江》比觀，而靈均所好，略可見矣。其曰：奇服，自可義兼美異，《詩·靜女》云：『自牧歸荑，洵美且異』，是美、異時亦並舉，苟以爲美好、珍異之服，則王《注》一說可通也，《章句》又以『奇偉』爲說，蓋近之矣。若《後漢書·銚期王霸祭遵傳》云：『身無奇衣，家無私財』，則直謂好衣而已，非如靈均所謂『謇吾法夫前脩兮，非世俗之所服』（見《離騷》）也。

乘舸船余上沅兮。注：舸船，船有牕牖者。言已始去，乘牕舸之船，西上沅湘之水。洪氏《補注》：《淮南》云：『越舸蜀艇』，《注》云：『舸，小船也。』《釋文》作舸。又：船容與而不進兮。

季海按：《方言·第九》：『舟自關而西謂之船，自關而東或謂之舟，或謂之航』，尋《哀郢》云：『將運舟而下浮兮』，《惜誦》云：『魂中道而無杭』，此所謂『自關而東或謂之舟，或謂之航』也；惟《涉江》

此文又云：『船』，獨與漢之關西語相應者，蓋七國楚語有之。尋淮南·銓言訓曰：『方船濟平江，有虛船從一方來，觸而覆之』，淮南雖在關東，亦謂之『船』者，此楚之遺言也。

齊吳榜以擊汰。

注：言士卒齊舉大櫂而擊水波。洪氏補注曰：『字書：舳，船也。吳疑借用。』

季海按：『注言齊舉大櫂，則吳訓大也。依注知方言第十二：『吳，大也』，實與楚語相應。洪氏引字書，非王意（今注有『吳榜，船櫂也』五字，疑不出王氏；或復揚權而言，必不以船訓吳，如洪說矣；亦可大誤作船，未見其本，無以質言）。』

哀郢：皇天之不純命兮，何百姓之震愆？民離散而相失兮，方仲春而東遷。

注：震，動也。愆，過也。

言皇天不純一其施，則萬物大傷；人君不純一其政，則百姓震動以觸罪也。懷王不明，信用讒言，而放逐己，正以仲春陰陽會時，徙我東行，遂與室家相失也。

季海按：叔師此注，陳義甚微，苦未得其本事，故以離散相失，專屬於己；然曰『百姓』與『民』，豈一身乎？本事既隱，實錄始爲擬議之辭矣。戴氏屈原賦音義云：『屈原東遷，疑卽當頃襄元年。秦發兵出武關攻楚，大敗楚軍，取析十五城而去。時懷王辱於秦，兵敗地喪，民散相失，故有皇天不純命之語。』戴謂屈平去郢，當頃襄元年，視執三年之說者自勝；然單恃襄元秦禍，以解民散，則百姓震愆，於懷王無與，轉不若王注之切矣。今尋賈誼春秋篇曰：『楚懷王心矜，好高人（季海按抽思云：『憍吾以其美好兮，覽余以其脩姱』，又：『少歌曰：憍吾以其美好兮，敖朕辭而不聽』，是賈生之言，信而有徵），無道而欲有伯王之號，鑄金以象諸侯人君，令大國之王，編而先馬，』

梁王御，宋王驂乘，周、召、畢、陳、滕、薛、衛、中山之君，皆象使隨而趨。諸侯聞之，以爲不宜，故興師而伐之。楚王見士民爲用之不勸也，乃徵役萬人，且掘國人之墓。國人聞之振動，晝旅而夜亂。齊人襲之，楚師乃潰。懷王逃適秦，克尹殺之西河，爲天下笑，此好矜不讓之罪也，不亦羞乎？其言懷王所以召諸侯之師及百姓震愆之故如此。國人振動，晝旅夜亂，蓋平所目擊，敗亡之禍，宜平所悼心，故再放雖在襄初，作賦造端懷末也。據《史記》：齊師敗楚，懷王二十八年也，三十年王遂入秦，中間又被秦兵，楚軍死者二萬，百姓震愆，或有甚於賈生所言，然《史記》於懷末政令設施，缺略不具，以此補之，愈於憑臆妄猜矣。其曰：『懷王逃適秦』者，與《史記》不合；然《史記》云：『二十九年乃使太子爲質於齊以求平』，《戰國策》卷第十七楚四，亦曰：『長沙（季海按，當作垂沙）之難，楚太子橫爲質於齊』，是齊人罷兵，當在二十九年，於是秦昭王遣楚王書曰：『今聞君王乃命太子質於齊以求平』，《史記》在三十年，其實去太子入齊當不久，懷王得書而行，當在三十年初，是齊楚紛紛，去入秦時亦已迫矣，宣傳者之有此言也。其曰：『克尹殺之西河』，與《史記》不同，而實可信。《史記》謂：懷王問道走趙，趙不入，欲走魏，秦追至，此云『西河』，固其地也。《史記》云：遂與秦使復之秦，懷王遂發病，明年卒于秦者，秦人諱之耳，觀秦之歸喪于楚，楚人皆憐之如悲親戚，諸侯由是不直秦，則克尹殺之西河，諸侯已共聞之矣。史公近取《秦記》，故失真耳。

荒忽其焉極？ 注：言愁思荒忽，安有窮極之時。一本荒上有怊字，其一作之。又：眇不知其所蹠。注：言遠視眇然，足不知當所踐蹠也。

季海按：《淮南·說林訓》：『蹠越者或以舟，或以車，雖異路，所極一也。』《注》：『蹠，至；極亦至，互文耳。』今謂此極、蹠字，與《淮南》同。《招荒忽之焉極》（《渚宮舊事》錄《哀郢》與一本合，今從之），猶眇不知其所蹠，亦互文耳。《淮南》語楚，至謂之極、蹠，故是楚俗；王氏兩《注》，皆未得其解。

心嫵媛而傷懷兮，眇不知其所蹠，順風波以從流兮，焉洋洋而爲客。 注：洋洋，無所歸貌也。

季海按：《爾雅·釋訓》：『悠悠、洋洋，思也。』郭《注》：『皆憂思。』尋《說文·心部》：『悠，憂也。』『悠』爲『憂思』，段離爲二（段以《詩》：『悠悠我里』爲本義；『悠悠我思』爲《釋訓》義，見《說文解字》『悠』字《注》），郭通爲一，庶幾言各有當矣。『洋洋』亦爲『憂思』者，於《說文》蓋借爲『恙』。許君云：『恙，憂也。从心羊聲』，是也。重言之則曰：『洋洋』。恙爲洋洋，猶悠爲悠悠，言之不足，故長言之，賦者古詩之流，其用不殊耳。《哀郢》此文，義如《釋訓》，上言：嫵媛傷懷，下云：洋洋爲客，語自相應也。《章句》曰：『無所歸貌』，亦足以見憂思之情，雖非直訓，故未嘗無當於言外之意也。

慘鬱鬱而不通兮。 注：中心憂滿，慮閉塞也。通一作開。

季海按：據《注》自可作開，《渚宮舊事》錄《哀郢》正作開，作開是也。《悲回風》：『心鞿羈而不開兮』，語與此同，今又誤作形。

謠荏弱而難持。

季海按：《說文·艸部》：『荏，荏荏，蘇』，非其義；此借爲隸，《木部》：『隸』云『弱兒』，是也。

《抽思》：何回極之浮浮？注：回，邪也。極，中也。浮浮，行貌。懷王爲回邪之政，不合道中，則其化流行，羣下皆效也。

季海按：《九歎·遠遊》：『徵九神於回極兮』，注：『回，旋也。極，中也。謂會北辰之星於天之中也』；又云：『言已乃召九天之神，使會北極之星。』今謂劉向論思，因於《屈賦》，其言『回極』正同，《尚書說》以爲旋璣玉衡矣。《五行大義·論七政》引《尚書緯》云：『璇璣：斗魁四星，玉衡：拘橫三星，北斗居天之中，當昆崙之上，運轉所指，隨二十四氣，正十二辰，建十二月』，又云：『州國分野、年命莫不政之，故爲七政』，是也。蓋回以回旋爲義，正謂運轉隨時，極謂居天之中，王注《九歎》得之；既是州國分野、年命所政，故遭夜方長，仰見斗運而傷時政焉。

覽民尤以自鎮。注：尤，過也。鎮，止也。言已覽觀衆民，多無過惡，而被刑罰，非獨己身，自鎮止而慰己也。

季海按：《老子》曰：『吾將鎮之以無名之樸』，止謂之鎮，自是楚語。

蓋爲余而造怒。蓋一作盍。

季海按：蓋、盍皆語辭，其讀同耳；後人言蓋，與此頗異。尋《九歌·東皇太一》：『盍將把兮瓊芳』，俞先生《讀楚辭》云：『此盍字只是語詞。《莊子·列禦寇》篇：『闔胡嘗視其良？』既爲秋柏之實矣』，《釋文》曰：『闔，語助也』，闔與盍通。今謂此蓋、盍字，與《九歌》言盍正同。《漢書·禮樂志·郊祀歌天地八》：『神夕奄虞蓋孔亨』，注：『蓋，語辭也』，然蓋猶盍也。盍爲語詞，《屈賦》自有其例，俞君艸

創，故旁引《莊子音義》，以相證明爾（《讀楚辭》又駁王《注》以盍爲何不，此誤也。《注》本云：『盍，何也』，見王氏《經傳釋詞》，釋盍、盍、闔條；今不從者，以盍爲何，《楚辭》未有明據，用釋《九歌》，又若詞氣不類也。王氏引《管子》、《莊子》，多言『盍不』，或作『闔不』，《楚辭》止云『何不』，疑方言於此，自有異同。叔師《章句》，徧探經典微辭，不盡取諸楚俗，雖復陳義弘雅，亦時離其本真，今欲專明故言，即不當墨守也）。

願承闔而自察兮。

注：思待清宴，自解說也。

李海按：此以自察爲『自解說』者，俾人察己，謂見察也。《離騷》：『荃不察余之中情兮』，則謂察人。然《離騷》又云：『覽察草木其猶未得兮，豈理美之能當？』是覽察義近，覽亦察也。其言覽亦正有覽人、人覽之異，與言察同矣。《離騷》云：『皇覽揆余初度兮』，又云：『覽民德焉錯輔』，此謂覽人；《抽思》：『憊吾以其美好兮，覽余以其脩姱』，王《注》：『陳列好色，以示我也』，蓋俾人覽己，謂見覽也。且《屈賦》據辭類此者，又不獨覽、察而已。其在《遠遊》曰：『涉青雲目汎濫（从一本）兮』，此自涉也；《離騷》曰：『詔西皇使涉予』，此俾人涉己也。是於楚語業句，同此一名，率有主客二用，在所施爾。

軫石歲嵬，蹇吾願兮。

注：軫，方也，故曰：軫之方也，以象地。歲嵬，崔巍，高貌也。言雖放棄，執履忠

信，志如方石，終不可轉，行度益高，我常願之也。洪氏《補注》：軫石，謂石之方者，如車軫耳。《集韻》：『歲嵬，不平也；一曰山形。』

季海按：《說文·嵬部》：「嵬，山石崔嵬，高不平也。」段玉裁《注》：「《周南》：『陟彼崔嵬』，《釋山》曰：『石戴土謂之崔嵬』，《毛傳》曰：『崔嵬，土山之戴石者』，說似互異。依許云：『高不平』，則《毛傳》是矣，惟土山戴石，故高而不平也。嵬下云：『石山戴土』，亦與毛同。」又《說文·山部》：「嵬，石戴土也。」段《注》：「《周南·卷耳》曰：『陟彼磧矣』，本亦作嵬。《釋山》曰：『石戴土謂之崔嵬，土戴石爲嵬。』《毛傳》云：『崔嵬，土山之戴石者，石山戴土曰嵬』，二文互異，而義則一。戴者，增益也。《釋山》謂用石戴於上上，毛謂土而戴之以石，《釋山》謂用上戴於石上，毛謂石而戴之以土，以《絲衣》戴弁例之，則毛之立文爲善矣。石在上則高不平，故曰崔嵬，土在上則雨水沮洳，故曰嵬。許於嵬下同毛，此嵬下亦同毛也。《詩》、《爾雅》作嵬，許作嵬，主謂山，故字从山，重土，故不从石，今謂段說並是也；然據《釋山》石戴土上謂之崔嵬，土戴石上謂之嵬，實未嘗執土山、石山爲說，此則《釋山》立文之善，優於《毛傳》者，段君偶不省耳。《賦》云：『軫石崔嵬』，斯石戴土上矣；《注》云：『崔嵬，崔嵬』，是高而不平，又可知也。字又作『歲魁』、『歲裏』，《漢書·司馬相如傳》：『大人賦』曰：『洞出鬼谷之堀壘歲魁』，《注》：張揖曰：『堀壘歲魁，不平也』；又《文選》：左思《吳都賦》曰：『隱賑歲裏』，李善《注》：『坤蒼』曰：『歲裏，不平也』；又『重累貌』，是也。軫石重累，斯高而不平，又可知也。凡狀物之詞，本以象舉，學者當心知其意，苟執一強名，斯無達詁矣。蓋能讀《蒼》、《雅》、《毛傳》而無滯，又能通司馬、許、王諸家之郵，而後反觀《抽思》，則文義粲如也。

《懷沙》：「胸兮杳杳，孔靜幽默。」

注：胸，視貌也。杳杳，深冥貌也。《史記》作窈窈。洪氏《補注》曰：胸

與瞬同，《說文》云：『開闔目數搖也。』又注：默默，無聲也。言江南山高澤深，視之冥冥；野甚清淨，漠無人聲。《史記》默作墨。

季海按：《史記·屈原賈生列傳》錄《懷沙》之賦曰：『眴兮窈窕，窈窕字从洪氏《補注》本引，劉承幹覆刻蜀大字本《史記集解》作『窈窕』，與洪引正合（覆蜀本从蔣天樞校）；《史記》自宋黃善夫本以下俱誤作窈窕，既與《楚辭章句》作重言者絕不相應，又汲古閣刊單行本《史記索隱》出『眴兮窈窕』云：『窈，音烏鳥反』，而不爲窈字作音，知唐本初無此謬也。』孔靜幽墨。《集解》引徐廣曰：『眴，眩也。』裴釋此賦，全本叔師，偶存徐說，以見異文而已。獨此一條，舍王取徐者，頗謂今《注》陳義疎闊，本無足取，諒非叔師之舊，故徐氏補之，裴氏因之，《正義》注此云：『言江南山高澤深，視之眴，野甚清淨，漠（今作歎誤，此从《章句》）無人聲。』亦與今本頗異，知此《注》唐宋之際，故嘗經竄亂也。尋《說文·目部》：『眴，目搖也。从目，勻省聲。眴，眴或从目，旬（段《注》：旬聲）。』又：『瞬，開闔目數搖也。从目，寅聲。』是『眴』即『旬』之重文；眴、瞬音義俱近，瞬蓋眴之後出字，今錄於部末，當是寫《說文》者據他書附益之耳。洪氏所引即瞬字義，以說《懷沙》，亦爲無取。今謂『眴』之爲言猶『復』也。《說文·夏部》：『復，營求也。』段《注》：『營求者，圍而求之也。市而求之，則不遐遺矣，故引伸其義爲遠也。』《韓詩》：『于嗟復矣』云：『遠也。』《毛詩》作『洵』，異部假借字。段引《毛詩》，見《邶·擊鼓》：『于嗟洵兮』，《傳》云：『洵，遠』，陸氏《音義》：『洵，呼縣反。……《韓詩》作復，復亦遠也。』《洵》、《洵》同部，是『眴』之爲『復』，猶『洵』之爲『復』，其爲『遠』義亦一也。復爲遠者，

段以爲引伸其義，誠不爲無見，然叕、遠古音同在元部，亦一語之轉，孳乳爲二名耳。洵、胸古音在眞部，『洵兮』、『胸兮』，亦可讀爲迴。《說文·走部》：『迴，遠也。』从辵，回聲。』又《門部》：『回，古文門』；『林外謂之門，象遠界也』，是迴音義俱受之回，回、迴並有遠義也。迴古音在庚部，庚、眞相協，故不乏其例矣（詳段氏《六書音均表》）。試即楚音求之，依《離騷》（均、名相協）、《哀郢》（天、名相協），則眞或讀如庚，是胸或讀如迴；據《湘君》（淺、閒、翩相協）、《抽思》（進、顚相協），則眞或讀如元，是胸又或讀與叕、遠字同。要之：洵、胸、回、迴、叕之爲遠，雖言有楚、夏，而本出一氏，方音小異，相爲轉語耳。『杳』借爲『眚』。《說文·木部》：『杳，冥也，从日在木下』，非此所用；又《說文·日部》云：『眚，望遠合也。从日、匕，匕，合也。讀若『窈窕』之『窈』』，此其義也。《史記》字正作窈，知《說文》『讀若』，猶仍三閭、龍門之舊矣（《說文·穴部》：『窈，突遠也。从穴幼聲』，音義皆與眚相近）。『默』亦常从《史記》作『墨』。《荀子·解蔽篇》曰：『《詩》云：『墨以爲明，狐狸其蒼』，此言上幽而下險也』，楊注：『墨，謂蔽塞也』；郝懿行曰：『墨者，幽暗之義』，是也。據荀引《逸詩》，知『墨』者，『明』之反，正與『幽』義相成。屈賦此者，良以孟夏南行，草木盛長，湖澤之中，幽深蔽闇，前路修阻，遠望眈然，寂無聲聞，類非人境，故感而成篇也。《亂》曰：『脩路幽蔽（故書字作『拂』，義見《離騷解故》），道遠忽兮』，與此物色正同，既並是即日，故寫景如畫矣。

章畫志墨兮，《注》：章，明也。志，念也。《史記》志作職。前圖未改。《注》：圖，法也。改，易也。言工明於所畫，念其繩墨，修前人之法，不易其道，則曲木直而惡木好也；以言人遵先聖之法度，修其仁

義，不易其行，則德譽興，而榮名立也。《史記》：圖作度。

季海按：《儀禮·大射禮》：『工人士與梓人升自北階，兩楹之間，疏數容弓，若丹、若墨，度尺而午，射正莅之』，《注》：『工人士、梓人皆司空之屬，能正方圓者，一從一橫曰午，謂畫物也。射正，司射之長』；又曰：『卒畫，自北階下，司宮埽所畫物，自北階下』，《注》：『埽物，重射事也。工人士、梓人、司宮，位在北堂下』。今謂《經》云：『若丹、若墨』者，《賦》所謂：『章畫志墨』也；『度尺而午』者，『前度未改』也；若夫『司空之屬，能正方圓』，則靈均之志也。《屈賦》當句本不名一物，然徵諸執禮，而語若合符，則其深得禮意可知矣。蓋史公所錄，出於故書，最爲閎雅；王作圖者，後師區區，不能紀遠，附會『章畫』，而爲此讀爾。

內厚質正兮。

注：言人質性敦厚，心志正直。《史記》作內直質重兮。

季海按：《史記》是也。王云：『質性敦厚』，正明質重；『心志正直』，所謂內直也。莊忌《哀時命》：『志忤忤而內直兮』，即用其語。後人妄意序次不順，猥依《注》改之；然《史記集解》全引王《注》，《索隱》、《正義》不云《楚辭》有異，則唐本尙無此謬也。

玄文處幽兮。

《史記》作幽處。注：玄，墨也。幽，冥也。言持玄墨之文，居於幽冥之處。

季海按：《惜往日》云：『君無度而弗察兮，使芳草爲藪幽』，《注》：『賢人放竄，棄草野也』。《懷沙》：『處幽』，正讀如『藪幽』字。蓋單言曰幽，重言曰藪幽，楚語義相近爾。《抽思》曰：『路遠處幽』，又無行媒兮，《思美人》亦曰：『命則處幽，吾將罷兮』，原時放在草野，故曰『處幽』矣。《史記》作

『幽處』者，後人不達此幽所謂，改故書耳。《涉江》云：『幽獨處乎山中』，亦足以見處幽之情，要其措辭，各有當也。

夫惟黨人鄙固兮。

注：楚俗狹陋。鄙一作交。《史記》云：夫黨人之鄙妒兮。

季海按：《說文》：『嫫，嫫也』；又：『嫫，嫫也』。《廣雅·釋詁》：『嫫嫫，妬也』。《王念孫疏證》：『嫫與嫫同』。今謂此鄙固字正讀如嫫，史公作妒者，以通語代之爾。鄙一作交者，交當讀與嫫同。交古音在宵部，嫫在幽部，《惜往日》以流、昭、幽、聊（昭在宵部，餘並幽部字）爲韻，是楚音宵或讀如幽也。《淮南·墜形訓》：『多施犀』，注：『讀近綢繆之繆』，與楚音正合。交固卽嫫嫫，故《史記》以爲鄙妬也。

衆不知余之異采。

注：采，文采也。言衆人不知我有異藝之文采也。《史記》：余作吾。徐廣曰：異一作奧。

作奧。

季海按：異當爲奧，徐廣引《史記》一本是也。《漢書·王褒傳》載：『聖主得賢臣頌』：『去卑辱奧潔而升本朝』，張晏曰：『奧，幽也』，是其義。上云：『玄文處幽』，此云：『奧采』，互言之耳。

晏釋『奧潔』云：『言蔽（義當爲蔽）奧潔汙，不章顯也』。夫曰：奧采，正謂其不章顯耳。

曾傷爰哀，永歎喟兮。世溷濁莫吾知，人心不可謂兮。

《史記》云：世溷不吾知，心不可謂兮。

季海按：《史記·屈原賈生列傳》錄《懷沙之賦》於『道遠忽兮』下出：『曾唵恆悲兮，永歎慨兮。世既莫吾知兮，人心不可謂兮。』《索隱》：『《楚詞》無此二十一字。』《正義》：『自曾唵以下二十一字，《楚

詞本或有無者，未詳。」（見日本瀧川龜太郎《史記會注考證》引）今《楚辭》無「曾噓」以下二十一字，與司馬貞所見本正同。《正義》云：「本或有無」者，是張氏所見諸本中，不皆無此二十一字也。唐本或有之者，當是校書者依《史記》加之。《史記》：「餘何畏懼兮」下，又有「曾傷爰哀」四句，王引之亦謂：「乃後人據《楚辭》增入。」（說詳《讀書雜誌·史記第五》）大抵轉相塗附，其失則同，不悟「曾噓」四句，與「曾傷」云云，正是一簡（王引之謂：「曾噓恆悲四句，即曾傷爰哀四句之異文」，蓋知之而未盡，王說具如《讀書雜誌》）。史公之於劉向，既所見殊本，校其所讀，與叔師又異，漢魏以來，莫能究其是非，良以此也。尋《漢書·藝文志》曰：「劉向以中古文校歐陽、大、小夏侯三家經文……率簡二十五字者，脫亦二十五字，簡二十二字者，脫亦二十二字」，《楚辭》故書，度不相遠，「曾噓」以下，計名當之矣。今謂此簡於故書本在「道遠忽兮」下，史公所錄，實其舊弟，故敘次秩然（略如王引之所論，說具《讀書雜誌》）；劉向所據，已錯着「余何畏懼兮」下，徒就韻耳，繹其文義，頓成乖越。蓋《懷沙》之「亂」，起言道遠焉歸（汨、忽二韻），承之以重傷無告（喟、謂二韻），卒言知命不懼（錯、懼二韻），承之以死義勿讓，語勢相生，無懈可擊，《賦》言「余何畏懼」，自有所指，王引之云：「言己不畏死」，既得之矣。若如今本，則起便顛蹙，如狼跋其胡，卒復卻頓，又載寃其尾也。

《史記》「曾傷」爲「曾噓」者，《方言》第一：「悼、怒、恚、愁，傷也。……楚潁之間謂之愁。」噓、愁雙聲，西漢人或讀侵入真（《安世房中歌》以「心」與「申、親、轅」韻，《饒歌·遠如期》以「心」與「陳、紛」韻），故《方言》字作愁，其實屈《賦》言「噓」，猶楚潁間言愁，皆楚人語，通語則謂之傷。《悲回風》：

『孤于唵而校淚兮』（《注》：『自哀憊獨，心悲愁也』），與《懷沙》『會唵』字正同，唵亦當訓傷，洪氏《補注》以爲吟歎字，非也。蓋史公於此，猶存故書之真，故《懷沙》、《悲回風》讀皆相應，通其楚語而可知也。劉向校《懷沙》，直作『傷』字，其義則是，其字則已非其舊（此以通語代方言之例），但未知竟出何師讀耳。

『喟』爲『慨』者，『慨』，讀與『嘅』同。《說文·口部》：『喟，大息也』；又：『嘅，嘆也』；……《詩》曰：『嘅其嘆矣』；又：『嘆，吞歎也』；一曰：『大息也』。『喟』，嘅古音同在脂部，喟、嘅、嘆義又相通，是喟、嘅音義俱近，喟亦嘅之轉語矣。《史記》讀『喟』爲『慨（同嘅）』者，字从其方耳。然《離騷》云：『喟憑心而歷茲』，文與《懷沙》相應，明《楚辭》故書自作『喟』也。

『爰哀』爲『恆悲』者，上引之說『會傷爰哀』曰：『爰哀，謂哀而不止也。……與會傷相對爲文。《方言》曰：『凡哀泣而不止曰嘒』，又曰：『爰、暖，哀也。』爰、暖、嘒古同聲而通用。《齊策》：『狐嘒』，《漢書·古今人表》作『狐爰』，是其證也。（見《讀書雜誌餘編》）按如王說，是《史記》『恆悲』字，亦可本作『嘒悲』，形近而譌耳。

明告君子，吾將以爲類兮。 注：類，法也。

季海按：《方言·第七》：『肖、類，法也。齊曰類，西楚、梁、益之間曰肖。』又《第十三》：『類，法也。』《懷沙》此文，轉同齊俗，是法謂之類，故齊、楚間通語矣（《荀子》亦有此言，楊《注》不辨，輒訓作善，王念孫規之，是也，說見《讀書雜誌·荀子第二》）。

《思美人》：蹇蹇之煩冤兮。

冤一作惋。又《惜往日》：情冤見之日明兮。冤一作宛。又《悲回風》：心冤

結而內傷。冤一作宛。

季海按：《說文·兔部》：「冤，屈也，从兔，从一，兔在一下，不得走，益屈折也。」大徐引孫愐《唐韻》音「於袁切」，《廣韻·二十二元》音切正同；又《六部》：「宛，屈草自覆也，从宀，殳聲。」大徐引孫愐音「於阮切」，《廣韻·二十阮》音切正同，是冤、宛同有屈義，於《唐韻》爲同紐字，雖韻有平上之異，然古音同在元部矣（《廣韻·二十二元》：「鴛，於袁切，十八」有「冤，屈也」，又有「宛，屈草自覆」，是唐宋今音亦有俱作平聲讀者）。段玉裁《說文》「冤」字注云：「古亦段宛爲冤」是也。尋《山海經·西山經》英鞮之山：「澆水出焉」，郭《注》：「澆或作澆，音冤枉之冤」，郝氏《箋疏》：「懿行案《玉篇》正作「澆」，云「水出莫鞮山」，蓋英鞮山之異文也」；又《說文·艸部》：「菀，棘菀也」，段氏《注》：「見《釋艸》，《本艸經》云「遠志，一名棘菀」」（孫星衍、馮翼輯《神農本草經》「棘菀」下注云：「陸德明《爾雅音義》引作菀」），是冤聲字亦或从宛矣。敦煌唐寫《伍子胥變文》殘卷（斯六三三一），《敦煌變文集》乙卷有云：「慮恐在後讐宛」，「讐宛」卽「讐冤」，別卷（斯三二八），《敦煌變文集》丙卷云：「爲父讐冤殺楚」，是也。《敦煌變文集》「宛」旁注「怨」，擬議未合，讐冤白當時語，冤、宛相通，亦本時尚，唐人呼讐冤，初無名句、業句之異也。

因歸鳥而致辭兮。

注：思附鴻鴈，達中情也。

季海按：王《注》是也。《史記·楚世家》：「楚人有好以弱弓微繳，加歸鴈之上者」，《正義》：「歸鴈北

向也。』(《正義》此文，自宋黃善夫本以下諸本盡脫，惟日本瀧川資言撰《史記會注考證》有之，蓋得之日本永正中僧桃源所撰《史記桃源抄》，今從瀧川書轉引。)平時南行，故欲因北飛之鳥，致辭於君也。

羌宿高而難當。

注：飛集山林，道徑異也。一云：羌迅高而難寓。

季海按：一本是也。迅讀曰𠂔，《說文》：『𠂔，疾飛也，从飛而羽不見』，『𠂔高』，言其高飛耳。王云『飛集山林』，蓋申成此義，既云『山林』，則高飛可知矣；言『飛集』，所以成文，不關『宿』也。寓，寄也，此亦楚語。《方言》第二：『庇，寓，寄也。齊、衛、宋、魯、陳、晉、汝潁、荊州、江淮之間曰庇，或曰寓』，是也。歸鳥高飛迅疾，故難寄言，寓與將韻，轉候入陽，自是楚聲，舊讀既亡，遂改字以協韻耳；又未悟迅高所謂，乃因緣王《注》，以宿當集，不思致辭何取宿鳥乎？(《文選》：王仲宣《贈士孫文始》云：『晨風夕逝，託與之期』，李善《注》引《楚辭》曰：『因歸鳥而致詞，羌迅高而難當』，迅字不誤，當字殆非李善之舊矣。)

吾誰與玩此芳草。

此一作斯。洪氏《補注》曰：玩，五換切。《說文》：『弄也。』

季海按：《爾雅·釋言》：『懷，忼也』，郭《注》：『謂愛忼』。郝懿行《爾雅義疏》云：『忼者，《說文》云：『貪也。』』又云：『《易·繫辭》云：『所樂而玩者』，《釋文》引馬云：『玩，貪也』，鄭作翫，《易》：『翫』、『玩』竝忼之段音矣。懷者，《玉篇》云：『貪也』；『忼，貪也，愛也』，是忼懷聲相轉。』今謂郝說皆是也，懷之爲忼，猶懷之爲媛矣(『媛，媛也』，見《釋言》)。《思美人》此文正以愛忼爲義，讀當與《易》『所樂』

而玩者』同。一本此作斯者，《天問》亦云『孰期去斯，得兩男子』也。若二文不誤，則楚亦謂『此』曰『斯』，與騶、魯同。

解薦薄與雜菜兮，備以爲交佩。

注：交，合也。言已解折薦蒿，雜以香菜，合而佩之，言修飾彌盛也。

備一作脩。佩繽紛以綵轉兮，遂萎絕而離異。以一作其。又《惜往日》：『弗參驗以考實兮，遠遷臣而弗思。信讒諛之溷濁兮，盛氣志而過之。何貞臣之無辜兮，被離謗而見尤？』慙光景之誠信兮，身幽隱而備之。注：雖處草野，行彌篤也。洪氏《補注》曰：此言身被放棄多讒謗也。又：乘騏驎而馳騁兮，無轡銜而自載。注：不能制御，乘車將仆。乘汜淠以下流兮，無舟楫而自備。注：身將沈沒，而危殆也。

季海按：《說文·牛部》：『犗，《易》曰：「犗牛乘馬」，从牛，荀聲。』段玉裁《注》：『《繫辭》今作服。古音反聲、荀聲同在第一部，故服、犗皆扶逼反。以車駕牛馬之字當作犗，作服者假借耳。』《左傳》：『王使伯服如鄭請滑』，《史記·鄭世家》作『伯犗』，《後漢書·皇甫嵩傳》：『義真犗未乎？』《北史》：『魏收嘲陽休之：「義真服未？」』正作服字，此皆通用之證也。《書·無逸》：『文王卑服』，《石經》古文服作犗，章先生曰：『借荀爲服也（見餘杭章君《古文尚書拾遺卷二》）』，是古文亦以荀爲服也。《說文·人部》：『備，慎也，从人，荀聲。』《說文》：『備，古文犗。』是『備』从『荀』聲，古文『備』从古文『荀』省聲也。《九章》此三備字，皆當讀爲服。備借爲服，猶荀借爲服矣。《呂氏春秋·正月紀》：『服青玉』，《淮南·時則訓》：『服蒼玉』，《注》皆曰：『服，佩也。』《思美人》言『服以爲交佩』，服亦佩也，故下文逕

云：『佩纁紛以繚轉』也。《說文·卒部》：『報，當罪人也。』《惜往日》言『身幽隱而服之』，正謂身實無辜，而服此罪尤也。王《注》未得其解，洪氏陳義爾雅，但未能正讀耳。又《說文·舟部》：『服，用也；一曰：車右駢，所以舟旋，从舟、艮聲。』舛，古文服，从人。《惜往日》言『無舟楫而自服』，服正謂用舟，實其本義。《惜往日》上言『乘騏驎而馳騁兮，無轡銜而自載』，《說文·車部》：『載，乘也』，則知下言『乘汜汭以下流兮，無舟楫而自服』者，服亦乘也（《易》云：『服牛乘馬』，對文則別，散文自通也）。《說苑·建本篇》云：『譬猶……載於船車，服而安之，而非工匠者也』，是車船俱得言服也。

《惜往日》：惜往日之曾信兮，受命詔以昭詩。

注：君告屈原，明典文也。詩一作時。洪氏《補注》：《國

語》曰：『莊王使士亹傅太子箴，問於申叔時，叔時曰：教之詩，而爲之導廣顯德，以耀明（《楚語》此下有『其』字）志。』戴震《屈原賦音義》：時一作詩，蓋字形之誤。又：『奉先功以昭下兮，明法度之嫌疑。』注：承宣祖業，以示民也；草創憲度，定衆難也。

季海按：王《傳》《典文》，明是『詩』字，戴說失之，觀洪引《國語》，庶幾能言楚故矣。《惜往日》蓋作於襄王之世，『往日』、『先功』，並指懷王時事，叔師一切以『祖業』當『先功』，殊失之泛，未能深得屈意。夫值盛楚之隆，懷王方有爲之際，襄王尙少，必妙選其人，以傅太子，而教之詩，如楚先王莊王使士亹傅太子箴故事，則舍靈均而誰？觀平此言，故嘗受命以明詩矣。《悲回風》曰：『惟佳人之永都兮，更統世而自貺。』眇遠志之所及兮，憐浮雲之相羊。介眇志之所惑兮，竊賦詩之所明。『正申叔

時所謂『教之詩，以耀明其志』者也。夫君子言可復也，矧所以教太子乎？《悲回風》卒章：『吾怨往昔之所冀兮，悼來者之愁愁。』曰：『往昔所冀』，則『遠志』、『眇志』盡在其中矣。方昭詩時所望於襄王者，抑又可知也。然而羣小口親，貞臣見放，平素講習，付諸東流，故曰：『悼來者之愁愁』，『來者』正謂襄王及用事諸臣，傷其不克堂構，而靈均之哀深矣。王《注》猥云：『言已怨往古以邪事君，而幸蒙富貴』，『傷今世人見利愁愁然欲競之也』，何其迂曲？

惜壅君之不昭。

注：懷王壅蔽，不覺悟也。古本壅皆作靡。

季海按：《晏子春秋·內篇問上·景公問治國何患章》：『左右爲社鼠，用事者爲猛狗，主安得無壅，國安得無患乎？』《韓非子·外儲說右上》論國狗社鼠，其文略同，於此亦云：『主焉得無壅，國焉得無亡乎？』（王念孫《讀書雜誌》六·晏子春秋第一）以《元刻本》或作『云云爲是，以主安得』云云，乃後人取《韓子》竄入，又改『無亡』爲『無患』，以牽合《晏子》；其實《韓非》作『焉』，《晏子》作『安』，語不失其方，此非後人所能妄意也，王君偶不省耳。然以鄒蔽爲壅，亦齊、楚、韓通語也（《方言》第六）：『吳、楚偏蹇曰騷，齊、楚、晉曰連』，是三國語亦或同者，故非一事矣。《惜往日》下又云：『獨鄒壅而蔽隱兮』（洪本出校語云：『鄒一作彰，音如鄒；壅一作雍。』《九辯》：『妒被離而鄒之』，洪本亦云：『鄒一作彰』，與此正同，當出一本），使貞臣爲無由，《晏子春秋·內篇諫上·景公病久不愈章》：『君疏輔而遠拂，忠臣擁塞，諫言不出』，齊曰『擁塞』，猶楚曰『鄒壅』（《爾雅·釋言》：『障，眈也』，郭《注》：『謂壅障』，是訖于江左，此語猶存，但倒言之耳），其言壅則同矣（擁亦壅也）。

《橘頌》：淑離不淫，梗其有理兮。注：淑，善也。言己雖設與橘離別，猶善持己行，梗然堅強，終不淫惑而失義也。

季海按：淑，讀曰『陸』，陸離，美好貌也。《淮南·本經訓》：『五采爭勝，流漫陸離』，《注》：『陸離，美好貌』，《九歌·大司命》：『玉佩兮陸離』，王氏《注》亦云：『言玉佩衆多，陸離而美也』；《楚辭·懷兒》，皆作陸離，惟此文失其讀耳（說者將謂『不淫』爲淑，不悟楚語有『陸離』，無『淑離』，淑之與離，於義初不相比附）。《檀弓》有『陳棄疾』，鄭《注》：『陳或爲陵，楚人聲然。』陳、淑，古音皆在定紐，淑讀曰『陸』，猶陳讀曰『陵』，與楚聲正合。陸从『奎』聲，而《說文》『讀若逐』，則陸之古音亦在定紐，故《說文》又以『奎』爲陸梁字矣（《說文·土部》：『奎，一曰空梁』，《秦始皇本紀》所謂『陸梁地』也）。然今讀奎梁，但作來紐呼之，豈亦楚語之遺耶？凡言淑離、陸離，其本字皆當爲茜麗。茜从酉聲而『讀若陸』（見大徐本《說文·艸部》『茜』下，小徐本作『讀若俠』，『俠』卽『陸』之壞字。段《注》從小徐，轉以大徐本爲誤，不悟因讀若三年導服之導，見《說文·谷部》『酉』下，古音與『陸』同在幽部也），麗从麗聲（古音在支部），《楚辭》但作『離』（古音在歌部）者，《少司命》以離、知爲韻，則楚音故讀離如麗。尋《無文》云：『茜，以艸補缺』，麗，艸木相附，麗土而生（見《艸部》），是茜麗本謂艸相附麗，故有參差之義（見《廣雅·釋訓》及王氏《疏證》），引申得爲美好貌矣（參差、美好，義實相生，猶文本《錯畫》：見《說文·文部》，而《樂記》『以進爲文』，鄭《注》云：『文，猶美也。』自是孳乳，則有彤字：見《說文·彤部》，理正同爾）。當句正頌橘之美，豈設爲離別之詞乎？又尋《釋詁》：『梗，直

也』，《方言·第十三》：『梗，覺也』，《注》：『謂直也』，此云『梗其有理』，言其木正直，有文理也。樹之曲直，自關木理，則訓直爲長。《方言·第二》又云：『梗，猛也。韓趙之間曰梗』，猛義與強相近，然是韓趙間語，王《注》云爾，豈子雲所謂『今或同』者邪？

《悲回風》：『思不眠以至曙』。注：曙，明也。至一作極。

季海按：作極是也。極，至，楚言（義具《哀郢》），《九辯》：『步列星而極明』，王氏《章句》：『乃至明也』，極曙，猶『極明』矣。曙，明，亦楚言。《淮南·天文訓》：『日入于虞淵之汜，曙於蒙谷之汭』，《注》：『曙，明』，是也。

心鞿羈而不形兮。注：肝膽係結，難解釋也。形一作開。洪氏《補注》曰：『不形，謂中心係結，不見於外也。』

季海按：據《注》止當作開，形即開之壞字，洪說非也。《哀郢》：『慘鬱鬱而不開兮』，與此言同。忽傾寤以憊媛。注：心覺自傷，又痛惻也。

季海按：傾寤連文，傾亦寤也。《禮·少儀》：『枕、穎、几、杖』（《唐石經》始誤倒『穎』字於『几』下，此从王引之說校改，詳《經義述聞》第十五·禮記中），鄭《注》曰：『穎，警枕也。』《釋文》：『穎作穎（王引之云：『盧氏參校宋本作穎，與《集韻》合。通志堂本作穎，非也』，說並見《述聞》）。穎、穎俱从頃聲，蓋與傾同聲（傾亦从頃聲），《注》云：『警枕』，則以警覺爲義，是鄭君讀『穎（穎）』，猶『傾寤』之『傾』也。《說文》云：『穎，火光也。从火，頃聲』。又：『炯，光也。从火，回聲。』《倉頡篇》：『炯，明也』

（唐人引此文者衆矣，詳見諸家輯本，茲不備舉）。頌、炯古音同在耕部，俱有光明之義，此皆本字本義。又《說文》：『炷，行竈也。讀若同』（从段說）；而《方言》有云『炷，明也』者，蓋借爲炯耳。字或作耿，《說文》引杜林說：『耿，光也。』又或段燭爲之，《爾雅·釋言》：『燭，明也。』劉師培曰：『燭，圭音近，則燭字段爲頌、炯，與炷同例』，是也（劉氏釋炷、炯、耿，燭音義甚瑣，詳見《左宣外集》卷七，古本字考）。傾字古音與頌、頌、炯、炷、耿皆近。《說文·高部》：『高，小堂也，从高省，同聲。頤，高或从广，頃聲』，是同聲字或从頃聲者，故與楚讀相應。今謂《悲回風》此文直以警覺、明悟爲義，蓋楚語云爾。《廣韻·四十一迥》有『詞』云：『明悟了知也』，揆其音義，與楚人言『傾』正合。然《九章》止書作『傾』，《遠遊》又或以耿、炯字爲之。其曰：『夜耿耿而不寐兮（耿一作炯）』，猶《詩》云：『寤言不寐』（見《邶·終風》）矣，後人或段『中詞』字爲之，要之同爲借字，故其義訓，都不見《說文》正篆也。蓋頌（頌）、頌、炯、炷、耿、傾、詞，語本同源，但義有引申，字有正借耳。音轉入陽，則字作罔，《說文》云：『罔，窗牖麗廬闔明也。……讀若曠』亦或借梗爲之，《方言·第十三》：『梗，覺也（郭《注》：『謂直也』，於此未爲達詁），是也。後來字又或作『憬』，今《說文·心部》未有『憬』云：『覺悟也』，段玉裁、桂馥皆以爲後人附益，是也。《廣韻·三十八梗》『憬』下云：『遠也』，卽不收此訓（《廣韻》所出，卽《詩》『憬彼淮夷』字，然《說文》止作『愷』，詳陸德明《毛詩音義·魯頌·駉》『憬彼』條）；而同紐下又有『暲』云：『明也；曲見悟也』：此諸文並晚出。大抵傾與罔、梗爲轉語，罔、梗與憬、暲，則古今字爾。罔芒芒之無紀。注：又欲罔然芒芒，與衆同志，則無以立紀綱，垂號諡也。

季海按：《方言·第十》：『縹、末、紀、緒也。』南楚皆曰縹，或曰端，或曰紀，或曰末，皆楚轉語也。『無紀，猶言無緒，不謂無以立紀綱也。』

遠遊第六

漢虛靜以恬愉兮，澹無爲而自得。聞赤松之清塵兮，願承風乎遺則。

洪氏《補注》：《列仙傳》：『赤松子，神農時爲雨師，服水玉，教神農，能入火自燒，至崑山上，常止西王母石室，隨風雨上下，炎帝少女追之，亦得仙俱去』，張良欲從赤松子游，卽此也。

季海按：韓嬰《詩外傳》卷第五：『子夏對哀公曰：『帝嚳學乎赤松子』』（《新序》卷第五·雜事同），是赤松乃帝嚳師也。如《遠遊》所云，赤松蓋以『虛靜』、『無爲』爲教；儻斯言不誣，卽老子之道，遙興於帝嚳之前矣。《老子》曰：『象帝之先』者，豈以是歟？

因氣變而遂曾舉兮。注：乘風蹈霧，升皇庭也。

季海按：《莊子·逍遙遊》：『若夫乘天地之正，而御六氣之辯，以遊無窮者，彼且惡乎待哉？』陸氏《音義》出『之辯』，云『如字，變也』，辯、變亦轉語耳（《廣雅·釋言》：『辯，變也』，《九辯章句序》亦曰：『辯者，變也』，《易·坤文言》曰：『由辯之不早辯也』，陸氏《音義》出『由辯』，云『荀作變』，皆辯、變相通之證）。此云『因氣變而遂曾舉』者，正『御六氣之辯，以遊無窮』之謂矣。《遠遊》下云：『餐六氣』，洪氏《補注》引《莊子》說之，是也。

絕氛埃而淑尤兮。注：超越垢穢，過先祖也。淑，善也。尤，過也。言行道修善，所以過先祖也。絕一作超。尤一作郵。

季海按：王以『超越垢穢』釋『絕氛埃』，是也；若以善過訓淑尤，而猥云：『過先祖』，則幾於郢書而燕說之矣。淑讀若滌，《詩·雲漢》：『滌滌山川』，《說文·艸部》作『蓂蓂山川』，此叔、條聲通之證。《詩·豳七月》：『十月滌場』，《毛傳》：『滌，埽也』，《周禮·秋官序官》：『條狼氏』，《注》：『滌，除也』，《文選·東京賦》：『滌饕餮之貪慾』，《薛·注》：『滌，蕩去也』，蓋滌者：滌除，《老子》亦曰『滌除玄覽』矣，尤如『忍尤』、『離尤』之『尤』，《賦》言『淑尤』，正謂滌除尤詬耳。

吸飛泉之微液兮。《注》：含吮玄澤之肥潤也。洪氏《補注》：六氣：日入爲『飛泉』，又張揖云：『飛泉，飛谷也，在崑崙西南。』懷琬琰之華英。注：咀嚼玉英，以養神也。

季海按：王注『餐六氣』句引《陵陽子明經》無『飛泉』，《補注》說非王意；《莊子·李·注》有之者，蓋漢晉間人雜采《遠遊》之文，附會成之，說既晚出，又未得《賦》旨，實不可以說《遠遊》。知者，《賦》以『飛泉』句與『琬琰』句相次，初不承六氣而言；況王《注》卓爾，窺見隱微，不容輕易乎？尋《山海經·西山經》：『丹水出焉，西流注于稷澤，其中多白玉，是有玉膏，其源沸沸湯湯，黃帝是食是饗，是生玄玉』，《其源沸沸湯湯》，豈非『飛泉』歟？稷澤之中，是生玄玉，故叔師以爲玄澤，非歟？《經》又云：『黃帝乃取崑山之玉榮，而投之鍾山之陽』，郭注『玉榮』云：『謂玉華也』。《離騷》曰：『懷琬琰之華英』，又曰：『登崑崙兮食玉英』，《汲冢書》所謂『若華之玉』，郭引《汲冢書》者，《史記·司馬相

如傳：《集解》引《竹書紀年》云：『桀伐岷山，得女二人，曰琬，曰瑱。桀愛二女，斷其名于荈華之玉，若是琬，華是瑱』，是也。《文選·石闕銘·曲水詩序》：《注》引《尚書大傳》：『堯得舜，推而尊之，贈以昭華之玉』，豈卽是歟？《賦》言：琬瑱華英，則郭說備矣。然黃帝投玉瑤于鍾山之陽，郭《注》云：『以爲玉種』，則《賦》於琬瑱華英，言『懷』而不言『餐』者，豈亦『以爲玉種』歟？若爾，則王《注》於此變言『咀嚼』者，義猶未安也。

玉色類以晚顏兮。

注：面目光澤，以鮮好也。晚一作豔，一作曼。洪氏《補注》曰：晚，澤也，音萬。

季海按：《荀子·禮論》云：『故說豫婉澤、憂戚萃惡，是吉凶憂愉之情，發於顏色者也』。王念孫云：『婉讀若問，『婉澤』謂顏色潤澤也。『說豫』與『憂戚』對文，『婉澤』與『萃惡』對文，故曰『是……憂愉之情，發於顏色者也』。《內則》：『免蓐』，鄭《注》：『免，新生者，蓐，乾也』，《釋文》：『免，音問。』婉，免古字通，《內則》以免對蓐，猶此文之以『婉澤』對『惡萃』也。楊云：『婉，媚也，音晚』，則讀爲『婉婉』之婉，分『婉澤』爲二義，且與『萃惡』不對矣（見《讀書雜誌八·荀子第六》），王說是也。『婉婉』亦見《內則》，鄭《注》：『婉，謂言語也。婉之言媚也。媚，謂容貌也』，此楊讀所本。尋『婉澤』既與『惡萃』對舉，引申自可以爲容貌之媚，免、婉語亦同耶，楊說未爲大誤，弟不及王義剖析尤精耳。今謂『遠遊』：『晚顏』，讀正與『婉澤』字同，新生謂之免，故《章句》云：『以鮮好也。』鮮，魚名，出貉國（義具《說文》），『鮮好』字蓋借爲『鱻』，《說文·魚部》：『鱻，新魚精也，从三魚不變』（『變』下大小徐本並有『魚』字，今从《集韻二體》引），孫愐《唐韻》與『鮮』同『相然切』，是也。新、鮮亦一語之

轉耳。

皆曖曖其曠莽兮。

注：日月晦黯，而無光也。曖曖，一作晦黯，一作黯黯。

季海按：《九辯》：『忠昭昭而願見兮，然霽（或誤作露，今正，詳《九辯解故》）曙而莫達』，晦黯即霽曙，此以晦爲霽者，蓋讀覃入侵，猶《詩·衛氓》以耽韻甚矣，一本是也。一作黯黯者，後人依《注》改之。今作曖曖者，其始蓋唐人書曙，或从俗作曖（晏子春秋：內篇諫下：景公嬖妾死章：『星之昭昭，不若月之曙曙』，孫星衍《音義》出『曙曙』，云：『《詩》：「曙曙其陰」，《毛傳》：「如常陰曙曙然」，《意林》作「曙」，《文選注》作「曖」，皆俗字』，蘇輿《校本》云：『興案《文選注》見陸士衡《擬古詩注》，又見《座右銘注》，是也』，校書者或不諳字例，惟習聞曖曖，遂盡改故書耳。劉向《九歎·惜賢》：『日陰曙其將暮』，《注》：『陰曙，闇昧也』，又《逢紛》：『徑淫曙而道塵』，《注》：『淫曙，闇昧也』，陰、淫俱在侵部，尋其音義，陰曙、淫曙，初非異言，屬辭參差，故殊其字耳。

內欣欣而自美兮，聊嬉娛自樂。 自一作淫。

季海按：自樂當作淫樂，一本是也。《離騷》云：『保厥美以驕傲兮，日康娛以淫遊』，欣欣自美，卽恃美驕傲；嬉娛淫樂，卽康娛淫遊，用意同耳。淫樂，猶淫遊矣。後人不得其解，嫌於靈均不當以淫樂爲言，故採上文改之，初不悟全非平旨也。

涉青雲兮汎濫游兮。

注：隨從豐隆而相伴也。一無以字，一無游字。

季海按：《注》云：『相伴』，卽釋『汎濫』，游乃衍文（當緣後人不曉王意，轉依『相伴』字加之耳），一本

是也。《離騷》云：『詔西皇使涉予』，注：『涉，渡也』；又《哀郢》：『淩陽侯之汜濫兮』，皆謂渡水，《漢書·司馬相如傳》：『大人賦』曰：『奄息葱極，汜濫水皜兮』，明以汜濫狀水皜，此於青雲，亦言涉、言汎濫者，是騷人目凌雲猶渡水可知也，故《惜誦》有云：『昔余夢登天兮，魂中道而無杭』也。

卜居第七

將唼栗斯。注：承顏色也。栗一作慄，斯一作嘶，一作促唼栗斯。

季海按：《方言》第十：『忸怩，慙慙也。楚、郢、江、湘之間謂之忸怩，或謂之啓咨』，郭《注》：『子六、莊伊二反』，『唼』即『啓咨』，其聲同耳（段氏《六書音均表》足聲、戚聲俱在幽部；或以足聲入侯部，幽侯聲近，古音多相出入也。『咨』俱脂部字），正楚語慙慙之謂矣。此言：承望顏色，以事婦人，故不勝忸怩爾。『栗斯』當从一本作『栗斯』，唼栗自爲韻（段《表》同在幽部；亦或以爲俱侯部字）；洪氏《考異》云『一作慄』者，當云『一作慄』，《廣韻·三燭》：『栗』下有『慄』云：『慄斯』，是也。栗與透同（《說文》無透字，《新附》以爲『秀聲』，古音當在幽部），斯是語詞，朱子《楚辭集註》云：『斯，辭也』，得之（王氏《經傳釋詞》：『斯，猶然也』下所釋，與此義近）。『栗斯』驚貌，亦楚言矣。《方言》第二：『鴝、透（式六反），驚也。南楚凡相驚曰鴝，或曰透』，郭云『皆驚兒』，是也。此云『栗斯』，老子所謂『寵辱若驚』也。

漁父第八

世人皆濁，一作『舉世皆濁』，史記云：『舉世混濁。』何不混其泥，史記作『隨其流』，洪氏補注曰：『混，古沒切，又乎沒切，濁也。而揚其波？又逮遊：無滑而冤兮。注：亂爾精也。無一作毋，滑一作混，一云：無混滑而魂。洪氏補注：混、滑並音骨。混，濁也。滑，亂也。』

季海按：『呂氏春秋·本生篇：『夫水之性清，土者扣之，故不得清』，俞先生諸子平議曰：『遽謹按：高注曰：『扣，讀曰骨。骨，濁也』，此注必有錯誤。下文曰：『人之性壽，物者扣之，故不得壽』，注曰：『扣，亂也』，扣字既見於前，不應又注於後，疑此文「物者扣之」，本作「物者滑之」，高注：『扣，讀曰骨』，本作「滑，讀曰骨」，淮南·原道篇：『混混滑滑』，高注曰：『滑，讀曰骨』也，即其例矣。「骨，濁也」，當作「滑，濁也」，滑滑與混混同，故有濁義（見卷二十二·呂氏春秋一），今謂呂覽本文不誤，其上下俱言「扣」者，謂土之於水，猶物之於人也。注兩「骨」字，當本作「滑」，此句言：土之扣水，則義當爲濁矣，高氏據其所聞，濁謂之「滑」，故破字以曉人耳。爲呂覽者，其言扣濁，與扣亂同，故竝書作「扣」矣。然呂覽言「扣」，猶漁父言「混」，混、扣亦轉語耳（混在脂部，說文無扣，若字从日聲，即在至部，爲呂覽者，蓋讀脂如至矣）。史記·屈原賈生列傳：『隨其流』，索隱云：『按：楚詞作滑其泥』，是唐本漁父，字亦作「滑」，與高讀相應矣。水性本清，因泥而濁，漁父不欲原以察察自見，故喻令濁之以泥，若與世同風者然（王

《注》云：『同其風也』，是也。《遠遊》言『無滑而魂』，王《注》訓亂，音義與《呂覽》下『拍』字正相應；一本『滑』亦作『渥』，與《漁父》之唐本作『滑』，今亦作『渥』者，亦相應；疑《漁父》、《遠遊》字本作『滑』，或又從《說文》以『滑濁』字爲『渥』，因改《漁父》，其後亦或因《漁父》以及《遠遊》，遂令諸本參差若是也。蓋先秦舊書，於『滑濁』、『滑亂』，本無異讀，而字亦或同者，不獨《呂覽》然矣。《遠遊》一云『無渥滑而魂』，則以旁注字爲正文，故有斯惑矣。

《廣韻》十一沒：『骨，古忽切』下有滑、渥、滑。滑云『滑稽』，不收『滑其泥』者，謂字當作『渥』耳；其渥字引《說文》云：『濁也』，此即高誘所讀矣（見俞先生引《淮南·原道》高氏讀；若从先生說，即《呂覽》本文作『滑』，而高讀曰『骨』也）。其『滑』字云『心亂』，則高《注》下『拍』字所謂『亂也』者，蓋古今字雖繁變，苟能通其音義，則條理秩如也。

專赴湘流。 注：自沈淵也。《史記》作常流。

李海按：《史記·屈原賈生列傳》：『寧赴常流』，《索隱》曰：『常流，猶長流也。』《索隱》舉《史記》、《楚辭》異文甚悉，此獨不云《楚詞》作『湘流』者，知唐本不爾，今謂《史記》所錄，最爲可信。篇中止言江，不言湘，上云『游於江潭』，下云『江魚腹中』，漁父之《歌》曰：『滄浪之水』（下別有考），與湘流故渺不相及也。《涉江》曰：『且余濟乎江湘』，江、湘故是二水，靈均初不指湘爲江也。則方云『湘流』，而又稱『江魚』，於文亦謬，《屈賦》何嘗有是。《抽思》之《倡》曰：『來集漢北』，其《亂》曰：『汨江潭兮』，蓋屈原既放，實汨夏、沔以集漢北，此稱『游於江潭』，正其道出滄浪時也。及賦《抽思》，則獨

處漢北，故云郢路遼遠，而欲『沂江潭』，以歸郢也。夫去則沂漢，來則沂江，時地自明，然則《漁父》之作，故當在《抽思》前矣。

《滄浪之水考》：考唐以前記注，於滄浪之水，凡有三說：一曰：即夏水；《史記·夏本紀》：『又東爲蒼浪之水』，《索隱》曰：『馬融、鄭玄皆以滄浪爲夏水，即漢河之別流也。漁父譌曰：『滄浪之水清兮，可以濯吾纓』，是此水也。』《水經注卷三十二夏水》：『又東至江夏雲杜縣入于沔』《注》：『劉澄之著《永初山川記》（《隋書卷三十三經籍志二》：《永初山川古今記》二十卷，齊都官尚書劉澄之撰。）云：『夏水，古文以爲滄浪，漁父所歌也。因此言之，水應由沔。今按夏水是江流沔，非沔入夏，假使沔注夏，其勢西南，非《尚書》『又東一之文』，余亦以爲非也。』劉稱『古文』，與馬、鄭《尚書》義相應。二曰：漢沔水自下有滄浪之稱：《水經注卷二十八沔水》：『又東北流，又屈東南過武當縣東北』《注》：《地說》（《史記夏本紀正義》引作《地記》，按《隋書志·經籍二》：《地記》二百五十二卷，梁任昉增陸澄之書八十四家，以爲此記。）曰：『水出荆山，東南流爲滄浪之水，是近楚都，故漁父歌曰：『滄浪之水清兮，可以濯我纓；滄浪之水濁兮，可以濯我足』』，《注》又云：『蓋漢沔水自下有滄浪，通稱耳。纓絡鄢郢，地連紀郢，咸楚都矣。漁父歌之，不遠水地』，是也。又徐堅《初學記卷第七地部下漢水二敘事》：案《水經注》及《山海經注》（徐引郭《注》略見今《山海經西山經蟠冢之山注》）云：『漢水出隴坻道縣蟠冢山，初名漾水；東流至武都沮縣，始爲漢水；東南至葭萌與羌水合，至江夏安陸縣名沔水，故有漢沔水之名（今本脫水字，宋本太平御覽卷第六十二地部二十七漢沔）引《水經注》及』

《山海經注》之文，全同徐《記》，今據補；又東至竟陵合滄浪之水，《原注》：即屈原遇漁父（今衍之字，从《御覽》刪）處，堅明引郭、酈二《注》，其說滄浪地望，亦當漢沔下游，然謂「東至竟陵合滄浪之水，即屈原遇漁父處」，則今二《注》並無此言，不知徐《記》定何所出耳。三曰：在武當縣，《史記》夏本紀正義曰：《括地志》云：均州武當縣有滄浪水。庾仲雍《漢水記》云：武當縣西四十里漢水中有洲，名滄浪洲也。《水經注》卷二十八沔水：「又屈東南過武當縣東北」《注》明云：「庾仲雍《漢水記》謂之『千齡洲』，非也」，張氏引作『滄浪洲』，未知是宋人妄改，抑張氏所據本已從酈說，改其故書也。今尋三說不同，要不離乎漢沔（夏水至雲杜縣入沔，劉氏所謂『夏水是江流沔』也）。《漁父》既稱『游於江潭』，自以一、二兩說爲近；若水在均州，去江差遠，殆不然耳（據《史記正義》引庾《記》但云：『漢水中有洲』，初不云有『滄浪水』，據《水經注》引庾《記》但謂之『千齡洲』，又無所謂『滄浪洲』也）。

王逸《漁父章句》敍：『屈原放逐，在江湘之間』，始誤以此賦爲入湘後作，今本又爲王《敍》所誤，其實止當云『江漢之間』耳。滄浪舊說，雖三家不同，要在洞庭以北，不關湘流也。

招隱士第九

偃蹇連蜷兮。

蜷一作『卷』。劉師培《楚辭考異》：『案《類聚》八十九引蜷作『卷』，《白帖》一百作『拳』。』

季海按：李善注《文選》卷三十三、日本古寫《文選集注》殘卷卷第六十六：《招隱士》蜷皆作『卷』，

《集注》引：『《音決》：卷，巨員反；陸善經曰：『偃蹇連卷』，是唐本《文選》字皆作『卷』，與《類聚》正合，知《楚辭》故書本作『卷』爾。

枝相繚。 注：仁義交錯，條理成也。洪氏《補注》：繚，紐也，居休切。劉氏《考異》：案《白帖》一百引繚作『繚』。

季海按：《文選集注》殘卷引《音決》：『繚，居虬反。蕭音新』，《集注》又云：『今案陸善經本繚爲『糾』，是公孫羅《音決》、《文選集注》字皆作『繚』，與李善注《文選》及今《楚辭》並合，蓋故書字本作『繚』。唐人或作『繚、糾』，既是依音改字，則知蕭《音》不行，大氏讀从『居虬反』矣。『虬即糾俗，猶糾即糾俗（《廣韻·四十六黠》：『糾，俗作糾』，繚音正作居虬反，見《廣韻·二十幽》）；糾依陸氏《葛屨音義》：吉黠反，依大徐引孫愐《唐韻》：居黠切（見《說文·乚部》），《廣韻·四十六黠》同，皆讀从上聲，陸善經本既依音改字，是亦讀如繚、乚字矣。』《說文·糸部》：『繚，纏也』，大徐引孫愐『盧烏切』，此云『枝相繚』者，本字當爲乚，《說文》云：『相繚也』，一曰：瓜瓠結乚起，象形（見《乚部》），是其義。然則『相繚』之言，自漢楚語有之，許君楚人，故知之尤詳耳。其云：相繚，雖取之成俗，實卽以繚釋乚，繚正讀如乚，乚，繚亦古今字矣。尋《詩·魏風》：『糾糾葛屨』，《毛傳》：『糾糾，猶繚繚也』，正以今字釋古字，其讀則同（漢人以乚，繚爲古今字，本因楚語，此傳疑出小毛公，先秦雅言，當不爾也）。許君解字，與毛公初無二致，後人不得其說，輒於繚上妄加糾字，既不悟許君本以『相繚』成文，又不察下文卽云『結乚』，字不作糾，斯亦淺學之驗已。《葛屨》舊音，今可見者，僅沈重、

陸德明二家（俱見陸氏《毛詩音義》）。糾，沈居西反，陸吉勳反，繚，沈音遼，陸音了，是毛公之書，自沈重以來，已失其讀；公孫羅於《招隱士》乃能作『居虬反』者，當是隋唐楚音，猶存舊俗耳。王《注》云『仁義交錯』者，李善《文選注》引王作『信義枝結』，《文選集注》殘卷引王，正同善本，其云『枝結』者，蓋以結繚爲訓，即許君所謂『結』者是也。今《章句》字作『交錯』者，流俗不諳故訓，以意爲之耳。是知『字亦或以糾爲之』，繚字有古今，聲則無異，韻亦或同者，楚夏語轉，故有是矣（『字』在幽部，繚本當在宵部，今入幽者，楚音則然）。

山氣龍嵒兮。 注：岑巖嶮嵒，雲滃鬱也。龍一作嵒。五臣云：龍嵒，雲氣貌。洪氏《補注》：龍，力孔切，嵒，音總，山孤貌。劉氏《考異》：案《禮記檀弓上疏》亦引作龍嵒。

季海按：原本《玉篇·山部》：『嵒』，《龍》字下並引《楚辭》此文，字皆作龍；《文選集注》殘卷引《音決》、陸善經亦皆作龍；引劉良作嵒；是陳隋以來諸本多从山作。原本《玉篇·山部》：『嵒』下引《埤蒼》：『龍嵒，高良』，是諸本作字，與《埤蒼》相應，大氏依傍張揖，以爲狀山氣之高耳。雖於文可通而實乖楚語。五臣塗附，洪氏臆必，義益疎矣。尋《淮南·俶真訓》云：『有未始有有始者，天氣始下，地氣始上，陰陽錯合，相與優游競暢于宇宙之間，被德含和，繽紛龍嵒，欲與物接，而未成兆朕』，《注》：『和，氣也。繽紛，雜糅也。龍嵒，聚會也』；又云：『譬若周雲之龍嵒遼巢彭澤而爲雨』，《注》：『周雲，密雨雲也。龍嵒，聚合也』；苟覽《淮南》舊義，則『龍嵒』之爲雲氣『聚合』可知也。《鴻烈》之文，字皆从艸，則知依山立義者之非也。然李善注《文選》、《文選集注》殘卷字並作『隴』，絕

不依違雅讓，當出曹憲之傳。大氏文選樓中，故多祕笈，曹公精詣，遂能孱守耳。

《說文·水部》：『湫，雲氣起也』，《注》言『湫鬱』，正雲氣『聚合』之謂，以釋『隴嵒』，自是塙詰；《注》又云：『岑崟嶮嵒』者，將謂高山出雲，所以盡言外之致，初非以『高兒』釋之也。作《注》如此，亦庶幾觸理自外，可以知中者矣。王《注》義本明白，自後人莫達其說，始紛然改作，曹李之傳，獨知字不從山，義不改王，即此一事，卓識乃出顧野王上矣。

司馬相如《賦》曰：『於是乎崇山矗矗，隴嵒崔嵬』，張義於此文差合，『隴嵒』之云，既上承『崇山矗矗』，下與『崔嵬』相次，故說者以爲高兒矣（郭璞曰：『皆高峻貌也』，蓋有取於雅讓之書）。然隴嵒、崔嵬，竟何以異？泛云高峻，定作何狀邪？頗疑當句仍以聚會、聚合爲義，猶今人言環抱矣。若杜子美《詩》云：『羣山萬壑赴荆門』者，正以『赴』字爲會合傳神，在相如則弟云『隴嵒』已足，其用意亦略同耳。下文又云：『九嶷、嶺嶺、南山峩峩』，知此句故遙領下文，蓋亦總羣山而爲言也。

谿谷嶮巖考

劉氏《考異》：案原本《玉篇·山部》引谿作深，嶮作嶮。

季海按：劉引《玉篇》，見『嶮』字下，顧野王又引《廣雅》：『嶮巖，高也』，是顧君所見《楚辭》，作字與《廣雅》相應。尋《說文》『嶮』字云：『嶮礨也』（今《說文》：『嶮』、『礨』字說解，諸本悉誤，此从原本《玉篇·石部》『嶮』下引；又今《說文》云：『嶮，暫嶮也……讀與巖同』，原本《玉篇·山部》『嶮』云：『《說文》：嶮，巖也』，疑亦今《說文》有誤），字皆从石；今《楚辭》、李善及五臣本《文選》、《文選集注》殘卷，字皆从山者：原本《玉篇·石部》『嶮』云：『野王案：此亦嶮字也』，『礨』云：『野王案：此亦巖字』，

在《山部》，又《山部》『巖』云：『或爲礧字，在《石部》，是梁陳間人以𪔐、𪔐、礧（《玉篇》或書作礧）巖同字，聲本不異，雖偏旁小殊，山、石義故相近也。然顧君所引，乃字同《廣雅》，豈當時所行，正如是邪？又尋《文選集注》殘卷引《音決》：『𪔐，音護』，是公孫羅本字當从艸，𪔐、𪔐字皆晚出，《楚辭》故書，此爲近之，大氏亦選樓祕牒之賴曹憲以傳者矣。

不自聊。洪氏《補注》：聊，音留。又：懷兮栗。栗，一作慄。洪氏《補注》：懷，音了，又音聊，一音留。

季海按：《文選》各本俱作慄（李善、五家、《文選集注》、《音決》、陸善經並同，《集注》殘卷所出並从俗作慄，初非異字），與一本合。《文選集注》殘卷云：『《音決》：聊，協韻，力幽反』，又云：『《音決》：懷，音留』，今謂聊與啾韻，古音同在幽部，《音決》作力幽反，自是本音，但《唐韻》作洛蕭切（大徐引見《說文·耳部》），獨楚音尙讀如幽部字，故公孫取以協韻耳。若懷古音本在宵部，公孫音留者，與上文『縹』亦在宵部，而公孫作居虬反者正同。此皆讀宵入幽，並楚音矣。《淮南·墜形訓》：『多旄犀』，高《注》：『旄讀近縹繆之繆，急氣言乃得之』，亦讀宵如幽，《淮南》亦據楚音書之耳。又《淮南·本經訓》：『牢籠天地』，高《注》：『牢（影鈔北宋本原誤平，今正）讀屋雷，楚人謂牢爲雷』，牢、雷古音同在幽部，而高君之言云爾者，疑季漢涿郡讀已開今音之漸（或當讀牢如魯刀切，見《說文·牛部》大徐引《唐韻》音），而楚人猶讀其本音耳。由公孫之音，上遡高《注》，而楚音源流，居然可覩也。

林木茂𪔐。注：枝條盤紆。𪔐一作茭，一作校，一作茭。洪氏《補注》：茭、校、茭並音跋。茭，木枝葉盤紆貌，通作茭。

季海按：《文選集注》殘卷賦文作『林木茂飢』，茂當同莢，蓋唐人相承从俗書之如此，遂令字形與藹茂字相亂耳。洪校：一作莢者，當卽此形，苟如毛刻，則賦文已作莢矣，何云『一作』也？觀《集注》所出，知李善本字正作莢（《集注》云：『今案《音決》、五家、陸善經本茂爲拔』，不及李善者，以所據卽爲李《注》本也。今李善注《文選》字或作莢者，彌失其真，唐本不爾也）。尋《說文·艸部》：『莢，艸葉多』，《注》云：『枝葉盤紆』（李善《注》及《集注》本引王《注》：『條』作『葉』，今从之），義正相應，今《楚辭章句》改莢爲條，亦已疎矣；然《補注》猶云『枝葉盤紆』，則慶善原本初不誤也。

青莎雜樹兮，蘋草蘿藤。

蘋一作頻。

季海按：李善《注》及《集注》本文選字皆作蘋，是也。《集注》出：『《音決》：蘋，音頻。案此卽《字林》所謂『青蘋草』者也。蕭、騫等諸音，咸以爲頻，音頻，非』，今謂此文大誤，凡『蘋』皆當讀爲『蘋』，《頻》、『蘋』字當互易，《音決》之文，本與此相反，蓋寫書者失之爾。《音決》本文當云：『蘋，音頻。案此卽《字林》所謂『青蘋草』者也。蕭、騫等諸音，咸以爲蘋，音頻，非』，知者，《集注》又云：『今案陸善經本蘋（原誤作蘋，以《集注》本字不作『蘋』知之，今正）爲頻』，不言《音決》，是《音決》字正作蘋，與李善本同也；又《說文·艸部》：『蘋，青蘋，似莎者，从艸，頻聲』，此卽公孫羅引《字林》所謂『青蘋草』者也。《音決》字既作蘋，而又引蕭、騫音爲據，明二家字亦从蘋，而以音頻爲非也。尋小徐《說文繫傳》於『蘋』字云：『臣鍇按：和如《上林賦》：薛、莎、青蘋』（小顏《漢書注》引張揖曰：『青蘋似莎而大，生江湖，鴈所食』，是也），又《淮南·覽冥訓》亦云：『路無莎、蘋』，俱以莎、蘋並稱，

然則此云蘋草，上承青莎，其不當爲蘋，亦已明矣。《湘夫人》云：『白蘋兮騁望』，注：『蘋草秋生，今南方湖澤皆有之』，洪本有校語云：『蘋，或作蘋，非也』，《補注》又引《淮南子》、《說文》及《相如賦注》，義並是也。

白鹿麇麇兮。麇一作麇。洪氏《補注》：麇，麇也。麇，牝鹿。劉氏《考異》：案《說文》繫傳十九，《御覽》九百六，《事類賦》注二十三並引麇作麇。

季海按：李善注《文選》、《文選集注》、《音決》、張銑、陸善經字皆作麇（《音決》以下並見《集注》）。

《說文·鹿部》：『麇，麇也，从鹿，困省聲。麇，籀文不省』，依《文選》及《考異》所出，則此本从籀文書之，今《淮南·墜形訓》字从墜作，亦籀文矣（又《叔真訓》云：百事之莖葉條椹——影鈔北宋本原誤梓，或校作梓，蓋从《古文四聲韻》所錄古文，今不从者，以大、小徐《說文》所出，字形與『梓』尤近，爭一筆耳，《說文》云：『梓，亦古文櫟』，是淮南諸儒之所述作，多有古字也）。然則《文選》所收，猶存《故書》之真矣。陸德明《釋獸音義》出：『麇』，云『亦作麇』，是今《楚辭》作麇者，《爾雅》異文有之。又《說文·鹿部》：『麇，牡鹿』，《補注》：『牝』當爲『牡』，毛刻字誤。

招魂第十

得人肉以祀，以其骨爲醢些。注：醢，醬也。言南極之人，得人之肉，用祭祀先祖，復以其骨爲醢醬

也。一云：而祀；一云：得人以祀，無肉字。五臣云：醢，肉醬也。

季海按：日本古寫《文選集注》殘卷卷第六十六《招魂》：『其骨』上無『以』字，王《注》：『祭』下無『祀』字，當是故書如此，今本有者，後人以意加之耳。《爾雅·釋器》：『肉謂之醢』，郭《注》：『肉醬』；又：『有骨者謂之醢』，郭《注》：『雜骨醬，見《周禮》』，郝氏《義疏》：『醢者，《說文》作「𩚑」，云「有骨醢也」，「或从難」作「𩚑」。《釋名》云：「醢有骨者曰醢，醢，昵也，骨肉相傅昵，無汁也。」郭云：「見《周禮》者，《醢人》云：「朝事之豆有麋醢、鹿醢、麋醢」，鄭《注》：「作醢及醢者，必先膊乾其肉，乃後莖之，雜以粱麴及鹽，漬以美酒，塗置瓶中，百日則成矣。」是醢、醢同物，唯有骨、無骨爲異耳』，今謂郝氏說是也。然此云『其骨爲醢』，是楚俗有骨、無骨，亦通謂之醢耳。

蝮蛇藥蕒

注：蝮，大蛇也。蕒蕒，積聚之貌。言炎土之氣，多蝮蛇惡蛇，積聚蕒蕒，爭欲齧人。洪氏

《補注》：《山海經》：『蝮蛇，色如綬文，大者百餘斤，一名反鼻蛇。』《爾雅》：『蝮，虺，博三寸，首大如擘。』《本草》引張文仲云：『蝮蛇，形乃不長，頭扁，口尖，人犯之，頭足貼著。』

季海按：洪引《爾雅》，見《釋魚》。舍人曰：『蝮，一名虺，江淮以南曰蝮，江淮以北曰虺』，孫炎曰：『江淮以南謂虺爲蝮，廣三寸，頭如拇指，有牙最毒』（《二家注》文所出，具詳臧輔堂《爾雅漢注》），江淮以南，故是楚域，考孫叔然所記，則虺謂之蝮，自懷、襄之世，下逮季漢，楚俗未改也。

《爾雅》及舍人、孫炎《注》云：『虺』者，蓋借爲虫，《說文·虫部》：『虫，一名蝮，博三寸，首大如擘指，象其臥形』，『蝮，虫也，从虫、復聲』，是也。《藝文類聚》引《廣志》曰：『蝮蛇與土色相亂，長三、四尺，其中人，以牙櫟之，截斷皮出血，則身盡腫，九竅血出而死』，郝懿行謂《爾雅》所釋、《廣志》所說，卽

今土虺（說詳郝氏《釋魚義疏》），甚確（按今吳俗言土虺，《土》作入聲呼之。《補注》出《本草》引張文仲所說，亦卽此蛇）。宋玉云：『蝮蛇蓁蓁』，《山海經·南山經》：『猿翼之山』云『多腹虫』者，皆是物也。先秦之書，初無以反鼻爲蝮者，其誤自郭景純注《南山經》始（洪引《山海經》，卽出郭此《注》）。尋《北山經》『大咸之山』：『有蛇名曰長蛇，其毛如麋豪』，郭《注》：『說者云長百尋，今蝮蛇色似艾，綬文，文間有毛，如猪鬃，此其類也』，郭知是其類者，據其毛知之，不云卽今蝮蛇者，則以《南山經》自有腹虫，而此名長蛇，說者又云長百尋也；其實郭所謂『今蝮蛇』者，《山海經》自謂之『長蛇』，據其毛可知，說者以爲百尋，《經》無其文，本不足取，若《南山經》之腹虫，正卽《爾雅》之蝮虺，與『今蝮蛇』者無涉。蓋自景純以來，而蝮名漸爲反鼻所專，故陸氏《爾雅音義》於此出『虫』云：『卽虺字也。案：蝮，大蛇也，非虺之類，故郭云：別自一種蛇名蝮虺』，本今作虺；郝懿行《爾雅義疏》亦云：『然則彼蓋蝮虫之最大者，《楚辭·招魂》所謂『蝮蛇蓁蓁』，與《爾雅》之蝮虺，名同實異也。細玩王《注》，但云『蝮虺惡蛇，積聚蓁蓁』，而不言其大，則知今《注》上出『蝮，大蛇也』之文，蓋唐以來人之習聞《爾雅音義》者加之。

《政和經史證類備用本草卷第二十二》：『蝮蛇膽』下引陶隱居：『蝮蛇，黃黑色，黃頰，尖口，毒最烈。虺形短而扁，毒不異於虺，中人不卽療，多死』；《唐本注》云：『蝮蛇作地色，鼻反，口又長，身短，頭尾相似，大毒，一名虺蛇，無二種也，山南漢沔間，足有之』；臣禹錫等謹按：《蜀本圖經》云：『形蠶短，黃黑如土色，白斑，鼻反者，山南、金州、房州、均州，皆有之』；陳藏器云：『其蝮蛇形短，鼻

反，錦文，亦有與地同色者，著足斷足，著手斷手，不爾，合身糜潰，又云：『蝮所主，略與虺同。』今謂陶云：蝮蛇黃頰，漢、晉人都無此說，此別一種毒蛇耳；其所謂『虺』，方是江淮以南之『蝮』，疑晉永嘉以後，北方舊名，與流人俱南，梁時江淮以南，亦已呼蝮爲虺，故陶別以黃頰當之耳，然今南人亦以虺名之者，蓋自江左然矣。自《唐本注》、《蜀本圖經》及陳藏器所說蝮蛇，並云鼻反，今驗土虺鼻初不反，俗云『八卦斬蛇』者，乃反鼻耳。蓋自郭璞以來，既習聞蝮蛇反鼻之說，故諸家並以鼻反者當之耳。尋《三倉》云：『蝮蛇，色如綬，文間有鬚鬣，鼻上有針，大者長七八尺，有牙最毒』（玄應《大般涅槃經》、《妙法蓮華經》音義引，見梁章鉅《倉頡篇校證》；慧琳《大藏音義》二十七引略同，見陶方琦《補本》），此即景純所說，但變反鼻，云『鼻上有針』而已，疑所引即郭璞《三倉解詁》之文；知非張揖《三倉訓詁》者，揖魏人，論世與孫炎相接，孫氏尚不以此爲蝮蛇也。陳藏器既以反鼻蛇爲蝮，故又云『蝮所主，略與虺同』，其分別蝮、虺，一如陶氏矣。洪引張文仲，蓋出《張文仲方》，《政和本草》引書目有之，而此條適無者，以此既從諸家分別蝮、虺，而以反鼻者爲蝮蛇，則文仲所說，是虺非蝮，與此無涉，故刪之矣。洪氏蓋從政和以前舊本得之。

五穀（毛刻作穀，注仍作穀，今正）**不生，藁菅是食些。**

注：柴棘爲藁。菅，茅也。言西極之地，不生五

穀，其人但食柴草，若羣牛也。藁一作藁；菅一作藁。洪氏《補注》：藁，草叢生也。

季海按：《文選集注》殘卷亦作『藁菅』，與今《楚辭》合。《集注》出『音決』：『藁，在東反。曹音鄒（原从俗作鄒，今改），通。藁，古顏反，或爲菅，同。』陸善經曰：『言其人但食叢生藁草。』是公

孫、陸本『菅』並作蕞，《集注》及公孫所引一本，字又作『菅』，《音決》謂蕞、菅字同，是也。蕞，《音決》『在東反』者，謂卽『蕞』字耳。尋顏元孫《千祿字書》有『蕞、蕞』，云『上通下正』，『通』謂『相承久遠，可以施表奏牋，尺牘判狀，固免詆訶』而已，『正』乃『可以施著述文章，對策碑碣，將爲允當』爾（見《千祿字書總論》）。屈宋之作，繩以顏公《字樣》，卽不當作蕞，但未知《楚辭》故書字亦作蕞否（然公孫所據，字不作蕞，又不云或爲蕞者，是當時所見，亦無作蕞之本也。唐人惟陸以『蕞生』爲言，然則洪出一本字作蕞者，於今言之，弟知其昉於善經而已）。今謂公孫此音非也，陸氏空疎，見聞彌陋，惟曹音得之。蕞，蓋借爲板，《說文·木部》：『板，木薪也，从木，取聲』，大徐引孫愐《側鳩切》，是於《唐韻》正作『鄒』音（大徐引孫愐反切，與『板』無異，見《說文·邑部》），許云『木薪』者，對『草薪』而言，《艸部》：『蕞，草薪也』（大小徐俱云『薪也』，蓋緣故書或作『艸新』，二徐所據，譌成一字耳。唐寫本《毛詩音》殘卷《生民·板》：『詢于芻蕞』出『蕞』，云：『《說文》：草新』，是舊本『薪』但作『新』，《斤部》：『新，取木也』，引申以名所取，亦通于薪，頗謂今《艸部》云：『薪，蕞也』者，乃後人所加。然段君注『蕞』，獨能依《詩釋文》補『艸』字，與《毛詩音》殘卷若析符之合，卽此一事，其治學勤敏可知已），是其義。王《注》以爲『柴棘』，正『木薪』（故書當本作『木新』耳）之謂，故曹作『鄒』音矣。自小學不修，叔師舊讀，遂若存若亡，沈寢千載，祇藉憲音以傳，故知曹公之學，非唐人所及已。

蕞得讀爲『板』者，蕞字从聚，卽以爲聲，蕞、聚皆从取聲，蓋古有二讀：正音當入侯，凡取聲字本皆

入侯也。尋《左·僖三十三年》：『公伐邾，取訾婁』，《公羊》作『公伐邾婁，取叢』，陸氏《公羊音義》出『取叢』，云『才工反，二傳作『取訾樓』』，是舊本作『叢』，陸作『才工反』者，從轉音讀之。李廣芸謂『急言之爲叢，緩言之爲訾婁，訾婁猶叢字之反切』者（見《炳燭編卷三》『叢』字條）。本條於叢音正轉，實已識其端緒，但恨彙艸僅存，迭經刪并，尋其遺文，不無通塞，今稍以所見益之，亦猶李君之志乎？若夫尋微之功，故當遠愧前賢耳，於理不誣，但未考舊本耳。今書徑作叢者，《禮記喪大記注》：『櫝，猶叢也』，陸氏《音義》出『猶叢』，云『才工反，本亦作叢』，亦其比矣；又《孟子·離婁》：『爲叢敗爵者，鵠也』，《晉書·段灼傳》作『爲叢驅雀者』，是皆叢本屬侯之證。若《說文》云：『叢，聚也』，《呂覽·達鬱》：『而萬災叢至矣』，《注》及《廣雅·釋詁》亦云者。正以同部爲訓也。轉音或入東，此侯東對轉之理。《韓非子·揚權篇》：『欲爲其邦（邦舊作國，從洪頤煊說改），必伐其聚，不伐其聚，彼將聚衆』，此以邦、聚、衆爲韻（聚、衆爲韻，李廣芸已知之；顧廣圻、洪頤煊雖能不失其讀，然皆破聚爲叢，是猶未知聚本有此轉音，所見故不如廣芸之卓也）；《書·皋陶謨》云『叢脞』，馬《注》：『叢，總也』（見陸氏《尚書音義》，總原從俗作總，今改），鄭《注》云：『總聚小小之事』（見孔氏《尚書正義》，總原從俗作摠，今改），此並以音訓，是馬、鄭並讀叢入東也。讀叢爲極，自是正音，若《淮南》之以珏爲工（見《道應訓》），蓋楚之轉語矣。一曰：《招魂》本借叢或廢爲之（叢、廢與飯，音義俱近，要自一言孳乳），唐本又作叢、叢者，猶《七諫》『廢蒸』字既一作叢，又一作叢、叢、叢、叢，《哀時命》：『廢蒸』字既一作叢，又一作叢矣（《公羊》、《禮注》之叢或爲叢，亦其比類），蓋書經轉

寫，形聲相亂耳。

增冰峨峨，飛雪千里些。

注：言北方常寒，其冰重累，峨峨如山，涼風急時，疾雪隨之，飛行千里，乃至地也。五臣云：增，積也。峨峨，高貌。洪氏《補注》：『《神異經》：「北方有曾冰萬里，厚百丈」，《尸子》曰：「朔方之寒地，凍厚六尺，北極左右，有不釋之冰。」』

季海按：《神異經》晚出，《尸子》戰國之書，云『凍厚六尺』、『不釋之冰』而已，初無『萬里』、『百丈』之談，此云峨峨，亦非如山之謂，叔師失其讀耳。尋《說文·白部》：『皚，霜雪之白也，从白，豈聲』，《後漢書·張衡傳》載《思立賦》：『行積冰之皚皚兮，清泉沍而不流』，《注》：『《說文》曰：「皚皚，霜雪之貌也」，蓋古字皚與皚通。』峨峨，當讀爲皚皚，正狀積冰之白耳。《招魂》云：『赤蠃若象』，洪氏《補注》引《山海經》：『朱蛾』以爲說，《天問》云：『蠶蛾微命力何固』，一作蠶蟻，洪氏《補注》：『蛾，古蟻字。《記》曰：「蛾子時術之」，是也』，洪氏所引，出《禮·學記》，鄭《註》：『蛾，蚍蜉也』，則蛾亦蠃也。蛾讀若皚，猶蛾讀若蟻，聲同耳。王氏《章句》以爲峨峨，聲雖可通，實非當句所謂，是知『以壯爲狀，義多乖異』，自班、賈下逮王氏，殊有改易未盡者矣。

敦腴血拇。

注：敦，厚也。腴，背也。腴一作脰。洪氏《補注》：『腴，脰，音梅，又音妹，脊側之肉。《說文》云：背肉也。《易》：「咸其脰。」』

季海按：洪云：『脊側之肉』者，《禮記·內則》：『擣珍，取牛羊麋鹿麇之肉，必腴』，鄭《注》：『腴，脊側肉也』，陸氏《音義》：『腴，音每，又亡代反』，是也。

工祝招君。 注：工，巧也。言選擇名工巧辯之巫，使招呼君。

季海按：《離騷》：『固時俗之工巧兮，偭規矩而改錯』，《九辯》：『何時俗之工巧兮，背繩墨而改錯？』工、巧並舉，工亦巧也。《孔子三朝記·少閒篇》：『孔子之對哀公曰：『於此有功匠焉，有利器焉，有措扶焉』，孔廣森《補注》：『功、工同』，孫詒讓案：『功當爲巧之誤』（據孫氏手評），今謂孔得其讀，孫得其意，但不願改字耳。功正讀如工巧字，功匠猶巧匠矣；是巧謂之工，魯語與楚同爾。

檻層軒些。 注：軒，樓版也。洪氏《補注》曰：一云檐宇之末曰軒。

季海按：劉氏《楚辭考異》：『案慧琳《音義》二十八引《楚辭》云：『軒，樓上板，障風日』，當亦主《注》，疑今《注》文多脫，當據彼書補正』，今謂劉說是也。尋玄應《一切經音義·正法華經第二卷》：『軒，虛言反，《楚辭注》云：『軒，樓上板，障風日者』，與慧琳合，是今《注》實有脫文，雖無過數字，而樓板之用，實賴之以明，是豈可略哉？蓋自唐季喪亂頻仍，學者亦日趨苟簡，遂不憚輕刪舊注，致令好古敏求如洪氏，已不聞軒板之『障風日』也。

《文選》李善《注》：『招魂』此句，全同今本，疑亦後人妄刪；不然，即『障風日』云者，蓋別有所受也。唐開元之盛，《楚辭》王《注》而外，又有郭璞《注》十卷，孟奧、徐邈、道騫《音》各一卷（見《舊唐書·經籍志》，《新唐書·藝文志》同），除道騫《音》敦煌殘卷僅存，今其書盡亡，故無從質言耳。

冬有突厦。 注：突，複室也。洪氏《補注》：突，深也，隱暗處。《爾雅》東南隅謂之突。突、突竝於叫（毛本誤作門，今从江南圖書館藏明覆宋本）切。

季海按：凡書傳言突，實有二義：一曰突奧，指室中之二隅。《漢書·敘傳》錄《賓戲》云：「守突奧之燧燭。」《注》：「應劭曰：『《爾雅》：東南隅謂之突，西南隅謂之奧。』師古曰：「突、奧，室中之二隅也。突音烏了反，其字從穴，天聲也。」是也。應引《爾雅》，見《釋宮》。陸氏《經典釋文》：「突」作「窆」，與洪氏《補注》本合。釋云：「《說文》云：『深貌』。本或作窆，又作窆同。」《荀子·非十二子篇》：「奧窆之間。」《注》：「西南隅謂之奧，東南隅謂之窆，言不出室堂之內也。窆，一弔反，『奧窆』字作『窆』，與陸引一本合。然於許書，『窆』與字正當作『窆』。《說文》：「窆，戶樞聲也，室之東南隅」，故與窆、奧相次。隸或借窆爲之，故經典相承作窆（『窆』亦『窆』之省），《釋宮》此文，自劉熙《釋名》所據（郝懿行《爾雅義疏》即會稱引劉說），至于陸氏以下諸本，字多作『窆』，是也。陸出窆字音云：「烏叫反，『字林』同。郭又音杳。」尋《廣韻·上聲二十九篠》：「杳，烏皎切。」杳、窆同紐。窆下引《說文》曰：「戶樞聲也，室之東南隅也。」「了」亦在篠韻，是《漢書·敘傳》顏師古音，與此音同，皆郭讀也。大抵隋唐以還，凡『突』與字，不依呂讀，行郭音也。隸書時復譌略，突與字或逕省作突，遂與窆突字相亂。郝氏《爾雅義疏》云：「《御覽》引舍人曰：『東方萬物生，蟄蟲必出（必、畢同），無不由戶突』，是舍人本窆作突。」又《淮南·道應訓》：「其比夫不名之地，猶突奧也。」今謂舍人本《爾雅》及《淮南》此文，皆當讀如窆、突字。《淮南》言「突奧」與《釋宮》相應，突奧連文，亦與班固《敘傳》正同，文義甚明。郝氏深於雅故，然能知舍人本窆作突，而不能知突即窆之俗，殆爲戶突字所誤，其實舍人正以戶窆爲義，郝君偶不省耳（《釋宮》：「植謂之傳，傳謂之突」，郭《注》：「戶持鎖植也。」是

『戶持鎖植』自可謂之『戶突』，然謂蟄蟲必出，無不由此，可乎？（《廣韻·去聲二十四嘯》出『窰』云：『亦作窰，東南隅謂之交，俗作突，烏叫切。』《廣韻》此文，兼明雅俗，疑出唐人之舊，學者循是以讀《爾雅》、《淮南》，亦可以不爲俗書所惑矣。此一事也。二曰巖突，以巖穴底爲義。《史記·司馬相如列傳》錄《上林賦》云：『夷窰築堂，累臺增成，巖突洞房（依宋黃善夫本）。』《集解》：郭璞曰：『窰，山名，平之以安堂其上。成亦重也。《周禮》曰：『爲壇三成。』在巖穴底爲室潛通臺上者』，是其義。然於許書巖『突』字當作『窰』，《說文》：『窰，窰窰，深也。』巖穴幽深，故謂之窰，而字从穴，厥義昭矣。《文選·上林賦》正作『巖窰洞房』，李善《注》：『窰，一弔切。』按《史記索隱》：『突，音一弔反』，是突讀若窰。《索隱》又云：『《釋名》以爲『突，幽也。』今《釋名》亦止作窰，知顏氏所謂『从穴，天聲』者，本出於窰，隸从譌省耳，篆籀更無此字，許書可質也。《漢書·司馬相如傳》錄此賦，師古所據本乃作『巖突洞房』（劉氏嘉業堂景宋蜀大字本《史記》亦作『巖突洞房』，與《漢書》顏注本同），此亦窰之俗，猶舍人本《爾雅》及《淮南·道應》書『突』與字作『窰』之比，小顏不悟，遂以爲窰突字，段氏譏其妄增郭《注》（見段玉裁《說文·穴部》『窰』字《注》），允矣。此二事也。今謂必先通相如《上林》，分別二事，毋相奪倫，而後《招魂》之辭可解也。相如本辭賦之宗，然其深於《楚辭》，又讀此賦而可知也。《上林賦》稱『夷窰築堂，累臺增成，巖突洞房』，其鋪陳宮室，特爲奇麗，然賦家有此，本出《招魂》，相如獨祖述之耳。尋《招魂》之文，上言『層臺累榭，臨高山些』，下言『姱容修態，絢洞房些』，其步驟規模，與長卿直若表裏，蓋皆言緣山僦功，其物色誠相似也。知爲緣山者，

相如有『夷巖』、『巖突』之文，『招魂』又明言『臨高山』也（王氏『章句』：『或曰：『臨高山而作臺榭也』，此說得之。其前說稱『其顛眇眇，上乃臨於高山』者，不悟『招魂』初不云『其顛』若何也）。若相如言『繫臺增成』，義主重累以成其高（見『史記集解』引郭璞『注』；又『索隱』引張揖『注』）；『招魂』亦言『層臺累榭』，『章句』云『層、累皆重也』，是又如重規疊矩矣；然此皆易曉也。獨相如能賦『巖突洞房』，即『招魂』所謂『冬有突廈』者，自叔師已不能具言其物，故漫云『複室』，姑爲是依違之詞爾。洪氏『補注』輒引『爾雅』，是不知突廈之突，義同『巖突』，不得以『突奧』泛說之也。『招魂』上表『高山』，下題『川谷』，中出『突廈』，非『巖突』而何？『史記索隱』即引此文以說『上林』，善矣；顏猶拘率王義，故復失之眉睫也。蓋太古之世，或穴居避寒，楚益踵事增華，而冬有突廈，堂構之功，實多於前人，故賦家豔稱之耳。然自相如而後，知者蓋希，苟非『上林』猶存，景純能說，亦何由審知『巖突洞房』之制，故與『突廈』同風哉？後人匠復見遠流，不惟不知『突廈』，亦並不知洞房。漢西京而上，洞房之名，本施於巖突，蓋亦因古穴居之遺；其曰洞房，於秦亦有專字。『說文·水部』：『洞，疾流也』，非其義。又『宀部』：『宀，一曰洞屋。』凡言洞房、洞屋一也，準以秦文，正當作宀，則關西語音如是。楚讀東、陽相協，故於『招魂』爲洞房。此秦楚殊言，考其轉語而可知也。自相如援『楚辭』以成文，賦家遞相祖述，而洞房遂爲通語，後人徒知取洞深爲名（見洪氏『補注』本引五臣說，段氏『說文』『宀』字『注』：『洞屋謂通迥之屋，四圍無障礙也。凡道家言洞天者，謂無所不通。』又『洞』字『注』：『此與走部『迥』、馬部『駟』，音義同。引伸爲洞達，爲洞壑』，不知宀之爲言猶

洞也，洞壑、洞屋，本無異名，洞壑既不得四無障礙，無所不通，又安見洞屋之爲四圍無障礙之屋也？《文選·西京賦》：『赴洞穴，探封狐』，薛綜《注》：『洞穴，深且通也。』是依薛《注》，洞兼二義，五臣取深，段氏主通，弟皆未悟二者之名本生于巖穴也。尋《山海經·海內東經》：『湘水入洞庭下』，郭《注》：『洞庭，地穴也。……今吳縣南太湖中有包山，下有洞庭穴道，潛行水底，云無所不通，號爲地脈』，是洞庭亦因地穴得名，正與洞屋、洞房一例矣，亦猶徒以複室當突廈矣（《禮記·月令》：『其祀中霤』，鄭《注》：『古者複穴，是以名室爲霤』，《疏》：『虞蔚之云：『複謂地上累土爲之』，是《詩》『陶復』字，亦通作『複』，但王意未必謂是。若複穴、突廈，雖文質殊科，豐儉異制，其經營用意，固不相遠，蓋古者複穴，踵事增華，則有突廈矣）。

周、秦山穴謂之岫。《爾雅·釋山》：『山有穴爲岫』，《注》：『謂巖穴』；《說文·山部》：『岫，山穴也。从山，由聲。甬，籀文从穴』，是也。篆、籀皆从由聲，則字在幽部，楚音亦或以幽協東（《離騷》『調』韻『同』是也，見段玉裁《六書音均表四》），則岫、洞語復相轉，亦孳乳寢多之一例矣。然薛綜注《西京賦》『赴洞穴』曰：『深且通也』，知吳人猶未以爲山洞字；任昉《述異記》乃有『林屋洞』及『荊州青溪、秀壁諸山山洞』，是『岫』謂之『洞』，蓋起於齊梁耶？

砥室翠翹。 注：砥，石名也，《詩》曰：『其平如砥』，言內臥之室，以砥石爲壁，平而滑澤，或曰儻室，謂儻個曲房也。

季海按《注》云『石名』，是也；引《詩》非也。尋《淮南·墜形訓》云：『是故白水宜玉，黑水宜砥；青

水宜碧；赤水宜丹；黃水宜金。』《注》：『砥則阜石也。』今謂砥石是此，次金玉之間，必石之美者，非厲石也。頗疑砥、階同物，楚語轉耳（皆聲、氏聲，同在脂部）。《說文》云：『璫，黑石似玉者，从玉，皆聲，讀若諧。』與碧相次，或當是砥矣。

或曰：『儻室』者，《九歌·東君》：『長太息兮將上，心低徊兮顧懷』，《注》：『言日將去扶桑，上而升天，則徘徊太息，顧念其居也。』低一作徘徊，一作儻。《九章·惜誦》：『欲儻徊以干僚兮』，《注》：『儻徊，猶低徊也』，又《涉江》：『入溱浦余儻徊兮』，又《抽思》：『低徊夷猶，宿北姑兮』，《注》：『言己所以低徊猶豫，宿北姑者，冀君覺寤，而還已也。』低一作徘徊。《思美人》：『吾且儻徊以娛憂兮』，儻徊一作徘徊。其實楚語自曰儻徊。《離騷》：『適吾道夫崑崙兮』，《注》：『適，轉也。楚人名轉曰適』，《九歌·湘君》亦云『適吾道兮洞庭』，《注》：『適，轉也』，是於楚語，儻徊同義。《東君》《抽思》『低徊』字，皆當作『儻』，王云『儻徊，猶低徊』者，漢人語耳。明乎此，則知儻室之爲砥室，猶儻徊之爲低徊，漢師失其讀耳。

藟阿拂壁。 注：藟，藟席也。阿，曲隅也。拂，薄也。言房內則以藟席薄牀四壁及與曲隅。

季海按：王氏《讀書雜誌餘編》：『念孫案：王以阿爲牀隅，則上與藟字不相承，下與拂壁二字不相連屬矣。今案藟與弱同。阿，細繒也。言以弱阿拂牀之四壁也。』今謂石臞說是也。藟阿猶細阿，叔師誤認作蒲藟字耳（《急就篇》：『蒲藟藟席帳帷幃』，非此所用）。《淮南·主術訓》：『匡牀藟席非不寧』，《注》：『藟，細也』，是其義。然拂當訓蔽，解在《離騷》中。藟阿拂壁，猶搏壁矣（見《湘君章句》）。

及《釋名·釋牀帳》。王《注》以薄訓拂，於辭意雖無害，必繩以楚語，猶爲奢闊。

纂組綺縠。

注：纂組，綬類也。一作纂，一作綦。洪氏《補注》曰：「纂，作管切，似組而赤。綦，蒼白色；

一曰青黑文，《禮記》有「綦組綬」。」

季海按：當作纂組，一本非也。《說文·糸部》：「纂，似組而赤」，洪說本此。段玉裁云：「《漢·景帝紀》曰：『錦繡纂組，害女紅者也。』臣瓚引此爲注，按：組之色不同，似組而赤者，則謂之纂」（見段氏《說文注》），段說是也。今謂「纂組」當緣織文得名，先秦西漢故書，未見單言「纂」者，《說文》乃字書，故分析言之耳。《淮南·脩務訓》曰：「蔡之幼女，衛之稚質，相纂組，雜奇彩，抑黑質，揚赤文，禹、湯之智不能逮」，《注》：「相，叩楮；纂，織組邪文，如今之綬，沒黑見赤，言其巧也。」是所謂纂組者，黑質赤文，奇彩錯雜，所以爲麗。楚自惠王四十二年滅蔡而有其地（見《史記·楚世家》，《六國表》同），下逮懷、襄之世，既百餘年，幼女之巧，盡在楚矣，《招魂》賦之，不亦宜乎？

結璚璫些。

注：璫，玉名也。言結束玉璫，爲帷帳之飾也。璚一作奇。洪氏《補注》：璚，玉名，璫，半

璧也。

季海按：王云：「璫，玉名」，《璚》字無《注》，則「璚」非玉名，一本是也。今書又作奇者，奇、璚亦或通也。楚人言奇，蓋以爲珍異、美好之稱，故《涉江》：「余幼好此奇服兮」，《注》云：「奇，異也；或曰奇服，好服也，言己少好奇偉之服」也。亦或通作奇者，《後漢書·仲長統傳》載《昌言理亂篇》：「璚璐寶貨，巨室不能容」，《注》：「璚，瑋也；《抱朴子》曰：片玉可以璚，奚必俟盈尺也？」是也。《招魂》言

『奇璜』，猶《涉江》言『寶璐』；《理亂篇》言『琦賂寶貨』，亦以琦、寶爲互文矣。章懷《注》言『琦，肆』，猶王《注》言『奇偉』，皆美異之辭爾。

翡翠翠帳。

注：言復以翡翠之羽，雕飾帳帳。帳一作幃。

季海按：劉氏《楚辭考異》：『案《書鈔》百三十二，《類聚》六十一、九十二，《御覽》六百九十九、七百及九百二十四並引作翠幃。』尋上文云：『羅幃張些』，明此作『幃』是也。《考異》所出及日本古寫《文選集注》殘卷卷第六十六：《招魂》字並作『幃』，是唐本猶未誤，則今作『帳』者，自出宋人。蓋流俗習見帷帳字，又《注》中亦言『幃帳』，遂易其本文耳。按《釋訓》：『幃謂之帳。』郭《注》：『今江東亦謂帳爲幃。』郭氏所引，正楚語之遺。凡讀古書，當從其俗，改字非也。

肺臛炮羔。

注：羔，羊子也。洪氏《補注》：『炮，合毛炙物；一曰裹物燒。』

季海按：《禮記·內則》：『炮，取豚若將，剗之剗之，實棗於其腹中，編萑以苴之，塗之以謹塗，炮之，塗皆乾，擘之。』鄭《注》：『炮者，以塗燒之爲名也。將當爲牂，牂，牡羊也。謹當爲瑾，擘之誤也。謹塗，塗有穰草也。』觀《內則》此文及鄭君《注》，於楚人炮羔之道，亦可以思過半矣。今人燒神仙鷄，一曰醢化鷄（醢化，乞丐之異名，謂乞丐燒鷄如是也），實塗之以瑾塗而炮之，塗皆乾，則擘而嘗之矣。

煎鴻鶩些。

注：鴻，鴻鴈也。鶩，鶩鶩也。言復煎熬鴻、鶩，令之肥美也。洪氏《補注》：此言用膏煎鴻、

鶩也。

季海按：《儀禮·聘禮》：『燕與羞，俶獻無常數』，鄭《注》：『羞，謂禽羞，鴈鵞之屬，成孰煎和也。俶，始也，始獻四時新物』，是古有禽羞，貴煎和也。宋玉此言，足徵鄭學矣。

挫糟凍飲。

注：挫，捉也。洪氏《補注》：挫，宗臥切。

季海按：《漢書·王吉傳》：吉上《疏》曰：『馮式搏衡』，臣瓚曰：『搏，促也。』師古曰：『搏，挫也，音于本反。』尋師古謂之挫，臣瓚謂之促，猶《招魂》謂之挫，《章句》謂之捉矣。凡方俗殊語，苟以類族觀之，故不難得其條理也。

晉制犀比，費白日些。

注：晉，國名也。制，作也。比，集也。費，光貌也。言晉國工作簪筓，比集

犀角，以爲雕飾，投之皓然如日光也。洪氏《補注》曰：費，耗也。晡，日光也，芳未切。

季海按：王說犀比，未知何據。係詒讓疑指金帶鈎言之，以爲原出於趙，故云晉制，以黃金爲之，故得光費白日矣；又謂費、晡字同（見《札迺卷十二》），義皆可從。賦方言博，而及此者，以誇分曹竝進者容飾之盛也。尋《淮南·墜形訓》：『扶木在陽州，日之所晡』，《注》：『晡，猶照也』（晡，本誤作晡，《注》同，今从《離騷》：『總余轡乎扶桑』洪氏《補注》引）。費、晡語楚，光、照一也。洪氏以爲費耗，失之。

九懷第十一

《尊嘉》：榜舫兮下流。

注：乘舟順水，游海濱也。榜舫一作榜舫，一作榜舫，一作摘舫，一作摘舫。洪

氏《補注》：榜，進船也。舫，併船也。榜，船也。東坡本作榜舫。《釋文》：榜作摘，摘，取也。

季海按：舫、榜，皆船也。《廣雅·釋水》：「舫、榜，船也。」，榜即榜矣。《戰國策第十四楚一》：「張儀爲秦說楚王曰：『秦西有巴蜀，方船積粟，起於汶山』（《史記·張儀傳》作大船）；又曰：『舫船（劉一作方舫；《張儀傳》索隱：作舫船，日本楓山三條本與《索隱》合）載卒，一舫載五十人，與三月之糧（《張儀傳》糧作食），下水而浮，一日行三百餘里，然舫是大船，蓋蜀船也。子淵蜀人，故稱其俗，是字當作『舫』矣。此云『下流』，正張儀所謂『下水而浮』也。上一字《釋文》作摘，自是舊本，摘、榜字形相近，又易爲下舫、榜字偏旁所惑亂，故諸本多誤作『榜』也。洪云『摘，取』，雖出《廣雅》，說此則非。尋《淮南·說林訓注》：『篙，摘船橈』；又《方言·第九》：『所以刺船謂之篙』；然摘舫（從一本）即刺舫，故王云『乘舟』也。

惜誓第十五

乃集大皇之璽。 注：大皇之璽，大荒之藪，大一作太。

季海按：《淮南·精神訓》：『登太皇，馮太一，玩天地于掌握之中』，《注》：太作大，云『大皇，天也』，《惜誓》僞『大皇』，與《淮南》同，亦謂天耳，王氏未得其解。

乃至少原之璽兮。 注：少原之璽，仙人所居。

季海按：《廣雅·釋地》：少原次都野、孟豬、彭蠡，皆池也。王氏《疏證》云：『未詳所在』，而無說。若

如此《注》，則其地本不可知；然稚讓所舉諸地，大氏有實可指，又疑別有據也。

大招第十六

大招者，屈原之所作也；或曰景差，疑不能明也。

季海按：屈原《賦》二十五篇，實無《大招》。景差之賦，亦無一篇爲劉向所錄（《漢書·藝文志》敘屈原《賦》以下賦二十家，初無景差之作）。又篇中稱楚，與列國無異，此《招魂》所無，是逸二說皆非也。今尋《招魂》宋玉所作，句中稱兮，句末稱些，故楚聲也。《大招》凡『兮』爲『乎』，『些』爲『只』，其風謠絕異。君子行禮，不求變俗，使屈、景所賦，於此豈判若敵國也？《大招》又言『三公』、『九卿』，尋『九卿』所起，經無明文。《王制》《昏義》有之，說者以爲夏制。伏生《書傳》云：『古者天子三公。每一公，三卿佐之。』（《御覽·職官部》，又《藝文類聚·職官》引，詳見陳壽祺輯本。）黃以周云：『伏《傳》一公三卿，蓋《夏書傳》也（陳輯亦在《夏傳》）。《繁露》、《白虎論》皆據爲說，今文家之言也』（見《職官禮通故》二），是漢師自伏生以來，多以三公九卿爲夏制矣。《大招》既云『近禹麾』、『尚三王』，故宜及此。然《王制》之作，在赧王後，盧子幹又謂孝文時博士爲之，要其時與伏生相接。（《路史後紀十陶唐氏註》引《大傳》：『舜攝時三公、九卿、百執事，此堯之官也。故使百官事舜』；《說苑·君道篇》載湯問伊尹三公九卿，伊尹對以三君之舉賢，則堯、舜、禹也；是二文相應，謂唐虞之際，與夏同也。黃以周《職官禮通故》據《說苑·君道》、《臣術篇》文，以爲殷制，其實《臣術篇》

述湯問明言古者，《君道篇》述伊尹對，又舉三君，觀其問答，事同稽古，湯、伊尹當夏之季世，革命之初，此文又無以定其爲殷爲夏，縱劉向所書，盡爲實錄，猶未得如黃君所說，況伊尹之文，多出依託也？若《臣術篇》云：『湯問伊尹：「三公九卿，相去何如？」』伊尹對曰：『三公者，通於天道者也。九卿者，通於地里者也。』尋《呂覽·行論篇》：『鉉爲諸侯，怒於堯，曰：「得天之道者爲帝，得地之道者爲三公。」』則豈弟三公九卿而已乎？此說故出《呂覽》後，呂氏稱伊尹者多矣，遂無一語及九卿，湯問晚出可知也。又《臣術篇》舉三公、九卿、大夫、列士之事，以道、德、仁、義爲次，此《老子》所謂『失道而後德，失德而後仁，失仁而後義』也。『失義而後禮，夫禮者，忠信之薄而亂之首』，宜伊尹不言也。然此伊尹者，當黃老盛時，其漢文、景之際乎？（《昏義》亦當在秦漢間，或更後於《王制》。屈原卒報王世，不當用《書傳》《王制》後起之說。《大招》云云，盛稱『三公、九卿』，純是漢學，宜出漢人手。其『粉白黛黑』，《醫輔奇牙》、《芳澤》、《接經》之云，皆《招魂》所無（亦不見屈《賦》二十五篇及《九辯》中），而《淮南書》有之（《脩務訓》曰：『雖粉白黛黑，弗能爲美者』，又曰：『粉白黛黑佩玉環』；然《戰國策》卷第十六楚三：『張子曰：「彼鄭、周之女，粉白墨黑，立於衢閭，非知而見之者以爲神」』，張子者，張儀也，此張儀所以語懷王也；是靚莊用黛，實在其後。姚云『別本作黛黑』者，後人改之耳。王念孫《讀書雜誌》據郭璞《子虛賦注》以下引《策》文並作黛黑，轉以別本爲是。其實王引郭《注》，本出《上林賦》中，初不引《國策》，《史記集解》《文選注》引郭璞《注》亦然。王氏於此，遂一誤再誤，餘皆唐以來書，或者唐俗所行，已有此別本，或諸書爲後人所改，如改《國

策矣。王氏又引《大招》、《列子》、《鴻烈》，今謂《大招》晚出，《列子》僞書，《鴻烈》則漢人語耳。《大招》之文，多與《鴻烈》同風，即論世可知已。惟韓非《顯學》，有「脂澤粉黛」之言，在《淮南》前，或者用黛起於是時，亦或爲後人所亂，未可知也。王氏又引《說文》：「騰，畫眉也」；小篆雖有其字，直謂畫之而已。賈誼《勸學篇》：「傅白騰黑」，《鹽鐵論·國病篇》：「傅白黛青」，皆其義也。當張儀之世，周、鄭之俗，有墨無黛。賈誼《新書·匈奴篇》復云：「傅白墨黑」，誼雒陽人，雒陽周地，此猶因周、鄭舊俗也。漢以來黛既大行，而用墨者寡；後周宣帝禁粉黛之飾，令天下婦人皆黃眉墨粧，然宮人白若也；則後人改墨爲黛，何足怪乎？又《脩務訓》曰：「此教訓之所俞，而芳澤之施」，又曰：「嘗試使之施芳澤」；《離騷》九章皆言「芳與澤其雜糅」，而不曰「芳澤」，又皆以喻夫德馨之美，不必竟謂婦人所施也。《接徑》說在後，「鑿輔奇牙」，洪氏《補注》已詳，頗謂《大招》是大山之徒所造。其曰「大」者，望《招隱士》言之（王逸《章句》：「招隱士」者，淮南小山之所作也。昔淮南王安博雅好古，招懷天下俊偉之士。自八公之徒，咸慕其德而歸其仁。各竭才智，著作篇章，分造辭賦，以類相從，故或稱《小山》，或稱《大山》，其義猶《詩》有《小雅》、《大雅》也）。淮南舊楚，民俗略同，然於屈宋，不能無出入也。

霧雨淫淫，白皓膠只。注：淫淫，流貌也。皓膠，水凍貌也。言大海之涯，多霧惡氣，天常甚雨，如注墜水，冬則凝凍，皓然正白，回錯膠戾，與天相薄也。

季海按：《淮南·俶真訓》：「茫茫沈沈」，《注》：「沈讀『水出沈沈正白』之『沈』」，今謂「淫淫」讀與

『沈沈』同（王引之云：『沈與淫，古同聲而通用』，是也，見《經義述聞》），霧雨水出正白之貌。白皓膠只，狀其水氣淫溢，彌望白也。膠借爲皋，《說文》：『皋，氣皐白之進也，从夊從白。』王以膠爲膠戾，非也。

魂乎無東，湯谷宗只。

注：言魂神不可東行，又有湯谷，日之所出，其地無人，視聽杳然，無所見聞；或曰宗，水蕪之貌。一本宗下有寥字。

季海按：如前說，寥字本不必有；以或說證之，益知有者非也。尋《大招》陳『四方異俗』之『多賊害』，俱不云『其地有人』；若曰南有虎豹、蝮蛇，西有豕首縱目、長爪踞牙之屬，北有連龍，則東方亦未嘗無螭龍並流，安得於此獨云『視聽杳然』，以異於三方也？今謂此《注》非也，或說得之。曰『水蕪之貌』者，宗讀爲蕪。《說文》：『蕪，盡也』，是其義。云『水蕪』者，《爾雅·釋水》：『水醯曰醯』，醯、醯字同，皆蕪之借字（今當子肖切。洪氏《補注》云：『蕪，沒也』，則讀如莊陷切矣，此大誤也）。尋《玄中記》曰：『天下之強者，東海之沃燠石焉，方三萬里，海水灌之隨盡，故水東流而不盈』（《藝文類聚》八，《太平御覽》五十二、六十，《文選·江賦》注並引此文，而繁省不同，文句頗異，此從《御覽》五十二引）。賦《大招》者之視湯谷，或當如著《玄中記》者之傳沃燠，故云『湯谷蕪只』，亦謂『海水灌之隨盡』爾。蓋古人見天下之水，東流而不溢，輒謂是必有如沃燠者以消之，否則亦當注湯谷而水蕪也。曰『湯』曰『燠』，謂當日出之地，灼熱如火，不沸即焦耳。《玄中記》書稍晚出，今故不敢必言當賦《大招》時已有沃燠之談，然神話之興，常先於文字，初民淳樸，想象又往往相

似，二者縱不必并爲一談，取以相證，自可以觀其會通也。

鼎臠盈望，和致芳只。

注：臠，熟也。致，致醎酸也。芳，謂椒薑也。言乃以鼎鑊臠熟羹臠，調和醎

酸，致其芬芳，望之滿案，有行列也。臠一作脰，《釋文》作臠，徒南切。洪氏《補注》：臠，臠也。

季海按：《注》云：『臠，熟』，鼎熟盈望，文不成義，《釋文》臠作臠，是也。《齊民要術·炙法》有『臠（奴感切）炙』，云：『羊、牛、麋、鹿肉皆得方寸樹切，葱白研令碎，和鹽豉汁，僅令相淹，少時便炙，若汁多久漬，則芻。撥火開，痛逼火，迴轉急炙，色白熟食，含漿滑美。若舉而復下，下而復上，膏盡肉乾，不復中食』，又『肝炙』云：『牛、羊、豬肝皆得樹：長寸半，廣五分，亦以葱、鹽、豉汁臠之。以羊絡肚臘脂裹，橫穿炙之』，又『臠炙法』：『肥鴨淨治洗，去骨作樹，酒五合，魚醬汁五合，薑、葱、橘皮半合，豉汁五合，合和漬一炊久，便中炙』，是『臠』者，謂以葱、鹽、豉汁漬之。《說文》無臠字，《肉部》有『臠』，云：『肉汁滓也，从肉，尤聲』，《唐韻》：『他感切』，與『臠』音義皆通（臠、臠皆舌頭音，南聲字古音當在侵部，尤聲字在談部，侵、談亦時相轉矣），臠本訓『肉汁滓』，引申之：以諸汁滓漬肉，亦謂之『臠』，字又从南作『臠』，或《故書》本爾；亦或自是孳乳而作新名，卽臠、臠爲古今字矣。上言鼎臠盈望，下言和致芳只，正謂調和之美，今本及《注》字作臠者，流俗不解鼎臠所謂，因探《招魂》『臠若芳些』句，而改之爾。《招魂》本嘗言『臠』，而《大招》有之者，豈亦晚出之一證歟？臠本用諸炙，《招魂》但云『煎鴻鵠些』，不言炙也；《大招》乃云『炙鵠烝鳧』，其言鼎臠則宜；疑懷、襄之世，楚不尚炙，而《大招》偶之者，亦足以見《大招》之作，與屈宋初不同時也。

敦煌本王仁昫《刊謬補缺切韻》殘卷《卅三感》：『脯，奴感切，煮肉，亦作醢、臠』，《廣韻·四十八感》亦云：『脯，煮肉』；洪氏云：『脯，臠也』；義皆从脯漬引申，此後來所名，不可以說《大招》。

吳酸蒿蕒。

注：蒿，繁草也。蕒，香草也。《詩》曰：『言采其蕒』也；一作茷蕒，《注》云：茷，菜也。言

吳人善爲羹，其菜若蕒，味無沾薄，言其調也。洪氏《補注》：《爾雅》云：『繁，皤蒿』，卽白蒿也，可以爲蔬。陸機云：『春生，秋乃香美可食』，又：『蕒，蒿也。葉似艾，生水中，脆美可食』。以菜和羹曰茷。不沾薄只。注：沾，多汁也。薄，無味也。言吳人工調醢酸，燔蒿蕒以爲齏，其味不濃不薄，適甘美也；或曰：吳酸齏醢，齏醢，榆醬也。一云：吳酢齏醢。洪氏《補注》：齏，音模；醢，音途。

季海按：劉氏《楚辭考異》出『吳酸』句，云『案《御覽》八百五十五引作毛蕒』；又：《注》云『案《御覽》八百五十五引作毛，菜也，言吳人齏爲至美』，尋《御覽》所引，與一本合，毛不从艸，又出《釋文》，洪校之外，或者尙仍《修文殿御覽》之舊，今作『蒿蕒』者，蓋流俗誤探下《注》『燔蒿蕒』之言，改故書耳。《注》云『茷，菜也』者，《儀禮·特牲饋食禮》、《少牢饋食禮》：鄭《注》亦云。戴震《毛鄭詩考正》云：『茷，菜之烹於肉涪者也。禮：羹、茷、菹、醢，凡四物。肉謂之羹，菜謂之茷，肉謂之醢，菜謂之菹。菹，醢生爲之，是爲豆實；茷則涪烹之，與羹相從，實諸鉶』，是也。此言以蕒蒿茷肉羹耳。今《注》云『或曰吳酸齏醢』者，茷古音在宵部，齏在幽部，音近相通，《說文·木部》：『枲从攷聲，讀若髦』，則知齏从攷聲，亦或讀如茷矣；蕒、醢，俱在侯部，蕒、醢聲轉，猶廬、除聲轉矣（《說文·酉部》：『醢讀若廬，孫愐《唐韻》音『同都切』，是也）。『茷蕒』、『齏醢』之異，蓋緣漢師

兩讀，故王《注》以『或曰』明之。《注》云『齧醢，榆醬』者，義亦見《說文·酉部》『齧』字下，《廣韻·十八尤》云：『齧醢，榆人醬』（見『齧』字下，《廣韻》以齧醢分入平聲《十八尤》『謀』，《十九侯》『頭』下，與敦煌本王仁昫《刊謬補缺切韻》殘卷之分入平聲《尤》、《侯》者合，《齊民要術·種榆》、《玉燭寶典·二月》引崔寔書『齧醢』，俱音牟頭。今《古逸叢書》本《寶典》：頭作須，形之誤也，是河北取韻若此矣。小徐《說文解字韻譜》依《切韻》音入去聲《候部廿七》作莫候、田候二反，與大徐引孫愐《唐韻》音合，豈所謂『江東取韻，與河北復殊』者耶？又《十一模》云『榆子醬』者，《齊民要術》有『作榆子醬法』云：『治榆子人一升』，是『榆子醬』即『榆人醬』也。《齊民要術·種榆》引崔寔曰：『二月，榆莢成，及青，收乾以爲旨蓄，色變白，將落，可作齧醢』，《注》：『齧醢，榆醬』；《玉燭寶典·二月》引崔寔《四民月令》文略同，而『將落』下云：『可收爲齧醬、醢醬』，《注》：『皆榆醬者』，是以齧醢爲一，與《說文》頗異矣。賈、杜同引一書，而參差如此，今亦未知孰得也。《廣韻》兩讀，其入《十模》者，即洪音矣。『吳酸』一云『吳酢』者，《說文·酉部》：『酸，酢也，關東謂酢曰酸』，《招魂》云：『和酸若芥，陳吳羹些』，又云：『鵠酸臠臠，煎鴻鵠些』，與許君所云『關東』語相應；然則關西語謂之酢也，史游《急就篇》云：『無黃鹽豉醢酢醬』，是也（下又云：『酸醢酢淡辨濁清』，顏師古《注》：『大酸謂之酢』，此別一義）。疑《大招》於此，本同關西語作『吳酢』，後人依《招魂》改之。《急就篇》云：『侍酒行觴宿昔醒』，顏師古《注》：『昔，夜也，經宿飲酒，故致醒也』，《大招》亦云：『魂乎歸徠，目娛昔只』，《注》：『昔，夜也。』《詩》云：『樂酒今昔』，言可以終夜，自娛樂也，用字亦與《急就

篇》相應，《招魂》云：『娛酒不廢，沈日夜些』（王《注》：『或曰娛酒不發』，洪校：『夜一作夕』），曰『朱明承夜兮，時不可以淹』，初不言『昔』，然則洪校《大招》云：『昔一作夕』者，非也。《大招》用字，與屈宋故多出入爾。

黏鵲鵲只。注：黏，燻也。言復黏鵲鵲，鵲列衆味，無所不具也。洪氏《補注》：黏，音潛，沈肉於湯也。

季海按：《說文·炎部》：『黏，火行也；从炎，占聲』，孫愐《唐韻》音『舒贍切』，非其義；此借爲『熬』，《說文》云：『熬，於湯中燻肉；从炎，从熱省。𩚑，或从炙』，孫愐音『徐鹽切』，是也。洪義見《禮器》：『三獻燂』鄭《註》。

四酎并執。注：醇酒爲酎。并，俱也。

季海按：《說文·竝部》：『竝，併也，从二立』，又《人部》：『併，並也，从人，并聲』，又《从部》：『并，相從也，从从，并聲』，一曰从持二爲并，併、并音義俱近，然此云『并執』，謂竝執也，則字當讀若併。《招魂》云『分曹竝進』，此言『并』者，《儀禮》今文『竝』皆爲『併』（見《士昏禮》、《聘禮》、《公食大夫禮》、《士喪禮》鄭《注》；惟《有司徹》鄭《注》，今本云『古文』並皆作『併』，《古文》乃『今文』之誤），《招魂》用字，與古文合，《大招》則漢人語耳。

吳醴白蘩，和楚瀝只。注：再宿爲醴。蘩，米麴也。瀝，清酒也。言使吳人釀醴，和以白米之麴，以作楚瀝，其清酒尤醲美也。

季海按：《山海經·中山經》：『首山，魍也。其祠用秬，黑犧，太牢之具，麴釀』，郭《注》：『以麴作醴酒也。』郝氏《箋疏》云：『案：「麴，牙米也」，見《說文》。今以牙米釀酒，極甘，謂之「醴酒」。』吳體白《箋》：『止謂吳以白麴作醴酒，猶《中山經》之有麴釀矣，言此者，貴之耳。』《和楚歷》：『謂和楚清酒而飲之。』若如王說，是楚歷之作，必待吳醴而成，殆不然矣。

朱脣皓齒

注：皓，白。言美人朱脣白齒。朱脣一作美人。

季海按：劉氏《楚辭考異》云：『《文選》：《上林賦》注、《舞賦》注、《嘯賦》注、《雪賦》注、《陸雲》爲顧彥先贈婦詩注、曹植《雜詩》注、《史記司馬相如傳索隱》、《御覽》三百六十八，並引作「美人皓齒」；今謂當作「美人皓齒」，諸書所引是也。王《注》足以朱脣，正爲齒白傳神，此所謂意內言外也。注家得此，庶云曲盡；若如今本，則《注》爲贅疣，叔師安得有此？蓋《招》文自此以下，徧寫諸美體貌，而於此句發之，故其曰「美人」云者，乃遙領下文，非偏屬「皓齒」也。』

麗以佳只

注：佳，善也。又性婉順，善心腸也。

季海按：王多以佳訓善，義不主於體貌，非也。楚人謂美好曰佳，《山海經》、《方言》、《說文》字又作娃（《北山經》：『發鳩之山』：『有鳥焉……名曰精衛……是炎帝之少女，名曰女娃』；《方言》：『二』：『娃，美也。吳、楚、衡、淮之間曰娃』，《說文·女部》：『娃』：『或曰吳楚之間，謂好曰娃』，是也）。《九章·惜往日》：『妒佳冶之芬芳兮』，佳一作娃；然李斯楚人，其《書》曰：『佳冶窈窕』，《淮南·脩務訓》：『形夸骨佳』，字止作佳。尋郭注《北山經》：『女娃』之文曰：『娃，惡佳反，語誤或作階』，其

實階、佳雙聲，同屬見紐，娃或作階，正楚語之遺，字當作佳耳（娃，佳在支部，而語作階，是楚音或讀如脂也）。郭氏困於所聞，祇以『惡佳反』爲正音，既不能得其本字，故輒云『語誤』矣。

美目嫵只。

注：嫵，黠也。言美目竊眄，嫵然點慧，知人之意也。洪氏《補注》：嫵，音綿，美目貌。

季海按：王云『嫵，黠也』者，嫵，讀若覲，《爾雅·釋言》：『覲，姑也』，《方言》第十云：『姑，猶也』，是其義。郝氏《爾雅義疏》云：『覲訓姑者，《釋文》引孫、李云：『覲，人面姑然也。』《方言》云：楚鄭或謂狡獪爲姑，姑猶獪也，凡小兒多詐謂之姑』，是李、孫義同，所引《方言》，臧鏞堂《爾雅漢注》，定爲孫引也』，是也。然《大招》明謂『美目』，又《方言》第二：『剝，獪，猶也』（郭《注》：古狡狴字）。秦晉之間曰獪，楚謂之剝，或曰獪，楚鄭曰爲（郭《注》：音指搗，亦或聲之轉也），或曰姑（郭《注》：音黠姑也）（孫引《方言》，卽出于此），《大招》雖出淮南，猶是楚語，信如王義，正當言姑，不言嫵也。洪氏以爲『美目貌』者，《方言》第二：『南楚江淮之間曰覲』（郭《注》：音縣，下作縣，音字同耳），或曰騰，好目謂之順，黠瞳之子謂之縣（郭《注》：言縣逸也），戴震《疏證》：『《楚詞·招魂篇》：『遺視縣些』，洪興祖《補注》引《方言》：『黠瞳之子謂之縣』；又作嫵，《大招篇》：『美目嫵只』，《補注》云：『嫵，音縣，美目貌』，今謂洪、戴說並是也。俱言美目，而又縣、嫵歧出者，郢中之與淮南，故不能無少殊異也。

接徑千里。

注：言楚國境界，徑路交接，方千餘里。

季海按：接徑楚語，猶貫穿、旁通云爾。《淮南·要略》曰：『接徑直施，以推本樸』，是也。王《注》

太拘。

田邑千畝，人阜昌只。 注：田，野也。畝，田上道也。邑，都邑也。言楚國田野廣大，道路千數，都邑衆多，人民熾盛，所有肥饒，樂於他國也。

季海按：邑謂封邑；田，食田也。田邑千畝，白據楚制言之。《戰國策第十四楚一》：『葉公子高食田六百畝』，又云：『此蒙穀之功多，與存國相若，封之執圭，田六百畝』，此云『千畝』，或舉成數，或更有邑，要指執政在位之封，謂平宜居之，非泛稱楚國也（觀其畝逾六百，是以存國之功許之，又可知也）。爲此言以招之，猶言有民人焉，有社稷焉，何以遠爲？王君未達楚制，故不得其解。

北至幽陵，南交趾只；西薄羊腸，東窮海只。 注：幽陵，猶幽州也。洪氏《補注》：《史記》曰：『北至于

幽陵，南至交趾，西至於流沙，東至于蟠木。』

季海按：《大戴禮記·五帝德》：孔子曰：『顓頊，黃帝之孫，昌意之子也，曰高陽』，《乘龍而至四海》：北至于幽陵，南至于交趾，西濟于流沙，東至于蟠木』，《史記·五帝本紀》：帝顓頊高陽，即本《五帝德》，但刪『乘龍』句耳，其記四至，全同大戴（今《史記》於流沙亦言『至』，然《正義》於此出『濟，渡也』，則唐本與大戴悉同），是西漢學者所傳帝高陽之四至若是矣。尋《離騷》云：『帝高陽之苗裔兮』，《注》云：『《帝繫》曰：『顓頊娶于騰隍氏女（今《大戴禮記·帝繫》云滕氏），而生老童（今《帝繫》作老童），是爲楚先』，《大招》四至，上同高陽，豈以是歟？然推其聞見，故是漢初人語也。《史記·五帝本紀》《帝堯》云：『於是舜歸而言於帝，請流共工于幽陵』，《正義》云：『《尚書》及《大戴禮》』

皆作幽州；然《集解》云：『馬融曰：幽陵，北裔也』，則馬本《尚書》作幽陵，疑古文所傳本如是也。方賦《大招》時，《古文尚書》，人間未有，而《大招》乃能云『北至幽陵』者，蓋取諸《五帝德》也。

直贏在位。注：贏，餘。言忠直之人，皆在顯位，復有贏餘賢俊，以爲儲副。

季海按：王氏說此，不惟迂曲，抑且不辭。使云：直餘在位，成何文理？尋《晏子春秋·內篇雜上·曾子將行章》：『晏子曰：今夫車輪，山之直木也。良匠揉之，其圓中規，雖有槁暴，不復贏矣』，《荀子·勸學篇》：『木直中繩，輒以爲輪，其曲中規，雖有槁暴，不復挺者，輒使之然也』，楊倞《注》：『挺，直也』，《晏子》曰：『贏，荀子曰：挺，贏亦挺也，俱謂直矣（凡廷聲字多有直義，《釋詁》：『頸、庭，直也』，其見於羣書者，又有挺、挺、挺、挺、廷諸名，詳郝氏《釋詁義疏》）。贏讀與贏同，《賦》云：『直贏』，重言以成文爾。

附

闕文一事

《鹽鐵論·相刺篇》：『文學曰：是以荆和抱璞而泣血，曰：『安得良工而剖之？』屈原行吟澤畔，曰：『安得良工而剖之？』』

季海按：『荆和』句今見《七諫·謬諫》，彼云：『和抱璞而泣血兮，安得良工而剖之？』『行吟澤畔』今見《漁父》，然原此言未見所出，不知是其逸句，抑他書所記？又不知曼倩、文學，同所受耶？將文

闕文存疑一事

季海按：莊忌於朔，雖年輩居尊，而論世相接（吳王濞招致天下之娛游子弟：枚乘、鄒陽、嚴夫子之徒，興於文、景之際，見《漢書·地理志》；忌從梁孝王入朝，在景帝時，見《司馬相如傳》；忌子助，以武帝善其對，獨擢爲中大夫，見《本傳》），《傳》又云：後得朱買臣、司馬相如、東方朔等，是論朔年輩，當與助相鴈行也。曼倩何緣襲其全句？疑斯言本出屈宋遺文，二子俱治楚辭，故遞相祖述耳。

尋《說文·竹部》：『箛，箛篴也；一曰博基也』、『篴，箛篴也』，《夏書》曰：惟箛篴、梧，洪言『箛與箛同』，是也。字當从竹，隸變从艸。《招魂》：『葦蔽象基』，《注》：『葦，玉也，蔽，箛篴，以玉飾之也；或言

菴蔀，今之箭囊也』，『菴，一作𦵏，一作篋』，篋蔽卽箭蔽，《說文》所謂『一曰博菴』者，正謂此矣。是《楚辭》箇例作篋（箇桂字別是一義，不在此例），觀忌、朔所傳，並書篋銘，與宋玉字例正合，益見此句本出郢中遺製，非忌所探臆自造也。又《說文·麻部》：『𦵏，麻蔀也』，《艸部》：『菴，麻蒸也』（段云：『𦵏，卽《艸部》之菴』，見𦵏字《注》），『蒸，折麻中餘也』（《補注》所出本此），然則『𦵏蒸』正謂『折麻中餘』也，段君折作析，《注》云：『析其皮爲麻，其中莖謂之蒸，亦謂之菴。』《毛詩傳》曰：『粗曰薪，細曰蒸』，古凡燭用蒸（見蒸字《注》），是也。諸本或作𦵏者，緣𦵏而誤，或作菴者，緣菴而誤，餘本紛紛，徒重訛襲謬而已。

楚辭解故續編

楚辭解故續編目錄

離騷第一

帝高陽之苗裔兮	二〇九
畦留夷與揭車兮	二一五
既替余以蕙纁兮，又申之以攬茝	二一九
怨靈脩之浩蕩兮	二一九
步余馬於蘭皋兮	二二〇
馳玉虬以乘鸞兮	二二一
恐鶉鴒之先鳴兮	二二五
忽吾行此流沙兮	二二六
陟阼皇之赫戲兮	二二七
九辯第二	
竊不自聊而願忠兮	二二六
九歌第三	
湘君一條	二二九

水周兮堂下

湘夫人二條

芻芳椒兮成堂

桂棟兮蘭橈

少司命二條

與女沐兮咸池

孔蓋兮翠旒

天問第四

何感天抑墜？夫誰畏懼？

兄有噬犬弟何欲？

九章第五

涉江二條

吾與重華遊兮瑤之圃

哀南夷之莫吾知兮

悲回風二條·····	二四二
草苴比而不芳·····	二四二
登石巒以遠望兮·····	二四三
遠遊第六·····	二四五
聞赤松之清塵兮，願承風乎遺則·····	二四五
卜居第七·····	二四六
將皖營栗斯，嗚咿儒兒·····	二四六
漁父第八·····	二四七
漁父莞爾而笑，鼓枻而去·····	二四七
招魂第十·····	二四九
其身若牛些·····	二四九
川谷徑復·····	二四九
經堂入奧·····	二五〇
挂曲瓊些·····	二五〇
九侯淑女，多迅衆些·····	二五一
容態好比，順彌代些·····	二五二

離樹脩幕·····	二五三
紅壁沙版·····	二五三
隅若芳些·····	二五四
鵠酸鵬臚·····	二五五
露雞虞鵠·····	二五七
瑤漿蜜勺·····	二六〇
挫糟凍飲·····	二六〇
目曾波些·····	二六一
長髮曼鬋·····	二六一
菰蔽象基·····	二六二
酎飲盡歡，樂先故些·····	二六七
倚沼畦瀛兮遙望博·····	二六八
懸火延起兮玄顏烝·····	二七一
抑驚若通兮，引車右還·····	二七五
與王趨夢兮課後先·····	二七六
湛湛江水兮上有楓·····	二七七

七諫第十二

謬諫一條……………二六

故叩宮而宮應兮，彈角而角動……………二六

惜誓第十五

獨不見夫鸞鳳之高翔兮，乃集大皇之櫓。* 循四極而

回周兮，見盛德而後下……………二七

大招第十六

鼎鑪盈望，和致芳只……………二八

吳醴白蘖，和楚漉只……………二八

二八接舞，投詩賦只……………二八

楚辭解故續編

《楚辭解故》已付印，又得遺義數十條，既不及改版，爰附于後，以爲《續編》云爾。語曰：『不應於近，遠有可察』，知遠易也；又曰：『目見毫毛，不見其睫』，自知難也。姑識吾疑，以俟君子，猶《解故》之志也。

離騷第一

帝高陽之苗裔兮。

注：高陽，顓頊有天下之號也。《帝繫》曰：顓頊娶于騰隍氏女，而生老僮，是爲楚

先。其後熊繆事周成王，封爲楚子，居於丹陽。周幽王時生若敖，奄征南海，北至江漢。其孫武王，求尊爵於周，周不與，遂僭號稱王，始都於郢。……屈原自道本與君共祖，俱出顓頊胤末之子孫。洪氏《補注》：皇甫謐曰：『高陽都帝丘，今東郡濮陽是也。』

季海按：此有三事當辨：一曰：顓頊所娶，《四部叢刊》影明翻宋本、汲古閣翻宋本《楚辭補注》出《章句》皆作『騰隍氏』，《湖北叢書》用隆慶重雕宋本《楚辭章句》引《帝繫》作『滕隍墳氏』，今謂當作『滕墳氏』，騰、滕音近字通，隍、墳形近而誤，隆慶重雕所據宋本並出隍墳字者，誤以校書者旁注舊本異同入正文也。知者，《四部叢刊》影明成化本《山海經大荒西經注》引《世本》云：『顓頊娶于滕墳氏』，是隆慶所據宋本《章句》引《帝繫》，與郭引《世本》正合，但衍『隍』字耳。墳當讀如《爾雅》：

『墳，大防』（見《釋丘·厓岸》）、『墳莫大於河墳』（見《釋地·八陵》）之墳，蓋厓岸隄防之謂。滕字从水，以河墳、汝墳、淮墳（潰、墳字通，詳郝氏《釋丘義疏》）例之，當亦水名，而《說文》以爲『水超涌也』者，許君又云：『涌，滕也；一曰涌水，在楚國』（亦見《水部》），滕从朕聲，涌从甬聲，蒸、京相轉，猶騰从朕聲，而《月令·孟春》以韻降、同、動，《孟冬》以韻降、通、冬，《大戴禮·勸學篇》以韻聰、窮也，是滕、涌本轉注字，滕水卽涌水，許書云『在楚國』者，段玉裁云：『《左傳·莊十八年》：「閭敖遊涌而逸，楚子殺之」，杜曰：「涌水在南郡華容縣」，華容，今湖北荊州府監利縣地，涌水在今江陵縣東南，自監利縣流入，夏水支流也。《水經》曰：「江水又東南，當華容縣南，涌水入焉」，酈云：「水自夏水南通於江，謂之涌口」』（見《說文》『涌』字《注》），是也。高陽爲楚之先，娶于涌墳，地望亦合矣。若《太平御覽》卷第一百二十五皇親部引《世本》、又《卷第七十九皇王部》引《帝王世紀》皆作『勝墳氏』，滕誤作勝，則形之誤也。《四部叢刊》影明袁氏嘉趣堂本《大戴禮記·帝繫篇》云『顓頊娶于滕氏，滕氏奔之子謂之女祿氏，產老童』者，《御覽·皇親部》引《帝系》云：『勝奔氏』，是《大戴禮·帝繫篇》舊本當作『滕奔氏』，袁本上句奪，下句倒，《御覽》引又譌其上字，然下字皆作『奔』，明故書如是。奔、墳聲通，與王師讀小異，非文有違錯也。雷學淇校輯《世本》謂《章句》：『陞』字衍文，賁與奔、墳皆通，並是也；然所輯既據《山海經注》誤本作『滕墳氏』，又以『字書無墳字』，遂謂『當是賁字之譌』，不悟字書有墳，墳、墳但爭一筆，又有明文足徵，是幾不見與薪，則其疎也。二曰：顓頊所都，《續漢書·郡國志》：『潁陽，古昆吾國』，劉昭《注》：『杜預曰：「古衛也。」《帝王世紀》曰：「顓頊自窮

桑徙商丘。」《左傳》曰：「衛，顓頊之墟」，杜預曰：「帝丘，昆吾氏因之，故曰昆吾之墟，縣城內有顓頊冢。」（劉引杜《帝丘》云云，見《春秋釋例·土地名·衛地》）《僖三十一年》本條下，但無末句，莊述祖、孫星衍校以爲脫文，近是），《金樓子·興王篇》多襲《世紀》之文，於《帝顓頊》亦曰：「始都窮桑，徙商丘」，《藝文類聚》卷十一《帝王部一》、《太平御覽》卷第七十九《皇王部四》、又《卷第一百五十五州郡部一》敍京都上引《帝王世紀》文句雖有詳略，而以爲「徙商丘」則同。《御覽·州郡部·敍京都》引《帝王世紀》云：「顓頊氏自窮桑徙商丘，於周爲衛……故《春秋傳》曰：「衛，顓頊之墟也，謂之帝丘」，今東郡濮陽是也」，上言「商丘」，下引「帝丘」，與劉《注》同，是謚、昭皆以爲顓頊所徙商丘卽帝丘；然謚書故作「商丘」，引《春秋傳》「帝丘」者，博異名而已。洪引皇甫云「都帝丘」云云者，見《五帝本紀集解》，豈晉宋所傳、裴駰所見《世紀》故書本亦作「帝丘」，與《春秋傳》正同，諸書或引作「商丘」字者，乃後來校刻不審之過邪（王應麟《通鑑地理通釋》卷第四：「《世紀》：顓頊氏自窮桑徙帝丘」，疑亦从他書轉引，然據是可知宋人所見諸家引《世紀》此文，故有與裴書合者）？尋《左·僖三十一年傳》：「遷于帝丘……衛成公夢康叔曰：「相奪予享」」，杜《注》：「相，夏后啓之孫，居帝丘」，是啓之孫相居帝丘，卽濮陽矣（然《太平御覽》卷第一百五十五州郡部一敍京都上引《帝王世紀》曰：「相徙商丘，於周爲衛，成公夢（鮑刻本誤作堯，今依《春秋傳》改）康叔曰：「相奪予享」，是也」，是皇甫以「帝丘」爲「商丘」也；又《左·昭元年傳》子產曰：「后帝不臧，遷閼伯于商丘，主辰。商人是以，故辰爲商星」，杜《注》：「后帝，堯也。商丘，宋地。主祀辰星，辰，大火也。商人，湯先相土封商

丘，因閼伯故國，祀辰星，是契之孫相土居商丘，杜預以爲宋地矣。然《御覽·敘京都》引《帝王世紀》曰：『《世本》：「契居番，相土（原奪土字，依《寰宇記》五十七）徙商丘」，本顓頊之墟，故陶唐氏之火正閼伯之所居也，故《春秋傳》曰：閼伯居商丘，祀大火，相土（土字今補，如上文）因之，故商主大火謂之辰，故辰爲商星，今濮陽是也』，是皇甫以『商丘』爲『帝丘』也。若此引《世紀》諸文，未嘗爲後人所亂，則皇甫正謂『商丘』卽『帝丘』矣。沈欽韓《春秋左氏傳地名補注》：『《僖公三十一年傳》：「相奪予享」下云：『《紀年》：「仲康七年世子相出居商丘，依邳侯。元年戊戌帝卽位，居商丘。」《續志注》：「《帝王世紀》曰：顓頊自窮桑徙商丘」，《括地志》以爲宋州，誤也。《寰宇記》：「濮州頓項遺墟，古曰帝丘，亦曰商丘。」《方輿紀要》：「舊濮陽城東有商丘，蓋帝丘之譌」，以此傳證之，知商丘卽帝丘矣。相因衛處其故墟，故求食。』文起所引出今本《紀年》，不足據。《太平御覽》卷第八十二《皇王部七》引《紀年》：『帝相卽位，處商邱』，王國維《古本竹書紀年輯校》：『案《通鑑外紀》：「相失國，居商丘」，《通鑑地理通釋四》云：「商丘當作帝丘」，《通釋》云：「蓋《世紀》之誤也」，王氏《書通釋》後亦云：『皇甫謐誤商丘於濮陽』，正謂是矣；然《通釋》引《世紀》乃云：『相徙帝丘』，則今本之誤也』，是宋以來學者，亦或以爲商丘卽帝丘，《寰宇記》所說是也；又或以爲商丘當作帝丘，洪氏《補注》、王氏《通鑑地理通釋》是也。文起主前說，《方輿紀要》主後說，此二說異同，或者卽皇甫與杜之異同，去古已遠，安得復覩張蒼所獻、東晉所校故書之真，以論定之哉？文起所見，特其一端而已；若云『《括地志》以爲宋州，誤也』者，尋《志》文及商丘而今可見者有二：其一《史記夏本紀正

義於引《帝王紀》『舜纂帝相，徙于商丘』下引此《志》云：『商丘，今宋州也』，是以相所居、舜所徙爲宋州，此與皇甫、杜說皆不合，蓋失之矣；其二《殷本紀正義》云：『《括地志》云：「宋州城，古關伯之墟，卽商邱也」；又云：「舜所封之地」，此以「關伯居商邱」爲宋地，正同杜義。杜於《昭元年注》云：「商丘，宋地」者，考《春秋釋例·土地名·宋地》『隱元年：宋、商、商邱』下云：『三名，梁國睢陽縣也。』《傳》曰：「陶唐氏之火正關伯居商邱，祀大火」，又曰：「宋，大辰之墟也」，然則商邱在宋地，《志》之宋州，卽《釋例》之睢陽，今河南商丘縣南是也，說本不誤；『又云』以下，乃同前惑者，蓋采別說，而失之弗考矣。然《志》文實未嘗以顓頊所徙之商丘爲宋州，此則文起之誤也。要之，商丘、帝丘，字形相近，古書多錯，未敢意必；若夫顓頊之墟，於周爲衛，今爲濮陽，則春秋以來，學者所傳，皇甫與杜，初無異辭也，『《晉書載記第八慕容廆》云：「廆以大棘城卽帝顓頊之墟也，元康四年，乃移居之」者，《通典卷第一百七十八州郡八》：「柳城郡：營州」下云：「棘城卽顓頊之墟，在郡城東南百七十里」，是在今河北盧龍東南，春秋時地屬山戎，戰國時屬燕，非衛境所及，故無當《春秋傳》矣。然自《五帝德》已云：『帝顓頊北至于幽陵，東至于蟠木』，《史記·五帝本紀》同，是盧龍雖處遐陬，猶在化內，棘城有顓頊之墟，亦足見遠人懷德之情，故無間華裔也。慕容父子，世奉中國，久慕諸夏之風，宜尤樂聞斯語，亦可卽廆因時俗所傳，從而實之，冀託高陽以自重耳。《通鑑地理通釋卷第四》考顓頊所都又引《郡縣志》：『高陽故城，在汴州雍丘縣西南二十九里』，王氏自注：『顓頊佐少昊有功，受封此邑（按此《注》亦本《元和郡縣圖志》，見《卷第七》「高陽故城」下）。《外紀》：「顓頊

都衛，故爲帝丘，後徙高陽，稱高陽氏」，使此說不謬，是高陽在今河南杞縣西南，蓋自濮陽南徙，相去亦不遠耳。尋《史記五帝本紀集解》引張晏曰：「高陽、高辛，皆所興之地名」，實此說所自出；然張既未言高陽所在，亦不云與帝丘先後，王書所考，未必卽子博意也。顏師古《漢書敘例》次晏於蘇林、如淳之間，尙論其世，當魏中葉矣。子博所言，既不見先秦舊書，亦兩漢諸師所弗道，予實淺學，未知本末，姑志所疑，待問云爾。三曰：顓頊所葬，或以爲在東郡，是有二說：一、《續漢書·郡國志三》：「東郡濮陽」，劉昭《注》引《皇覽》曰：「冢在城門外廣陽里中」，皇甫謐、酈道元主之，《水經注·淇水》：「又北逕白祀山東，歷廣陽里，逕顓頊冢西，俗謂之殷王陵，非也。」《帝王世紀》曰：「顓頊葬東郡頓丘城南廣陽里大冢」者，是也；二、劉昭《濮陽》《注》引杜預曰：「縣城內有顓頊冢」，莊述祖、孫星衍以爲《釋例》脫文，近之；然《左·昭十七年傳》：「梓慎曰：『衛，顓頊之虛也，故爲帝丘』」，杜《注》：「衛，今濮陽縣，昔帝顓頊居之，其城內有顓頊冢」，亦可昭隱括此《注》言之矣；是杜主冢在濮陽城中也。《山海經·海外北經》：「務隅之山」，郭《注》：「顓頊號爲高陽，冢今在濮陽，故帝丘也；一曰頓（原作頃，卽頓之壞字，今正）丘，縣城門外廣陽里中」，郭前說與杜《注》合，其「一曰」以下，卽皇甫所云也。酈宗皇甫，而郭先杜義者，江東河北，學術本殊，好尙不同，茲其一事歟？惟二說雖異，而地實相近，初不遠離濮陽境矣。今謂杜說，於漢魏無徵，觀郭《注》所傳，殆因緣帝丘之名，而附會之耳。《皇覽》所云，杜卽不信，《水經注》言「俗謂之殷王陵」，明時人未嘗以爲顓頊冢也。《皇覽》近出魏世，去酈未遠，而時俗已無可考，酈氏雖主斯說，亦但恃皇甫片言，以爲左驗，要於先秦兩

漢，無文可據，與杜說正同耳。推二說所興，終不離濮陽者，徒依旁《春秋傳》『衛，顓頊之虛也，故爲帝丘』之文耳，其實丘、虛之名，何必冢墓？斯亦穿鑿之過矣。尋《山海經·海外北經》：『務隅之山，帝顓頊葬于陽，九嬪葬于陰』，又《海內東經》：『漢水出鮒魚之山，帝顓頊葬于陽，九嬪葬于陰』，務隅、鮒魚，既一聲之轉，「務、鮒旁紐（今音務屬微，鮒屬奉，古無輕唇，當入明、並，隅、魚正紐同屬疑，並雙聲字。務古韻在幽部，鮒在侯部，隅在侯部，魚則魚部；幽之於侯，猶侯之於魚，語或相轉者，正段君所謂『同類爲近』也），段玉裁《六書音均表三》：幽、侯、魚同在《第二類》，又同爲顓頊、九嬪所葬之山，明是一地，而錯在二經；若內外或殊，北東亦異，則傳者之失也。今據《海內經》文，知顓頊所葬，實在漢水上游矣（《史記五帝本紀索隱》於『顓頊崩』下既引皇甫謐云：『葬東郡』，又引《山海經》曰：『顓頊葬鮒魚山之陽，九嬪葬其陰』；然無所發明，徒廣異聞而已）。夫生于若水（《帝繫》：『昌意降居若水』，『娶于蜀山氏，蜀山氏之子，謂之昌濮氏，產顓頊』；《水經若水注》：『昌意……娶蜀山氏女，生顓頊于若水之野』；《水經·若水》：『出蜀郡旄牛徼外，東南至故關，爲若水也』，《注》：『《山海經》曰：『南海之內，黑水之間，有木名曰若木，若水出焉』……黑水之間，厥木所植，水出其下，故水受其稱焉。若水沿流，間關蜀土』），娶于滕墳（說見前），葬于鮒魚，校其地望，未遠江漢之域也；《山經》先秦舊書，又有明文可據，以視《皇覽》以下晚出無驗之言，故彌足信矣。然則楚自熊繹而後，終能經營江漢，蔚爲大國者，亦庶幾踐高陽之蹟，而爲之堂構者矣。

陸留夷與揭車兮。 注：留夷，香草也。揭車，亦芳草，一名葭興，揭一作藹。洪氏《補注》曰：相如《賦》

云：『雜以留夷』，張揖曰：『留夷，新夷』，顏師古曰：『留夷，香草，非新夷，新夷乃樹耳。』一云：『留夷，藥名。』《爾雅》：『藕車，芎藭。』《本草拾遺》云：『藕車味辛，生彭城，高數尺，白花。』

李海按：《漢書·揚雄傳》錄《甘泉賦》曰：『列新雉於林薄』，服虔曰：『新雉，香草也。雉、夷聲相近。』師古曰：『新雉即辛夷耳，爲樹甚大，非香草也，其木枝葉皆芳。』今謂師古《漢書》注皆是也。後漢以來說辛夷者，惟顏氏爲能徵實矣。《山海經·北山經》繡山：『其草多芍藥、芎藭』，郭《注》：『芍藥，一名辛夷，亦香草屬。』郝氏《箋疏》：『懿行案《廣雅》云：『留夷，芍藥也。』張揖注《上林賦》云：『留夷，新夷也。』新與辛同，留聲轉。王逸注《楚詞·九歌》云：『辛夷，香草也』，是留夷即留夷，《離騷》之留夷，又即《九歌》之辛夷，與芍藥正一物也。郭《注》本《廣雅》及《楚詞》。郝云：留聲轉，留夷即留夷，與芍藥爲一物；新與辛同，新夷即辛夷，並是也。『留、留聲轉』者，《爾雅·釋器》：『衣梳謂之祝』，郭《注》：『齊人謂之留』，陸德明《音義》：『梳本又作流』，留與梳流雙聲，古韻同在幽部，是留謂之留，猶梳、流謂之留矣。大氏楚曰『留夷』者，齊語正謂之『留夷』耳。據顏師古《漢書·敘例》：『張揖，字稚讓，清河人』，原《注》：『一云河間人』，清河以南，便是齊分，河間亦去齊不遠，蓋齊趙間語，亦或同聲，故稚讓此讀，與齊言相應矣。若《詩·鄭·溱洧》：『贈之以勺藥』，毛《傳》：『勺藥，香草』，《正義》曰：『陸機《疏》云：今藥草勺藥，無香氣，非是也，未審今何草』者，是有二說：一者，王念孫《廣雅釋草疏證》：『留夷』條云：『案《西山經》云：『繡山，其草多芍藥』，《中山經》：『句桐之山，條谷之山、洞庭之山，竝云：『其草多芍藥』，則芍藥山草。《名醫別錄》云：『芍藥生中岳、川谷及邱』

陵」，陶《注》云：「出白山、蔣山、茅山最好，白而長大，餘處多赤」，與《山經》合，則古之芍藥，卽醫家之藥草芍藥也。今人畦種之，《離騷》所謂「畦留夷」者矣。其根莖及葉無香氣，而花則香，故毛《詩》謂之香草，是也。二者，《政和證類本草》「芍藥」下出《別說》云：「謹按本《經》：芍藥生丘陵、川谷，今世所用者，多是人家種植，欲其花葉肥大，必加糞壤，每歲八九月取其根分削，因利以爲藥，遂暴乾貨賣，今淮南真陽尤多。藥家見其肥大，而不知香味絕不佳，故入藥不可責其効。今考用宜依本《經》所說，川谷、丘陵有生者爲勝爾」，既云人家種植，必加糞壤，因利以爲藥者，香味絕不佳，則川谷、丘陵所生，未加糞壤者，香味當自佳也。《鄭》詩所咏，取諸溱洧，正是川谷所生，故毛《傳》以爲香草矣。《太平御覽》卷第九百九十藥部引《建康記》曰：「建康出芍藥，極精好」，是與陶《注》言蔣山最好者相應，然《御覽》同卷又引《晉宮閣名》曰：「暉章殿前芍藥華六畦」，殿前種此至六畦之多，則晉世好尚其華可知矣。吳晉相承，建康又出芍藥，恐此風自吳時已然。果爾，則陸《疏》所云「今藥草芍藥，無香氣」者，豈當時所見，亦出人家種植，利以爲藥，而香氣絕不佳者乎？然《政和證類本草》出《名醫別錄》稱芍藥：「一名白朮（原誤作木，今正）、一名餘容、一名犂食、一名解倉、一名鉗」，《御覽·藥部》引吳氏《本草》無犂食，有甘積（又鉗作鈺，疑誤），都不云留夷、犂夷者，蓋藥家或貴中岳，或尚建康，取用隨時，聞見亦異，荆楚、齊趙所生，既不爲時重，故其方名，無緣入錄矣。『新與辛同』者，《七諫·自悲》：「列新夷與椒楨」，洪氏《補注》：「新夷，卽辛夷也」，是曼倩已作新夷字也。然謂留夷卽辛夷，尙承漢晉諸儒之誤，蓋自王逸以速服虔、張揖、郭璞，於江南

嘉樹，故猶有所未諳也。《重修政和證類本草》卷第八朱字《神農本草經》有『芍藥』，又《漢書·司馬相如傳》錄相如《賦》曰：『勺藥之和』，師古《注》：『勺藥，藥草名，其根主和五臟，又辟毒氣，故合之於蘭桂五味，以助諸食，因呼『五味之和』爲『勺藥』耳。……今人食馬肝、馬腸者猶合勺藥而煮之，豈非古之遺法乎？』留夷卽芍藥，故一云『藥名』矣。

又按：郝懿行《爾雅義疏》云：『《御覽》引《廣志》云：『藹車香，味辛，生彭城，高數尺，黃葉白華。』《齊民要術》云：『凡諸樹有蛀者，煎此香冷淋之，卽辟也。』《尋《御覽》引《廣志》，與洪氏《補注》引《本草拾遺》文略同，然此文實出陳藏器，其爲《廣志》之文者，止『黃葉白華』一語耳。《重修政和證類本草》卷第十『二十五種陳藏器餘』云：『藹車香，味辛，溫，主鬼氣，去臭及蟲魚蛀蝨，生彭城，高數尺，白花。《爾雅》曰：『藹車，芎輿。』郭《注》云：『香草也。』《廣志》云：『黃葉白花』也。』此下又云：『《海藥》（當卽《南海藥譜》省稱）按：《廣志》云：『生海南山谷』，陳氏云：『生徐州』，微寒無毒，主霍亂，辟惡氣，薰衣甚好。《齊民要術》云：『凡諸樹有（原誤封木，今從《御覽》）蛀者，煎此香冷淋之，善辟蛀蝨也。』其《海藥》以上所引，卽出陳氏《本草拾遺》，《御覽》引《廣志》云云，具見於此矣。知非陳氏全襲《廣志》者，陳云：『白花』，《廣志》云：『黃葉白花』，陳云：『生彭城』（《南海藥譜》引云：『生徐州』，徐州卽彭城，地望不殊耳），《廣志》云：『生海南山谷』（見《海藥》引），此其異也；今《御覽》所引乃云『生彭城』，不云『生海南山谷』，是知正是陳書，非《廣志》也。推其致誤之由，當緣篇末『黃葉白花』一語，明引《廣志》，遂謂全文皆出於此，又移其名於簡端耳。

既替余以蕙纁兮，又申之以攬茝。 注：纁，佩帶也。又，復也。言君所以廢棄已者，以余帶佩衆香，行以忠正之故也；然猶復重引芳茝，以自結束，執志彌篤也。一云：又申之攬茝。五臣云：申，重也。攬，持也。

季海按：《淮南·道應訓》：『墨者有田鳩者，欲見秦惠王，約車申轅，留於秦，周年不得見』，《注》：『申，束』，《說文·申部》：『申，七月陰氣成體，自申束，从臼自持也』，是申有束義。字亦通作紳，《廣雅·釋詁》：『紳，束也』，王氏《疏證》云：『紳者，《韓子·外儲說篇》云：『一《書》曰：『紳之束之』，宋人有治者，因重帶自紳束也』，鄭注《內則》云：『紳，大帶，所以自紳約也』，《玉藻釋文》云：『紳，本亦作申，紳之言申也』，《衛風·有狐傳》云：『帶所以申束衣』，是紳與申同義，是也。今謂《離騷》此申，正當訓束，與《淮南》之文，故相應爾。蕙纁本謂以蕙爲佩帶，則以此自申束可知，束茝明言申束，則亦以爲佩帶可知，蕙茝互文，義自見耳。夫既以蕙纁見替，而復束之以攬茝，則其人之竟體芬芳，求福不回可知矣，此靈均之志也。《離騷》下言『覽余初其猶未悔』，蓋玩當句而益信乎其能不悔也。

怨靈脩之浩蕩兮。 注：靈脩，謂懷王也。浩猶浩浩，蕩猶蕩蕩，無思慮兒也。《詩》曰：『子之蕩兮』。言已所以怨恨於懷王者，以其用心浩蕩，驕敖放恣，無有思慮。

季海按：《文選·七發》：『今如太子之病者，獨宜世之君子，博見強識，承閒語事，變度易意，常無離側，以爲羽翼；淹沉之樂，浩唐之心，遁佚之志，其奚由至哉？』李善《注》：『唐，猶蕩也。』此云『浩唐』，與《離騷》言『浩蕩』者正同，李《注》蓋得其意。弟觀其文與淹沉、遁佚相次，則其爲『驕敖放

恣』可知矣。枚叔，淮陰人，蓋江淮之間語，時頗與荆楚同風矣。

步余馬於蘭皋兮。

注：步，徐行也。澤曲曰皋，《詩》云：鶴鳴于九皋。洪氏《補注》：皋，九折澤也；一

云：澤中水溢出所爲坎，《招魂》曰：皋蘭被徑。《九歌·湘君》：馳騁騫兮江皋。注：騫，以喻盛明也。

澤曲曰皋。言已願及鼂明，已年盛時，任重馳驅，以行道德也。鼂一作朝。又《湘夫人》：朝馳余馬兮

江皋，一云：朝馳騫兮江皋。夕濟兮西澨。注：濟，渡也。澨，水涯也。自傷驅馳不出湘潭之間。《九

章·涉江》：步余馬兮山皋，邸余車兮方林。注：邸，舍也。方林，地名。言我馬強壯，行於山皋，無所

驅馳；我車堅牢，舍於方林，無所載任也。以言已才德方壯，誠可任用，弃在山野，亦無所施也。邸一

作低。《招魂》：皋蘭被徑兮。注：皋，澤也。被，覆也。徑，路也。斯路漸。注：漸，沒也。言澤中香草

茂盛，覆被徑路，人無采取者，水卒增溢，漸沒其道，將至弃捐也。以言賢人久處山野，君不事用，亦將

隕顛也。

李海按：《漢書·賈山傳》載《至言》曰：『江皋河澨，雖有惡種，無不猥大』，顏《注》引李奇曰：『皋，水邊

澨地也』；又《郊祀志上》：『問者河澨皋陸』，顏《注》：『皋，水旁地。廣平曰陸。言水汎溢，自皋及

陸』（《史記·孝武本紀》當句《正義》引顏說本此）；尋顏云『水旁地』，大氏與王云『澤曲』相當，略足

以明皋之所在而已；殊未若李奇之能得地貌，言之彌詳，於義爲備也。《左·襄二十五年傳》稱：楚爲

掩爲司馬，『鳩藪澤』……『收隰皋』，《注》：『隰皋，水厓下濕，爲芻牧之地』；又《莊子·知北游》云：『山

林與？皋壤與？使我欣然而樂與？』：夫『下溼曰隰』（見《釋地》），柔土曰壤（見《說文·土部》），

左、莊之文，與皋相次，正以類舉，則其爲淤地可知矣。《九歌》再言江皋，與賈山同辭，水邊淤地，豈馳馬之所？永言及此，則平之離慙失職可知矣。《懷沙》故云：『伯樂既沒，驥焉程兮？』文之隱顯、曲直雖異，其義則一也。《涉江章句》云：『行於山皋，無所驅馳』，足以見意矣。《湘君章句》又以電明盛時爲言，則非也。《歌》云：朝夕，明終日驅馳，《湘夫人章句》云：自傷不出湘潭之間，則蹙蹙靡所騁可知也。叔師之《注》，蓋得之於《湘夫人》，而失諸《湘君》也。賈山言：江皋惡種，無不猥大，則皋蘭茂盛，至於覆被徑路，亦宜矣。然水邊淤地，人所希至，步馬蘭皋，獨有遷客，盛時勿采，斯路亦漸，此騷人之所以永哀也。

洪云『皋，九折澤』者，此引《韓詩》而誤，《詩鶴鳴釋文》引《韓詩》：『九皋，九折之澤』，鄭《箋》亦云：『自外數至九』，非以皋爲九折澤也。洪引『一云』，見《詩鶴鳴》鄭《箋》，毛、鄭又以爲澤、坎者，段氏《說文解字注》云：『皋有訓澤者，《小雅鶴鳴傳》曰：『皋，澤也。』澤與皋析言則二，統言則一，如《左傳》『鳩藪澤』、『牧隰皋』並舉，析言也，《鶴鳴傳》則皋卽澤。澤藪之地，極望數百，沆瀣晶滌，皆白氣也，故曰皋』，是也。其實皋本水邊淤地，或漸之水，卽成澤坎，鄭《箋》所云是也，當其無水，又近類隰，故左氏云：『隰皋』，《漢書·司馬相如傳》載《上林賦》：『亭皋千里』，顏《注》亦云：『爲亭候於隰隰之中，千里相接』也。然讀《楚辭》者，蓋得李奇之言，而尤灼然有以見作者之用心也。

騶玉虬以乘鸞兮。 注：有角曰龍，無角曰虬。鸞，鳳皇別名也。《山海經》云：鸞身有五采，而文如鳳，鳳類也，以爲車飾。言我設往行游，將乘玉虬，駕鳳車。洪氏《補注》：言以鸞爲車，而駕以玉虬也。

駟，一乘四馬也。相如《賦》云：六玉蚪，謂駕六馬，以玉飾其轡勒，有似玉蚪也。又：駕八龍之婉婉兮。注：言已乘八龍神智之獸，其狀婉婉。

季海按：《毛詩》干旄正義引許慎《五經異義》：「天子駕數，《易》孟、京，《春秋》公羊說：天子駕六，《毛詩》說：天子至大夫同駕四，士駕二。《詩》云：一四駟（《干旄正義》引作『牡』，誤。陳壽祺輯作『駟』，與《公羊隱元年正義》引文合，今從之）彭彭，武王所乘，「龍旂承祀，六轡耳耳」，魯僖所乘，「四牡騤騤，周道倭々（《干旄正義》引作『倭』，陳輯作『倭』，與《公羊隱元年正義》引文合，今從之）遲」，大夫所乘。謹案：《禮·王度記》曰：「天子駕六，諸侯與卿同駕四，大夫駕三，士駕二，庶人駕一」，說與《易》、《春秋》同，又引鄭玄《駁》曰：「玄之聞也，《周禮·校人》：「掌王馬之政。凡頒良馬而養乘之，乘馬一師四圉」，四馬爲乘，此一圉者養一馬，而一師監之也。《尚書·顧命》：諸侯入應門，「皆布乘黃朱」（僞孔本割裂此文，入《康王之誥》中，非是。馬、鄭、王本自「高祖寡命」已上，並在《顧命》之篇——詳《康王之誥正義》，蓋孔壁古文如是），言獻四黃馬，朱鬣也。既實周天子駕六，《校人》則何不以馬與圉，以六爲數？《顧命》諸侯，何以不獻六馬？《王度記》曰：「大夫駕三」，經傳無所言，是自古無駕三之制也」（諸書引許、鄭此文，詳陳壽祺《五經異義疏證》，茲從略）；又《公羊隱元年傳疏》引《異義》：「公羊說引《易經》云：「時乘六龍，以馭天下」也，知天子駕六」，又引鄭《駁》云：「《易經》「時乘六龍」者，謂陰陽六爻上下耳，豈故爲禮制？《王度記》云「今天子駕六」者，自是漢法，與古異，「大夫駕三」者，於經無以言之」；又劉昭注《續漢書·輿服志》：「乘輿」，「所御駕六」，

亦引《逸禮·王度記》及《易》京氏、《春秋》公羊說：『天子駕六』及許慎、鄭玄說，又引《史記》曰：『秦始皇以水數，制乘六馬』，是漢法駕六，實因秦制，《禮·王度記》、《易》京氏、《春秋》公羊說：『天子駕六』，於古無徵，具如鄭《駁》。《離騷》云：『馳玉虬』，與《詩》『四牡騤騤』之文正合，明大夫駕四也；又云：『駕八龍』，雖屬想象之辭，亦足明古者自大夫以上，至于天子，初未嘗以駕數多寡爲等差也。必如《王度記》、《易》京氏、《春秋》公羊所說，天子不過駕六，豈均何人，乃敢侈言駕八乎？駕三、駕四，抑又不足辨矣。觀於屈《賦》，則知毛《詩》說：『天子至大夫同駕四』者，最爲審諦，而鄭君之駁，雖發墨守可也。若洪引相如《賦》云『六玉虬』（見《上林賦》）者，亦據漢制言之耳。

附論《公羊》說得失及《王度記》作者

尋何休《公羊隱元年傳解詁》云：『《禮》：大夫以上至天子皆乘四馬』，陳義閎雅，與毛《詩》說合，絕非《公羊》俗師之附會《易》義，妄言『天子駕六』者所能企及（大氏諸家之苟爲此說，亦欲取媚時王耳。漢之俗儒，故有曲學阿世者矣），其引《禮》亦遠勝《王度記》之雜取齊宣、依違秦漢也。許君《異義》出公羊說引《易經》，乃猥云：『時乘六龍，以馭天下』，陳氏《疏證》云：『案今《易》無『下』字，以《易》韻考之，此爲衍字』，正恐本非衍字。觀何邵公作《解詁序》，斥當時末師之陋，已云：『援引他經，失其句讀，以無爲有，甚可閔笑』，此正『援引他經』，則『失其句讀，以無爲有』，又何足怪？叩此一端，益見邵公之言，彌可信耳。邵公自謂『往者略依胡毋生《條例》，多得其正』（亦見《序》），然則《解詁》於此，豈即依胡毋生《條例》，故獨得其正邪？

右論《公羊》說得失

始皇二十六年，秦初并天下，《史記·秦始皇本紀》云：『始皇推終始五德之傳，以爲周得火德，秦代周德，從所不勝，方今水德之始』，於《封禪書》亦云：『自齊威宣之時，騶子之徒，論著終始五德之運，及秦帝而齊人奏之，故始皇采用之』，《本紀》又云：『數以六爲紀，符、法冠皆六寸，而輿六尺，六尺爲步，乘六馬，……以爲水德之始』，《集解》引張晏曰：『水北方黑，終數六』，又引瓚曰：『水數六，故以六爲名』，是天子駕六，實防於是時，劉昭引《史記》以明漢制所出，是矣。秦數以六爲紀，既有取於齊人所奏騶子之徒所論著，始皇東巡，至平泰山下，又『徵從齊魯之儒生博士七十人』（見《封禪書》）；至三十四年，《始皇置酒咸陽宮，博士七十人前爲壽》，而齊人淳于髡亦在其中（見《秦始皇本紀》）；則三十四年以前，齊學亦頗行於秦矣。《王度記》明謂『天子駕六』，是其成書已在二十六年以後，《禮記雜記正義》引《別錄》：『《王度記》云：『似齊宣王時淳于髡等所說也』，度向爲此言，或緣《記》文多有道宣王時事並髡等遺說者，然據『駕六』之文，知非當時之書矣（古者『天子至大夫同駕四』，淳于髡等不容不知）。按《秦始皇本紀》：三十四年，因李斯之請：『非《秦記》皆燒之，非博士官所職，天下敢有藏詩書百家語者，悉詣守尉雜燒之，有敢偶語詩書棄市』，若以此《記》爲秦始皇二十六年以後、三十四年以前齊人所作，宜差可信；然鄭君《駁異義》云：『《王度記》云『今天子駕六』者，自是漢法』，未知康成意謂此《記》全出漢人，抑『駕六』之文，是漢人所加也？且如鄭引『天子』上又有『今』字，使非誤衍，則直記時王之制甚明（據《曲禮正義》：『案《大戴禮·王度記》云云，是此

《記》實嘗收入大戴書中，但今佚耳。丁晏《佚禮扶微》輒云『《大戴禮》無此文，孔《疏》誤』者，非也。《記》文既爲漢師所錄，自可曾經潤色矣。二戴《記》中有本是一書，而文相出入者，正由二君各有損益也，以是言之，苟非秦并天下後所造，卽漢西京之撰矣，要非六國之書也。

右論《王度記》作者

恐鵽鵽之先鳴兮。

注：鵽鵽，一名買鵽，常以春分鳴也。鵽一作鵽。

季海按：敦煌本《楚辭音》正作鵽，達計、達兮、徒典三反，具詳異讀，而無異文。《文選》亦作鵽，諸唐人所引，復多從鵽（《史記曆書索隱》、《漢書楊雄傳注》、《後漢書張衡傳注》），蓋隋唐舊本如是。《廣韻》於鵽惟曰『鵽鵽』，《集韻》引《說文》『鵽鵽或从弟』而已，尙不以爲鵽鵽字。今本作鵽，當出宋人。鵽有弟音，流俗遂作鵽字耳。敦煌本《楚辭音》又云：『鵽，又鵽同。』唐人引多作鵽鵽，與又本合。劉申叔《楚辭考異》謂隋唐已有作鵽之本，引《玉燭寶典》《文選注》證之，當時未見敦煌卷子故也。今據審公所引《文釋》，與李善《思玄賦注》引服虔說悉同（偶有出入，是傳述小異），俱云鵽鵽。《藝文類聚》卷第三歲時上春引《臨海異物志》曰：『鵽鵽，一名田鵽（李善《思玄賦注》引此《志》：『田鵽』作『杜鵽』者，流俗習聞『杜鵽』，不聞『田鵽』，輒改故書耳。歐、李相去未遠，所見宜同矣），春三月鳴，晝夜不止，音聲自呼。俗言取梅子塗其口兩邊皆赤，上天自言乞恩（影宋紹興本及明王元貞校本並作『思』，非是，思卽恩之壞字耳），至當麥子（王元貞本作『自』，非是）熟，鳴乃止耳』，亦云鵽鵽。其曰『一名田鵽』者，蓋卽鵽鵽語轉，審公鵽有三音，其三曰『徒典反』者，與田聲韻

悉同，但平上異耳（於《廣韻》：『田』在《先》韻，『徒典反』則在《銑》韻，《銑》即《先》之上聲）。是作鳩之本，又不始於隋唐也。古今釋此文者，大抵不出三家：其一主買鳩，即子規，王氏以下是也。其一主伯勞，騫公引《文釋》，李善引服虔是也。其三主布穀，《楚辭音》、《張衡傳注》引《廣雅》是也。其文與今《廣雅》不合，當由討論未精，章懷亦承舊音之誤耳。王氏《疏證》駁之，是也。尋《漢書·揚雄傳》載《反離騷》：『徒恐鷦鷯之將鳴兮』，宋祁校本於顏師古《注》末出：『韋昭曰：鷦鷯，趣農鳥也』，是此說實本弘嗣。觀《疏證》引《玉篇》諸文，則知陳隋間人所見略同，承訛已久。今本出於曹憲《集韻》引《博雅》：鷽鷽，子鳩也。與今正同，惟鷽、鷽爲異，亦據曹本也，專門之學，宜加審正耳。其主伯勞者，徒以鷽、鷽音聲相附，不嫌同呼，然《夏小正》云：『鷽者，百鷽也。』《爾雅》：『鷽，伯勞也。』不聞伯勞更名鷽鷽。以此改王，毋乃專輒。王云：『恐鷽鷽以先春分鳴，使百草華英摧落，芬芳不得成也』，《臨海異物志》亦云：『春三月鳴，至當麥子熟，鳴乃止』（李善《思玄賦注》引此《志》云『夏末乃止』者，取其意耳，原文當如《藝文類聚》所引），此以鷽鷽先鳴，見地氣劇轉，衆芳後時，故云芬芳不得成，理本無謬。江氏以春鳥譏之，不然耳（李善引服說，未詳所據，疑不出子慎，今本字誤爾）。

忽吾行此流沙兮。 注：流沙，沙流如水也。《尚書》曰：『餘波入于流沙。』洪氏《補注》：『《山海經》：『流沙出鍾山，西行』，《注》云：『今西海居延澤』，《尚書》所謂『流沙』者，形如月生五日。』**遵赤水而容與。** 注：遵，循也。赤水，出崑崙山。容與，遊戲兒。言吾行忽然過此流沙，遂循赤水而遊戲。洪氏《補注》：

《博雅》云：『崑崙虛，赤水出其東南隅，……入南海』，《穆天子傳》曰：『遂宿于崑崙之阿，赤水之陽』，《莊子》曰：『黃帝游乎赤水之北，登乎崑崙之丘。』

季海按：《山海經·大荒南經》：『南海之外，赤水之西，流沙之東』，郭《注》：『赤水，出崑崙山，流沙，出鍾山也』，與王、洪《注》合，然據《山經》之文，則赤水在流沙之東也。《大荒南經》又曰：『有阿山者，南海之中，有汜天之山，赤水窮焉』，郭《注》：『流極於此山也』，是赤水流入南海，《博雅》之言是也。遂遵赤水，明去國已遠，復容與水上，見疑滯之情，《涉江》曰：『船容與而不進兮』，正是此意，若篇末云：『僕夫悲余馬懷兮，馳局顧而不行』，則情之所極，一吐空喉矣。必發興於赤水者，《大荒南經》又曰：『赤水之東，有蒼梧之野，舜與叔均之所葬也』，然則靈均之『遵赤水而容與』，亦將東望蒼梧，有感於舜之事乎？

陟陞皇之赫戲兮。 注：皇，皇天也。赫戲，光明兒。一無陟字，陞一作升。洪氏《補注》：《西京賦》云：『叛赫戲以輝煌』，赫戲，炎盛也。戲與曦同。

季海按：王、洪義並是也。洪引《西京賦》云：『炎盛也』者，本薛綜《注》；云『戲與曦同』者，《黃帝內經素問·五常政大論篇第七十》：『赫曦之紀，是謂蕃茂』，王冰《注》：『物遇太陽，則蕃而茂』，是赫曦即赫戲也。曦、戲雙聲。《說文》無曦字，以形聲準之，古音當在歌部。戲字古有二讀：其一在歌部，《說文·戈部》：『戲，三軍之偏也，一曰兵也，从戈，盧聲』，段氏《注》：『古音蓋在十七部，讀如驪，盧从豆、从屯，虞从鬲、从屯，屯皆謂器之飾，非聲也』，又《說文·手部》：『驪，旌旗，所以指麾也，从

手，靡聲』，段氏《注》：『段借之字作戲，《淮陰侯傳》、《項羽本紀》皆曰「戲下」，是也。古音在十七部』，是靡、戲同音；《禮記·儒行》：『言加信』四句，以義韻戲，是義、戲同部也。其一在魚部，《遠遊》以居、戲、霞、除爲韻，段氏《六書音均表》第四第五部（即魚部）云：『戲，虔聲，在此部，屈《賦》：『遠遊』一見』，是也。然段君於《注》則謂在十七部，《表》又謂在第五部，一人之言，兩說互異者，各有所見，未及整齊耳。王念孫《古韻譜》歌、魚兩收，蓋得之矣。然則戲之爲曦，亦猶戲有歌音耳。《九辯》以瑕韻加，楚音魚、歌亦或相轉矣。王逸云：『光明』，王冰云：『太陽』，則戲、曦俱借爲昕，《說文·日部》：『昕，旦明，日將出也，从日，斤聲，讀若希』，是也。《詩·齊風》：『東方未晞，顛倒裳衣』，《傳》曰：『晞，明之始升』，晞即昕矣。昕从斤聲，古音本在諄部，然《詩》字作晞，是齊人正讀若希，與汝南讀相應。晞、希當在脂部，而《離騷》字作戲者，《楚辭》：魚歌、歌脂，時相爲韻（魚、歌相協見前，歌、脂相協見《九歌》、《遠遊》；《東君》以蛇協雷、懷、歸，《遠遊》以妃、歌、夷、蛇爲韻），音故相近，然則所謂之晞、戲，亦齊、楚間轉語，故叔師以赫戲爲光明兒矣。

九辯第二

竊不自聊而顧忠兮。注：意欲竭死，不顧生也。聊一作料。洪氏《補注》：料，量也，音聊。又：罔流涕以聊慮兮。注：愴然深思，而悲泣也。又《九章·惜往日》：恬死亡而不聊。注：忍不貪生而顧老也。又：《招隱士》：歲暮兮不自聊。注：中心煩亂，常含憂也。

季海按：聊，古音在幽部。料，《說文》：『讀若遼』（見《斗部》），則在宵部。聊、料聲同，而韻則異。《楚辭》自作『聊』，一本非也。王《注》或曰『顧生』，或曰『顧老』，皆所以釋『聊』。顧謂之聊，正是楚語，顧亦慮也，故宋玉又云『聊慮』矣。

九歌第三

《湘君》：水周兮堂下。

注：周，旋也。言己所居在湖澤之中，流水周旋己之堂下，自傷與魚鱉同爲伍

也。又《湘夫人》：築室兮水中。注：屈原因於世，願築室水中，託附神明而居處也。又《河伯》：魚

鱗屋兮龍堂，紫貝闕兮朱宮。注：言河伯所居，以魚鱗蓋屋，堂畫蛟龍之文，紫貝作闕，朱丹其宮，形容異制，甚鮮好也。《文苑》作珠宮。洪氏《補注》：河伯，水神也，故託魚龍之類，以爲宮室。闕，門觀也。

季海按：《韓非子·內儲說上》：『齊人有謂齊王曰：『河伯，大神也。王何不試與之遇乎？』臣請使王遇之』，乃《乾道本誤作遇，此从王先慎校改》爲壇場大水之上，而與王立之焉（季海謂：此『立』當讀爲涖，義見《周禮》『司市』、『鄉師』鄭司農《注》、『史記范雎蔡澤列傳索隱』）。有閒，大魚動，因曰：『此河伯』，今謂韓非此說，雖同寓言，而其寫迎神之狀，以《九歌》證之，則時俗實爾，善說者故能近取譬矣。河伯水神，將與之遇，乃爲壇場大水之上，湘君、湘夫人既湘水之神，禮亦宜之。是知《九歌》：《湘君》之堂、《湘夫人》之室、《河伯》之堂屋、宮闕，亦水上壇場之比，蓋皆當時迎神之實景云爾。靈均此倡，雖或緣情，要非徒構虛辭，單憑想象而已也。叔師於楚俗祭祀之禮，事神之

敬，殆猶有所未諳，故不得其解耳。劉師培《文說·宗騷篇》曰：『孔蓋翠旒，遺制仍沿皇舞；龍堂貝闕，巨觀半屬靈祠』，雖未遑遠引韓子，近質湘靈，但論所見，故已度越前賢矣。

《湘夫人》：羽芳椒兮成堂。

注：布香椒於堂上。一云：播芳椒兮盈室。洪氏《補注》：羽，古播字，本作

羽。《漢官儀》曰：椒房，以椒塗壁，取其溫也。

季海按：聞一多援《儀禮·士喪禮》、《周禮·掌屨》、《考工記·匠人》鄭《注》，以成爲飾成；又以『一本成作盈』，爲『不知成義而臆改』（見聞氏《楚辭校補》），並是也。其實自姬漢以還，下逮李唐，凡竟飾治之功者，猶謂之成矣。張彥遠《歷代名畫記卷第三》：『記南京外州寺觀畫壁』，其記『上都』，於『淨土院』曰：『次北廊向東塔院內西壁吳畫金剛變，工人成色，損』；於『安國寺』曰：『殿內（大佛殿）正南佛，吳畫，輕成色』；於『寶應寺』曰：『多韓幹白畫，亦有輕成色者』；於『勝光寺』曰：『塔東南院周昉畫水月觀自在菩薩掩障，菩薩、圓光及竹，並是劉整成色』，此以布色爲成也。亦有單稱成者，其記『東都』，於『敬愛寺』曰：『東間彌勒像，張智藏塑，陳永承成』；『大殿內……維摩詰、盧舍那，並劉行臣描，趙龜成』；亦有父子異業，如劉行臣描、子茂德成者（張氏所記敬愛寺大殿內：『法華太子變』，即劉茂德成）；『西禪院內日藏、月藏經變及業報差別變，吳道子描，翟琰成』；又『講堂內金銅幡十三口，張李八寫，并成』、『畫絹幡十三口，張李八寫，并成』；是成者，所以畢畫、塑、描、寫之功，故康成曰：『飾治畢曰成也』（見《儀禮士喪禮注》）。

桂棟兮 注：以桂木爲屋棟。蘭橈 注：以木蘭爲橈也。洪氏補注：《說文》：『椽也。』一曰星椽，猶前

木（星常作屋，形之誤也。見《廣韻三十二咍》）。《爾雅》曰：「桷謂之椳。」

季海按：段氏《說文解字注》云：「按《西都賦》：『列桷以布翼』下，又云：『裁金壁以飾當』；《西京賦》：『結桷以相接』下，又云：『飾華椳與壁當』；《魏都賦》：『桷椳複結』下，又云：『朱桷森布而支離』。椳必與桷連言，而別於椳、桷，則椳、桷爲屋椳，椳爲複屋之椳可知。簷雷在複屋，故《廣韻》曰：『屋椳簷前木。』此椳、椳二篆相屬，亦此意也。當是本作椳，椳椳也，謂屬於椳之椳」（見《木部》『椳』字《注》），段說桷椳義是也。然此漢人語耳，未可以說《九歌》；段君《注》又引《九歌》此文及王《注》，則非也。《說文·木部》：「椳，秦名爲屋椳，周謂之椳，齊魯謂之椳，是楚謂之椳，亦別國殊語耳，與周、秦、齊魯，故各有土風也。《湘夫人》以棟、椳並舉，初未嘗與桷連言，知王《注》以椳爲椳，不可復易，複屋之椳，無當《九歌》也。《左·襄三十一年傳》：子產曰：『子於鄭國，棟也。棟折椳崩，僑將厭焉』，然則棟、椳連文，由來舊矣。《荀子·哀公篇》：『孔子曰：君入廟門而右，登自阼階，仰視椳棟，俛見几筵』，依鄭君《匠人注》：『魯廟有世室』，蓋依夏禮，是椳棟相連，故無關重屋也。《孟子·盡心下》：孟子曰：『堂高數仞，椳題數尺，我得志弗爲也』，趙《注》：『椳題，屋雷也。高堂數仞，振屋數尺，善汰之室，使我得志，不居此堂也』，趙云：屋雷，粗明椳題所在而已，學者故不得援段《注》：『簷雷在複屋』之言，輒意趙謂《孟子》『椳題』在複屋也。趙《注》：『振屋』，振借爲宸，《說文·部》：『宸，屋宇也』，是也。趙君正以宸屋數尺釋椳題數尺耳。《淮南·本經訓》：『椳椳椳題』，《注》：『椳，椳椳也。椳，屋垂也。椳，棟也。題，當也』；又《主術訓》：『脩者以爲欄椳』，《注》：『欄，屋垂』；

椽，櫨（《四部叢刊》影北宋本誤作穩，今正也），《淮南》言『椽題』與《孟子》同，舊《注》又以棟、櫨說椽者，以其傳次相屬，因舉類以明之耳。然《淮南》云：『椽櫨』，義當如段君所說，椽謂複屋之椽矣。《廣韻》稱『椽簷』，蓋出於此。段以椽爲『屬於櫨之椽』者，此以櫨爲複屋棟，用許君義也。

《釋名·釋宮室》：『櫨，隱也，所以隱櫨也。……或謂之棟』，又云：『櫨，……或謂之椽，……或謂之椽，在櫨旁下列，衰衰然垂也』，是青俗櫨亦棟也，又徧釋諸名，而不及椽，疑初無此言矣。《淮南》言『椽』，兩《注》不同，《本經》云：『棟』，是棟、櫨有別，與許書合；《主術》云：『櫨』，是櫨亦棟，與《釋名》合。今謂許、劉之異，即南、北之分也。許書屋櫨字作檐，不作櫨，與《本經訓》合，又云：『椽，椽也』，與《本經注》合，是此《注》本出許君。櫨棟有別，椽謂之椽，本出南俗，許君南人，故言之尤詳耳。《主術注》棟謂之櫨，又與成國義合者，蓋出高《注》，誘既北人，故同俗耳。段氏墨守許書，遂以《釋名》爲非（語見『櫨』字《注》），苟能察其顛理，則亦言各有當也。

《少司命》：與女沐兮咸池。注：咸池，星名，蓋天池也。一作咸之池。洪氏《補注》：咸池，見《騷經》。

晞女髮兮陽之阿。

注：晞，乾也。《詩》曰：『匪陽不晞。』阿，曲隅，日所行也。言已願託司命，俱沐咸

池，乾髮陽阿，齋戒潔己，冀蒙天祐也。洪氏《補注》：《淮南》曰：『日出湯谷，浴于咸池，拂于扶桑，是謂

晨明；登于扶桑，是謂朏明；至于曲阿，是謂旦明。』又東方朔《七諫·自悲》：『屬天命而委之咸池。』注：

咸池，天神也。言屬祿命於天，委之神明而已。洪氏《補注》：《淮南》云：『咸池者，水魚之囿也』，《注》

云：『水魚，天神。』

季海按：《離騷》：『飲余馬於咸池兮，馳余轡乎扶桑』，王《注》云：『咸池，日浴處也』，又云：『摠，結也。扶桑，日所拂木也。言結我車轡於扶桑，以留日行，幸得不老，延年壽也』，是也；若《九歌》、《七諫》之文，此別有說，王君弟弗深考耳。尋《淮南·天文訓》：『紫宮者，太一之居也；軒轅者，帝妃之舍也；咸池者，水魚之囿也』（高《注》：『咸池，星名。水魚，天神』，洪氏所引即此文）；天阿者，羣神之闕也（高《注》：『闕，猶門也』）；四宮者，所以爲司賞罰，高《注》：『四宮：紫宮，軒轅，咸池，天阿』，是『咸池』實四宮之一；『陽之阿』，蓋即天阿，淮南所謂『羣神之闕』，亦四宮之一矣。此皆『所以爲司賞罰』，故《九歌》言：『願託司命，俱沐咸池，乾髮陽阿』；《七諫》云：『屬天命而委之咸池』也。王《七諫注》云：『咸池，天神』者，此既不得其說而爲之辭，洪《補注》又援高《注》以申之，是未悟前車之已覆也。大氏《九歌》所賦，楚故所傳，下逮淮南、曼倩，梗概猶存，故其言皆自相應如此。叔師生于東京，已不能得其究竟，則知郢郢遺聞之泯滅弗傳于後世者多矣。

孔蓋兮翠旒。 注：言司命以孔雀之翅爲車蓋，翡翠之羽爲旒旌，言殊飾也。旒一作旌，一本此句上有揚字。洪氏《補注》：顏師古曰：『鳥赤羽者曰翡，青羽者曰翠』。漢樂歌曰：『庶旒翠旌』。《東君》：『翺飛兮翠曾』。注：曾，舉也。言巫舞工巧，身體翺然若飛，似翠鳥之舉也。又《招魂》：『砥室翠翹，挂曲璣些』。注：翠，鳥名也。翹，羽也。挂，懸也。曲璣，玉鉤也。言內臥之室，以砥石爲壁，平而滑澤，以翠鳥之羽，雕飾玉鉤，以懸衣物也。又：『翡翠珠被，爛齊光些』。注：雄曰翡，雌曰翠。被，衾也。齊，同也。言牀上之被，則飾以翡翠羽及珠璣，刻畫衆華，其文爛然，而同光明也。洪氏《補注》：『翡，赤羽』

雀。翠，青羽雀。《異物志》云：『翠鳥，形如燕，赤而雄曰翡，青而雌曰翠。翡大於翠，其羽可以飾幃帳。』顏師古曰：『鳥各別異，非雌雄異名也。』又：『翡翠翠帳，飾高堂些。』注：言復以翡翠之羽，雕飾幃帳，張之高堂，以樂君也。帳一作幃。

季海按：《釋鳥》：『翠，鷗』，郭《注》：『似燕，紺色，生鬱林』，郝氏《義疏》：『《說文》：『翠，青羽雀也，出鬱林』，『翡，赤羽雀也，出鬱林』，《王會篇》云：『倉吾翡翠』，《漢書》：『尉佗獻文帝翠鳥毛』，是也。張揖注《上林賦》云：『翡、翠大小亦如雀，雄赤曰翡，雌青曰翠』，按今所見如燕而大。劉逵《吳都賦》注：『翡翠巢於樹顛，生子，夷人稍徙下其巢，子大未飛，便取之，出交趾鬱林郡』，《左傳》二十四年疏引樊光云：『青羽，出交州』，李巡曰：『鷗一名爲翠，其羽可以爲飾』，是翡翠出倉梧、鬱林。兩漢蒼梧郡治在今廣西蒼梧，鬱林郡治在今廣西桂平東，大氏在今廣西境中，然《山海經·海內南經》：『蒼梧之山，帝舜葬于陽』，郭《注》：『卽九疑山也』，《禮記·檀弓》：『舜葬於蒼梧之野』，《史記·舜本紀》云：『崩於蒼梧之野，葬於江南九疑』，文穎曰：『其山半在蒼梧，半在零陵』，據洪亮吉《乾隆府廳州縣圖志卷三十三》：九疑山在湖南永州寧遠縣南六十里，虞舜陵在縣東南，是自今湖南寧遠以南，至于廣西鄰壤，蓋皆古倉梧境也。《王會》但云『倉梧』，漢晉人云『鬱林』者，既時有先後，苟非於西南邊裔，所入愈深，卽知之彌瑣，語焉尤詳矣。尋《淮南·人間訓》：『秦皇……又利越之犀角、象齒、翡翠、珠璣，乃使尉屠睢發卒五十萬，……以與越人戰』，《漢書·西南夷兩粵朝鮮傳》：『秦并天下，略定揚粵，置桂林、南海、象郡，以適徙民，與粵雜處』，是秦利翡翠之珍，而開南粵三郡

也。始皇死葬乎驪山，猶『飾以翡翠』矣（見《漢書·賈山傳》）。《漢書·西域傳》：『孝武之世，……則建珠崖七郡，……自是之後，明珠、文甲、通犀、翠羽之珍，盈於後宮』，是秦皇、漢武，俱致翠羽之珍也。秦之三郡，迄漢武元鼎六年復開，漢鬱林郡，故秦桂林郡；南海郡，即因秦置；日南郡，故秦象郡（見《漢書·地理志》）；當時所致翠羽，蓋亦取諸鬱林，《續漢書·郡國志五》：『鬱林郡，雒陽南六千五百里；日南郡，雒陽南萬三千四百里』，若計日南去雒之程，不啻倍之，是知必不舍近就遠也。樊、劉又云：交州、交趾者，蒼梧、鬱林，於漢本屬交州；《後漢書·賈琮傳》：『舊交趾土多珍產，明璣翠羽，犀象瑇瑁，異香美木之屬，莫不自出』；《藝文類聚》卷第九十二鳥部下：『翡翠』引《廣志》曰：『翡色赤，翠色紺，皆出交州興古縣』；《吳錄》：『薛綜上《疏》曰：日南遠致翡翠，充備寶玩』；《太平御覽》卷第九百二十四羽族部十一：『翡翠』引《交州記》曰：『翡翠出九真』；杜甫《諸將》云：『越裳翡翠無消息』；趙汝适《諸蕃志》：『交趾國』亦云：『交趾，古交州。……土產珠貝、犀象、翠羽之屬，歲有進貢』，蓋自東漢吳晉以還，遠致翡翠者，益深入南交矣。尋《嶺外代答》卷九：『翡翠』云：『產於深廣山澤間，穴巢于水次，……邕州右江產一等翡翠，其背毛悉是翠茸，窮侈者用以撚織』，是嶺外深廣山澤間多產翡翠，獨邕州右江產者，背毛可織也。趙汝适采去非之言入《蕃國志》，於此下又云：『如毛段然』，則言之尤詳矣。自姬漢以還，羣書所記，蒼梧、鬱林所出，不必一種，其用背毛者，大氏卽此，倉梧最在東北，次爲鬱林，又次爲邕州右江，地相接也。背毛悉是翠茸，故可用以撚織，頗謂翡翠珠被、翡翠帷幃，乃用其背毛，蓋纖翠茸爲之，趙汝适所謂『如毛段然』者，而楚俗之窮侈可知矣。

《後漢書·班固傳》：《兩都賦》注引《異物志》曰：「其羽可以飾幃帳」——洪引同，是幃帳正有以翡翠羽爲飾者，然疑方楚盛時，其所用恐不但飾之而已；若翠翹、翠旌，蓋以爲飾，則用其尾耳。《重修政和證類本草卷第十九》引《本草拾遺》：「魚狗」云：「今之翠鳥也，有大小，小者名魚狗，大者名翠，取其尾爲飾」，是也。觀屈宋所賦，則楚人之於翡翠，凡旗旂、玉鈎、衾被、幃帳，無不用之，其廣乃爾，則其煩費可知矣。自楚悼之有洞庭、蒼梧，至于懷襄，不過數十年，而窮其地利如是，則其所以經營西南者，又可知也。至《莊子·天地篇》云：「皮弁鷩冠，摺笏紳脩，以約其外」，陸德明《音義》：「鷩，本又作鷩，音同。鳥名也，一名翠，似燕，紺色，出鬱林，取其羽毛以飾冠」，尋郝氏《釋鳥義疏》云：「又《說文》云：「鷩知天將雨鳥也」，引《禮記》曰：「知天文者冠鷩」，此鷩與翠同名，而非同物，舊說便相牽混，亦誤。《漢五行志注》：「張晏曰：鷩鳥，赤足黃文」，則非一物可知。張聰成《左傳杜注辨證》：「好聚鷩冠」條下，論之當矣，是《莊子》所云，當從張晏，陸氏輒以翠鳥說之，亦誤也。按書傳所記翡翠大小可知也。《後漢書·賈琮傳注》引《異物志》曰：「翠鳥形似鷩」（《後漢書·班固傳注》、《太平御覽卷第九百二十四羽族部十一》及洪氏引《異物志》同，其或一字之異，從略），《漢書·賈山傳》顏注引臣瓚曰：「《異物志》云：翡翠色赤而大於翠」（洪引《異物志》云：「翡翠大於羣」，《羣》蓋「翠」字之誤），玄應《一切經音義·善見律第六卷》：「翡翠」引《南方異物志》云：「翡翠大於鷩，小於鳥」，《御覽卷第九百二十四羽族部》引《南州異物志》曰：「翡翠大於鷩，小於鳥曰」，正是一書，引文小異耳。然則翡翠大於翠，張揖以爲「翡翠大小亦如雀」者，止據翠鳥言之，亦其疎已。翡翠之與翠，自王逸、應劭

（《漢書賈山傳注》引應氏曰：『雄曰翡，雌曰翠』、張揖、《異物志》（見《後漢書班固傳注》引，洪引同）皆以雌雄爲義，《爾雅》但記別名，《說文》惟辨青赤（《淮南人間訓注》亦云：『翡，赤雀，翠，青雀』），並不言雌雄，《藝文類聚》卷第九十二鳥部下《引》《廣志》曰：『翡色赤，翠色紺，皆出交州興古縣』，是郭義恭不以爲一鳥，《漢書·賈山傳》顏《注》：『鳥各別類，非雄雌異名也』（洪引即此《注》，文字小異耳），與郭說合，或更有據耳。翡赤而翠青，諸家言略同。玄應《一切經音義·善見律第六卷》引《南方異物志》：『翡，……腰身通黑，唯胸前、背上、翼後有赤毛；翠，通身青黃』，分別翡翠物色最詳，《周書王會解》孔晁《註》云：『翠羽，其色青而有黃也』，說與《異物志》合，《御覽》羽族部十一《引》《南中八郡異物志》曰：『翠大如鷲，腹背純赤』，云：『腹背純赤』，色乃似翡，或鷲下有脫文矣；同卷又引《交州記》曰：『翡翠出九真，頭黑，腹下赤，青縹色，似鷓鴣』，所言乃似翠，是或以翡翠爲即翠鳥也。諸書言翡，似今坊書所云赤鵒；翠，似翠鳥，然諸家亦互有異同，未知一一各當今之何鳥耳。若今吳中有曰魚虎子者，大如燕而肥，背如孔雀尾羽色，腹紅，喙足皆赤色，喙極長，尾短，此《釋鳥》所謂『鵒』，天狗，郭《注》所謂『小鳥』，『青似翠食魚』者，非翠也。

天問第四

何感天抑墜？夫誰畏懼？

注：言驪姬讒殺申生，其冤感天，又讒逐羣公子，當復誰畏懼也。

季海按：王以驪姬讒殺申生事說之，未知是否；然《注》言：其冤感天，則抑墜又當何說？今謂此文

以感天抑地並舉，則感天不謂其冤感天可知，王說非是。尋《莊子·山木》：『莊周游乎雕陵之樊，覩一異鵲，自南方來者，翼廣七尺，目大運寸，感周之類，而集於栗林』，《釋文》引李頤云：『感，觸也』；《文選·七發》：『龍門之桐，高百尺而無枝，……其根半死半生，冬則烈風漂霰飛雪之所激也，夏則雷霆霹靂之所感也』，李善《注》引《莊子》『感周之類』，亦云：『感，觸也』，即本景真義。《天問》言『感』，與《莊子》、《七發》同，正當訓觸，《莊子》之文，時頗與楚語相合，枚叔則淮陰人，其言故楚耳。又《山海經·大荒西經》：『顓頊生老童，老童生重及黎，帝令重獻上天，令黎叩下地』，叩，按也，當从反叩，俗从手作抑（見《說文·印部》），是抑地亦古之常語。當句若曰：『彼何竟觸犯天、抑下地？是尙何忌憚之有耳。』使王說本事不誤，即斯言正斥驪姬之敢肆其虐，非目中生之冤也。

兄有噬犬弟何欲？ 注：兄，謂秦伯也。噬犬，齧犬也。弟，秦伯弟鍼也。言秦伯有齧犬，弟鍼欲請之。

季海按：此敖之類，《史記·晉世家》：『盾既去，靈公伏士未會，先縱齧狗名敖』，《集解》引何休曰：『犬四尺曰敖』也。《說文》作『𪔐』，云：『犬如人心可使者，从犬，敖聲』，《春秋傳》曰：『公嗾夫𪔐』（見《犬部》），是也。噬亦齧也，《說文·齒部》：『齧，噬也』，是其義。然楚曰噬，漢曰齧，故子長云『齧狗』，叔師云『齧犬』矣。

九章第五

《涉江》：吾與重華遊兮瑤之圃。

注：重華，舜名。瑤，玉也。圃，園也。言已想侍虞舜遊玉園，猶言遇

聖帝，升清朝也。遊一作游。一云：瑤，石次玉也。洪氏《補注》：《山海經》云：『槐江之山，上多琅玕金玉，實惟帝之平圃。』

季海按：洪說是也，所引見《西山經》。郭注：『帝之平圃』云：『即縣圃也，《穆天子傳》曰：『乃爲銘迹於縣圃之上。』（影明成化本郭《注》二縣字皆作玄，然此上《鍾山注》引《穆傳》仍作縣，又影明天一閣本《穆傳》，此及上『先王所謂縣圃』，並作縣（見《卷之二》），與《鍾山注》合，《傳》既作縣，《注》當同耳，今據改），是瑤圃即縣圃矣。謂之瑤圃者，當以其上多琅玕歟？《西山經》於《槐江》之次，又云：『西南四百里曰崑崙之丘，是實惟帝之下都』，是縣圃在崑崙東北，《穆天子傳》卷之二：『天子……以三十□人於崑崙丘。季夏丁卯，天子北升于春山之上，……曰春山之澤，……先王所謂縣圃』，是《穆傳》亦謂縣圃在崑崙北，與《山經》合矣。郭注此《傳》，既引《淮南子》曰：『是謂縣圃』（影明天一閣本《穆傳》：縣本作玄，非是，今據《四部叢刊》影印影鈔北宋本《淮南子》改正），又謂《山海經》云：『明明崑崙縣（影天一閣本原作京，蓋玄之誤，然玄當爲縣，《傳》本作縣，引《淮南》亦本作縣，可證。宋以來書，正文之不省者，注文往往從減筆書之，以趨約易，於是譌俗通段，紛然雜出矣。此《注》二縣字省作玄，其一例耳）圃，各一山，但相近耳』，今謂郭說是也，然漢人多不別，《淮南·墜形訓》：『傾宮、旋室、縣圃、涼風、樊桐，在崑崙閭闔之中』，郭《注》所引，亦出此篇，亦謂在崑崙之上矣。王氏《離騷章句》：『縣圃，神山，在崑崙之上』，又《天問章句》：『崑崙，山名也，在』

西北，元氣所出，其巔曰縣圃，乃上通於天也』，是叔師義同《淮南》也。尋《山海經·海內北經》：『海內西北陬以東者』又云：『帝舜臺在崑崙東北』，是帝舜臺亦在崑崙東北，地望與縣圃正合。《涉江》篇首，自道生平，雖多瑰辭，乃心所慕，尤在虞舜，故曰『吾與重華遊兮瑤之圃』也。依《山經》之言，崑崙東北，既有舜臺，是登望縣圃，直如戶庭之內耳。或者荆楚所傳，蓋有謂舜嘗遊於此閒者矣。《離騷》實云：『濟沅湘以南征兮，就重華而陳詞』；又云：『朝發軔於蒼梧兮，夕余至乎縣圃』，靈均之所以低回留連於重華之蹟者至矣。

哀南夷之莫吾知兮。 注：屈原怨毒楚俗嫉害忠貞，乃曰：哀哉！南夷之人無知我賢也。洪氏《補注》：《國語》云：楚爲荆蠻。且余濟乎江湘。注：且，明也。濟，渡也。言已放弃，以明日之時始去，遂渡江湘之水。言明且者，紀時明，刺君不明也。

季海按：《戰國策秦三》：『謂魏冉曰：齊有東國之地，方千里；楚苞九夷，又方千里』，是楚境故奄有諸夷也。又《史記·孫子吳起列傳》：『武侯疑之而弗信也……懼得罪……即之楚。楚悼王素聞起賢，至則相楚……於是南平百越』，《後漢書·南蠻西南夷列傳》：『及吳起相悼王，南并蠻越，遂有洞庭、蒼梧』，雖詳略不同，而文皆相應。據《六國表》：楚悼王凡二十一年，魏武侯元年當悼王之十六年，則起之楚，已在悼王之末，是自楚之有洞庭、蒼梧，中更肅王、宣王、威王以迄懷王之立，不過五十餘年耳。悼王以來，楚實多故，雖有其境宇，殆未遑變俗也。平方遠渡江湘，自惟出入洞庭、蒼梧之境，其地雖南夷舊壤，亦重華、二妃所曾遊，《涉江》所言，正是即日，既前聖難依，宗邦彌遠，徒

對南夷，此情焉訴？遂有莫知之歎耳。卽不論《離騷》方自陳「帝高陽之苗裔」，又豈有身嘗爲三閭大夫而甘比宗國於南夷者乎？叔師以爲怨毒楚俗，遂爲此忿懣之言者，既遠乖騷人之志，復以言明且爲刺君不明，亦失之穿鑿也。

《悲回風》：草莛比而不芳。

注：生曰草，枯曰莛。洪氏《補注》：莛，《釋文》：「七古切，茅藉祭也」，鮑欽止本云：「七閭、子旅二切」，林德祖本云：「反賈、士加二切。」

季海按：《廣雅·釋草》：「蘇、蘆，草也」，王念孫《疏證》：「《方言》云：「蘇，草也。江淮、南楚之間曰蘇」，郭《注》云：「蘇，猶蘆，語轉也。」……《素問·移精變氣論》云：「十日不已，治以草蘇。」草謂之蘇，因而取草亦謂之蘇，《莊子·天運篇》：「蘇者取而鑿之」，李頤《注》云：「蘇，草也，取草者得以炊也」，又：「蘆，草之轉聲也，字或作莛。」《管子·地圖篇》：「莛草、林木、蓬蒿之所茂」，《靈樞經·癰疽篇》：「草蘆不成，五穀不殖」，草謂之蘆，因而枯草亦謂之蘆，《廣韻》：「蘆，草外也。」《衆經音義》云：「蘆，枯草也。今陝以西言草蘆，江南、山東言草蘆」，《楚詞·九章》：「草莛比而不芳」，王逸《注》云：「生曰草，枯曰莛」，《大雅·召旻篇》：「如彼棲莛」，《傳》云：「莛，水中浮草也」，今謂王說皆是也。莛依洪引《釋文》：七古切，正讀如蘆，陸德明《爾雅釋草音義》引《字林》：「蘆，千古反」；日本僧空策《篆隸萬象名義·艸部》：「蘆，采古反，草枯曰蘆」，音義俱出原本《玉篇》；敦煌本《切韻殘卷》二〇七一·十姥：「蘆，草死，采古反」，《廣韻·十姥》：「蘆，草死。」《爾雅》曰：「藎，蘆」，郭璞云：「作履莛草」，采古切，是也。唐人所記江南之言，足徵楚語矣（王引《衆經音義》，見唐玄應《大方便報恩經

第四卷，「蘆亦音『千古反』，惟又曰：『山東云七故反也』，是山東以上爲去也」。敦煌本《切韻殘卷S二〇五五·九魚》：「疽，七余反，十一」有「苴」，云：「履中藉草，按《說文》子與反」，陸氏《釋草音義》於郭《注》：「作履苴草」，音「將呂反」，與《說文音》合，明六朝舊讀如此。今所見諸書引《說文》舊音，或同《字林》，或同《玉篇》，此讀與《玉篇》不合（《萬象名義·艸部》：「苴，七閭反，麻，履中草」，是顧野王亦作平聲，與陸法言《切韻音同》，故當與《字林》同音歟？洪氏於「苴」引鮑本：「子旅切，林本：反賈切（此切上字誤，《集韻二十五馬》：「觶，展賈切」下有「苴」云：「土苴，糟魄也」，林本所出，當卽此音，反蓋展之壞字）：凡此所出苴、蘆諸音，雖聲韻參差，皆從上聲讀矣。子雲謂「江淮、南楚之閒曰蘇」，郭云：「猶蘆，語轉」，得之「蘆蓋从盧聲，據敦煌本《刊謬補缺切韻殘卷P二〇一一》：「盧有蘇音（據《萬象名義·庀部》知原本《玉篇》：「盧音才都切，此《廣韻·七歌》：「盧」下又音所本；大徐於《說文·庀部》引《唐韻》音昨何切，此《廣韻·七歌》：「盧音所本；是顧、王同在模韻，而聲有從、心之異；顧、孫韻有模、歌之異，而聲同從紐也），蘆之轉蘇，猶盧讀如蘇耳」，是漢西京時，楚之轉語，蓋讀如平聲矣。《漢書·郊祀志上》：「席用苴藉」，如淳曰：「苴讀如租」；空兼引原本《玉篇》：「苴，七閭反，麻，履中草」；陸氏《詩召旻音義》：「棲苴，七如反，毛：水中浮草也」；又《爾雅釋草音義》：「苴麻字音『七徐反』，敦煌本《切韻殘卷S二〇五五》、《S二〇七一》、《刊謬補缺切韻殘卷P二〇一一》《九魚》：「疽，七余反」下有「苴」，履中藉（《S二〇七一》：「藉誤作藉」，《S二〇五五》：「藉下有草字，此依王仁煦本」）；《S二〇五五》苴下又云：「按《說文》子與反」，是陸韻止作平聲，與顧音同。

敦煌本《切韻殘卷S二〇七一》、《刊謬補缺切韻殘卷P二〇一一》、《八語》皆收『苴，履中草』，正作『子与反』者，蓋唐人據《說文音》加之。《S二〇五五》、《S二〇七一》：『且，子魚反三』，並不收苴，是陸氏初無此音。《說文·艸部》：『苴，履中艸』，大徐引《唐韻》：『子余切』，是平聲讀清入精，始於孫愐也；《廣韻·九魚》：『苴有疽（七余切）、且（子魚切）二音，即本《唐韻》矣；洪引鮑本：七閭切，林本：士加切，音義容有出入，而皆作平聲：是自漢晉以還，苴、苴有平上兩讀也。《釋草》：『藎，蘆』，陸氏《音義》引郭：『才河、采苦二反』，此出景純《爾雅音》，是郭兼取平上，而以平爲先，殆江東所行耳。『玄應所云『七故反』者，此唐時山東方音，然陸氏《釋草音義》於郭《注》：『作履苴草』，出：『一云：將慮反』，是陳時已有讀『苴』作法聲者，但與玄應音韻部有《魚》、《模》（以平統去）之異耳。大氏以上爲去，近出陳世，茲故可得而略也』。

登石巒以遠望兮。

注：昇彼高山，瞰楚國也。洪氏《補注》：『山小（《四部叢刊》影明覆宋本誤作少，今正）而銳曰巒。又《七諫·自悲》：登巒山而遠望兮。注：巒，小山也。一云登巒，無山字。』

季海按：《爾雅·釋山》：『巒山，墮』，原本《玉篇·山部》：『巒』下引《爾雅》云：『山如巒山，隋』（原誤作『墮』，不成字，今依下引郭《注》校），墮、隋字通。今本郭《注》云：『謂山形長狹者，荊州謂之巒，《詩》曰：『隴山喬嶽』，原本《玉篇》引郭璞曰：『山隋（寫本小泐，而字尚可辨）長者，荊州謂之巒』，是郭讀《釋山》：『隋』，正如『隋長』字，顧引於義爲長，今《注》當出後人所改耳。顧引《經》《注》相應，字並作『隋』，蓋六朝舊本如是矣。郭云『隋長』者，郝懿行云：『《士冠禮注》：『隋方曰篋』，《釋

文：『隋謂狹而長，隋與橢同』（見郝氏《釋山義疏》），是也。古今之說『巒』、『墮』（隋同）者，凡有二義：其一，《說文·山部》：『巒，山小而銳』，陸德明《釋山音義》引《埤蒼》、劉達《蜀都賦注》出：『一曰』，並與今《說文》同；原本《玉篇》引《說文》：『山小（原引誤脫，今補）而高也』，則又與王氏《九章章句》稱『昇彼高山』者合；然要以小山爲言，故《七諫》王《注》又云：『巒，小山也』；其在墮則今《詩般傳》云：『墮山，山之墮墮小者』，義自相應，此一說也。其二，劉氏《蜀都賦注》：『巒，山長而狹也』，《字林》云：『墮，山之施墮者』（郝氏云：『呂忱以墮爲延施，卽狹長也』），又云：『隋與橢同，與墮聲借』，並是也，見《釋山義疏》，卽復與景純義合，此一說也。今比《屈賦》、《郭注》觀之，知以隋長爲巒，本出楚語，《九章》之文，當以此爲塙詁。然劉達以前，不聞有是者，蓋語隨其方，漢師或不諳荆俗，時憑中國所傳，以傳會《爾雅》、《詩傳》之文，而爲之說，故又或以小山爲義爾。淵林乃能言之者，則季漢之世，荊州文學，於斯爲盛，洎左思作《賦》，吳蜀已平，北地流人，南州逸足，出入魏晉，畢集中朝者，計已多矣，是以鄒郢遺言，軼在荆俗者，始漸流傳，淵林博訪而得之，故其爲《注》，不惟許、王所未知，抑亦稚讓所失采矣，又安足怪乎？然原本《玉篇》不引《九章》，而引《七諫》；郝懿行亦爾，乃又云：『此正楚人語』，不悟此本曼倩因《屈賦》以成文，並失之矣。然郝君能知巒、墮俱兼二義，所見實卓，若夫尋其本末，爲之條理，是故後學之責也。

遠遊第六

聞赤松之清塵兮，願承風乎遺則。又：軒轅不可攀援兮，吾將從王喬而娛戲。洪氏《補注》：《淮南》云：『王喬、赤松，去塵埃之間，離羣慤之紛，吸陰陽之和，食天地之精，呼而出故，吸而求新，蹀虛輕舉，乘雲游霧，可謂養性矣。』又：見王子而宿之兮，注：屯車留止，過子喬也。審壹氣之和德。

季海按：《漢書·王褒傳》載褒《聖主得賢臣頌》曰：『何必偃仰詘信若彭祖，呬噓呼吸如僑松』，如淳曰：『《五帝紀》：彭祖堯舜時人，《列僊傳》：彭祖，殷大夫也。歷夏至商末，號年七百』，師古曰：『呬、噓皆開口出氣也。僑，王僑；松，赤松子；皆仙人也』，如子淵之言，則均之長生，而彭祖與僑松異術，《遠遊》比諸文上下言：『求正氣』、『養六氣』、『審壹氣』，其主呬噓呼吸可知，此其所以僑松異也。《天問》曰：『彭鏗斟雉帝何饗？受壽永多，夫何久長？』王《注》：『彭鏗，彭祖也。言彭祖進雉羹於堯，堯饗食之，以壽考。彭祖至八百歲猶自悔不壽，恨枕高而睡遠也』，靈均但言斟雉，事同服食，或楚人所傳彭祖之術，與僑松不同，略如子淵之言矣。然洪氏《天問補注》引《莊子》曰：『呬呼吸，吐故納新，熊經鳥伸（《莊子》作申），爲壽而已矣。此導（《莊子》作道）引之士，養形之人，彭祖壽考者之所好也』（按洪引見《刻意篇》），《莊子》云：『熊經鳥申』，卽子淵所謂『偃仰詘信』矣；然又云：『呬呼吸，吐故納新』，則未知果謂彭祖亦兼事此，抑『彭祖壽考者』本屬泛指，凡此所云，故不必備於一身邪？

卜居第七

將啞皆栗斯，啞啞儒兒，注：強笑嚙也。洪氏《補注》：皆強笑之兒；一云：啞啞，強顏兒。以事婦人乎？

季海按：《韓詩外傳卷第九》：『夫鳳凰之初起也，翾翾十步之雀，啞啞而笑之，及其升於高，一詘一信，展而雲間，藩木之雀，超然自知不及遠矣』，是笑曰啞啞，本象其聲，言各有當，斯義非一端。察《韓詩》所言，與《卜居》之文，其笑則一，其所以笑，適相反矣。蓋前者爲嗤笑，後者爲諂笑，然其爲『啞啞』則一也。《卜居》明言：『以事婦人』，故王云：『強笑嚙也』，洪引一說非也。於文『啞，雞聲也』（見《說文·口部》），人笑聲亦或相似耳；如《外傳》所云，啞止當作伊，直狀其聲，更無正字。苟如《章句》義，則啞本字當爲哇，《說文·口部》：『哇，諂聲也，从口，圭聲，讀若醫』，許君云：『諂聲』，正王所謂『強笑嚙』矣，圭聲古音在支部，而讀若『醫』，則入脂部，與『啞』同聲，是汝南讀與楚言相應也。王念孫《古韻譜·支第十一》：《楚辭》出『訾、斯、啞、兒』，云：『《卜居》：『啞訾、栗斯，啞啞、儒兒』爲韻；『突梯、滑稽，如脂、如韋』爲韻』，其實古本音惟斯、兒在支韻，王以梯、稽、脂、韋（見王《譜》：『脂弟十三』）同韻律之，因謂此文：訾、啞亦當與斯、兒爲一韻固是，然據啞醫同讀，則楚音實在脂部，又《招隱士》以峨、澁、罷、悲爲韻，枚乘《七發》以溪韻飛、槐，《雉子斑》以雌韻雉，其聲皆楚，而支、脂亦自相協，頗謂此八韻同部，俱當入脂，其讀『斯、兒』如脂韻字，亦猶『哇』讀若『醫』耳。

漁父第八

漁父莞爾而笑，鼓枻而去。

注：叩船舷也。枻，一作棹。

季海按：記籍言枻，凡有三說：一曰：船弦版，《湘君》：『桂櫂兮蘭枻』，王《注》：『枻，船旁板也』，一作棹，與此《注》同義。《淮南·說林訓》云：『遽契其舟枻』，高誘《注》云：『枻，船弦版也』（今本枻譌作桅，从王念孫校，義具《廣雅釋水疏證》），《廣雅·釋水》云：『鼂謂之舷』，王氏《疏證》云：『《集韻》：『類篇』竝云：『鼂或作枻，漢《童子逢盛碑》亦有枻字』，是《楚辭》謂之枻者，《淮南》謂之桅，《廣雅》字又作鼂也。二曰：施，《漢書·司馬相如傳》載《子虛賦》：『揚旌枻』，《注》：『張揖曰：揚，舉也。析羽爲旌，建於船上。枻，施也』，洪氏《補注》於《湘君》『蘭枻』云：『一曰：施也』，卽本稚讓，然旌建船上，何有於施？若本不相關，牽連并書，亦爲冗漫，豈相如語乎？既漢師不言，又疎於文義，景純不取，非無故矣。三曰：楫，《史記·司馬相如傳》載《子虛賦》：『揚桂枻』，《集解》：『駰案韋昭曰：『一枻，楫也』』，《文選·西京賦》：『齊棹女』，李善《注》引韋昭曰：『枻，楫也』，裴、李所引，俱出《漢書音義》（《隋書·經籍志》有《漢書集解音義》二十四卷，應劭撰，顏師古《敘例》以爲卽臣瓚摭集諸家音義；又：『《漢書音義》七卷，韋昭撰』；又：『《漢書音義》十二卷，國子博士蕭該撰』；裴在蕭前，所引若非卽據韋書，便當取諸臣瓚輩所集諸家音義；若李引既云：『《漢書音義》』，韋昭曰』云云，便非得之韋本，蓋由別家《音義》轉引，但未能定其所出，爲該爲瓚耳），楫、枻同字，枻又作棹者，唐人諱世字耳，《楚辭》枻一作棹，亦承唐本之舊矣。洪氏於《湘君》『蘭枻』云：『楫謂之枻』，卽本章義。尋長卿之《賦》，《漢書》《文選》並作『揚旌枻』（今《文選》枻作棹，亦唐人改故書耳；《史記》旌作桂，形之誤

也），楫非建旌之所，若分作兩事，又不煩並舉，是章義亦疎也。《文選·子虛賦》郭璞《注》云：『柂（原作棹，今同改），船舷，樹旌於上』，是景純注相如《賦》（《隋書·經籍志》：『《雜賦注本》三卷』）下注：『梁有郭璞注《子虛上林賦》一卷，亡』，而李《注》有者，或唐初暫逸，後來復出，亦可中書偶闕，而文選家猶傳其本也。無取二家，仍宗王義，蓋樹旌舷上，於理爲得矣，故李善亦云：『柂（原作棹）依郭說』也。景純親注《楚辭》（《隋志》有『《楚辭》三卷，郭璞注』），今雖不傳，觀其注相如《賦》，猶依王說，知於斯文，必無改舊義矣。若《西京賦》云：『齊棹女』，李善《注》：『棹女，鼓棹之女』，是仍以爲船弦；又引韋說者，廣異義耳。然下句即云：『縱櫂歌』，蓋平子本謂楫爲櫂，不謂之柂也。然《淮南·道應訓》：『飲非謂柂舡者曰：嘗有如此而得活者乎』，高《注》：『柂，櫂』，明是行船之稱，非直以柂爲楫也。行船謂之櫂者，《漢書·鄧通傳》：『以濯舡爲黃頭郎』，顏《注》：『濯舡，能持濯行舡也，濯讀曰櫂』，又《文選·上林賦》『濯鷁牛首』，李善《注》引《漢書鄧通傳音義》『一說』，與師古同（但『持濯』作『持櫂』，偏旁小異），是其義。弘嗣所云，豈即因緣《淮南》舊義而失之者乎？尋《哀郢》：『楫齊揚以容與兮』，《注》：『楫，船櫂也』……言已去乘船，士卒齊舉楫櫂，低徊容與，咸有還意，是楚亦謂之楫；《湘君》：『蓀櫂兮蘭旌』，《注》：『櫂，舡小楫也』，洪氏《補注》：『《方言》云：『楫謂之橈，或謂之櫂』』，又：『桂櫂兮蘭柂』，《注》：『櫂，楫也』，《涉江》：『齊吳榜以擊汰』，《注》：『吳榜，船櫂也。汰，水波也。言士卒齊舉大櫂，而擊水波』，是屈《賦》楫又謂之櫂（與《方言》合），小楫謂之橈（此王義，《方言》不加別異），其大者謂之榜，若依《章句》，則《楚辭》楫櫂雖有多名，初不謂之柂也。

招魂第十

其身若牛些。日本古寫本《文選集注》殘卷卷第六十六：《招魂》此句下引《音決》：牛，曹合口呼；謀，齊魯之間言也。案《楚詞》用此音者，欲使廣知方俗之言也。

季海按：牛，《唐韻》：『語求切』（見大徐本《說文·牛部》引），聲在疑紐，曹音作合口呼之如：謀，則在明紐，唐人如公孫羅猶能以齊魯之間言證之，今謂此真古之遺語也。尋《說文·牛部》：『牟，牛鳴也，从牛，象其聲气从口出』，《唐韻》：『莫浮切』（見大徐引），聲在明紐，正象牛鳴；然則牛之爲言猶牟也，原其得名，本因其自鳴而呼之，古牛、牟亦同言、同字耳。然微曹音及唐齊魯之間言，亦何以微牛聲自明入疑之漸哉？《說文》又云：『牡，畜父也，从牛，土聲』，《唐韻》：『莫厚切』；『牝，畜母也，从牛，匕聲』，《唐韻》：『毗忍切』，牡、牝之言，本出於牛，古音俱當隸明（牡、父、牝、母，皆古雙聲字，當同在此紐），與牛本爲正紐雙聲，《唐韻》分作三紐，又有牙唇之異者，此今音耳。曹君能爲此音，必自有故，或師承如是，或楚聲當爾，公孫之學，不足紀遠，乃猥云：『欲使廣知方俗之言』，豈曹意乎？

川谷徑復，注：流源爲川，注谿爲谷。徑，過也。復，反也。川一作谿；徑一作徑。五臣云：徑，往也。洪氏《補注》：《爾雅》：『水注谿爲谷。』《說文》：『泉出通川爲谷。』流潺湲些。注：言所居之舍，激導川水，經過園庭，回通反復，其流急疾，又潔淨也。《文選集注》殘卷作『谿谷徑復』，《集注》云：『今案

陸善經本谿爲川。』劉氏《楚辭考異》云：『案《文選》謝靈運《從斤竹澗越嶺谿行詩注》引徑作逕。』

季海按：《莊子·秋水》：『秋水時至，百川灌河，逕流之大，兩涘渚崖之間，不辯牛馬。』陸氏《音義》出『逕流』，云：『音經，司馬云：逕，通也。』崔本作徑，云：『直度曰徑，又云：字或作逕，今謂此云：『逕復』，蓋與『逕流』字同，王云：過，司馬云：通，崔云：直度，意正相近，』《莊子》之文，時與楚語相通，此其一例。崔本作徑，即與《楚辭》字例相應，故書當如是爾。漢武時，司馬相如賦《上林》，猶云：『紫淵徑其北』，《逕乎桂林之中》（《史記》《漢書》本《傳》同），是長卿用字，與宋玉同；若《漢書·相如傳》錄此《賦》又云：『逕峻赴險』，《史記》本《傳》作『逕陵赴險』，是逕、徑字同（逕作徑者，隸省耳，非从人也），《楚辭》一本作徑，亦猶是矣。尋《說文》：『逕，訓水脈，从川在一下，一，地也，引申之有逕流、通、過、直度諸義，然則《莊子》《招魂》言：逕，本字當作逕矣。』

經堂入與。 經一作徑，古本作陞。五臣云：言自蘭蕙，經入於此矣。

季海按：《文選集注》殘卷卷第六十六此句下引《音決》：『逕，音經，又居定反』，尋《漢書·司馬相如傳》載《上林賦》云：『逕峻赴險』（《史記·司馬相如傳》作『逕陵赴險』，說見『逕復』條），與玉《賦》用字，槩獲正同，故書當作徑，一本是也。今作經者，後人依音改字耳。五臣直云：經入，則今本之失，或昉於此矣。

挂曲瓊些。 注：挂，懸也。挂一作絰。洪氏《補注》：絰，胥也。劉氏《楚辭考異》：案《文選東都賦注》

《御覽》百七十四並引挂作絰。

季海按：宋本《太平御覽》卷第一百七十四引《楚辭》曰：『砥室翠翹純曲瓊』，純字雖誤，偏旁不誤，其本作絰可知也。《文選·招魂》字亦作絰，蓋《楚辭》故書如是，一本是也。尋《哀郢》云：『心絰結而不解兮』，《注》云：『絰，懸』，與此《注》正同，明二文不當有異，但彼以『絰結』爲文，故未遭流俗所改耳。《史記·律書》：『結怨匈奴，絰禍於越』，以結、絰爲互文，用字與《哀郢》正合（《漢書·嚴安傳》：『上書曰：「當是時秦禍北構於胡，南挂於越」』，師古曰：『挂，懸也』，是絰、挂亦同耳），《漢書·敘傳》上：『班嗣報桓譚曰：「不絰聖人之問」』，師古曰：『絰，讀與挂同』，顏說是也。張守節《律書正義》：『絰，胡卦反』者，原本《玉篇·糸部》，又《手部》（《萬象名義》引）、《唐韻》（大徐《說文》引）、《廣韻》：挂，皆古賣反；絰，皆胡卦反，此今音，古亦通耳；今喉音字，楚多讀入牙，楚音絰，正當讀與挂同，是漢人自太史公以逮班嗣，猶多作絰也。《哀時命》：『左祛挂於博桑』，挂一作絰，劉氏《考異》云：『案《御覽》九百五十五、《事類賦注》二十五並引挂作絰』，則一本是也，蓋亦以單文，爲俗所改矣。

九侯淑女，多迅衆些。 注：迅，疾也。言復有九國諸侯好善之女，多才長意，用心齊疾，勝於衆人也。五臣云：其來迅疾，衆多於此。

季海按：舊說讀迅如字，故訓爲疾，王與五臣，並同此蔽，以說當句，其實不辭。今謂迅从卂聲，當讀若莘。《說文·手部》：『卂从卂聲，而『讀若莘』，漢汝南師讀，蓋亦楚聲之遺，故與《楚辭》相應矣。《莊子·徐無鬼》：『禍之長也茲莘』，《釋文》引李頤《注》云：『莘，多也』，重言則曰莘莘，《文選·七發》：『莘莘將將』，《注》：『莘莘，多貌也』，《小雅·皇皇者華》：『駢駢征夫』，《毛傳》云：『駢駢，衆多之貌』，

《國語·晉語》、《說苑·奉使》、《說文·焱部》並引作『莘莘征夫』；是迅亦多也。《說文·焱部》：『焱，盛兒。从焱在木上，讀若《詩》曰：莘莘征夫。』《廣雅·釋詁》：『焱，多也。』《周南·蠡斯》：『說說兮。』《釋文》：『說，《說文》作焱。』是焱、焱與莘，本一言耳。焱之爲多，形聲俱合——从多，辛聲，然未敢卽以爲本字者，陸引《說文》，二徐本所無，恐或得之他書，不必許君義也。今謂迅讀若莘者，舉漢師讀習月字，倬易喻爾。羣書所載，除駢、說已見上文外，又有燦（見《說文》引《逸周書》）、牲（見《大雅·桑柔》）、僊（見《招魂注》引《詩》），凡此諸名，或葦乳浸多，或依聲託事，亦共出一氏矣。自『焱』以下，王氏《廣雅疏證》備引之，以爲『焱字異而義同』，是也。多、迅、衆三名同實，極言盛多而已。《離騷》亦云：『覽相觀於四極兮』（見《當句解》），明古人自有複語耳。

客態好比，順彌代些。

注：彌，久也。言美女衆多，其兒齊同，客態好美，自相親比，承順上意，久則相

代也。五臣云：彌猶次也，好相親密，和順次以相代也。

季海按：王云『彌，久』者，蓋借爲『彌』。《說文·長部》：『彌，久長也，从長，爾聲』，是也。今謂此彌實不訓久，尋《爾雅·釋言》：『彌，終也』，郭《注》：『終，竟也』，郝氏《義疏》云：『《易》繫辭釋文引荀《注》及《詩》生民卷阿傳《注》云：彌，終也』，《文選》張平子《西京賦》：『榦末之伎，態不可彌』，薛綜《注》：『彌猶極也，言變巧之多，不可極也』；是彌有終極之義，終極亦一意耳。《爾雅》之文，著在《釋言》，蓋亦有取於方國殊語，平子南陽西鄂人，地屬楚分，則終極爲彌，故楚語矣。今謂此言美女衆多，承順上意，更番相代，無不周徧，故云：彌代，正終竟、終極之謂（郝氏《釋言義疏》又云：『按彌又滿

也、徧也，《方言》云：「彌，合也」，又云：「彌，縫也」，縫合亦徧滿之義，徧滿即終矣」，段氏《說文》：「彌」字《注》云：「其引伸之義曰：滿也，徧也，合也，縫也，竟也，其見於詩者，《大雅·生民》、《卷阿》傳」皆曰：「彌，終也」，皆是也。叔師，南郡宜城人，地自屬楚，豈已不聞斯語，抑亦失之弗思邪？

離榭脩幕。《文選集注》殘卷卷第六十六《招魂》作「離榭脩幕」，《集注》：「《音決》：「幕，音莫」，今案：五家、陸善經本謝爲榭。」

季海按：榭見《說文》新附，《左·宣十六年經》：「夏，成周宣謝火」（今本作榭，此从陸氏《音義》；陸云：「本又作榭」，與今本合），《公羊傳·宣公十有六年》：「夏，成周宣謝災」，字皆作榭；《穀梁傳·宣公十有六年》：「宣榭災」，陸云：「本或作謝」，《禮記·禮運》：「以爲臺榭」，陸云：「本亦作謝」，是謝、榭亦古今字耳。《楚辭》故書，當本作謝。據《集注》知李善、公孫羅所傳尙存其真，唐人蓋自五家、陸氏始多從時俗，變易舊文耳。

紅壁沙版。注：紅，赤白色也。沙，丹沙也。言堂上四壁皆塗色，令之紅白，又以丹沙畫飾軒版。又

《大招》：沙堂秀只。注：沙，丹沙也。言又以丹沙朱畫其堂，其形秀異，宜居處也。

季海按：《漢書·董賢傳》：「乃復以沙畫棺」，師古曰：「以朱砂塗之，而又彫畫也」，《後漢書·袁逢傳》：逢卒，「賜以珠畫特詔祕器」，《注》云：「《前書》曰：「董賢死，以沙畫棺」，《音義》云：「以朱沙畫之也」，珠與朱同。祕器，棺也」，章懷引《漢書音義》與小顏說畫棺稍異，而以沙爲朱沙則同，是丹沙謂之沙，漢人猶爾也。

羶若芳些。注：羶若，熟爛也。言取肥牛之腱，爛熟之，則肥濡腍美也。若一作弱，羶一作羶，一作腍。腍，仁珠切。羶，音栗。腍，音而。《釋文》作煎，而亮切。洪氏《補注》：《集韻》：腍、腍、腍，皆有而音；《說文》云：『爛也』，一曰：羶，嫩栗兒。劉氏《考異》：案王觀國《學林》六引羶作腍。又：腍鼈炮羔。腍一作羶。《釋文》作濡，而朱切。五臣云：濡，煮也。洪氏《補注》：濡，《集韻》音而，亨肉和涪也。炮，蒲交切，合毛炙物；一曰：裹物燒。劉氏《考異》：案《學林》六引腍作羶。

季海按：『羶若』，《文選集注》殘卷卷第六十六作『腍若』，王《注》同（《注》：『則肥濡腍美也』，《集注》本作『則腍腍（原作濡，誤）美也』，今《注》爲後人所亂，當從殘卷），一本及《學林》引作腍者，是也。《說文·肉部》：『腍，爛也，从肉，而聲』，是其義，王云：熟爛，與許正合，大徐引《唐韻》：『如之切』，則音而者，是也（而，大徐引《唐韻》：『如之切』，見《說文·而部》）。《釋文》作煎，其始蓋腍之或體，屈宋之文，熟爛、腍熟，同音同字，初無『如之』而亮之別，《釋文》以爲王《注》：熟爛，卽以腍（如亮切）熟爲義，故當從此讀，不知此字今音今義，本自腍孳乳矣。腍鼈，《文選集注》殘卷作而鼈（鼈原誤作鼈，今正），《集注》引張銑曰：『而，煮』，不云更有異文，是唐人所傳《文選》諸本盡作而，更無作濡之本，今謂作『而』者，是也。《說文·水部》：『而，淚也』，一曰：煮孰也；从水，而聲，大徐引《唐韻》：『如之切』，此正以『煮孰』爲義，張銑猶能知之者，其本尙未訛也。《釋文》所據，字又作濡者，當是其初流俗相承以爲而之或體，洪氏所引《集韻》音而者，是也。自《釋文》始音作『而朱切』，而音義全乖，無復舊觀，其識故不如慶善遠矣。然《釋文》本：煎若、濡鼈，尙自有別，故當絕勝一本之羶、

脰不分，『鴈若』、『鴈鼈』之混爲一談矣。《學林》作鴈，字雖不正（《說文》：『鴈，臂羊矢也』，於《招魂》奚取焉），猶从需聲，是故依違《釋文》舊本而失其偏旁者也。『炮羔』，《文選集注》殘卷引《音決》出：『灼，白交反』，是公孫羅本『炮』作『灼』，讀爲『炮』，故音『白交反』也。公孫之學，出於曹憲，疑曹公舊本、《楚辭》故書，字本作『灼』，後人依音改字耳。『灼』从勺聲（見《說文·火部》），得讀爲『炮』（大徐引《唐韻》：『薄交切』）者，猶『杓』从勺聲（从小徐本，大徐本作『从木、从勺』，非是），孫愐《唐韻》亦音作『甫搖切』也（見大徐引）。古音灼在宵部，炮在幽部，然《九章·惜往日》以『昭』韻『流』（《臨沅湘之玄淵兮，遂自忍而沈流。卒沒身而絕名兮，惜壅君之不昭》）、《九辯》以『昭昭』韻『悠悠』（『去白日之昭昭兮，襲長夜之悠悠』）、《招隱士》以『繚』韻『幽』（『桂樹叢生兮山之幽，偃蹇連蜷兮枝相繚』），並讀宵入幽，是『灼』讀爲『炮』，故楚音矣。不徑作『炮』者，七國之世，『言語異聲，文字異形』，楚書自作『灼』，不作『炮』也。

鵠酸臍臍。 注：言復以酢醬（《四部叢刊》影明覆宋本『酢醬』作『酸酢』，非是。此从《湖北叢書》翻隆慶重雕宋本王逸《章句》烹鵠爲羹，小臍臍臍。洪氏《補注》：鵠，鴻鵠也。又《大招》：『內鵠鵠鵠。』注：鵠，黃鵠也（《湖北叢書》本無此《注》）。言宰夫巧於調和，先定甘酸，乃內鵠鵠黃鵠。洪氏《補注》：徐朝《七喻》云：『雲鵠水鵠，禽蹠豹胎。』鵠有白鵠，有黃鵠。又：鴻鵠代遊。注：言復有鴻鵠，往來遊戲。又《卜居》：『寧與黃鵠比翼乎？』注：飛雲鵠也。洪氏《補注》：漢始元中黃鵠下建章宮大液池中，師古云：『黃鵠大鳥，一舉千里。』又《惜誓》：『黃鵠之一舉兮，知山川之紆曲，再舉兮，睹天地之圓方。』注：

言黃鵠養其羽翼，一飛（《湖北叢書》本作「舉」）則見山川之屈曲，再舉則知天地之圖方，居身（《叢書》本作「身居」）益高，所睹愈遠也。黃一作鴻（《叢書》本《賦》《注》俱作鴻，與一本合；然下文並作黃鵠）。洪氏《補注》：始元中黃鵠下建章宮太液池中，師古云：「黃鵠大鳥，一舉千里，非白鵠也。」又：黃鵠後時而寄處兮，鵠羣而制之。注：言黃鵠一飛千里，常集高山茂林之上，設後時而欲寄處，則鵠羣聚，禁而制之，不得止也。一作鴻鵠。又：夫黃鵠神龍猶如此兮，況賢者之逢亂世哉？

季海按：《漢書·昭紀第七》：「始元元年春二月黃鵠下建章宮太液池中，顏《注》：『臣瓚曰：「時漢用土德，服色尚黃，鵠色皆白，而今更黃，以爲土德之瑞，故紀之也。」師古曰：「瓚說非也。黃鵠大鳥也，一舉千里者，非白鵠也。」洪引顏說出此。《太平御覽》卷第九百十六羽族部三引《廣志》曰：『黃鵠出東海，漢以其來集爲祥』，《志》云：『漢以其來集爲祥』，則非白鵠矣；又能具言所出，則知之彌詳矣，是郭義恭亦以爲二鳥也。據瓚說「鵠色皆白」，師古即謂之白鵠，蓋即今天鵠。英國百科全書（Encyclopaedia Britannica, 1957）：「凡有七種，其在北半球者凡五，皆白色（見 Swan 條），則瓚云：『鵠色皆白』，是也。《招魂》《大招》凡言鵠者，咸是物也。其大鳥之「一舉千里」者，自是黃鵠，與白鵠本不同，故《卜居》《惜誓》《昭紀》皆云：『黃鵠』，今天鵠實未聞有黃者，則顏說信矣，然竟不知果當今何鳥也？叔師於《招魂》《大招》言鵠，初未嘗與黃鵠相亂，獨於《大招》「鵠鵠」，今《補注》本有《注》：『鵠，黃鵠也』者，既未本《章句》所無（今依《湖北叢書》本），明是後人沾益，然《章句》又云：『乃內鵠鵠黃鵠』，蓋衍「黃」字，雖諸本皆誤，故可以理推也。夫「黃鵠一飛千里」，《惜誓章句》

亦具言之，觀《卜居》言：寧與比翼，《惜誓》與神龍並稱，豈當如一《招》所云，爲鳧、鵠伍乎？然則別是一鳥亦明矣。知此，則知《惜誓》所云，實是黃鵠，尋宋本《藝文類聚》卷第九十鳥部上《引離騷》曰：『黃鵠之舉兮，知山川之紆曲』，是隋唐舊本自作黃鵠（不云『一舉』者，亦可『一』字是後人依旁『再舉』字或《注》文加之，然未知其審），本或作鴻鵠者，非也。宋本章句雖『黃鵠之一舉』，已誤『鴻鵠』，而『後時』句不誤，是猶勝《補注》所出一本也。名物之辨，蓋亦多端，苟無顏氏之精識，洪氏之折衷，則古書之紛糅而難理者，將終於不可知而已矣。

《戰國策·楚四》：莊辛對（楚襄王）曰：『黃鵠因是以（以與已字本同，見《禮記·檀弓》鄭《注》。因是，猶是也；已，語終詞也，王引之說，見《經傳釋詞》『因』字條），游於江海，淹乎大沼，……奮其六翮，而凌清風，飄搖乎高翔，……不知夫射者方將脩其葺廬，治其緇繳，將加已乎百仞之上，……故晝游乎江河（宋本《藝文類聚·鳥部上》引《戰國策》『江河』作『江湖』，疑『河』當作『湖』，夕調乎鼎鼐（《類聚》引作鼎俎），此言高翔，而稱黃鵠，是黃鵠之舉，果出白鵠上矣。如莊辛之言，則雖飛乎百仞之上，猶或不免爲射者所加，是雖高而可得，安在其能與神龍並稱乎？然辛既寓言，誼亦有託，語有抑揚，蓋不足怪，惟以爲黃鵠高翔則同耳。』

露雞臙蠟。 注：露雞，露棲之雞也。有菜曰羹，無菜曰臙。蠟，大龜之屬也。洪氏《補注》：《集韻》：涪陵郡出大龜，一名靈蠟，音攜，又：以規切。

季海按：《文選·七命》：『晨鳧露鵠，霜鷄黃雀』，李善《注》：『霜露降，鵠鷄美』，今謂玉云：『露雞』，與

『露鵠』何異？亦當以霜露降，雞始腴美耳。王氏不得其說，輒云：『露棲』，使誠以露棲爲美，則彼棲垣爲『蜉』（見《說文·土部》）者，真多事矣。

顏師古《匡謬正俗》第八卷：『羹臠』條引王《注》：『有菜曰羹，無菜曰臠』，云：『案《禮》云：「羹之有菜者用枲，其無菜者不用枲」；又蘋藻二物，卽是餽羹之菜，安在其無菜乎？羹之與臠，烹者以異齊調和不同，非係於菜也。今之膳者，空菜不廢爲臠，純肉亦得名羹，皆取於舊名耳。』尋顏氏引餽羹之菜，有蘋藻二物，以明羹非無菜耳，若王《注》本云：『有菜曰羹』，則顏氏引此，欲以何明？且另爲復言：『安在其無菜乎？』今謂小顏所見《章句》舊本當云：『無菜曰羹，有菜曰臠』，故既引餽羹之菜，以破無菜，又引《曲禮》之文，以明有菜、無菜，通謂之羹也。然《爾雅·釋器》云：『肉謂之羹』（《說文·肉部》：『臠，肉羹也』，本此），王云：『無菜，當據此文耳。日本古寫本《文選集注》殘卷卷第六十六騷四：《招騷》引王逸已同今本，則唐本已訛，小顏所據，或尙是晉宋舊書耳。《集注》於『臠而不爽些』下引陸善經曰：『臠，酸羹也，味雖酸烈，不爽口』，是唐人以臠爲酸羹，顏氏所謂『調和不』者，此豈其一端歟？然《招魂》云：『和酸若苦，陳吳羹些』，是羹亦未嘗不酸，而陸氏云爾者，蓋據唐俗言之，殆其調和異齊，時人故有以別之耶？上文云：『鵠酸臠臠』，王《注》云：『言復以酢醬烹鵠爲羹，小臠臠臠』，是唐之臠，猶楚之酸，陸氏謂之酸羹者是已。

《玉燭寶典》二月仲春第二引《夏小正》曰：『祭鮪，鮪之至有時，美物也』，原《注》引《詩魚蟲疏》云：『鮪……於今孟津東石磧上釣取之，大者千餘斤，可蒸爲臠，又可爲鮓，其子可作醬』，又引『采芑』，

《注》云：『今案《毛詩草木疏》：「芑，蘆也，葉似苦菜，莖青白，摘其葉，白汁出，甘脆可生食，亦可蒸爲茹」』，是蒸菜爲茹，蒸魚爲臠，臠蟪蓋亦蒸爲之歟？

《說文·虫部》：『蟪，大龜也，以胃鳴者』，大徐引《唐韻》：『戶圭切』，《漢書·揚雄傳》錄雄《賦》曰：『拏靈蟪』，《注》：『應劭曰：蟪，大龜也。雄曰毒胃，雌曰蟪蟪』，《山海經·東山經》：『有水焉，廣員四十里，皆涌，其名曰深澤，其中多蟪龜』，郭《注》：『蟪，蟪蟪，大龜也，甲有文彩，似瑇瑁而薄，音遣知反』；三家之說，景純最詳，然既不云以胃鳴，亦不如應氏以雌雄爲義，則信乎其能孱守矣。郭音『遣知反』者，與洪又音合，《萬象名義·虫部》：『蟪，餘規反，大龜有文』，是原本《玉篇》音與郭正同，《廣韻·五支》：『蔭，悅吹切』下有『蟪』，卽此讀矣。大氏自東晉迄陳，蟪字皆在支韻，此江左舊音也。檢敦煌《切韻》殘卷S二〇五五：『五支』不收蟪，S二〇七一：『十二齊』『蔭，戶圭反』下有蟪，是自陸法言始入齊韻，大徐引孫愐同，《廣韻·十二齊》因之，此隋唐人讀，其始蓋出於河北，故與江東取韻或殊也。洪氏音攝，卽出於此矣。洪引《集韻》，今見《五支》，彼文云：『涪陵郡出大龜，甲可以卜，緣中文似瑇瑁，一名靈蟪』，蓋本《華陽國志·巴志》：『涪陵』云：『山有大龜，其甲可卜，其緣可作叉，世號靈叉』，《志》云『可作叉』者，謂『可作釵』耳。又讀與釵同，古止作叉也。蟪甲緣可作釵者，猶瑇瑁釵之比矣。《集韻》：『緣中文』云云，疑本當云：『緣中作叉』，文或卽叉之形誤，或更有奪字，未可知也。《巴志》云：『其地……靈龜、巨犀、山雞，白雉……皆納貢之』，又『胸忍縣』云：『山有……靈龜，咸熙元年獻靈龜於相府』，是蟪出巴中，而楚實臠之矣。

瑤漿蜜勺。 注：瑤，玉也。勺，沾也。**實羽觴些。** 注：實，滿也。羽，翠羽也。觴，觥也。言食已復有玉漿，以蜜沾之，滿於羽觴，以漱口也。

季海按：《玉燭寶典》六月季夏第六云：『《荆楚記》：『或沈飲食于井，亦謂之鑑（原《注》：戶監反也）』……《古樂府》云：『後園鑿井銀作床，金瓶素綆汲寒漿』，《吳歌》云：『六月節，三伏熱如火，銅瓶盛蜜漿』〔此歌起句三言，次末皆五言，似《懊儂歌》（如：『山頭草，歡少四面風，趨使儂顛倒』）、《華山畿》（如：『夜相思，投壺不停箭，憶歡作嬌時』）、《讀曲歌》（如：『思歡久，不愛獨枝蓮，只惜同心藕』）〕，並見郭茂倩《樂府詩集》卷第四十六：『清商曲辭·吳聲歌曲』，惟起句不入韻爲異，疑本當入韻，今書字有誤耳，非無據驗』，是季夏之飲，實有蜜漿，盛以銅瓶者，當沈于井，取清涼耳。荆吳俱在江南，地本接壤，飲食之方，有足相證（《招魂》亦云：『陳吳羹』矣），今謂『瑤漿蜜勺』，卽此是也。下云：『挫糟凍飲，酎清涼些』，同爲消暑之資，故於文相次，是知吳歌所詠，與楚同風矣。叔師於下句知爲盛夏之飲，而於此專主『漱口』，豈其於文理尙有所滯，於楚俗故猶有所遺歟？

挫糟凍飲。 注：挫，捉也。凍，冰也。**酎清涼些。** 注：酎，醇酒也。言盛夏則爲覆甕乾釀，提去其糟，但取清醇，居之冰上，然後飲之，酒寒涼，又長味好飲也。

季海按：《文選集注》殘卷卷第六十六引王《注》『提去』作『捉（原誤从木，今正）去』，是也。此正釋挫糟，王以捉訓挫，故云：『捉去』耳。殘卷引《注》云：『酒寒清涼』，竊見言寒以足『清涼』之致，庶窮言外之音，又無『好飲』字，亦於文可省，疑皆是也。

目曾波些。注：波，華也。言美女目采盼然，白黑分明，若水波而重華也。洪氏《補注》：曾，重也。

季海按：王《注》云『波，華』者，謂波之爲言猶『葩』也。《說文·艸部》：『葩，華也』。《大徐引《唐韻》：『昔巴切』，是也。『若』上《文選集注》殘卷、李善注《文選》並有『精』字，今本誤奪，當據補。

長髮曼鬋。注：曼，澤。髮一作鬋。言美人長髮工結，鬋鬋（明覆宋本、汲古閣本並作『鬋鬋』，《文選

集注》殘卷、汲古閣覆宋本李善注《文選》皆作『鬋鬋』，今从之）滑澤。

季海按：《注》以工結爲言，則一本作鬋者非也。曼借爲鬋，《說文·髟部》：『鬋，髮長也，从髟，南聲，讀若蔓』，是其義。南聲古在諄部，而讀若蔓者，《悲回風》以聞韻還，秀韻媛，知楚音故讀諄如寒也。《招魂》直作曼字，蓋據楚音書之，亦可鬋是秦篆，既楚書所無，故以同聲相借也。許君汝南人，汝南楚分，故所讀與《楚辭》相應爾。《髟部》又云：『髻，女髮垂兒』，曼鬋謂垂鬋之長，此正以盛鬋，見髮長之美，故上文亦云：『盛鬋不同制』矣。王彼《注》云：『言九侯之女，工巧妍雅，裝飾兩結，垂鬋下鬋』（明覆宋本《注》作『垂鬋下髮』，一云：『垂髮下鬋』，《文選集注》殘卷作『垂鬋下鬋』，汲古閣李善注《文選》作『垂鬋下髮』，今謂一云『垂髮鬋下鬋』者，衍『髮』字，《集注》殘卷『鬋』訛作『鬋』，一句之內，垂、下互言，則鬋鬋之以長爲美，亦可知已。

葦蔽象棊。注：葦，玉也，蔽，簪箸，以玉飾之也；或言葦路，今之箭裏也（此从《四部叢刊》影印江南圖書館藏明覆宋本、汲古閣覆宋本作『箭裏』，非是）。葦一作琨，一作篴。洪氏《補注》：《方言》：『篴謂之蔽，秦晉之間謂之篴，吳楚之間謂之蔽，或謂之箭裏，或謂之棊。』《博雅》云：『博箸謂之箭。』有六篴些。

注：投六箸，行六棊，故爲六博也。言宴樂既畢，乃設六博，以菹蔩（《叢刊》本作落，字形小泐，毛本作蔽，乃大誤，今正）作箸，象牙爲棊，麗而且好也。博一作博。洪氏《補注》：《說文》云：『局戲也，六箸、十二棊也。』鮑宏《博經》云：『所擲頭謂之瓊，瓊有五采，刻爲一畫者謂之塞，刻爲兩畫者謂之白，刻爲三畫者謂之黑，一邊不刻者，五塞之間，謂之五塞。』《列子》曰：『擊博樓上』，《注》云：『擊，打也，如今雙陸棊也。』古《博經》云：博法：二人相對坐，向局，局分爲十二道，兩頭當中名爲水，用棊十二枚：六白、六黑，又用魚二枚，置於水中。其擲采，以瓊爲之。瓊方寸三分，長寸五分，銳其頭，鑲刻瓊四面爲眼，亦名爲齒。二人互擲采行棊，棊行到處，即豎之，名爲驍棊，即入水食魚，亦名索魚。每牽一魚，獲二籌。翻（此从毛本，《叢刊》本作辭，當即翻之俗書，或壞字）一魚，獲三籌（《叢刊》本作『三籌』，與殷敬順《列子釋文》合，今从之，毛本作『二籌』，誤）。又：成梟而牟。注：倍勝爲牟。洪氏《補注》：《淮南》曰：『善博者不欲牟，不恐不勝。』《注》云：『博，其棊不傷爲牟。』呼五白些。注：五白，博齒也。言已梟已梟，當成牟勝，射張食棊，下兆於屈，故呼五白，以助投也。兆於屈，一作逃於窟。洪氏《補注》：《列子》云：『樓上博者射明瓊，張中』，說者曰：『凡戲爭能取中，皆曰射』；『明瓊，齒五白也』。

季海按：菹蔩，《文選集注》殘卷菹作昆，王《注》菹玉字同；又出《音決》：『昆，音昆』，陸善經曰：『菹，竹也』，是諸家《文選》本皆作昆，陸善經始作筭，《楚辭》故書亦當本作昆，故王《注》兩讀，退筭籛於或說也。《注》：『或言菹蔩』，《集注》殘卷作『筭籛』者，今《楚辭·哀時命》『筭籛雜於廢蒸兮』，《七諫·謬諫》則作菹蔩，洪引一本，此二文从竹，从艸，亦或相貿也。此既竹名，白合从竹，隸變或省，艸、

竹故時相亂矣。箒箸字皆从竹，而六箸亦被箸名者，其制以竹，其形似箸（《說文·竹部》：『箸，飯敬也，从竹，者聲』也。《注》：『今之箭裏』，殘卷作『箭裏』，裏即裏字。蓋古之爲箒者以竹，故或謂之箇（見《方言·第五》。《說文·竹部》：『箇，箇箒也』；一曰：博基也）、或謂之箭（見洪引《廣雅》），皆因竹得名。又或謂之『箭裏』者，裏借爲箇，《說文·竹部》：『箇，竹枚也』，是其義；一曰：借爲穎，《說文·頁部》：『穎，小頭也，从頁，果聲』，箸所以投，而謂之穎者，猶鮑宏《博經》亦云：『所擲頭』矣。今作箭裏，於義無取，形之誤也。然《四部叢刊》影印傅氏雙鑑樓藏宋刊本《方言》已云：『或謂之箭裏』（見《方言·第五》），是其訛久矣。六箒及《注》中諸箒字，殘卷並作博，與一本合，疑故書本借博字爲之。《注》：『以菴落作箸』，殘卷作『箇箒』，又無『以』字，『麗而且好』作『妙且好』，疑皆是也。《注》：『下兆於竈』，文不成義，殘卷作『下逃於竈』，與一本合，當是也。

《說文·竹部》：『箒，局戲也。六箸、十二碁也』，王《注》：『投六箸，行六碁』，《博法》：『二人相對坐，向局』（見古《博經》），人各六碁，或分白、黑，故十二碁。箸亦或謂之箒，六箒蓋以此得名。《方言·第五》：『箒謂之蔽，或謂之箇，秦晉之間謂之箒，吳楚之間或謂之蔽，或謂之箭裏（裏當爲裏，說見上文），或謂之箒毒，或謂之妃專，或謂之隱璇，或謂之碁』，凡此皆箒箸之異名，亦或謂之箭，郭氏《方言注》：『箒箸名箭，《廣雅》云』，是也。箸所以投，故《方言》云：『所以投箒謂之柶，或謂之廣平』，王《注》云：『投六箸』也。二人向局，同此六箸，故箸止於六。碁所以行，故《方言》云：『所以行碁謂之局，或謂之曲道』，王《注》云：『行六碁』也，人各六碁，故十二碁。箸多異名，碁一而已。《招魂》：

『葦蔽象基』，是楚語箸謂之蔽也；《韓非子·外儲說左上》：『秦昭王令工施鉤梯而上華山，以松柏之心爲博，箭長八尺，基長八寸，而勒之曰：『昭王嘗與天神博於此矣』』，是韓語箸謂之箭也；然其言基則同。韓非所云，雖或託諸神怪，或比諸寓言，要其度數，當取則不遠，是箭之長，故十倍於基也。方國殊語，箸亦或統於基，故《方言》云：『箸，或謂之箇』、『或謂之基』，《說文·竹部》云：『箇，一曰博基也』，是也；然書傳殊未見有以基統於箸者矣。

《韓非子·外儲說左下》：『齊宣王問匡倩曰：『儒者博乎？』』曰：『不也。』王曰：『何也？』匡倩對曰：『博者貴梟，勝者必殺梟，殺梟者，是殺所貴也，儒者以爲害義，故不博也』，是博者貴梟也。《戰國策·楚三》曰：『夫梟基之所以能爲者，以散基佐之也。夫一梟之不如（劉無不如二字）不勝五散，亦明矣。今君何不爲天下梟，而令臣等爲散乎？』是大基之中，其一爲梟，則其五爲散，梟基之所以能爲，亦賴散基佐之也。《考工記·輪人》：『察其菑蚤不齟』，《注》：『鄭司農云：菑讀如雜廁之廁，謂建輻也。泰山平原所樹立物爲菑，聲馘，博立梟基亦爲菑』，鄭仲師所云：『博立梟基』，猶古《博經》所云：『基行到處，卽豎之，名爲驍基』矣，立卽豎也。云『亦爲菑』者，凡樹立物爲菑，泰山平原所樹立物卽爲菑，梟基亦豎之，是亦樹立物，故其謂之菑亦同也。《史記·魏世家》：蘇代之對魏王曰：『王獨不見夫博之所以貴梟者，便則食，不便則止矣。今王曰：事始已行不可更，是何王之用智，不如用梟也？』《正義》：『博頭有刻爲梟形者，擲得梟，合食其子，若不便，則爲餘行也』，代云：『便則食』，未知果卽守節所云：『合食其子』否？此其所食卽謂對局者之基耶？抑別有所謂子耶？然匡

情言『殺梟』，似謂殺對局者之梟某，是蘇代言食，故當指食對局者之某耶？古《博經》弟言『食魚』而已，於蘇代所謂『食』與『便』、『不便』，匡情所謂『殺梟』之說，俱無可印證，然唐且云：『梟某之所以能爲』，當即指『食』而言，又云：『以散某佐之』，是梟有可食之便，亦賴散某佐之也。鮑宏《博經》，不見《隋志》，洪引見《後漢書梁冀傳注》，是唐有此書也，古《博經》又不知出於何家，洪引見殷敬順《列子釋文》，是亦先唐舊書；然白晚周至於漢之東京，雖博有多名，而投皆用箸，瓊爰代興，其防於魏晉乎？是二家之經，並乖姬漢之制也。王注『五白』，以爲『博齒』，博齒之名，生於刻畫（《列子·說符篇》：『宋人有游於道，得人造契者，歸而藏之，密數其齒』，張湛《注》：『刻處似齒』，是也），是古博箸，正刻齒爲采矣。鮑《經》之記瓊采，猶云刻畫，雖不必一仍舊貫，要爲尙有博齒遺意，若古《經》已云：『鑽瓊爲眼』，則故事蕩然，雖曰『亦名爲齒』，徒存虛號而已。

洪引《列子》者，《說符篇》文，引《注》，出殷敬順《釋文》。然殷引古《博經》上尙有：『韋昭《博奕論》云：設木而擊之，是也』，『獲三籌』下，又有：『若已牽兩魚而不勝者，名曰：被翻雙魚，彼家獲六籌，爲大勝也』云云，洪引省略耳。殷引韋《論》以證擊博，投亦可訓擊（《說文·攷部》：『設，繇擊也，投與設通』，但未知揚雄所云投博，即韋昭所說『設木而擊之』否耳？尋古《博經》既云：『牽一魚，獲二籌，翻一魚，獲三籌』，是牽魚與翻魚有別，然又云：『若已牽兩魚而不勝者，名曰：被翻雙魚』，是『牽兩魚』即『翻雙魚』矣，且又云：『彼家獲六籌，爲大勝』，是彼家獲籌之數，即翻雙魚之數，抑又何也？今謂當是食一魚爲牽，獲二籌，食二魚爲翻，即以一魚三籌計，故得獲六籌也。亦可雖得牽魚

獲籌而仍不勝，則止謂之牽，以一魚二籌計獲，若既得牽魚，而又獲勝，即謂之鰓，乃以一魚三籌計獲，斯爲大勝也。《淮南》言：『善博者不欲牟，不恐不勝』，依《注》：『其基不傷爲牟』，是博者貴勝而已，不貴不傷基也。王以倍勝爲牟者，既不傷基，而又取勝，是爲倍勝也。然高《注》質而易曉，正《注》通而難明，必語其中失，則高《注》爲長矣。

《列子·說符篇》又云：『樓上博者射明瓊，張中，反兩楡（今本云：『楡魚』，殷敬順《釋文》云：『多一字』，是也）而笑』，張湛《注》：『明瓊，齒五白也。射五白，得之。反兩魚，獲勝，故大笑』，殷氏《釋文》云：『凡戲爭能取中皆曰射，亦曰投。裴駰曰：報采獲魚也。楡字案《真經》本或作魚。案《六博經》作鰓，比目魚也。蓋謂兩魚勇之比目也。此言報采獲中，翻得兩魚，大勝而笑也。』今謂反魚之制，魏晉以前無徵，未知姬漢舊事亦爾否？殷氏於此引《六博經》未知卽上文引古《博經》否？然王云：『射張』，猶《說符》之『射』，『張』，《招魂》：『五白』，猶《說符》之『明瓊』，是局戲規模，尙相參證，觀其射得五白，而反兩楡，是爲大勝，則『成梟而牟，呼五白』之故可知矣。《章句》言：『射張』，《說符》言：『張中』，張皆讀『張辟』之張，王念孫以爲弧張、機辟之謂者是也（見《讀書雜誌餘編下·楚辭·九章》：『設張辟以娛君兮』條）。凡言射張，蓋皆以緇禽（義具《周官·冥氏》鄭《注》）捕鳥（義見《爾雅》：『繫謂之罝』郭《注》）爲喻，故《說符》又云：『張中』，中猶『中於機辟』之中（語見《莊子·逍遙遊》）。若此說不謬，卽博基有梟，亦取名於梟鳥耳。張守節言：博頭有刻爲梟形者（見前引《正義》），未知果取諸目驗，抑得之古《博經》，然足證唐人尙知梟基之名，故生於梟鳥也。《詩·邶風·

施丘：『瑣兮尾兮，流離之子』，孔《疏》引陸機云：『流離，梟也，自關而（今孔《疏》脫『而』字，據《釋鳥》邢《疏》補）西謂梟爲流離』（陸氏《毛詩音義》引《草木疏》略同），是六博之戲，本出關東，故有梟碁矣。古之說梟者，或以爲勇健：《漢書·高紀上》有『梟騎』，《注》：『應劭曰：『梟，健也』，張晏曰：『梟，勇也，若六博之梟也』，是也；《張良傳》有『梟將』，師古曰：『梟，謂最勇健也』，又《淮南·原道》：『爲天下梟』，《注》：『梟，雄也』，並是此義；殷引古《博經》又云『名爲驍碁者』，《後漢書·劉焉傳》：『劉備有梟名』，《注》云：『梟，即驍也』；驍、健、雄、勇，於義一也。梟碁之名，既原出於梟鳥，特於衆碁之中，尤爲勇健，故訓亦通於驍雄，蓋引申之談，非初義然也。王云『已碁已梟，當成牟勝』者，《後漢書·張衡傳》載衡《應問》曰：『咸以得人爲梟，失士爲尤』，章懷《注》云：『梟，猶勝也，猶六博得梟則勝』，『已碁已梟』，是爲已勝，『當成牟勝』（王以倍勝爲牟），故猶『呼五白』，『以助投也』。古《博經》所云：『翻魚之制，不知起於何時』，觀王云：『射張食碁，下逃於窟』，是絹禽獵獸之名，於捕魚無與，疑王《注》之『窟』，即《博經》之『水』，牽魚之制，或即始於魏晉，水陸異宜，故易窟以水耳。《漢書·賈誼傳》稱誼爲賦以弔屈原，其辭曰：『偃蠅蠅以隱處兮』，《注》：『服虔曰：『蠅，音梟』。應劭曰：『蠅蠅，水蟲害魚者也』』，《史記》屈原賈生列傳案隱云：『《漢書》作『偃蠅蠅』……郭璞注《爾雅》：『似梟，江東謂之魚鵠』』，小司馬所引見《釋鳥》：『鵠頭，鵠』，《注》：『是梟蠅音同，或又以爲魚鵠字，應劭亦云『害魚』，故魏晉以還，遂因緣梟名，而爲牽魚之戲耳。』

耐飲盡歡，樂先故些。

注：故，舊也。言飲酒作樂，盡已歡欣者，誠欲樂我先祖，及與故舊人也。耐一

作酌，一本盡上有既字。《文選集注》殘卷賦文與今本同，出《音決》：『樂，音岳，下音洛』，《集注》又

云：『今案《音決》、陸善經本飲爲樂。』

季海按：洪本所出異文，與唐本都不相應，自是宋人妄改，今所不取。酌飲字當從《音決》、陸善經本作樂，酌、樂並舉，本皆實字，於文爲略，故《注》云：『飲酒作樂』以申之。唐本已或作飲者，蓋當時《文選》諸師有嫌於語複，故易其字，避下文耳。後世論文，持律益細，輒以爲病，屈宋攄辭，其實不爾；且卽唐人所學言之，如公孫之讀，上下音義，亦自有別也。先故之文，頗見先秦舊書，《管子·四稱篇》曰：『湛酒於酒，行義不從，不脩先故，變易國常，擅創爲令，迷或其君，生奪之政，保貴寵矜』，此先故謂自古在昔，先民有作，良法美政，流風遺俗，所謂古訓是式者是也，下言：『變易國常，擅創爲令』，義正相成，然此非《招魂》所謂。《尸子·勸學篇》曰：『子罕曰：古之所謂良人者，良其行也；貴人者，貴其心也。今天爵而人，良其行而貴其心，吾敢弗敬乎？以是觀之，古之所謂貴，非爵列也；所謂良，非先故也』，此言指人，與《招魂》實同。若如玉說，以先爲先祖，則尸子此言，蓋謂門第不足憑，祖先不足恃也。然疑此二先字，或本指年輩言之，漢人亦以先生爲先，今洛陽語猶如是，蓋古之遺言矣。若爾，卽『先故』，猶『耆舊』也。

倚沼畦瀛兮 注：沼，池也。畦，猶區也。瀛，池中也，楚人名池（《文選集注》殘卷引此《注》無『池』字，

與李善《注》本合）澤中曰瀛。遙望博。 注：博，平也。言已循江而行，遂入池澤，其中區瀛，遠望平

博，無人民（殘卷無『民』字，與李善本合）也。

季海按：《文始四·陽聲清部乙》：『井，葶乳爲滸，深池也。對轉支滸爲洼，深池也。……《史記·孟子荀卿列傳》：「於是有大瀛海環之」，《說文》無「瀛」，蓋卽「洼」字，海爲天池，故曰大洼海。蘄州黃侃曰：「《楚辭·招魂》：倚沼哇瀛兮遙望博，劉逵《蜀都賦注》引《楚辭》：倚沼哇瀛，王逸云：瀛，澤中也，班固曰爲哇。是《楚辭》本作倚沼瀛，而孟堅解之爲哇，錄者竝書哇瀛，遂至文不比類」，此則瀛本作洼，故可與哇通借。《說文》：「哇，讀若回」，《方言》訓瀛爲好，卽借爲娃，皆支清對轉之例，瀛作滸亦得」，今謂章先生采蘄春之昌言，據劉淵林《注》分別哇瀛，以訂錄者並書之失，信乎頓還舊觀，煥若神明矣。然謂《楚辭》本作瀛、洼，而孟堅解之爲哇，則猶有所未盡也。王逸《敍》明言：「班固、賈逵……各作《離騷經》章句」，其餘十五卷，闕而不說，是孟堅實未嘗爲《招魂》作解；又：若本作瀛、洼，卽義類相附，書意自見，何煩改讀？此當是班本作哇、王本作瀛耳（王《注》：「哇，猶區也」，或者猶本班說，未可知也）。哇、瀛本聲轉義通（支清對轉，如章先生所說），師讀不同，其本亦異也。子政所校，不可復睹，然孟堅作哇，疑卽據劉本矣。《章句》以哇爲瀛者，叔師楚人，能徵楚語，直謂作哇之本爲「以壯爲狀，義多乖異」之比，故輒從「改易」爾。

《方言·第三》：「汜、浼、濶（郭《注》：湯濶）、洼（《注》：烏蛙反），洿也（《注》：皆洿池也）。自關而東或曰洼，或曰汜；東齊海岱之間或曰浼，或曰濶（《注》：荊州呼濶也）」，是如子雲所記，則濶、洼皆洿池之屬，如景純之《注》，則濶、濶亦語之轉也。班本作哇，卽讀與洼同，故《說文·水部》亦曰：「洼，深池也」，正與關東語相應，固扶風人，何遽作關東語，益知淵林所引，不出班氏解矣。東齊海岱之間或

曰濁者，《說文·水部》云：『濁，海岱之間謂相汙曰濁』，大徐引孫愐：『余廉切』，同爲海岱之言，而淪、汙小異，或許君所據《方言》，與郭殊讀，亦可別有所受矣。然名言孳乳，同條共貫，許、郭二義，亦相引申。必如郭義，於《說文》當作淪，《水部》云：『淪，泥水淪淪也；一曰：纒絲湯也。从水，色聲』，大徐引孫愐：『胡感切』，淪池曰淪者，謂泥水淪淪也。郭云『湯濁』者，即許所云：『纒絲湯』矣；但許出異義，郭擬其音耳。《水部》又云：『涵，水澤多也，从水，函聲，《詩》曰：潛始既涵』，大徐引孫愐：『胡男切』，音義亦自相近，故《廣韻·四十八感》：『頤，胡感切』下有『淪』云：『水和泥，或作涵』也。淪、涵與濁，古聲同在匣紐（濁在匣紐，依郭《方言》音，《萬象名義》引原本《玉篇》音與《唐韻》同，是顧、孫俱讀入喻紐，此今音），古韻不越侵、談，蓋亦相近『色聲字古音當入侵部（見王念孫《古韻譜·侵第三》），而學者亦或以入談部（見段玉裁《六書音均表四第八部》），《詩·澤陂三章》以蒼、枕與儼爲韻，則古音與談本相出入』，要自一言孳乳矣。荊州語又轉爲潢，則入陽韻，古音談陽亦多相通（見段《表四第八部》、《古合韻》），《說文·水部》：『潢，積水池』（大徐引孫愐『乎光切』），是其義（汙、湖、汪、潢孳乳之故，詳章先生《文始五·陰聲魚部甲》）。然王本《招魂》作瀛，則與潢爲近，瀛（喻紐）、潢（匣紐）旁紐雙聲，古音青、陽旁轉，如宮在陽部，《易·萃彖傳》與正、命爲韻，《乾文言傳》與情爲韻（見段氏《六書音均表四第十一部》、《古合韻》），是也。以景純所記荊州語證之，益知郢俗必讀入陽聲，是王本作瀛，近得楚音之正。班本作哇，則讀如陰聲，蓋楚辭先師或依關東讀轉瀛作注，學者倉卒不得其字，遂借哇字爲之耳。孟堅不諳楚語，既莫能正讀，故叔師匡

之矣。

懸火延起兮玄燄烝。

注：懸火，懸燈也。玄，天也。言已時從君夜獵，懸燈林木之中，其火延及（《文

選集注》殘卷及李善注《文選》引此《注》及《皆作『起』》，燒於野澤，煙上烝天，使黑色也。烝一作蒸。

洪氏《補注》：《說文》：『烝，火氣上行也。』

季海按：《文選集注》殘卷：『懸』作『縣』（《注》並同），出《音決》：『縣，音玄』；又引陸善經曰：『懸遠放火，連延上起』云云，是唐本白李善、公孫羅諸家字並作『縣』，《楚辭》故書正當如是，今本作『懸』，蓋昉於陸善經耳。烝、蒸字通，今李善注《文選》《賦》文及《注》字並作蒸，與一本合；然殘卷止作烝（《注》誤作承，要不从艸可知），出《音決》：『烝（原誤作丞，今正），之剩反』，又引陸善經曰：『烝，升也』，都不云更有異文，是唐本字俱作烝，其一作蒸者，蓋出宋人耳。王云夜獵者，《爾雅·釋天》云：『宵田爲獠』，郭《注》：『《管子》曰：『獠獵畢弋』，今江東亦呼獵爲獠；或曰：即今夜獵載鑪照也。』郝氏《義疏》：『獠者，《說文》云：『獵也』，不云：『宵田』，《詩》伐檀箋：『宵田曰獵』，不言：『爲獠』，許鄭二君以互見爲文也。《詩》：『火烈具舉』，《正義》曰：『此爲宵田，故持火焰之』，《伐檀正義》引郭《注》云：『獠，猶燎也，今之夜獵載鑪照者也，江東亦呼獵爲獠，《管子》曰：『獠獵畢弋』，較今本郭《注》文義爲長，所引《管子》，《四稱篇》文也。《爾雅釋文》：『獠或作燎』，獠獵聲轉義同，故鄭引獠即作獵矣。』其實獠、獵俱有二義：其一通名，《說文》所云及郭《注》所引江東語是也；其一爲『宵田』之偁，《釋天》及《伐檀箋》所出，是也。獠之於獵，此二義俱通，郝云：『獠獵聲轉義同』，是矣。

叔師所云，謂卽宵田耳；然《詩》云：『舉火』（《正義》以爲『持火焰之』），郭云：『載鑑照，並無取『懸燈』，頗謂王說未得究竟。』況懸鑑林木，書傳未聞，事比守株，何益逐鹿？至于鑑火延燒，則又事出偶然，从獵人衆，撲滅差易，大澤之中，不患無水，何至燒於野澤，煙上烝天，使黑色也？縱有此事，則楚衆之不整，一至於此，初非美談，玉果何取而賦之乎？私意此非夜獵，蓋火田耳。《釋天》：『火田爲狩』，郭《注》：『放火燒草獵亦爲狩』，郝氏《義疏》：『與冬獵同名，故郭云『亦』也。』火田者，《王制》云：『昆蟲未蟄，不以火田』，《周禮·羅氏》：『蜋則作羅襦』，鄭《注》：『今俗放火張羅，其遺教』，賈《疏》云：『漢之俗閒在上放火，於下張羅承之，以取禽獸』，《春秋》桓七年二月：『焚咸丘』，杜預《注》：『焚，火田也，譏盡物』，《正義》引李巡、孫炎，皆云：『放火燒草，守其下風』，是也。《春秋》：『焚咸丘』，杜云『焚，火田』者，蓋讀與『焚』同，《說文·火部》：『焚，燒田也，从火，櫛，櫛亦聲』，是也。《左·定元年傳》云：『而田於大陸，焚焉』，亦其事也，焚亦讀同『焚』矣。此文既云：『其火延起，燒於野澤，煙上烝天，使黑色』矣，非火田而何？《戰國策·楚一》：『於是楚王（蓋宣王）游於雲夢，結駟千乘，旌旗蔽日，野火之起也若雲蜺，兕虎咆之聲若雷霆』，觀其所言：游於雲夢，結駟千乘，野火之起，兕虎之咆，卽與《招魂》情事如一矣，《招魂》之『懸火』，卽《楚策》之『野火』耳；然明云：『旌旗蔽日』，此豈夜獵哉？王君頗通其大義，而終不能得其本事者，殆爲縣火之文所誤耳。王執懸鑑以爲『縣火』，故以爲夜獵矣。尋《說文·火部》：『燿，取火於日官名，舉火曰燿』，《周禮》曰：『司燿，掌行火之政令。从火，瞿聲。烜，或从旦』，云『舉火曰燿』者，段《注》云：『《呂覽·本味篇》：『湯得伊尹，燿以燿火』，

高《注》云：「《周禮》：司燿，掌行火之政令，燿火者，所以祓除其不祥，置火於桔槔，燭以照之，燿讀曰權衡之權。」又《贊能篇》：「桓公迎管仲，祓以燿火。」高《注》略同，亦曰：「燿讀如權字」，考《史記·封禪書》《漢書·郊祀志》皆曰：「通權火」，又曰：「權火舉而祠」，張晏云：「權火，燄火也，狀若井挈旱，其法類稱，故謂之權火，欲令光明遠照，通於祀所也，漢祀五時於雍，五里燄火」（《漢書·郊祀志》顏《注》引張晏：「五十里一燄火」，段氏蓋據《史記封禪書集解》引文，然里下當有「一」字），如淳曰：「權，舉也」。按如云：「權，舉也」，許云：「舉火曰燿」，高云：「燿讀曰權」，然則燿、權一也，今謂舉火實兼二義，火烈具舉，亦得謂之舉火，非必置火於桔槔也。燿火本取前義，漢師多以權火說之，不悟司燿實掌行火之政令，何取於桔槔之火也？且《呂覽》言湯於伊尹、桓公於管仲，亦以燿火祓之（《淮南·汜論訓》於伊尹諸人亦云：「洗之以湯沐，祓之以燿火」，高《注》略同《本味》），正當謂持火爲之祓除，今俗猶或跨越火上，以祓除不祥，亦取其切近於身而已，必云置火桔槔，何其迂遠？且燿或从巨，段《注》云：「《周禮》秋官司烜氏注」云：讀如衛侯燬之燬，故書烜爲烜，鄭司農云：當爲烜，按依許則烜卽燿字，巨聲、蕤聲同在十四部也，段君頗心知其意，而說猶未盡，其實古文本無其字，故依聲託事，段烜爲之，秦漢以來始作燿，漢之禮家又或以烜字爲之耳。知此，則知夏官司燿、秋官司烜氏所屬雖異，其得名則同，故司烜氏「以夫遂取明火於日」（見《周禮·秋官》），而許氏《說文·火部》、高氏《淮南汜論訓注》俱以「取火於日」之官說燿，段君必云：「日當作木」，又以「高《注》亦當爲謬字」，未必然也。《招魂》：縣火，讀當與「烜火」同，若依司烜氏《注》例，亦當讀如衛侯

燬之燬，古音縣垣同在寒部「縣」，大徐引《唐韻》胡涓（宋本誤作清，今以《廣韻》校）切，聲在匣紐，見《說文·縣部》；垣，《唐韻》兩元切，聲在喻紐，見《說文·土部》，是皆喉聲字，以旁紐相轉，是知縣火即燬火矣。

《周禮·夏官大司馬》：「遂以蒐田，有司表貉誓民，鼓遂圍禁，火弊，獻禽以祭社」，鄭《注》：「春田爲蒐。有司，大司徒也。……表貉，立表而貉祭也。誓民，誓以犯田法之罰也。……立旌，遂圍禁。……禁者，虞衡守禽之厲禁也。既誓，令鼓而圍之，遂蒐田。火弊，火止也。春田主用火，因焚萊，除陳草，皆殺而火止」，然則周人火田，本因春蒐而爲之，亦以「焚萊，除陳草」矣。《春秋經》：桓七年書「焚咸丘」在二月，《左·定元年傳》書「田於大陸」，則在正月，皆春田也，《招魂》之《亂》亦曰：「獻歲發春」，《棗蘋齊葉》，感事隨時，要亦春獵，故主用火矣。是此一事，列國同風，中更春秋，下逮戰國，未之或改，雖楚之獵，猶因周制也。《周禮·夏官司燬》：「凡國失火，野焚萊，則有刑罰焉」，鄭《注》：「野焚萊，民擅放火」，賈《疏》：「野焚萊有罰者，《大司馬》仲春田獵云：「火弊」，鄭云：「春田主用火」，因除陳生新，則二月後擅放火，則有罰也。」果爾，則仲春用火，於古無譏。《左·定元年傳》於魏獻子之「田於大陸」，終之曰：「還卒於寧，范獻子去其柏椁，以其未復命而田也」，是當時故未嘗以火田見譏也，郝氏一切非之，又以爲不出於古，用意雖美，而違實錄，是亦仁者之過歟？或曰：縣火，讀與燬火同，是則然矣，於義則當从漢師訓作權火，楊雄《羽獵賦》曰：「舉燄列火，轡者施技」，《縣火延起》，正謂是矣。今謂《招魂》言：「縣火延起兮玄顏烝」者，唯《楚策》云：「野火之起」

者，足以當之，故《章句》亦云『燒於野澤』矣。子雲所賦，自是漢事，叔師漢人，亦不援此爲說，則此文所云，非燒火也。

王云『煙上烝天使黑色』者，是以『玄顏烝』爲倒句也，今謂如文可通，不煩倒釋。尋《爾雅·釋言》：『烝，塵也』，此正與楚語相應。『玄顏烝』，本謂天顏爲所塵穢耳。草澤見焚，煙炎上行，故天色黑也。郝氏《釋義疏》謂：『烝，塵亦語聲轉』，所見自卓，然一掃舊注，不知烝之爲塵，義亦通於塵埃（郝《疏》云：『然則烝、塵二字，以聲爲義，不須訓詁』，《詩桑柔正義》引孫炎曰：『烝，物久之塵』，郭《注》申之，而云：『人衆所以生塵埃』，均爲失矣），是郝《疏》非無遺義，孫、郭亦未爲全非也。

抑驚若通兮，引車右還。注：還，轉也。言抑止馳驚者，順通共獲，引車右轉，以遮獸也。還一作旋，一云：引右還，無車字。洪氏《補注》曰：還，音旋。

季海按：《文選集注》殘卷『還』作『運』（引《注》同），引《音決》：『還，音旋』，與洪音合；《集注》又云：『案《文選》本盡作還，而《楚詞》作運，音旋』，是唐本《楚詞》正作右運，與一本合，蓋故書如是。尋《哀郢》云：『將運舟而下浮兮』，王《注》：『運，回也』，回，轉一義，其言運與《招魂》正同，是回轉謂之運，故楚語矣。此文以先，運爲韻，古音俱在諄部，唐人讀《楚詞》：右運，雖作『旋』音，未嘗改字，變易舊文，以就今讀，實始《文選》諸師，後人並改《楚詞》，則其失彌遠已。《文選集注》雖云本盡作還，而文注一仍《楚詞》，洪本既已承認，而異文猶存舊貫，皆可貴也。惟《集注》不云《楚詞》無車字，是與洪注異文所出，尙小有參差，故非一本矣（頗疑此『車』字其始亦《文選》家依王《注》加

之，後人又以《文選》改《楚詞》，如改『右運』字耳。

與王趨夢兮課後先。

注：夢，澤中也，楚人名澤中爲夢中。言己與懷王俱獵于夢澤之中，課第羣臣先至後至也。一注云：夢，草中也。

李海按：日本古寫卷子本《文選集注》卷第六十六騷四：《招魂》一首引王逸曰：『夢，草中也，楚人名草中爲夢中』，又曰：『言己與懷王俱獵，趨於夢草之中』，與一本《注》合，是今本凡草作澤者，皆宋人妄改，唐本初不爾也。尋《說文》艸部：『夢，灌淪，从艸，夢聲，讀若萌』，許君楚人，是漢世夢聲字楚音或讀入陽部，又《歸部》：『歸，衆艸也，从四中，讀與冈同』，是汝南讀夢、歸聲韻悉同，但有平上之異耳。『楚人名草中爲夢中』者，正讀歸如夢，上爲平者，歸本謂衆艸，語轉因亦以名草中也。《離騷》『宿莽』，《懷沙》『莽莽』，自作上聲，而韻入魚，故草中字乃借夢字爲之耳。蓋荆楚轉語，聲緒微茫，幾不可討理，此文獨賴叔師《章句》，舊本猶存，以相證羈，而後本同末異，枝出派分之端，始可得而說也。王君云『草中』者，草在幽部，幽魚相轉（段氏《六書音均表》四第三部）：《古合韻》：『懷，本音在《第五部》，《民勞》合韻：休、遂、憂字，青、齊語謂之苴、沮、菹，《管子》雜篇三：七臣七主：『苴多騰藎』，《注》：『苴，謂草之翳藎』，《戰國策·齊三》：淳于髡曰：『今求柴葫、桔梗於沮澤，則累世不得一焉』，《孟子·滕文公章句》下：『禹掘地而注之海，驅龍蛇而放之菹』，趙氏《注》：『菹，澤生草者也，今青州謂澤有草者爲菹』，轉侯部卽爲藎，《說文》艸部：『藎，大澤也』，是也。大氏草，苴、沮、菹，藎，皆齒頭音，以旁紐相轉，尋其根株，並出於草矣。當王君之世，惟楚人猶謂之

草中，獨與凡卉之名相應，蓋亦上古質言之僅存於楚語者矣。

今知楚音『夢』作平者，不惟許君舊讀可據而已。於《招魂》上云：『巫陽對曰：掌夢（洪氏《補注》本云：『夢一作夢』），上帝其難從，若必筮予之，恐後謝之（从王念孫說，見《讀書雜誌餘編下》），不能復用（用字句絕，从王石臞讀，說見《餘編下》及王氏《古韻譜·東第一》），』石臞謂：『用字古讀若庸，與從字爲韻』（見《餘編下》及《古韻譜》），極是；然此文實以『夢（夢）』從、用爲韻，『夢（夢）』正讀若萌，楚音東、陽故相協矣（已略見《解故》中，別詳拙撰《楚辭音》）。王《譜》失收，偶不省耳。

湛湛江水兮上有楓，
《文選集注》殘卷引《音決》：『楓，方凡反。』
目極千里兮傷春心，
殘卷引《音決》：『心，素含反，案：方凡、素含，皆楚本音，非協韻，類皆放此，而稱協者，以他國之言耳。』
魂兮歸來哀江南。

季海按：此以楓、心、南爲韻，古音皆在侵部，公孫謂：『皆楚本音』，是也。《音決》出：『方凡、素含』二切，凡、含古音亦在侵部，觀公孫此讀，知唐時侵部古音，猶足徵于楚俗也。洪氏《補注》於『傷春』句云：『心，舊音：蘇含切，按《詩》：『遠送于南』，與『實勞我心』叶韻，正與此同』，洪引舊音，與公孫合，乃於楓下，不引方凡切者，是故未見《音決》也。洪生也晚，殆楚語已訛，故不能取證方音，如公孫之爲，然大氏與吳械同時，而獨知上尋《詩》韻，以通楚讀，是固遠勝才老之援楓、南入真（見《韻補》卷一），卒以『決裂部分，蕩棄繩墨』，爲亭林所譏矣（語見《韻補正》）。

七諫第十二

《謬諫》：故叩宮而宮應兮，彈角而角動。

注：叩，擊也。彈，揆也。宮、角，五音也。言叩擊五音，各以

其聲感而相應也。一云：叩宮而商應，彈角而徵動。洪氏《補注》：《莊子》云：『鼓宮宮動，鼓角角動，音

律同矣。』《淮南》云：『調絃者叩宮宮應，彈角角動，此同聲相和者也。』《注》：『叩大宮則少宮應，彈大角

則少角動。』

季海按：觀洪氏引《莊子》、《淮南》，知一本非也。《初學記》卷第二十九獸部：鹿·事對：『求友』下引

《楚詞》曰：『飛鳥號其羣兮，鹿鳴求其友。』把宮而宮應，彈角而角動，嘉靖辛卯安國刊本，又甲午

晉藩重刻本所引並如是，叩皆作把者，今謂故書應爾，唐人所引是也。莊子云鼓，淮南言叩，東方

稱把，語各从其方，而意不相遠。尋《說文·手部》：『把，握也』，非其義，此當讀與拊同。《書·皋陶

謨》：『夔曰：於！予擊石、拊石』，鄭玄《注》云：『磬有大小，予擊大石磬，拊小石磬』（見《周禮·大司

樂》賈《疏》，上承『案彼鄭《注》：憂，櫟也』云云，余蕭客《古經解鈎沉》、孫星衍《尚書今古文注疏》皆

以爲鄭君《尚書注》逸文，今从之，是擊、拊相類，而有大小之分，故《尚書》孔《疏》亦云：『擊有大

小，擊是大擊，拊是小擊』，即用康成說矣。然對文有別，散文則通，故《九歌·東皇太一》云：『揚枹

兮拊鼓』，王《注》云：『拊，擊也』。此文王《注》：『叩，擊也』，當本作『把，擊也』，是王亦讀把如拊矣。

拊古音在侯部，把在魚部，曼倩借把爲拊，則讀魚與侯同，《漢書·東方朔傳》載朔《荅客難》亦以後、

數與虎鼠、戶故爲韻，又以狗韻虎矣。然賈誼《惜誓》、枚乘《七發》、司馬相如《子虛賦》用韻多有如此者，是西漢時魚侯已漸合爲一也。

惜誓第十五

獨不見夫鸞鳳之高翔兮，乃集大皇之壘？循四極而回周兮，見盛德而後下。

注：言鸞鳥、鳳皇乃高飛

於大荒之野，循於四極，回旋而戲，見仁聖之王，乃下來集，歸於有德也。回一作徊。而回周兮，一作以周覽兮。劉師培《楚辭考異》出：『循四極而回周兮』，云：案《類聚》卷六、卷九十九並引回作迴（正當作迴，此誤），《事類賦注》十八引作周回；又出：『見盛德而後下』，云：案《御覽》九百十五引見作覽，《白帖》引：覽德威而後下，《事類賦注》十八引後下作高下，誤。

李海按：《九歌·大司命》：『君迴翔兮以下』，迴一作回，《說文·羽部》：『翔，回飛也』，此云回周，猶回翔，亦謂回飛耳。不直言翔者，句承上文，語相避也。凡書傳稱『周』，或訓匝，《國語·晉語》：『三周華不注之山』，《注》：或訓徧，《左·隱十一年傳》：『周麾而呼』，《注》：或訓旋，《九歌·湘君》：『水周兮堂下』，《注》：或訓繞，《山海經·海外西經》：『女子國，兩女子居，水周之』，《注》：諸書亦或言：『周旋』，《左·僖廿三年傳》：『以與君相周旋』，《注》：『周旋，相追逐也』，《素問·天元紀大論》：『七曜周旋』，《注》：『周，謂周天之度』，《周流》，《文選·羽獵賦》：『章皇周流』，《注》：『周流，周匝流行也』，義皆相近，皆常訓。此云：回周，初非異言，若从直訓，卽回旋矣。凡此諸周，並借爲知，《說文·勺部》：『知

币，徧也，从勺，舟聲，《币部》：『币，周也』，亦段周字爲之，是也。『周，舟聲通，《考工記》：『作周以行水』，鄭司農《注》：『周當作舟』，《左·襄廿二年傳》：『華周』，《說苑·立節》、善說《作舟》，是其例；若漢孟郁《脩堯廟碑》：『委曲自币』，韓勅《脩孔廟後碑》：『自□瘡域』，則正从舟聲書之，阮氏《經籍纂詁》遂謂『周』作『舟』者（見《十一尤》『周』字下），弟據後人所見言之，殆非所以論漢故也。《說文·口部》：『周，密也，从用口』，音義雖近，必探其本，要當有別。今俗云兜圈子，亦是此意。兜卽鉤，周，占照紐字或讀入端，則音正如兜也。尋《史記·屈原賈生列傳》載賈生弔屈原《賦》云：『鳳皇翔于千仞之上』（《漢書·賈誼傳》無『之上』字）今，覽德輝（《漢書》作輝）而下之』，與此文語正相似，『見盛德』句《御覽》《白帖》見皆作『覽』，與誼《賦》無異，其實此二覽字，猶《離騷》之言『覽民德焉錯輔』矣。觀二家所引，知故書自當作『覽』，今本作『見』，殊乏溫雅、宏深之致，蓋宋以來失之。《白帖》引作『德威』，與『德輝』句尤近，疑『盛德』字亦後人所改，惜無本可質耳。

大招第十六

鼎臠盈望，和致芳只。
注：臠，熟也。致，致醎酸也。芳，謂椒薑也。言乃以鼎鑊臠熟羹臠，調和醎酸，致其芬芳，望之滿案，有行列也。臠一作脰。《釋文》作臠，徒南切。洪氏《補注》：臠，臠也。

季海按：《招魂》：『臠若芳些』，《注》：『臠若，熟爛也，言取肥牛之臠，爛熟之』，臠一作脰；又『脰鼈炮羔』，《注》：『言復以飴蜜，臠鼈炮羔，令之爛熟』，臠一作臠，《釋文》作臠。是諸本自《釋文》以降

『臠』、『臠』字頗錯見，《注》皆以熟爲義（《釋文》除『臠若』外，並不作『臠』、『臠』字）；今謂此言『鼎臠』，以目鼎實之美者爾，與《招魂》所云，辭氣本異，安得同訓？《釋文》本作『臠者』，殆校書者已覺其不安，故更舊文耳。尋《淮南·詮言訓》：『周公散臠不收於前，鍾鼓不解於縣，以輔成王，而海內平』，《注》：『臠，前肩之美也』，當句正用此義，《大招》之文，與《淮南》故多相應也。知是前肩者，《說文·肉部》云：『臠，臂羊矢也』，章先生《小斂答問》曰：『《甲乙經》云：『陰廉在羊矢下』，《素問三部九候論注》：『肝脈在毛際外羊矢下一寸半陷中五里之分，臥而取之』，是股內廉近陰處曰羊矢，爲漢晉人常語，遂以言臂內廉，則曰臂羊矢矣』，是臠本臂內廉之稱，以言鼎實，則爲『前肩之美』者矣。

吳醴白麴，和楚漚只。 注：再宿爲醴。麴，米麴也。漚，清酒也。言使吳人釀醴，和以白米之麴，以作楚漚，其清酒尤醲美也。

季海按：《周禮·天官酒正》：『辨五齊之名：一曰泛齊，二曰醴齊，三曰盎齊，四曰緹齊，五曰沈齊』，鄭《注》：『醴猶醴也，成而汁滓相將，如今恬酒矣。……自醴以上尤濁，縮酌者，盎以下差清』，賈公彥《疏》：『云「自醴已上尤濁，縮酌」者，言自醴以上，唯有泛齊。泛齊滓浮，則濁于醴齊汁滓相將者，此二者皆以茅沛之，故《司尊彝》云：「醴齊，縮酌」，《郊特牲》云：「縮酌用茅，明酌也」，謂以事酒之上清明者，和醴齊，以茅沛之，使可酌。鄭彼《注》云：「泛從醴」，是二者皆縮酌，故云：「自醴已上尤濁，縮酌」也。云「盎以下差清」者，案《司尊彝》云：「盎齊沈酌」，鄭《注》「沈，清也」，謂以清酒沛之，則不用茅，以其盎已清故也。鄭彼《注》又云：「泛從醴，緹、沈從盎」，則亦用清酒沛之，是『醴齊縮酌，縮酌』也。

酌，經有明文，此云『和楚瀝』者，是亦『以清酒沛之』矣，獨得比於沆酌，從盞齊者，殆『吳醴白麴』，雖或猶濁于盞，故當清于常醴歟？『酒正』又云：『辨三酒之物』，『三曰：清酒』，鄭《注》：『清酒，今中山冬釀，接夏而成』，是清酒夏成也。上文云：『清馨凍飲』，猶『招魂』云：『挫糟凍飲，酌清涼』也（王氏《章句》、洪氏《補注》說彼文甚瑣，今不具引），然則此云『和楚瀝』者，正以類舉，其同爲夏日之飲，明矣。

二八接舞，注：接，聯也。舞一作武。投詩賦只。注：投，合也。詩賦，雅樂也。古者以琴瑟歌詩賦爲雅樂，《關雎》、《鹿鳴》是也。言有美女十六人聯接而舞，發聲舉足，與詩雅相合，且有節度也。

季海按：《說文》：投，从手，殳聲（此从小徐本，大徐本作『从手、从殳』，由不明古音，妄刪聲字），而古人殳或謂之度（《周禮·司市》：『凡市入則胥執鞭度守門』，《注》：『度謂殳也』，《方言·第五》：『殳，宋魏之間謂之攝殳，或謂之度』，《廣雅·釋器》：『殳、度，杖也』），是投、度音義俱近（《說文·殳部》：『殳，絲擊也，从殳，豆聲，古文投如此』，《方言》郭《注》：『今江東呼打爲度』，打猶擊矣。《禮記·緇衣》：『往省括于厥度，則釋』，《注》：『度，謂可擬射也』，《列子·說符》：『樓上博者射明瓊』，殷氏《釋文》：『凡戲爭能取中皆曰射，亦曰投』，《文選·長笛賦》：『察度於句投』，《注》：『投與逗古字通，投，句之所止也』，皇甫湜《答李生第二書》：『讀書未知句度，下視服鄭』，是投亦度也。投，古音在侯部，度，在魚部，自《詩》、《春秋傳》用韻已時相通轉——詳段氏《六書音均表》第四部、第五部。《古合韻》，漢興以還，漸合爲一部矣），此投正當讀與『度』同。云度詩賦者，猶云度曲耳。《漢書元紀

贊曰：『鼓琴瑟，吹洞簫，自度曲，被歌聲』，《注》：『應劭曰：「自隱度作新曲，因持新曲以爲歌詩聲也。」荀悅曰：「被聲，能播樂也。」臣瓚曰：「度曲，謂歌終更授其次，謂之度曲。」《西京賦》曰：「度曲未終，雲起雪飛。」張衡《舞賦》亦曰：「度終復位，次受二八」。師古曰：「應、荀二說皆是也。度，音大各反。被，音皮義反」，又《文選》傅毅《舞賦》亦曰：「黎收而拜，曲度究畢」，蓋言度曲，自有二義：其一如應劭所說，非此文所用；其一如臣瓚所說，凡《西京賦》、傅、張《舞賦》所云，皆是也。《大招》言「二八接舞投詩賦」，亦猶平子言「度終復位，次受二八」、武仲言「黎收而拜，曲度究畢」矣。叔師云爾，豈於舞節，猶有所未閑邪？

楚辭解故三編

楚辭解故三編目錄

離騷第一

皇覽揆余初度兮	二九一
又重之以脩能	二九二
扈江離與辟芷兮	二九四
不撫壯而棄穢兮，何不改此度	二九四
何桀紂之猖披兮	二九五
惟夫黨人之偷樂兮	二九六
初既與余成言兮	二九七
又樹蕙之百畝	三〇一
長顙領亦何傷	三〇二
矯菌桂以紉蕙兮，索胡繩之纆纆	三〇四
謇朝諝而夕替	三〇六
長余佩之陸離	三〇七
芳與澤其雜糅兮	三〇九

女嬃之嬋媛兮	三二〇
申申其詈予	三二〇
嚼憑心而歷茲	三一
就重華而陳詞	三四
日康娛而自忘兮	三五
湯禹儼而祗敬	三六
曾歎歎余鬱邑兮，哀朕時之不當	三七
折若木以拂日	三八
吾令鳳鳥飛騰兮，繼之以日夜。飄風屯其相離兮，	
帥雲霓而來御	三九
時曖曖其將罷兮	三〇
忽緯續其難遷	三一
雄鳩之鳴逝兮	三二

世幽昧以眩曜兮，孰云察余之善惡……………	三三
蘇冀壤以充幃兮……………	三三
求渠燧之所同……………	三四
恐鵲鳩之先鳴兮……………	三五
椒專佞以慢愒兮……………	三六
芳菲菲而難虧兮……………	三六
鳳皇翼其承旂兮，高翔翔之翼翼……………	三七
抑志而弭節兮，神高馳之邈邈……………	三八
九辯第二	
倚結軫兮長太息……………	三九
白露既下百草兮，奄離披此梧楸……………	三九
紛旖旎乎都房……………	三三
皇天淫溢而秋霖兮，后土何時而得漑……………	三四
願皓日之顯行兮，雲蒙蒙而蔽之。竊不自聊而願忠	
兮，或黥點而汙之……………	三五
罔流涕以聊慮兮，惟著意而得之。紛純純之願忠兮，	

妬被離而鄣之……………	三五
九歌第三	
東皇太一一條……………	三六
盍將把兮瓊芳……………	三六
湘君一條……………	三六
石瀨兮淺淺……………	三六
東君一條……………	三九
撰余轡兮高馳翔，杳冥冥兮以東行……………	三九
天問第四	
伯強何處？惠氣安在……………	四二
九章第五	
惜誦一條……………	四二
中閭瞀之饨饨……………	四二
涉江一條……………	四三
幽獨處乎山中……………	四三
惜往日一條……………	四三

臨沅湘之玄淵兮，遂自忍而沈流。卒沒身而絕名

兮，惜憑君之不昭。君無度而弗察兮，使芳草爲

藪幽。焉舒情而抽信兮，恬死亡之不聊……………三四

遠遊第六

玉色頰以晚顏兮……………三四

卜居第七

黃鍾毀棄，瓦釜雷鳴。讒人高張，賢士無名。吁嗟

默默兮，誰知吾之廉貞……………三四

招魂第十

章句：招魂者，宋玉之所作也……………三四

乃下招曰：魂兮歸來，去君之恒幹，何爲四方些……………三四

其身若牛些……………三四

晉制犀比，費白日些……………三四

與王趨夢兮，課後先……………三四

哀時命第十四

孰魁摧之可久兮，願退身而窮處……………三五

大招第十六

霧雨淫淫，白皓膠只……………三五

吳醴白蘘，和楚醴只……………三五

接徑千里……………三五

*凡正、續、三各編複出條目下，均標有此符，其考釋文則以後者爲準。

楚辭解故三編

離騷第一

皇覽揆余初度兮。

注：皇，皇考也。覽，觀也。揆，度也。初，始也。覽一作鑒，一本余下有于字。

季海按：李善注《文選》屈平《離騷經》余下有「于」字，《注》觀作「覩」。隆慶辛未夫容館重雕宋本《楚辭》王逸《章句》余下有「于」字，《注》觀作「覩」，並與李善本《文選》合；惟《注》「度也」下有「余，我也」，明覆宋洪興祖《補注》本無之者，或後人以爲常訓易曉，不煩出注而刪之耳。《說文》：「覽，觀也。从見、監，監亦聲。」《補注》本《章句》與許義合。《說文》：「睹，見也。从目，者聲。覩，古文从見，以見度成文，於義爲短，宜興祖不取也。《說文》：「揆，葵也。从手，癸聲。」《唐韻》：「求葵切。」此用《爾雅》，以今字釋古字耳。《釋言》：「葵，揆也。」郭《注》：「《詩》曰：天子葵之；」又曰：「揆，度也。」郭《注》：「商度，此郭本耳。許君所見《爾雅》，正當作：「揆，葵也，」許自云「《詩》毛氏，毛《傳》多依《爾雅》，疑故書亦如是矣。《小雅》古文本作「揆」，漢師以隸書寫之作葵耳。段氏《說文解字注》改作「揆，度也」，乃云：「各本作「葵也」，今依《六書故》所據唐本正，其實二徐去唐甚近，豈所見唐本反不如戴氏所據之可信邪？頗謂郭本《釋言》：「揆，度也」之文，亦後來所加，不然，許君何爲捨彼而取此乎？若《屈賦》之「覽揆」，自是楚語。尋《說文》：「倏倏，左右兩視，从人，

癸聲」(段《注》於下「倏」字云：「此複舉字之未刪僅存者」。今謂許以重言曉人耳，蓋時有此語，不必如若膺所云)，《唐韻》：「其季切」，與揆同聲；又：「覽，注目視也，从兒，歸聲」，《唐韻》：「渠追切」，近人考古音，或析脂、微爲二，則倏入脂，覽入微，然楚音不別，故是一韻(義具拙著《楚辭韻譜》)。倏、覽轉注，楚讀正與覽揆字同。《說文》及洪本《章句》並云：「覽，觀也」，《說文》：「覲，諦視也」，然覽本謂諦視，諦視與注目視、左右兩視義實相成，故楚言謂之覽揆矣。揆之爲度，正由兩視、注視引申，後人不達此義，轉嫌覽無度訓，與揆不類，一本遂改作「鑒」耳。

又重之以脩能。

注：脩，遠也。言己之生，內含天地之美氣，又重有絕遠之能，與衆異也。

季海按：能、態古今字。《說文》：「態，意也，从心、从能」，《唐韻》：「他代切」。徐鍇曰：「心能其事，然後有態度也」(見鉉本引)，態字晚出，本从能聲，今音不諧，遂以會意說之耳。脩能正謂形態之美。《素問·陰陽應象大論篇》：「此陰陽更勝之變，病之形能也」，《經》曰「形能」，猶今人言「形態」矣。聞一多據《懷沙》：「非俊疑傑，固庸態也」，《論衡·累害篇》引作能，《素問·風論》：「顧問其診及其病能」，卽病態，謂：「能、態古字通。脩態謂容儀之美。下文「扈江離與辟芷兮，紉秋蘭以爲佩」，卽承此言之。《招魂》曰：「姱容修態」，《西京賦》曰：「要紹修態」，義與此同」(具見聞氏《楚辭校補》)，已得其解。然引「江離」二句，以發揮文心，信足解頤，若專明達詁，卽不如直指形態。以蘭芷有助於脩態而已，非脩態必有待於蘭芷也。故復引聞氏之所遺，以贊成厥美矣。若形態、病態，皆今日常語，不讀《素問》，又安知其遠出於二千年前邪？

《說文》：『能，熊屬，足似鹿，从肉、目聲。能獸堅中，故稱賢能，而彊壯稱能傑也。凡能之屬皆从能』，《唐韻》：『奴登切。』《廣韻·十九代》：『耐，奴代切七』下有『能』，技能，又能，何氏《姓苑》云：『長廣人』，是賢能、能傑、技能，並在泥紐；若以爲形態、病態，作『他代切』者，則入透紐矣。或曰：『舍是亦有徵乎？』曰：《史記·天官書》：『魁下六星，兩兩相比者，名曰三能』，《集解》：『蘇林曰：能，音台。』《瀛涯敦煌韻輯》：S二〇七一《切韻卷第一·平聲上·十六哈》：『胎，湯來反四』有『台』，三台，星名』，《廣韻·十六哈》：『胎，土來切七』下有『台』，三台星，又天台，山名』，並隸透紐，是能字古讀有入透紐者矣。今謂史遷所錄《天官書》以三能爲三台者，即據楚音。《天官書》云：『在齊甘公』，《正義》：『《七錄》云：楚人，戰國時作《天文星占》八卷』，子長所錄，即出甘公，《七錄》云：『楚人，戰國時』，與屈平時地略皆相近，宜其音讀正同矣。

《春官·天府》：『若祭天之司民、司祿』，鄭《注》：『司祿，文昌第六星，或曰：下能也』，賈《疏》云：『或曰：下能也』者，此案石氏《星傳》云：『上能司命，爲大尉；中能司中，爲司徒；下能司祿，爲司寇』，是司祿，在下能也』，由鄭《注》知青齊語『能』亦讀若『台』，由賈《疏》今書知唐人所見石氏《星傳》亦作『三能』矣。劉昫《唐書·經籍志》：『天文二十六家』有『石氏星經簿贊』一卷，石申甫撰』，賈《疏》所引，當即此書。《史記·天官書》：『昔之傳天數者，……魏，石申』，《正義》：『《七錄》云：石申，魏人，戰國時，作《天文》八卷』也。『書名、人名、卷數，與劉《志》俱有出入，然唐人所見，已非《七錄》之舊矣。』劉昫《唐書·志·天文上》：『後漢永元中，左中郎將賈逵奏言：『願請太史官日月星簿及星

度課與待詔星官考校，是漢太史官有日月星簿，今賈《疏》：《星傳》當爲《星簿》，形之誤也。《唐書·經籍志》：『簿』字不誤（《新唐書·藝文志》同）。然書名當依《隋書·志·經籍二》作《石氏星簿經》，二唐志經、簿字互倒者，由不督《星簿》所謂，又不思經讚由來，妄意書名《星經》，遂臆改耳。依《開元占經》所引，則散文在前爲《經》，韻文在後爲《讚》，其書雖佚，其書名可知也。其誤蓋始於元行沖《羣書四部錄》、毋煥《古今書錄》，而二唐志遂承其譌耳。惟《漢書·藝文志》無《星簿》，以上能爲大尉，依《月令》鄭《注》：『三王之官有司馬，無大尉，秦官則有大尉』，疑此一卷書，後人撫石氏遺文，依託爲之，見漢太史官有《星簿》，因被此名耳。

《史記·天官書》《索隱》：『案《天文志》，此皆甘氏《星經》文，而《志》又兼載石氏，此不取。石氏名申夫，甘氏名德』，亦云『申夫』。申夫卽申甫，是唐人所傳與《史記》、《七錄》之作『石申』者不同，然申夫、申甫豈其字邪？抑晚出僞書故有是邪？

慮江離與辟芷兮

季海按：本條《解故正編》考釋有云：尋原本《玉篇·尸部》：『辟，孚赤反。』《楚辭》：『扈（原作厖，無以下筆）江離與辟芷』。今據日本印《東方文化叢書第六·古鈔本玉篇》補證，『厖』作『厖』，卽『扈』字。黎刻是卷據影寫本上本，譌作此形，都不成字。

不撫壯而棄穢兮，何不改此度？

《文選》云：何不改（《四部叢刊》影明覆宋本原誤作『政』，今正）其此度；一云：何不改乎此度也。乘騏驎以馳聘兮，來吾道夫先路。《文選》作：導夫先路；一本

句末有也字。

季海按：明隆慶辛未夫容館翻宋本《楚辭章句》（以下省稱夫容館本）、宋錢杲之《離騷集傳》（以下省稱錢本，若引《集傳》之文，則著其姓氏）並作：『何不改乎此度也』，與洪引一本合。錢云：『乎一作其，一無也字』，與洪引《文選》合。錢本『先路』下亦有『也』字，校云：『一無也字』。日本古寫《文選集注》殘卷卷第六十三《離騷經》二句末並有『也』字，與洪引一本合，惟上句無乎字耳。今謂夫容館本『此度』下已衍『也』字；『先路』下尙未衍，與洪本及錢引一本合，是其所從出，尙早於已衍二也字本。洪引《文選》之句末無『也』者，亦勝《集注》本。尋屈《賦》句末用也，皆前後呼應，勢不單行，如夫容館所翻宋本既隻辭無麗，其衍尙易知，蓋誤書偶失不校耳。學者或嫌其不倫，又於『先路』下足以『也』字，則其訛舛不可辨矣。弟據《離騷》言之，則：『余固知謇謇之爲患兮，忍而不能舍也！指九天以爲正兮，夫唯靈脩之故也！』『忱鬱邑余侘傺兮，吾獨窮困乎此時也！寧溘死以流亡兮，余不忍爲此態也！』『何昔日之芳草兮，今直爲此蕭艾也！豈其有他故兮，莫好脩之害也！』其句末有『也』，以盡寫送之致者凡三，皆情尤摯，語尤重，而言之尤痛者也，觀靈均言『也』，而辭氣之於邑可知矣。然此文云：『乘騏驥以馳騁兮，來吾道夫先路』，又安取斯於邑之聲邪？

何桀紂之猖披兮。

注：猖披，衣不帶之兒。猖一作昌。《釋文》作倡，披一作被。洪氏《補注》曰：

《博雅》云：『褱被，不帶也。被，音披。』錢本作『猖披』，出校語云：『猖一作昌，一作倡，披一作被』，《集傳》：『披作被者非。』聞一多《楚辭校補》：案日本《新撰字鏡六》引原本《玉篇·巾部》轉引本書作昌被。

朱本（指《集注》本）、元刊本（指元刊《章句》本）、王鏊本、朱燮元本、大小雅堂本並作昌被。唐寫本（指《文選集注》殘卷）及今本《文選》並作昌披。《合璧事類續集四一》引本書同。《易林·觀之大壯》曰：「心志無良，昌披妄行」，亦作昌披。是猖字古本當作昌。今作猖者，蓋後人以訓詁字改之。

季海按：猖、猖皆俗字。夫容館本作昌被，其所據宋本與元刊本《章句》所從出正合，與聞引《集注》以下諸本之作昌被者，其字體近正，蓋勝洪錢二本。然《楚辭》舊本，此文之可攷者，莫先於《釋文》，《釋文》昌作倡，當出唐本。昌、倡字通，未知故書定作何字；亦可唐本《文選》雖作「昌披」，《楚辭》自作「倡被」，宋人或援《文選》以改本書，寫者參差，遂又有作「昌被」之本耳。被今作「披」者，後人依音改字耳。《九辯》：「布離披此梧楸」，披一作被。劉氏《攷異》：「《御覽》二十五、《事文類聚》前集十引披作被」，是其例。又《大司命》：「靈衣兮被被」，一作披，洪云：「被與披同」；《哀郢》：「妬被離而鄣之」，被一作披，洪云：「被讀曰披」，蓋故書之爲「被」者，宋本已往往作「披」也。《玉篇》所引，字又作「被」者，當是江左所行，有此別本，不必故書如是也。

《文選集注》卷第六十三：「何桀紂之昌披兮」，《音決》：猖，音昌。被，匹皮反。今案《音決》：昌爲猖，披爲被也，是唐公孫羅之傳《文選》，雖亦讀被如披，而未嘗改字；惟昌作猖，則已爲洪錢本《楚辭》道夫先路矣。

惟夫黨人之偷樂兮。一無夫字。注：黨，朋也。《論語》曰：朋而不黨。偷，苟且也。言己念彼讒人相與朋黨，嫉妬忠直，苟且偷樂。民好惡其不同兮，惟此黨人其獨異。注：黨，鄉黨，謂楚國也。言天下

萬民之所好惡，其性不同，此楚國尤獨異也。惟此黨人之不諒兮，恐嫉妬而折之。注：言楚國之人，不尚忠信之行，共嫉妬我正直，必欲折挫，而敗毀之也。又《懷沙》：夫惟黨人鄙固兮，羌不知余之所臧。注：楚俗狹陋，莫照我之善意也。鄙一作交。《史記》云：夫黨人之鄙妬兮，羌不知吾所臧。

季海按：王以『念』釋『惟』，正用其本義。《說文·心部》：『惟，凡思也』，是也。王云：『念彼』，是其本蓋有夫字。黨，《注》以爲朋黨，則借爲攬，《說文·手部》：『攬，朋羣也』，是也。今謂當句『惟夫』，猶『惟此』耳，王以爲思惟字，似失之。然此言『惟夫』，而下文兩言『惟此』者，此文望余言之，故以黨人爲彼（下云：『豈余身之憚殃兮』，是也）；黨人獨異，承『民好惡』句言之，黨人不諒，承『衆蓐然』句言之，民、衆爲彼，則黨人爲此，所對既異，文亦殊也。若『黨人鄙固』句言『夫惟』，則以釋不知余所臧之故，義已具《解故》釋『夫唯捷徑以窘步』條也。又黨人四見，而叔師兩說，祇以黨人偷樂爲朋黨，餘三者皆據鄉黨言之，以爲即謂楚國；其實屈《賦》凡言黨人，並謂朋黨，初無異義，不煩兩說也。大抵羣小相扇，荃蕙爲茅，俱可以此日之矣。王《注》以民爲天下萬民，遂以黨人爲指楚國，然《離騷》言『終不察夫民心』，《哀郢》言『民離散而相失』，亦祇謂楚國之民耳。且如王說，既言民、衆，又稱楚國，於文亦迂回無取也。

初既與余成言兮。錢本作『與予』。既替余以蕙纁兮。錢本作『替予』。申申其詈予。晉一作罵，予一作余。夫容館本作『罵余』，與一本合。錢本作『詈余』，出校語云：『晉一作罵』。夫何羌獨而不予聽。予一作余。夫容館本、錢本並作『余』。倚閭闔而望予。錢本予作『余』。詔西皇使涉予。予一

作余。

季海按：顏師古《匡謬正俗·禮記》：「予」下云：「鄭玄注《曲禮》下篇：『予，古余字。』」因鄭此說，近代學者遂皆讀予爲余。案《爾雅》云：「叩、吾、台、予、朕、身、甫、余、言，我也」，此則予之與余，義皆訓我，明非同字。許慎《說文》：「予，相推予也」；「余，詞之舒也」，既各有音義，本非古今字別。《詩》云：「迨天之未陰雨，徹彼桑土，綢繆牖戶。」今女下民，或敢侮予」，又曰：「終其永懷，又窘陰雨。」其車既載，乃棄爾輔。載輸爾載，將伯助予」，又曰：「習習谷風，維風及雨。將恐將懼，維予與女。將安將樂，女轉棄予」，又《雲漢篇》云：「羣公先正，則不我助。父母先祖，胡寧忍予」；《楚辭》云：「帝子降兮北渚，目眇眇兮愁予。嫋嫋兮秋風，洞庭波兮木葉下」，又曰：「君回翔兮來下，踰空桑兮從女。紛悤悤兮九州，何壽夭兮在予」，又曰：「秋蘭兮麝蕪，羅生兮堂下。綠葉兮素枝，芳菲菲兮襲予。夫人自有兮美子，蓀何以兮愁苦」；歷觀詞賦，予無余音。若以《書》云：「予一人」，《禮》曰：「余一人」，便欲通之以古今字；至如《夏書》云：「非台小子敢行稱亂」，豈得便言台余古今字邪？《邶詩》云：「人涉卬否，卬須我友」，豈得又言卬我古今字乎？顏氏引鄭，其文不具。尋《曲禮》下：「曰：予一人」，鄭《注》云：「《觀禮》曰：『伯父實來，余一人嘉之』，余予古今字」，段玉裁曰：「此條經注，《唐石經》以下皆不誤。《注》：『余一人』，今本《觀禮》作『予一人』，今本《觀禮》誤耳。……《禮》十七篇有古文、今文，彼《注》多互見，亦有不互見者，如余、予是也。小戴《記》多漢人爲之者，如《士喪禮》云：「今文赴作『訃』」，而《禮記》多作『訃』；《既夕禮》云：「今文窆爲『封』」，而《禮記》多作

「封」；《士虞、少牢、特牲禮》云：古文醕皆作「酌」，而《禮記》皆作「醕」；是可知小戴多用十七篇今文之字。故《觀禮》作「余」，小戴作「予」，亦猶是也。……小戴《曲禮》又曰：「天子未除喪，曰：予小子」，《玉藻》又曰：「凡自稱，天子曰：予一人」，併此「分職、授政、任功，曰：予一人」，三見皆作「予」。惟《曲禮》：「君大夫之子不敢自稱曰：余小子」，獨作「余」，蓋唐人轉寫之誤，猶之《觀禮》之余，自《唐石經》以下，無不誤爲予也。《曲禮》……《注》……《音義》及《正義》，皆經注予余互譌，孔氏於《玉藻疏》云：古稱予，今稱余，尤爲顛倒。凡鄭言古今字者，非如《說文解字》謂古文籀篆之別，謂古今所用字不同，如古人作「衡」，後代作「橫」，古人作「鄉」，後代作「向」，是也。周初蓋用余，故《禮經》古文用余，左丘明述《春秋》亦用余，《詩》《書》則會萃衆篇而成，多用予，《論語》《孟子》用予，春秋時名予，字子我，知春秋時用予，而左氏特爲好古。鄭意余爲古字，予爲今字，非可以互易之也；云「余予古今字」，則上字古，下字今，易之是無文理矣。《曲禮》經作予，注作余者，今本所同，而合乎鄭本者也；若經作余，注作予者，雖出《釋文》《正義》，而非鄭本之本然也。……《撫本禮記攷異》謂此條撫本注作予爲是，而經文之予，當改爲余。《石經》不譌也，而譌之，其所說一一似是而非，且使漢本《觀禮》之存於《注》者，遂致失傳，尤謬（見段氏《經韻樓集·釋曲禮注》：余予古今字），段諸說並是也；惟謂《詩》《書》會萃衆篇而成，多用予，則偶不省蘇望所刻《石經遺字》，謂春秋時用予，則失之未遑一檢金文耳。尋洪适《隸續卷第四·魏三體石經左傳遺字》出「予惟受命」云云，其予字三體作：𠂔𠂔𠂔，此正《尚書》遺字（清臧琳、孫星衍輩已知之）；以校新出三

體石經《多士》：『予其曰』、《君奭》：『予小子』，其予字三體作『𠂔』者正合，但洪書輾轉摹刻，筆迹不無小失耳。章先生《新出三體石經攷》云：『《說文》：余从舍省聲，此不省，舍字下从口，當正方，此筆勢小異』，是《尚書》古文實作『余』，其篆隸二體作予者，蓋漢師讀如是爾。然則謂『余予古今字』，自漢《尚書》古文諸師已然，下逮邯鄲，猶未失其讀，初非康成一家之言也。其《詩》、《論語》、《孟子》及子我之名，今無先秦故書可質，末由深論。然凡金文止作余，不作予，以《尚書》古文及鄭《禮注》字例推之，諒亦漢讀矣。若左氏用余，自是古文應爾，亦不必如若膺所云也。至於紬繹經傳，申成鄭義，灼然有以見古今字例之真，信足以正陸、孔之譌，糾師古之失已。《楚辭》今書，余予錯見，其今作余者，本或作予，其作予者，本亦作余，紛然殺亂，非有義理。屈《賦》先秦故書，其始當皆作余，與《尚書》《春秋傳》古文相應。其洪本定作予者，大抵與上聲字協，如：『申申其晉予』，與野協；『倚閭闔而望予』，與下協；『詔西皇使涉予』，與與協；推之師古所引《九歌》諸文，亦若是矣。然《離騷》此諸文本或作『余』，《湘夫人》：『目眇眇兮愁予』，予一作余，凡此諸文，若非一一皆後人傳寫之失，則屈《賦》故書，余未嘗不可與上聲字韻也。彭叔夏《文苑英華辨證》用韻一：『孟浩然《送辛大不及詩》押汝字韻，上云：『日暮獨悲余』，余與予同。《楚辭》：『目眇眇兮愁予』（疑當作『余』，彭氏所引，與一本合），從上聲讀，而《集》本改作『愁緒』，彭說是也。敦煌本王仁昫《刊謬補缺切韻》九魚：『余，与魚反，我，亦作余、予，同余。』廿二下有：『予，又余佇反』（見《瀛涯敦煌韻輯》P二〇一一），王《韻》出余、予同讀，與彭說合。其予收平上二音，則本《切韻》。

敦煌本《切韻》卷第三·八語：『與，余莒反四』下有『予』，又與諸反（見《韻輯》S二〇七一），是也。惟今所見隋唐韻書，上聲都不收『余』。尋《文苑英華·詩·送行二》孟《送辛大不及》：『日暮獨愁余』下出校語：『《楚詞》曰：『目（原脫）眇眇兮愁予』，余、予《唐韻》並有上聲。或改作緒、予（原誤同），並非』，是孫《韻》上聲收余。然《唐韻》序作於天寶十載，稱『起終五年』，則創始於六載也（公元七四七年）。浩然卒於開元二十八年（公元七四〇年），不及見恤書。而孟《詩》有是者，浩然襄陽人，襄陽楚地，亦可唐時楚音，猶存此讀，不必即依《楚辭》用之矣。以是言之，其諸予字，故書本亦皆作『余』，後人嫌余無上聲，故定作『予』。顏氏偏引《九歌》，而不及《離騷》，又弟云：『予無余音』（與S二〇七一本《切韻》不合。陸詞《切韻》序稱：『顏外史、蕭國子多所決定』，師古秉承家學，不容不知，此音或非顏意，亦可是後來所加），而不云：『余無予音』，豈當時《騷經》諸予，猶作『余』邪？顏又云：『予古余字』者，所見與孔氏《玉藻疏》正同，蓋並據時俗稱余，與漢師舊讀，經典相承稱予者有異，故云爾矣；殊不知全非鄭意，此段識之所以卓也。

又樹蕙之百畝。

《釋文》：畝作晦。洪氏《補注》：『《司馬法》：六尺爲步，步百爲畝。』秦孝公之制，二百四十步爲畝。

季海按：夫容館本作晦，與《釋文》本合。劉氏《攷異》：『案《漢書·楊雄傳》顏《注》引作：百晦。』尋《說文·田部》：『晦，六尺爲步，步百爲晦，从田、每聲。畝，或从田十久』，許引《司馬法》文字作『晦』，與隋唐舊本《楚辭》相應，蓋六國古文如此。頗謂屈《賦》故書當作『晦』，晦、畝古今字。一九

七二年銀雀山漢墓新出竹簡本佚《孫子·吳問篇》：『孫子曰：可。范、中行是制田，以八十步爲嫺，以百六十步爲吻，而伍稅之』，整理小組婉釋『吻』，並是也。吻从勿聲，漢讀當在脂部，銀雀山佚《孫子》畝作『吻』，不作『晦』，與《司馬法》不合。然脂、之旁轉，西漢韻文，時亦通押，或當時齊音正爾，故寫書者依時俗書之耳。

長顙頤亦何傷？

季海按：《方言第一》：『虔、劉、慘、淋，殺也』，郭《注》：『今關西人呼打爲「淋」，音廩，或洛感反』；下又云：『晉、魏、河內之北謂淋曰「殘」，楚謂之「貪」，南楚、江湘之間謂之「飲」』，郭《注》：『言飲淋難狀也』，《四部叢刊》影傅氏雙鑑樓藏宋刊本飲誤作『欺』，《注》亦然，今據原本《玉篇·欠部》：『飲』字引《方言》及郭璞改正。《玉篇》江湘作『江湖』，誤；淋作『淋』，與《說文》合，足正今本之誤。狀作慙，或从心，字並通耳。淋讀或與顙（大徐引孫愐《唐韻》：『盧感切』）、廩（洪氏《九辯補注》：『力敢切』）同，郭引晉關西語猶足相印證。飲，顧野王音口咸（日本印《東方文化叢書第六·古鈔本玉篇》如是，《古逸叢書》本『咸』作『感』，然黎刻此卷既依傳寫本入木，又時有改易，今从古鈔本），口含二反，是顙、坎、飲語轉，顙顙、坎廩、飲淋，故一言耳。不飽猶難狀矣。王說《九辯》『而志不平』云：『心常憤懣，意未服』者，甚是，坎廩正言其狀矣。顙於飲字下又引《說文》：『欲得也』，見《欠部》，尋許又云：『讀若貪』，大徐引孫愐『他含切』者，自依許讀作音耳。許讀若貪，正子雲所謂『楚謂之貪』者，汝南楚分，其讀宜相應爾。《說文·欠部》又有『欺』，云：『食不滿也，讀若坎』，是顙、坎

音義並與歛近，蓋亦一言孳乳。《離騷》作減（頤）、《九辯》作坎並是牙音，則又與子雲所謂「南楚江湖之間謂之飲」者相應（此從顧野王讀）。依子雲之記，則貪飲異言，知南楚讀飲，必不同許，不然，楚與南楚，又何以別焉？蓋飲之與貪，其始或出一源，於楚遂爲代語。然《離騷》言：「衆皆競進以貪婪兮，憑不厭乎求索」，是於屈宋之文，減淫（頤頤）、坎廩之與貪婪（郭《注》又出飲婪），已義有離合，詞各有當，是語言孳乳之故，尋源或通者，其流輒自相別異，意義浸殊也。

《說文·心部》：「憚，河內之北謂貪曰「憚」，从心、林聲」，大徐引《唐韻》：「盧含切」，此文即本《方言》，與野王所引正合，宋本《方言》憚誤作「淋」耳（《集韻·四十七侵》、《四十八感》引《方言》殺、打二義，字亦並作「淋」，是丁度等所見，誤正同也）。又《女部》：「婪，貪也，从女、林聲。杜林說：卜者黨相詐驗爲婪。讀若潭」，《唐韻》亦「盧含切」，憚、婪音義並同，不以爲重文而兩收者，未知是許失檢，抑後人取《字林》之文，以補許書也。許謂婪讀若潭，自是楚音。然《離騷》貪憚讀如貪潭，既是旁紐雙聲，不但疊韻而已。

潭古音又如淫，其於楚語，則《淮南·說山訓》云：「淫魚出聽」，《論衡·率性篇》作：「潭魚出聽」，是楚音潭讀若淫矣。《說山》高《注》：「淫魚長頭身相半（此當以「頭身相半」句絕，長下有奪字，義見後），長丈餘，鼻正白，身正黑，口在頷下，似兩獄魚，而魚（此非誤字，即衍文）無鱗」，尋《爾雅·釋魚》：「鱣，郭《注》：「似鱣而短鼻，口在頷下，體有邪行甲，無鱗，肉黃，大者長二三丈」，郝《疏》：「郭云似鱣短鼻者，《釋文》：「鱣，音尋，又音淫。《字林》：長鼻魚也，重千斤」，然則鱣與鱣同，唯鼻

爲異耳」，據此，知鱣魚卽淫魚矣。惟依呂郭所記，則今高《注》：「淫魚長」下，或當脫鼻字耳。尋《說文》：「鱣，魚名，从魚，覃聲，《傳》曰：『伯牙鼓琴，鱣魚出聽』」，《唐韻》：「余箴切」，則正讀若淫。

《說山》許本不傳，未知《說文》引《傳》，卽是《說山》之文否？然取證鱣淫楚讀，故灼然無疑也（惟《論衡·感虛篇》又云：「淵魚出聽」，與王《抽思注》：「楚人名淵曰：潭」，正合。若此文真出仲任，則當時尙有異說。然許、高之於《淮南》，專門名家，都無異義。《感虛》單辭，又與《率性》不合，恐是後人改易，竄亂故書也）。推是以言，則知楚音讀貪婪若貪潭，猶讀坎廩、顛顛若減淫矣。

矯菌桂以紉蕙兮，索胡繩之纒纒。

注：矯，直也。言己行雖據履根本，猶復矯直菌桂芳香之性，紉

索胡繩，令之澤好，以善自約束，終無懈倦也。五臣云：矯，舉也。舉此香木以自比。洪氏《補注》：「九章」云：「擣木蘭以矯蕙」。又《惜誦》：「擣木蘭以矯蕙兮，繫申椒以爲纒」。注：矯，猶糅也。申，重也。言己雖被放逐，而棄居於山澤，猶重繫蘭蕙，和糅衆芳以爲糧，食飲有節，脩善不倦也。擣一作擣，矯一作矯，糅一作揉。洪氏《補注》：「擣，斷木也。擣，舉手也。《釋文》：古鼎切。」

季海按：矯借爲敲，《說文·支部》：「敲，繫連也」（《四部叢刊》影王昶藏宋刊本大徐《說文》繫誤作擊，小徐《繫傳》作繫，是也。段《注》本不誤），从支，喬聲，《周書》曰：「敲乃干」，讀若矯，是也。敲、紉、索情事相類，皆謂繫連衆芳以爲雜佩，故下云：「謇吾法夫前脩兮，非世俗之所服」也。《惜誦》注：「矯爲糅者，一本作揉，《說文》云：『矯，揉箭箝也。从矢，喬聲』，是矯有揉義。揉糅音義並通，同出一名，後人或據矯揉謂當作揉，或據和糅謂當作糅，遂成二本爾。又云：「和糅衆芳以爲糧者，於

篆書當爲紐，《說文》云：「紐，雜飯也，从米、丑聲」，《唐韻》：「女久切」（《四部叢刊》影宋大徐本《說文》久譌夕，今正）。丑聲，矛聲（柔从矛聲），古音同在幽部。篆作紐，隸作糲，古今字耳。敦煌本何經音義殘卷P二〇九一·二頁云：「糲，古文紐，紐二形同」（見姜氏《韻輯》）。玄應《一切經音義》卷第十三·五百弟子自說本起經：「雜糲，古文紐，紐二形同，女救反。《說文》：雜飯也。今以異色物相參曰「糲」。糲，雜也」，亦見別卷（如《卷第三·放光般若經二十一》），其文大同，不具引。凡此諸文，足明紐與糲，殊形同字，古今異體。茲云「古今字」，義同玄應，不謂孔氏古文也。段「紐」字《注》云：「《食部》曰：「紐，糲飯也。」《廣韻》曰：「紐亦作紐，然則紐紐一字，今之糲糲字也」，是也。『紐』字《注》又云：「俗增」，亦近是。然玄應已與紐同云古文，則其來舊矣。惟矯有二讀，叔師裁得其一，故僅足以通《惜誦》，而不可以說《離騷》。《章句》：「矯，直也」，即依矯柔爲義，《說文》：「矯，揉箭箝」，正謂揉箭使直之箝。《荀子·勸學篇》：「木直中繩，櫟以爲輪，其曲中規」，楊倞《注》：「櫟，屈」，揉櫟語同，徒以曲直異施，乖其偏旁，遂判若兩字。上尋姬漢故言，曲直木通謂之柔，《說文》：「柔，木曲直也。从木、矛聲」，《唐韻》：「耳由切」。謂木可曲直則謂之柔，引申之曲直木亦謂之柔矣。小篆別作𣎵，「屈申木也，从火、柔，柔亦聲」，《唐韻》：「人又切」，是其義（參看段「柔」字《注》）。許書矯下出揉者，說解例用今字，故从隸作耳。

「矯，舉手也」，見《說文》，《唐韻》：「居少切」，《廣韻》：「居天切」，並在《小韻》，《釋文》：「古昂切」，則在《巧韻》。依王仁昫《刊謬補缺切韻》韻目小注：「二十九巧」，呂與《皓》同，陽與《篠》《小》同，夏

侯並別，今依夏侯。『《小》《巧》之分，即《宵》《肴》之分。王書小注：『《三十一肴》，陽與《蕭》《宵》同，夏侯、杜別，今依夏侯、杜。』是《釋文》此音，與《切韻》《唐韻》《廣韻》並不合，而與陽休之《韻略》合。隋劉善經《四聲論》曾目陽休之以『當世之文匠』，又稱其《韻略》云：『制作之士，咸取則焉。後生晚學，所賴多矣。』（空海《文鏡秘府論》引，周祖謨云：『《隋志》：劉善經《四聲指歸》一卷，即此書，是也。具見《問學集》四三七葉），若非《釋文》作者方音偶同陽氏，即其所據或出隋音，其時《切韻》未出，陽《韻》大行，故猶存此切矣。

審朝諄而夕替。

注：諄，諫也。《詩》曰：『諄予不顧。』洪氏《補注》曰：『諄，音遽，又音信。今《詩》作

諄，諄，告也。

季海按：諄爲告、諫，見於《詩》《騷》，『今《詩》作諄者，尋《陳風·墓門》云：『歌以諄之』，又云：『諄予不顧』，毛《傳》：『諄，告也』，陸氏《毛詩音義》云：『諄，本又作諄，音信。徐：息悻反。《韓詩》：『諄，諫也』，王義與《韓詩》合。洪云：『又音信』者，與陸音合。戴震《毛鄭詩考正》云：『震按諄乃諄字轉寫之譌。《毛詩》云：『告也』，《韓詩》云：『諫也』，皆當爲諄。諄音碎，故與萃韻。諄，音信，問也，於《詩》義及音韻咸扞格矣。《屈原賦·離騷篇》：『審朝諄而夕替』，王逸《注》引《詩》：『諄予不顧』，又《爾雅》：『諄，告也』，《釋文》云：『沈音粹，郭音碎』，則郭本諄不作諄，明矣，今轉寫亦譌。《張衡傳》：『思玄賦』《注》引《爾雅》仍作諄，《釋文》於此詩云：『本又作諄，音信。徐：息悻反』，蓋於諄、諄二字，未能決定也，其分別二字音義，是也。觀《詩》《騷》之文，知告諫謂之諄，亦陳、楚間通

語爾。然漢讀眞諄通叶，脂微通叶，眞脂對轉，則評讀如諄，即借爲諄耳。大氏諄告作評，本出《毛詩》，《爾雅》本作評（見陸氏《釋詁音義》）者，後人援《毛詩》之文改故書耳。陸氏《詩》音引《韓詩》作「評」者，寫書者以《毛詩》字亂之耳。王《注》引《詩》，字正作「諄」，知三家《詩》不作「評」也。若以爲譌字，何《毛詩》盡譌，而餘文不然邪？東原爲《聲類表》，已知以眞、脂、質爲一類，然於說《詩》，尙未能據對轉之理，通毛王之郵，是猶未達一間也。

長余佩之陸離

注：陸離，猶嵯峨，衆兒也。洪氏《補注》曰：許慎云：「陸離，美好兒。」顏師古云：「陸離，分散也。」《九章》云：「帶長鋏之陸離兮，冠切雲之崔嵬。」

季海按：洪引《九章》，見《涉江》，莊忌《哀時命》：「冠崔嵬而切雲兮，劍淋離而從橫」，義出於此。彼《注》云：「淋離，長兒也。言……劍則長好，……與衆異也」，是淋離猶陸離也。王云：「長好」，亦與許義通矣。若王褒《九懷·通路》：「舒佩兮絢纚」，義取當句，是絢纚亦陸離也。觀《離騷》《涉江》之文，知長好謂之陸離，自六國楚語如是；若漢之吳、蜀，又謂之淋離、絢纚，語雖轉，義弗殊耳。《廣雅·釋訓》：「陸離，參差也」，王氏《疏證》：「陸與林古聲亦相近，司馬相如《大人賦》：「騷擾衡蕤其相紛挐兮，滂溥泱軋麗以林離，攢羅列聚叢以龍茸兮，衍曼流爛彥以陸離」，張《注》云：「林離，參差也；陸離，參差也」，林離，猶陸離；參差，猶參差耳」，石臞之言是也。尋《說文·林部》：「琴，木枝條琴儷兒，从林，今聲」，凡言林離、淋離、絢纚，猶琴儷矣。大徐引孫愐琴作「丑林切」者，此今音耳。《說文》：「絢，讀若郴，絢，郴並从林聲，而大徐引《唐韻》皆「丑林切」（見大徐本《說文·糸部·邑

部》，蓋其比類。林、淋、淋俱借爲琴，琴正其本字。楚語讀琴如陸者，侵幽對轉，《橘頌》亦以任韻醜矣。相如之賦，上言林離，下言陸離，是以轉語爲代語矣。長卿故蜀人，時俗亦但謂之林離而已耳，其稱陸離，蓋用書語，或者即取諸《楚辭》矣。《廣雅疏證》又云：「《離騷》云：『紛總總其離合兮，斑陸離其上下』，《招魂》云：『長髮曼鬋，豔陸離些』，《淮南子·本經訓》云：『五采爭勝，流漫陸離』，皆參差之貌也」；又《離騷》：「高余冠之岌岌兮，長余佩之陸離」，岌岌，高貌；陸離，長貌也。《九章》云：「帶長鋏之陸離兮，冠切雲之崔嵬」，意與此同，王逸《注》云：「陸離，猶參差」，失之，石臈說《楚辭》陸離有二義，可謂審諦；然物有長短，而參差見，凡言參差，而長在其中。惟語有孳乳，卽言各有當，王《注》於此，有類刻舟，石臈規之，允已。又《廣韻·二十一侵》：「琛，丑林切七」下有：「琴，木枝長，又林森二音」（林，力尋切八下失收）；又「森，所今切十」下有：「琴，木枝長也，又丑林切」，是琴有長義，琴儷之爲長，猶淋離之爲長也。其作琛音者，尙承《唐韻》之舊。洪氏《補注》於《九懷》云：「淋，林、森二音，纚，力知、所宜二切，衣裳毛羽垂兒」，洪注淋字二音，與《廣韻》所記琴字又音正合，其音義之宛轉相通，抑又可見。若洪《注》：「淋一音森，纚一音所宜切者，又與《漢書·司馬相如傳》顏《注》相應。顏引《大人賦》張《注》字作：「摻攬」，云：「摻，所林反；攬，所宜反」，是也。《廣韻》又作：「穢攬」，云：「毛羽衣貌」（見《二十一侵》「森」，《五支》「醜」下）也。然依張注《相如賦》則「穢攬」（摻攬）之於林離，猶參差之於陸離，蓋魏人殊未嘗以二者爲一事也。其始雖音義或通，語有相轉，然其流漸遠，就今音今義言之，則還相別異，故不得直音林離作穢攬也。明乎此，則知凡

轉注字雖皆建類一首，同意相受，然考猶不得直言作老，況林離（緝離）、慘襪（襪襪）之言相孳乳，義有引申者乎？《廣韻·五支》：「襪」下有「襪」，云：「上同」（見「襪」所宜切七下），《二十四鹽》有：「襪，襪襪，毛羽衣，史炎切」，襪又作襪，襪又入鹽；蓋字體小歧，未及整齊，鐵聲古在侵部，《廣韻》亦入《鹽》韻也。

芳與澤其雜糅兮。

注：糅，雜也。洪氏《補注》曰：糅，女救切。又：《九章·思美人》句同。

季海按：原本《玉篇·食部》：「𩚑（日本印《東方文化叢書》第六·古鈔本《玉篇》誤作「飢」，今从《古逸叢書》本，下放此），女久反。《楚辭》：「芳與澤其雜𩚑」，王逸曰：「𩚑（古鈔本亦誤作「飢」），雜也。」《說文》：「雜飯也」，或（古鈔本無，黎刻所加）爲𩚑（古鈔本誤作「米」）字，在《米部》，是江左舊本糅作𩚑，疑故書如此。日本古寫本《文選集注》卷第六十三·離騷經「字並作「糅」，與今本同。是唐時已有作糅之本，或即起於《文選》諸師，未可知也。《說文》：《食部》有「𩚑」，《米部》又有「𩚑」，並訓「雜飯也」，大徐引孫愐並「女久切」，與顧讀正同。《廣韻·四十四有》：「𩚑，女救切五」有「𩚑」，雜飯，亦作𩚑，是宋人所修，已非孫愐之舊矣。然《廣韻·四十九宥》：「糅，女救切五」有「𩚑」，雜飯，亦作𩚑，其糅音與洪讀正同，尋《文選集注》引《音決》：「糅，女又反」，是唐已來爲《文選》者既行此音，而宋人因之耳。其在韻書，則唐王仁昫《刊謬補缺切韻》卷第四·冊六宥：「糅，女救反，雜三」有「𩚑」，雜餅，亦作𩚑」（見《瀛涯敦煌韻輯》P二〇一一·三四頁），此《廣韻》所本。然宋修此書，初不專據孫愐，蓋亦兼采他家矣。

今本《說文》：「𣎵、𣎵兩收，不作重文者，段《注》於『𣎵』字云：『按《米部》曰：『𣎵，襍飯也』，此𣎵篆蓋俗增，故非其次，宜刪。』」依日本古鈔本原本《玉篇·食部》：『《說文》：『𣎵飯也』，爲𣎵（原誤米，黎刻作𣎵，是也）字，在《米部》，似足證成段說，然黎刻於『爲𣎵』上輒加『或』字，非也。』

女嬃之嬋媛兮。

注：嬋媛，猶牽引也。一作揮援。《九歌·湘君》：『女嬋媛兮爲余太息。』《九章·哀

郢》：『心嬋媛而傷懷兮。』《悲回風》：『忽傾寤以嬋媛。』嬋媛一作揮援，一作攢徊。《九歎·思古》：『心嬋媛而無告兮。』

季海按：錢本：『女嬃之嬋媛兮』有校語云：『嬋媛一作揮（徐乃昌覆宋本字誤作禪，今據下《集傳》本文改正）援』，錢氏又云：『揮援亦音嬋媛，《博雅》云：『牽引也』，錢引《博雅》，見《釋訓》，篇中既多《楚辭》之文，此釋又全同於《章句》，是稚讓所見屈《賦》，字皆从手，與一本正合。聞氏《楚辭校補》謂今本从女，乃後人所改，是也。然聞氏知『當從一本作揮援』，又能引《廣雅·釋詁》：『暉暉，懼也』之文（此出《方言》，故作『暉暉』，具見聞引），獨遺《釋訓》此條，故不能據魏人雅記，以徵東京故書，亦可謂失之交臂已。

申申其詈予。

注：言……數怒，重詈我也。詈一作罵，予一作余。夫容館本作『罵余』，與一本合。

錢本作『詈余』，出校語云：『詈一作罵。』

季海按：『詈予當作『罵余』，夫容館本及洪錢所出一本是也。予當作余，前說已具。詈謂之罵，自是楚語，《淮南·說山訓》：『烹牛以饗其里，而罵其東家母』，是其證。後人輒疑罵非雅言，改故書耳。

喟憑心而歷茲。

注：喟，歎也。歷，數也。言喟然舒憤懣之心，歷數前世成敗之道，而爲此詞也。憑

一作憑，一作馮。五臣云：歷，行也。憑，滿也。言歎息憤懣而行澤畔矣。洪氏《補注》曰：《方言》云：

憑，怒也。楚曰憑。《注》云：『恚盛兒』，引《楚詞》：『康回憑怒』，《列子》曰：『帝馮怒』，《莊子》曰：『佹溺

於馮氣』，《說文》云：『馮，憑也』（此非許書，說當爲『釋』）。《四部叢刊》影明覆宋本，汲古閣刻宋本並

誤。喟憑心而歷茲者，歎逢時之不幸也。歷，猶逢也。下文云：『委厥美而歷茲』，意與此同。

季海按：《廣雅·釋訓》：『悵悵，忼慨也』，王氏《疏證》：『悵之言喟然也。《玉篇》：『悵，滿也。』王粲

《從軍詩》云：『夙夜自悵性』，合言之則曰：『悵悵。』《說文》：『忼慨，壯士不得志也』，《楚辭·九章》：

『好夫人之忼慨』，王說並是也。《玉篇》義亦見敦煌本《刊謬補缺切韻》，《庚》：『磅，撫庚反二』下

有『悵，滿』（見《韻輯》P二〇一一），是也。其以喟、頰成文者，《文選》宋玉《神女賦》：『含然諾其不

分兮，喟揚音而哀歎。頰薄怒以自持兮，曾不可乎犯干』，分言之曰喟，曰頰，合言之則曰悵悵，可

與王說互證。李善《注》云：『《廣雅》曰：『頰，色也』，匹零切。《方言》曰：『頰，怒，色青貌。』《切

韻》：『匹迴切，斂容也。』李引《廣雅》，今見《釋詁》，頰作絕。王氏《疏證》引《遠遊》及玉此賦，字

並作『頰』；又引《淮南子·齊俗訓》：『仁發悵以見容』，高誘《注》云：『悵，色也』，字又作『悵』。王

云：『絕、頰、悵，竝通』，是也。今《博雅》音：『絕，片鼎』，與《切韻》合，與李引《廣雅》音不合，豈宋

人所改邪？《舊唐書·列傳·文苑中》：『李邕，廣陵江都人。父善嘗受《文選》於同郡人曹憲』，師

承所自，宜得其真，何至形聲悉異，然今書茲文，非復曹氏之舊，明矣。李引《方言》，今無其文。惟

今書《第二》有『憑』：『怒也。楚曰憑』，郭《注》：『憑，恚盛兒。《楚詞》曰：康回憑怒。』故書憑當爲頰，李《注》所引是也。既是楚語，故郭引《楚詞》以證之。依子雲讀蒸青旁轉（說詳下文），音義並合，郭引正可作頰。後人墨守王氏《章句》，疑其不合，既改郭《注》，并纂雄書耳。『色青貌』當是郭《注》。《說文》：『靑，靑色也，从色，并聲』，《唐韻》：『普丁切』，《廣韻·十五青》：『靑，普丁切八』有『靑，靑色』，與孫愐合；又有『頰，面色，又普冷切』，其平聲與李善引《廣雅》音合，又音與李引《切韻》音合。敦煌本《切韻》卷第二·平聲下·十六青：『靑，普丁反』止靑二字。《卷第三·上聲·卅迴》：『頰，斂容，疋迴反』（見《韻輯》：S二〇七一，《廣韻》在《四十一迴》），與李《注》合。《說文》：『靑，帛青白色也』，靑實訓靑，明是靑色，怒既色靑，知頰靑音義亦通矣，此郭意也。今《注》『恚』字，故書當爲『靑』，後人讀郭《注》不愜，以爲形誤，遂改字耳。然《釋訓》諸文，書傳略皆可見，獨此條雖以石臞之雅才，未能舉其所出。今謂愜卽喟憑之異文，憑愜雙聲，蒸青旁轉，俱有滿義，故於文可通也。石臞於《淮南·脩務訓》：『帽憑而爲義』，謂帽當爲愜，愜卽與愜憑聲近而義同，愜憑而爲義，猶言忼慨而爲義，故高《注》云：『愜憑，盈滿積思之貌』，又引《離騷》此文，謂喟憑與愜憑義亦相近（說具王氏《讀書雜誌·淮南內篇》），蓋已心知其意；但作《疏證》時未及箸其說，又於喟憑、愜憑尙未能直指其爲一言耳。《離騷》心字或緣王《注》而衍，亦可本作心喟憑而歷茲，叔師釋作『喟然舒憤憑之心』，故倒心在下，後人又援王《注》改之。不知此文正當訓作忼慨，雅讓得之。尋《離騷》云：『憑不猷乎求索』，《注》：『憑，滿也，楚人名滿曰憑』，《思美人》：『羌憑心猶未化』，

《注》：『憤懣守節，不易性也』，又：『揚厥懣而不猒』，《注》：『思舒憤懣，無所待也』，叔師或云：『滿』，或云：『憤懣』，字皆作懣（馮同），《天問》：『康回馮怒』，宋本《方言》郭《注》引作『懣怒』，是王氏《章句》本《楚辭》凡楚人名滿（懣同），字皆作懣或馮。稚讓所見本作懣懣，而訓作忼慨者，蓋不出班、賈兩家，叔師所謂『班固、賈逵復以所見，改易前疑，各作《離騷經章句》』者是也。知者，懣轉爲懣，則蒸讀若青，王褒、楊雄俱以蒸青相協（《四子講德論》肱与成韻，《幽州箴》騰崩与征韻），雄撰《方言》，亦記楚語懣怒字作『頰』（依李善《文選注》引，見上文），是西漢蜀音有此讀矣。若東京則傅毅、班固皆扶風人，皆讀明入青，而固爲《十八侯銘》，其《蟲達銘》卽以騰升韻明萌（見羅常培、周祖謨《漢魏晉南北朝韻部演變研究·蒸耕合韻》），是班讀懣懣正如懣懣矣。賈逵亦扶風人，讀當與班同耳。然則稚讓所采，不外二君《章句》明矣。叔師楚人，其《章句》尤詳楚語，字作懣馮，衆篇一同（《遠遊》頰字，別有說），又與《淮南》『懣懣』字合，是《楚辭》故書亦當作懣懣或懣懣，不必如班、賈所讀；然藉知當以懣懣爲義，心或爲衍文，或爲錯簡，足訂今本之謬，斯別本間存之所以可貴也。

凡懣訓滿者，其音義蓋通乎高，《說文·高部》：『高，滿也。从高省，象高厚之形，凡高之屬皆从高，讀若伏』，大徐引《唐韻》：『芳逼切』；其訓怒者，蓋通乎羴，《說文·介部》：『羴，壯大也，从三介、三目，二目爲睪，三目爲羴，益大也；一曰：迫也，讀若《易》慮義氏，《詩》曰：不醉而怒謂之羴』，《唐韻》：『不祕切』，是也。滿、怒義相引申，高羴本自一言孳乳，古音蓋讀入聲，楚音之蒸對轉謂之馮

（憑），則讀平聲。其轉入青字作頻者，李引《廣雅》音亦讀如平本馮之轉語。《方言》訓怒，義通於滿，郭引艷義爲說，以爲怒色青者，不免多歧亡羊矣。然古中夏諸入聲字，楚語故有轉如平聲者矣。就重華而陳詞。

一作陳辭。錢本及校語與洪本同。又：跪敷衽以陳辭兮。辭一作詞。錢本作陳詞，出校語云：詞一作辭。《九章·抽思》：結微情以陳詞兮。又：茲歷情以陳辭兮。一作歷茲情。《哀時命》：焉陳詞而効忠。詞一作辭。《九歎·遠遊》：訴五帝以置詞。又《遠遊》：就頤頤而陳詞兮。又《思古》：因徙弛而長詞。

季海按：《文選集注》卷第六十二·離騷經：『就重華而陳詞』，引陸善經曰：『陳辭，謂興亡之事也』；『跪敷衽以陳詞兮』，引陸善經曰：『陳辭於重華也』，大氏李善本《文選》作『陳詞』，陸善經本作『陳辭』，辭本籀文辭，唐人辭通作辭，猶通作辭矣。《說文·自部》：陳，宛丘，舜後所封；《支部》：陳，列也；是陳借字，陳本字。今經典相承陳作陳，洪本陳詞再見，或尙存故書之真耳。《說文·辛部》：辭，訟也；《司部》：詞，意內而言外也，是辭借字，詞本字。《說文·手部》：揅下云：『《楚詞》曰：朝揅阨之木蘭』，又《艸部》：菩下云：『《楚詞》有菩蕭艸』，洪本作辭者再見，其《離騷》一本及李善本《文選》亦作『陳詞』，與《說文》合。常璩《華陽國志·先賢士女摠讚》於揚雄云：『初慕司馬相如綺麗之文，多作詞賦』，又：『以爲詞賦可尙，則賈誼升堂，相如入室』，詞賦字並作詞。日本初唐人寫本《揚雄傳》殘卷《反離騷》顏《注》引應劭曰：『《楚辭》云：鸞皇爲余先戒兮』，又引如淳曰：『文肆者，《楚辭·遠遊》乘龍之言也』，字並作辭。如非後人所改，則漢魏人書《楚詞》如《楚

辭，與今王逸《章句》本正同矣。《風俗通義·祀典》：『風伯』條下引《楚辭說》：『後飛廉使奔屬，飛廉，風伯也』，是仲遠正作《楚辭》，卷子本顏《注》引作辭者，唐人寫書辭例作辭，以是推之，如引《遠遊》，亦當作《楚辭》也。《思古》『長詞』，王云：『長訣』，則字當爲辭，《說文·辛部》：『辭，不受也』，辭書傳亦多段辭爲之，唐人又或書作辭。此云『長詞』，未知寫者不謬，併以爲詞，抑謂訣必有詞，竟以詞爲之邪（《說文》無『訣』字，新附入《言部》，云：『訣別也，一曰：法也。从言、決省聲』，《唐韻》：『古穴切。』从言，亦謂有詞也）？果爾，則向書今辭（辭）別字如詞，即从詞義引申，非關六書段借矣。

日康娛而自忘兮。

注：康，安也。言澆既滅殺夏后相，安居無憂，日作淫樂，忘其過惡。而一作以。

夫容館本作以，與一本合。又：日康娛以淫遊。注：康，安也。言宓妃日自娛樂，以遊戲自恣，無有事君之意也。

季海按：以康爲安，自是常訓，然楚人云康，實別有所謂。尋《淮南子·主術訓》：『是故人主好驚鳥猛獸，珍怪奇物，狡躁康荒，不愛民力，馳騁田獵，出入不時，如此則百官務亂，事勤財匱，萬民愁苦，生業不修矣』，《注》：『康，安；荒，亂』；又《要略》云：『文王之時，紂爲天子，賦斂無度，戮殺無止，康梁沉湎，宮中成市』，《注》：『康梁，耽樂也』，今謂凡云：康娛、康荒、康梁，其言康則同，此自楚語。《主術》高《注》亦依常訓爲辭，未窮厥誼；惟《要略》許《注》得之。彼云『康梁』者，特以疊韻出之耳，義故弗殊也。康娛實謂耽樂，若澆之爲，與《主術》所云：『狡躁康荒』者正合。《九歌·東皇太一》

云：『五音紛紛繁會，君欣欣兮樂康』，是樂謂之康，義具屈《賦》，學者第弗省耳。許謂之耽樂者，於《釋詁》云：『康、耽、般，樂也』，是康、耽同訓，耽讀與耽同。《廣韻·二十二覃》：『耽，《說文》曰：『耳大垂也』；又：耽，樂也，《詩》曰：『無與士耽』，或作耽，丁含切九』下有『耽，耽樂』，『湛，湛樂』，亦見《詩》，『湛，姪過。《說文》：『樂也』，耽、耽、湛、姪，音並同耳（古音俱在侵部）。

或曰：耽既訓樂，則許《注》『耽樂』云者，詞性亦同歟？曰：耽讀若『無與士耽』，即區以別矣。俞君《古書疑義舉例》有『實字活用例』，惟所舉皆名詞，無一例及形容詞，是猶未備。今謂形容詞亦有之，此類是也。此例明則於訓故，但舉《釋詁》『耽，樂』，不煩辭費，而《毛詩》《許注》，義自明矣。近人自劉申叔以下補俞書者數家，殊未及此，因並記之。

《淮南》『康梁』，許云『耽樂』者，其實即康樂之轉語。樂受前音同化（Progressive assimilation），遂成疊韻語耳。樂古音爲宵之入，晚楚之音魚宵或通（《九辯》以固韻鑿教樂高，《大招》以遽韻昭遙遙，並其例，義具拙著《楚辭韻譜》），淮楚『樂』讀如『洛』，魚陽對轉，語復爲『梁』。其在後漢，則張衡《西京賦》以作韻弱約，是讀樂如鐸，與《淮南》同。平子南陽西鄂人，應劭曰：『江夏有鄂，故加西云』（見《漢書·地理志》顏《注》）。夫地以鄂名，儻猶有舊楚遺黎，故其音亦楚歟？陸氏《爾雅·釋詁音義》：『樂也，音洛』，是江左師讀，一如淮南也。《廣韻》：『樂，喜樂，又五角、五教二切』，與『洛』同在《十九鐸》：『落，盧各切三十四』下，不在《十八藥》，此今音之標準，然所從來遠矣。

湯禹儼而抵敬兮。

注：儼，畏也。祇，敬也。儼一作嚴。洪氏《補注》曰：『《禮記》曰：儼若思，儼亦

作嚴，並魚檢切。夫容館本、錢本並作嚴，與一本合。錢本出校語，嚴一作儼。又：湯禹嚴而求合兮。注：嚴，敬也。合，匹也。嚴一作儼。夫容館本、錢本俱作儼，錢本出校語云：儼一作嚴。

季海按：《文選集注》卷第六十三·離騷經：「湯禹嚴而祇敬兮」，《注》：「王逸曰：嚴，畏也。祇，敬也。」《集注》：「《音決》：『嚴，騫上人：魚檢反』，今案陸善經本嚴爲儼。」尋《說文·四部》：「嚴，致命急也」，《唐韻》：「語杵切」（《四部叢刊》影宋本大徐本《說文》杵誤枚，今正）；又《人部》：「儼，昂頭也」；一曰：「好兒」，《唐韻》：「魚儼切」；是嚴訓敬畏，正當從嚴引申，作儼故是借字。檢《音決》知騫雖音嚴如儼，而猶仍舊本，陸善經輩始依音改字耳。

《瀛涯敦煌韻輯》：S二〇七一《切韻》、P二〇一一《刊謬補缺切韻》儼俱在卷第三上聲《卅五琰》。《切韻》：「儼，敬，魚□切」，《刊謬補缺切韻》：「儼，魚儼反，敬」，《切韻》魚下闕文依王《韻》即是儼字，然檢、儼二書同在《琰》韻，則法言所定，與騫音正同耳。然《廣韻》五十琰有儼、檢，而《類》魚檢切七下不收儼，別立《五十二儼》，作「魚掩切」（掩，《四部叢刊》影宋巾箱本原誤掩，然掩在《五十琰》，儼止三紐十二字，其第三紐曰：「掩，土覆，於广切二」，今正），蓋別采他家，非復《切韻》《唐韻》之舊矣。

曾歔歔余鬱邑兮，哀朕時之不當。

注：曾，累也。歔歔，懼貌，或曰：哀泣之聲也。鬱邑，憂也。言

我累息而懼，鬱邑而憂者，自哀生不當舉賢之時，而值蒞醢之世也。曾一作增，邑一作悒。又《九章·悲回風》：「傷太息之慙慙兮，氣於邑而不可止。」注：憂悵重歎，心辛苦也。氣逆憤懣，結不下也。一作慙

歎。洪氏《補注》曰：顏師古云：於邑，短氣。上音烏，下烏合切。一讀皆如本字。又《七諫·哀命》：念女嬃之嫵媚兮，涕泣流乎於悵。注：於悵，增歎貌也，已解於《離騷經》。悵一作邑。洪氏《補注》曰：於悵音見《九章》。

季海按：依王《七諫注》則《離騷》當有於邑字（《七諫》一本與《九章》合，今從之），然今書上云：「忼鬱邑余侘傺兮」，與此並作「鬱邑」，不云「於邑」。而王《注》云爾者，蓋王讀於邑與鬱邑同，楚音故如是。於文義則前云於邑、侘傺，既相順比；若本句與「曾歔歔」連文，以爲「增歎貌」尤合，顏云：「短氣」，亦得其情狀矣。然則王云：「鬱邑，憂也」者，猶《釋訓》之云，非若《釋詁》《釋言》之直訓字義也。或曰：楚音於讀若鬱，王《注》而外，亦有徵乎？曰：《說文·艸部》：「菸，鬱也，从艸、於聲」，是楚於聲同鬱，許書有徵矣。其於《楚辭》，則《九辯》之七章，蔽、汙當韻，而不得其韻，自來學者莫能通其說，故江有誥直以爲無韻。夫豈無韻哉，江自不知耳。今謂蔽故書當爲拂（參看《離騷》「拂曰條」，與汙爲韻。汙讀若鬱，猶於讀若鬱也。《說文》：「于，於也」，雖本《釋詁》，亦符楚讀矣。汙从水、于聲，《唐韻》：「烏故切」，作去聲，《九辯》叶入聲，則楚音也。魚脂旁轉，理本無隱，卅年艸創，未釋前疑，一朝得之，若出意表。故知習有利鈍，巧不虛生，交相爲用，可以致遠也。

折若木以拂日兮。

季海按：屈《賦》蔽謂之拂，此郢楚遺言，《解故》已爲證明。尋《淮南·墜形訓》：「燭龍在鴈門北，蔽于委羽之山，不見日」，高誘《注》：「蔽，至也。委羽，北方山名也。」《文選》謝靈運《擬魏太子鄴中

集詩·應瑒云：『舉翮自委羽』，李善《注》全引《淮南》語，并及《注》文，稱『高誘曰』云云，除二蔽字並作『第』外，一字不異。是唐人所見，蔽正作第，未失故書之真（然疑此本實是許本，今本作蔽，方是高本耳。余別有說，詳拙著《淮南解故》），足明舊郢遺聲，淮楚猶存也。

吾令鳳鳥飛騰兮，繼之以日夜。飄風屯其相離兮，帥雲霓而來御。
《注》：御，迎也。帥一作率。洪

氏《補注》曰：御，讀若迓。夫容館本鳥作鳳，帥作率，下出校語：一作帥。

季海按：洪本但引《文選》云：『吾令鳳皇飛騰兮，又繼之以日夜』，都無校語，則所見諸本，不作皇也。夫容館本鸞皇作皇，鳳皇作鳳，不知何據，要無足取。敦煌本道騫《楚辭音》殘卷於此出『御』，五駕反，正讀若迓（《廣韻·四十禡》：『迓，迎也，吾駕切六』下不收御）。然《離騷》下云：『百神翳其備降兮，九疑繽其並迎。皇剡剡其揚靈兮，告余以吉故』，洪氏《補注》：『迎，魚慶切，迓也』，此今音也。屈《賦》迎與故叶，即讀如御，此七國楚音。『來御』依《章句》即謂來迎，疑故書止作迎，與下文同。然此《注》已云：『御，迎也』，則叔師亦未覩作迎之本也。漢師所傳，以意屬讀，或依音改字，遂成駁文耳。《史記·天官書》：『迎角而戰者，不勝』，《集解》：『徐廣曰：一作御』，是其比。《天官書》上云：『三月生天棓，長四尺』，《索隱》：『案《天文志》此皆甘氏《星經》文，而志又兼載石氏，此不取。石氏名申夫，甘氏名德』，是也。太史公曰：『在齊甘公』，《集解》：『徐廣曰：或曰：甘公名德也，本是魯人』，《正義》：『《七錄》云：楚人，戰國時，作《天文星占》八卷』；又曰：『魏石申』，《正義》：『《七錄》云：石申，魏人，戰國時，作《天文》八卷也』；史遷所錄，不取石氏，其書以迎爲御，正合楚

言，然齊魯語亦時與楚相通，然則所引即據甘氏，信矣。

時曖曖其將罷兮。

注：曖曖，昏昧貌。又：何瓊佩之偃蹇兮，衆蹇然而蔽之。洪氏《補注》：《方言》

云：「掩、翳、蹇也。」《注》云：「謂蹇蔽也。」《哀時命》：時曖曖其將罷兮。曖一作蹇。注：言已遭時不明，行善罷倦。

季海按：昏昧、不明，與掩翳、蹇蔽，義本相近，單言曰「蹇」，重言則曰「蹇蹇」矣。凡此諸文，《章句》本皆作「蹇」，後人遂以指時之昏昧者从日旁，《文選集注》卷第六十三·離騷經已作曖曖，豈从日之本，即昉於是，《文選》盛行，學者又援彼新字，以改舊文邪？道騫作音於《文選》既行之後，故敦煌本殘卷亦出：「曖曖，鳥代反」，與今本正同矣。然洪引一本《哀時命》猶作「蹇蹇」，獨與《離騷》「蹇然」字合，是王本之真，雖久失之《離騷》，而猶間存於莊《賦》也。曖既晚出，可以弗論。蹇則《爾雅》《方言》有之。《釋言》：「蹇，隱也。」《方言》第六：「掩、翳、蹇也。」郭《注》：「謂蔽蹇也。」《詩》曰：「蹇而不見，音愛，是也。」郭《注》引《詩》，見《邶·靜女》，今本作愛，鄭《箋》云：「愛之而不往見」，與郭讀異。景純所引，或出三家，然與《釋言》，字義並合，知《爾雅》本條，即古詩家之逸傳矣。《說文》作「偃」，云：「仿佛也。从人，愛聲。」《詩》曰：「偃而不見」，《唐韻》：「鳥代切。」段《注》引《祭義》曰：「入室偃然」，《正義》云：「偃，髣髴見也」；又謂：「與《爾雅》之「蹇，隱也」，《烝民傳》之「愛，隱也」，《竹部》之「簾，蔽不見也」，義相近」；又說《詩》「偃而猶離騷之「蹇然」，並是也。蹇、蹇音義並同，而所从或異，若故書本爾，足證七國文字異形；不然，即隸變从艸矣。

忽緯繼其難遷。

注：緯繼，乖戾也。洪氏《補注》曰：《博雅》作軟懷，《廣韻》作徽繼。

季海按：敦煌本道騫《音》：「緯，宜作軟，同許韋反。繼，宜作懷，同火麥反。王逸云：「乖戾也。」《廣正》：「軟懷，乖刺也。」，道騫謂宜作軟懷，亦弟據《廣正》，是隋世已無其本。今檢《廣正》所錄，唯憚援見於洪、錢所記一本，則知此書自稚讓以還，傳本已多，江左所寫，時避別體（此考之《廣正》、《埤蒼》、《玉篇》所出異文可見），如稚讓書又或博采衆製，不必皆出王氏，既未知所據何家，又無舊本足證，學者苟知字有正借足矣。若王云「乖戾」，張言「乖刺」者，尋《說文》云：「刺，戾也」，是二家義同，而音有齊楚，蓋齊讀秦者，楚音旁轉入脂也。

雄鳩之鳴逝兮。

《釋文》：雄作鳩。

季海按：《釋文》鳩當爲鳩。錢本作雄，出校語云：「雄，陸氏作鳩」，又云：「鳩與雄同。」錢氏誤認《釋文》爲《經典釋文》，故以爲陸氏，然字作鳩，足正明翻宋本（汲古閣本同）之訛；又謂：「鳩與雄同」，亦是也。敦煌本騫《音》殘卷：「鳩，尤弓反，或雄字也」，《文選集注》卷第六十三·離騷經亦作「鳩鳩」，字正作「鳩」，是《釋文》所據，古字猶存。尋《說文》：「佳部」，如雞、雛、雛、雛、雛，雛諸字，凡小篆从佳者，籀文皆从鳥，鳩當是雄之籀文。《史籀》十五篇，「建武時亡六篇」（見《漢書·藝文志》原注），許君未見全書，故失收耳。若《九歌·少司命》：「秋蘭兮麝蕪」，秋一作穠，則正叔重所謂「籀文不省」者（見《禾部》「秝」字下），是屈《賦》用籀文，舊本猶時有可考，後人輒以今字代之，彌失故書之真矣。

世幽昧以眩曜兮，孰云察余之善惡。

注：屈原答靈氛曰：「當世之君，皆闇昧惑亂，不分善惡，誰當察

我之善情而用己乎，是難去之意也。善惡一作中情。《文選》善作美。錢本作中情，出校語云：「中情一作善惡，一作美惡。」

季海按：上云：「何所獨無芳草兮，爾何懷乎故宅」，此韻魚部字，若作中情，於韻爲遠。敦煌本《音》殘卷出：「眩（卽此足證从日之譌），胡絢反；惡，烏谷反，是舊本不作中情也。然《惜誦》：『紛逢尤以離謗兮，謗不可釋；情沈抑不達兮，又蔽而莫之白。』心鬱邑余佗僚兮，又莫察余之中情；固煩言不可結詰兮，願陳志而無路」，亦以情叶魚韻，是楚實有此音。江有誥不得其說，以爲無韻，非也。夫以中情爲美惡，實昉《文選》，良由不得其韻，故改字耳。道騫作音，遂失故步，流俗忘反，變本加厲，直以善妃惡，不惟全乖郢製，抑且厚誣《章句》矣。洪、錢於此，雖未能明決是非，然具出異文，以貽來學，故書之真，賴以不墜，是宋人考異之功，時有突過騫《音》者矣。錢本以舊文爲主，尤可取也。

然考屈《賦》，情有二讀。《離騷》曰：「衆不可戶說兮，孰云察余之中情？」世並舉而好朋兮，夫何斃獨而不余聽」，以情韻聽，《惜誦》：「惜誦以致愍兮，發憤以抒情。所作忠而言之兮，指蒼天以爲正」，以情韻正，並叶青韻，此通語所同；其入魚韻，則楚語然矣。楚音青陽或近，故對轉入魚耳。中情字叶魚者，蓋讀若素（《唐韻》：「情，疾盈切」，在從紐，「素，桑故切」，在心紐，皆齒頭音）。范雎，魏人也，《戰國策·秦三》謂其對蔡澤曰：「竭智能，示情素」，《史記·范雎蔡澤列傳》作：「披腹

心，示情素，腹心、情素，語尤相比，遷取重言，貴其氣盛，而詞逾迫切耳。然腹心、情素，並情之謂矣。鄒陽，齊人也，其獄中上書亦曰：『披心腹，見情素』，顏師古曰：『見，顯示之也。素，謂心所向也』（見《漢書·賈鄒枚路傳》及顏《注》），顏云爾者，讀素如《中庸》『素隱行怪』也。鄭彼《注》云：『素讀如攻城攻其所備之備。備，猶鄉也』，陸氏《釋文》：『鄉，本又作嚮，許亮反』，是其義。然顏說近得大意，未遽知言。今謂素猶情也，謂心所向，非情如何？今人言『心意』，同於『情素』，古今語耳，然意亦心也。楚語情謂之素，故屈《賦》弟云『中情』，不云『情素』也。是於楚爲轉語者，於魏、齊爲代語，故以情素成文，使非二閭遺言，猶存於屈《賦》，雖集蕭、顏，亦安能定於燭下也。

蘇冀壤以充轉兮。

注：韓謂之勝，勝，香囊也。洪氏《補注》：『爾雅云：婦人之棹謂之檣』，《注》云：『即今之香纓也。棹邪交落帶繫於體，因名爲棹。』又：檣又欲充夫佩轉。注：韓，盛香之囊，以喻

親近。

季海按：《說文·巾部》：韓、勝俱訓囊；敦煌殘卷S二〇七一《切韻卷第二·平聲下·廿四登》：『勝，徒登反七』下有『勝，囊可帶香』，正謂香囊；又P二〇一一《刊謬補缺切韻卷第一·平聲·五十登》：『勝，徒登反十一』下有『勝，囊可帶者』（《廣韻·十七登》：『勝，徒登切十二』下有『勝，囊可帶者』，與王仁昫同），猶郭云：『邪交落帶繫於體』也；言各有當，並與王《注》義相成矣。勝、俗（袋）古今字，勝之爲俗（袋），猶勝之爲黛矣。《說文》：勝、騰並从朕聲，古音同在蒸部，對轉入之，故今字从代聲耳。宋人修《廣韻》，尙知勝黛爲一字（見《十九代》：『徒耐切十二』下），然孫愐爲《唐韻》

『勝，徒登切』，『帶，或从衣，徒耐切』，分隸兩韻，不云又音（孫音並見大徐本《說文》，後凡不注出處者同此），是唐人已不知其爲古今字也。大徐新附，臆造帶篆，云『或从衣』，其失彌遠已。洪引《爾雅》作褱者，《說文·衣部》：『褱，蔽掖也，从衣、韋聲。』《周禮》曰：『王后之服褱衣』，謂畫袍，非其義，蓋借字。原本《玉篇》又引褱作徽，其《糸部》徽下云：『《爾雅》曰：『婦人之徽謂之縞』，郭璞曰：『卽今香嬰也。』徽邪交絡帶繫之於體，因名爲徽也』……《爾雅》或爲『褱』字，在《衣部》，郭云：『徽邪交絡帶繫之於體，因名爲徽』者，《說文·糸部》：『徽，表幅也』，是徽有表義，郭意徽（褱）以邪交絡帶繫之於體，因被此名也。然原本《玉篇·糸部》：『緯，禹畏反。』《說文》：『橫織絲也』，《楚辭》或以此爲幃字，幃，香囊也，音呼違反，在《巾部》，是江左舊本字或作緯也。尋敦煌本寫《音》殘卷『充幃』句出：『幃，許韋反』，『佩幃』句出：『幃，又緯，又緯，同許韋反』，其作緯者，與野王所見正合。今謂《楚辭》故書，當本作『緯』，隋世諸本於『充緯』句已一切作幃，於『佩緯』句猶有改之不盡者，故道熹得而錄之爾。大抵幃爲秦篆，先秦古文，本無其字，是以《爾雅》、《楚辭》並从假借，徽褱與緯，都不从巾也。

求矩矱之所同。

注：矩，法也。矱，度也。矩一作矩。矱一作矱。洪氏《補注》曰：『《淮南子》曰：『知

矩矱之所同』，《注》云：『矩，方也。矱，度法也。』劉氏《考異》案《繫傳七》引作：矩矱。

季海按：《說文·萑部》：『萑，規萑，商也，从又持（小徐本作將）萑；一曰：視遠兒（小徐本作貌，下有也字）；一曰：萑，度也。』矱，萑或从尋，尋亦度也，《楚詞》（小徐本作辭）曰：『求矩矱之所同』

（二徐書同依《四部叢刊》本），是許引《楚辭》云爾。小徐本引文與大徐無異。《考異》所云，語焉不詳，蓋未成之書，故有是矣。洪引《淮南》，見《汜論訓》，其獲作護，與許引《楚辭》正合。《說文》：「出三義，第三義與楚言相應。其字則《楚辭》自尋，故許於護下引此文而說之曰：『尋亦度也』，蓋故書如此。《楚辭》之學，萃於淮南，宜其著書，文與屈《賦》相表裏也。若《說文·工部》：『巨，規巨也』；『桀，巨或从木、矢，矢者，其中正也』，不收矩，而隻下引《楚辭》桀作矩者，蓋从隸省，許所見《楚辭》當本作桀，與《淮南》同。《離騷》『同』字，《淮南》作『周』者，楚音東或入幽，是同讀若周也。此與下文『調』字爲韻，猶《天問》以龍韻遊矣（詳拙著《楚辭韻譜》）。

恐鵲鳩之先鳴兮。

注：鵲鳩，一名買鵲，常以春分鳴也。

季海按：鵲鳩非伯勞，江氏《文釋》譏王，爲不足取，前編已具。尋曹植《令禽惡鳥論》（丁晏《餘評》云：《御覽》九百二十三作《貪惡鳥論》）：『《月令》：仲夏鵲始鳴』，《詩》云：『七月鳴鵲』，七月，夏五月；鵲則博勞也（丁云：程、張脫，依《御覽》補）。……伯勞以五月而鳴（丁云：《藝文二十四》；程脫鳴），應陰氣之物，陽爲人養（丁云：《御覽》；程、張脫此四字），陰爲賊害（丁云：《御覽》作殘賊），伯勞（丁云：《御覽》；程、張脫此二字），蓋賊害之鳥也。屈原曰：『鵲鳩之先鳴，使百草爲之不芳』（丁云：以上十五字程、張脫，依《御覽》補），其聲鵲鵲然，故以音名也（丁云：《御覽》；程、張作：故俗憎之），若《御覽》不誤，是江《釋》與曹義正同，或卽本子建此論，未可知也。然鵲鳩以三月鳴，若伯勞以五月鳴，則春芳久歇，屬辭及此，豈能近取譬之謂乎？然吾重尋曹《集》，而後知三家異聞，漢

末已具，魏吳諸子，於楚俗時多未達也。

宋祁《筆記·考古》云：『《楊雄傳》：「又恐鸛鵒之先鳴」，師古：「鸛音大系反，鵒音桂」；『蕭該《漢書音義》云：「該案：蘇林鸛鵒音殄絹。」』是鸛音徒典反，蘇林已有此讀，鸛鵒謂之田鵒，故是漢魏之際轉語。

日本初唐人寫《漢書·揚雄傳》殘卷欄下有：『《集》云：大如博穀，雞黑色，常以春分鳴，鳴則百草不芳』，神田喜謂此是天曆二年（今按：當五代漢隱帝乾祐元年，公元九四八年也）藤原良秀所出校語，《集》即顧胤《漢書古今集義》，並可信。博穀即布穀轉語，王氏《廣雅疏證》：『案《龍龜手鑑》云：「子鳩烏大如布穀」，不得即以爲布穀也』，是也。《手鑑》所云，與《集義》合。未知其文偶同，抑即采顧書也。

椒專佞以慢慍兮。

季海按：《解故·附記二》引《元和姓纂》云：『子蘭爲上官邑大夫，因氏焉』，未見所出。尋《漢書·黢伍江息夫傳贊》：『上官訴屈懷王執』，張晏曰：『屈平忠而有謀，爲上官子蘭所譖，見放逐』，或上官家乘，即因子博此《注》，而附會其詞，亦可舊譖有之，而張《注》有取云爾。

芳菲菲而難虧兮。

注：虧，歇。言己所行純美，芬芳勃勃，誠難虧歇。虧一作虧。

季海按：敦煌本S二〇七一《切韻·八微》：『霏，芳非反六』下有『菲』，又芳尾、苻未二反，又《七尾》：『斐，文，妃尾反四』下有『菲，薄』；其P二〇一一《刊謬補缺切韻》亦有此三音，見《未》韻，又

《尾》韻：『斐，妃尾反五』下有『菲，芳，又芳非反』（並見《韻輯》），是也。依王仁昫芳菲字有平上二讀，依S二〇七一本《切韻》，則上聲弟出菲薄而已。尋《萬象名義·艸部》：『菲，孚尾反』下字義有『芳菲·悵惋』之屬，是《玉篇》芳菲亦讀上聲，與王《尾》韻注合；其又音雖見《切韻·八微》，然不出字義，無從質言。妄意蕭願所定，或當同顧也。此皆今音。惟《離騷》曰：『菲菲』，《章句》云：『勃勃』者，與今人以白話注文言無異。菲勃同部，勃即非之入聲。王援當時語作注，必人所共曉，知漢世楚言，芳菲字正讀入聲也。雅言作菲，轉入他聲者，此書語耳。口語未變，即古楚語之遺。《釋草》：『菲，芴』，《谷風》毛《傳》、《說文·艸部》同。陸氏《爾雅音義》：『菲，芳尾反。芴，音物』，菲謂之『芴』，猶菲菲謂之『勃勃』矣。然《邶風》與上聲字韻（體、死），是非芴字雅言不讀入聲。芬芳字作菲，本是段借。依《說文》正篆，字當作苾，許云：『馨香也，从艸、必聲』，《唐韻》：『毗必切』，是其義。《小雅·楚茨》：『苾苾芬芬』，《箋》云：『苾苾芬芬，有馨香矣』，苾苾猶勃勃，楚音同耳。字又作飮，《周頌·載芣》：『有飮其香』，毛《傳》：『飮，芬香也』，陸氏《音義》：『字又作苾』，是也。是西周雅言，芳菲字當讀入聲，依王《注》鄭《箋》，則季漢齊楚猶存此語矣。以是推之，屈《賦》『芳菲』字，或漢人依師讀改字，猶拂之爲蔽矣。故書今不可見，未知爲苾爲勃，要當是入聲字耳。《說文·亏部》：『虧，氣損也。从亏、霍聲。虧，虧或从亏』，是一本及今《注》，即从或字。此虧正謂氣損，實用本義。王《注》於文可通，未爲精切，非達詁已。

鳳皇其承旂兮，高翔翔之翼翼。注：翼，敬也。《文選》翼作紛。翼翼，和兒。言已動順天道，則

鳳皇來隨我車，敬承旂旗，高飛翔翔，翼翼而和，嘉忠正，懷有德也。又《遠遊》：鳳皇翼其承旂兮。注：俊鳥夾轂，而扶輪也。

季海按：《離騷》當本作翼其承旂，與《遠遊》句同。《文選》嫌與下句翼翼字複，輒改作紛耳。翼其承旂，原謂俊鳥夾轂如兩翼，《遠遊》章句正得其解。《離騷》注以下句翼翼爲和兒，遂併以此句翼字爲敬，以足成其義。尋《說文·女部》：嫺，一曰：翼便也，其曰：翼便者，翼亦便也。翼翼，正謂高飛翔翔翼便兒耳。漢汝南語猶有翼便，足徵楚言矣。又《說文·走部》：趨，趨進趨如也，凡翼便、翼翼字，並借爲趨。

抑志而弭節兮，神高馳之邈邈。

注：邈邈，遠兒。言已雖乘雲龍，猶自抑案，弭節徐行，高抗志行，

邈邈而遠，莫能追及。一云：邁高馳。錢本上句作：聊抑志而弭節，出校語云：一無聊字，弭節一作自弭；下句作：邁高地之邈邈，出校語云：邁一作神，地一作馳。

季海按：此文當本作：聊抑志而自弭兮，邁高馳之邈邈，上句《注》云：猶自抑案，弭節徐行，正以自字兼攝抑志、弭節，是本有自字，王《注》申之如此。其曰：『自弭』，猶《懷沙》曰：『自抑』，語略同矣。然句又見《遠遊》，《遠遊》之文，多有與《離騷》同者。據錢本及所記一本，則《離騷》《遠遊》初無一字之差。今或小異者，後人亂之耳。尋王彼《注》云：『吾（原誤五）自厭按，而踟躕也』，亦正以自兼攝上下，此《注》云：『弭節徐行』，猶彼云：『踟躕』矣。以是言之，王云：『弭節』，本不以《騷經》弭下更有節字，而爲之釋也。亦可雖《注》中『弭節』字亦經後人點竄，今既無別本可校，故末由

深論爾。此上言自強，下言高馳者，《遠遊》亦云：『汜容與而遐舉兮，聊抑志而自強；指炎神而直馳兮，吾將往乎南疑』，以見其去留皆不自得，徬徨周章，莫知所止，明原去父母之邦，忠愛之心終無已也。下句『邁』讀若厲（《說文》邁、厲並从夨省聲）。尋《尚書·皋陶謨》：『庶明勵翼』，僞孔以爲『勉勵』字，故从力，然古文自作厲。知者，《史記·夏本紀》曰：『衆明高翼』，《呂氏春秋·季冬紀》：『征鳥厲疾』，《注》：『厲，高也』，是史遷曰高，正釋厲也；《夏本紀集解》引鄭玄曰：『以衆賢明作羽翼之臣』，《釋詁》：『厲，作也』，是康成所注古文，字亦作厲，與史遷正同矣。依遷讀，誘注，厲有高義，邁讀若厲，亦同此訓矣。句方言高馳，故以此領起，義正相承，《注》言『高抗』，亦牒此矣。然《說文·走部》：『邁，遠行也』，《广部》：『厲，旱石也』，並不訓高；其訓高者，蓋借爲曠，《說文·山部》：『曠，巍高也，从山、夨聲，讀若厲』，是也。惟《經》言『抑志』，而王釋下句又云：『高抗志行』，於文既疎，亦近蛇足矣。錢本『高地』，地即馳之壞字。邁一本作神，未知字壞形譌，抑出後人臆改，要非故書之舊矣。

九辯第二

倚結軫兮長太息。

注：伏車重軾，而涕泣也。一無長字。洪氏《補注》曰：軾，車轡間橫木。劉氏《考

異》案《書鈔》百四十一、《繫傳·通論下》所引並無長字；《書鈔》又引結作綺。

季海按：原本《玉篇·車部》『軾』下云：『《楚辭》：倚結軾兮太息』，王逸曰：『伏車重較而啼也』，是

顧、歐陽、小徐所見俱無長字，蓋六朝、唐、五代舊本如是。今書下云：『涕潸潸兮下霑軾』，洪本出校語云：『一本霑上無下字』，劉氏《考異》云：『案《書鈔》百四十一《引霑作沾》，《繫傳·通論》下《引無下字》，今謂自『太息』以下諸韻，並以六字爲句，霑上無下字者，是也。小徐所見及洪出一本，獨與上下諸韻，語無參差，蓋猶存故書之真矣。』

白露既下百草兮，奄離披此梧楸。

注：痛傷茂木，又芟刈也。

季海按：本條《解故》考釋有云：『《說文·艸部》：『蓍，艸也。』从艸，吾聲。《楚詞》有『蓍蕭』，段《注》：『按今《楚詞》無『蓍蕭』，惟宋玉《九辯》云：『白露既下百草兮，奄離披此梧楸。』』「梧楸」，蓋許所見作『蓍蕭』，正『百艸』之二也，段說是也。又云：『《九辯》故書，正當作『蓍蕭』耳。許君親遊東觀，及事賈逵，故所云最爲審諦。《章句》以『茂木』爲義，是讀爲『梧楸』，昉自叔師也。今續補證如次：《說文·艸部》：『芟，刈艸也。』《ノ部》：『父，芟艸也。』刈，父或从刀，《離騷》：『願竢時乎吾將刈』，王《注》亦云：『草曰刈』，是《注》云：『芟刈』，並主艸言，明王氏所見，字亦从艸。《章句》賦文，當本作『蓍萩』，後人不識蓍艸，輒意字當作梧，又以萩楸或通（《左襄十八年傳》：『伐雍門之萩』，阮元《左傳注疏校勘記》云：『案萩者，楸之假借字，如《史》、《漢》貨殖傳：『千樹萩』，卽千樹楸』，是也），遂謂並是木名，因改故書耳。《注》云：『茂木，亦當本作『茂艸』，賦文既失，嫌其不倫，則并改《注》以應之矣。若本是茂木，何以不云斬伐，而言芟刈；且梧楸之屬，豈緣白露之下，而遽从芟刈乎？《注》意本謂白露既下，百艸萎黃，而蓍萩之屬，方並見芟刈，言此者，正爲下句中寫送之致，欲令讀者究其

神理耳。蓋《注》出芟刈，而衰艸離披之狀，益宛在目前，白露奄忽之悲（洪氏《補注》云：「奄，忽也，遽也」，是也），愈動人心魄也。苟如今本，既無當百草，又以艸爲木，而宋玉微辭，王氏精詣，並隱而弗彰矣。

《玉篇·艸部》：「菩，五（《萬象名義·艸部》作伍）都切（《萬象名義》作反，與原本《玉篇》合），草似艾」，《萬象名義》亦云爾，此文尚仍野王舊貫，又《廣韻·十一模》：「吾，五乎切二十一」下有：「菩，草名，似艾」，與顧說合，是菩草似艾也。《爾雅·釋草》有二蕭，其一：「萃，蕭蕭」，郭《注》：「今蕭蒿也」；其二：「蕭，萩」，郭《注》：「即蒿」，《九辯》故書言「菩蕭」即此，故王氏《章句》本字又作「萩」，蓋漢師所讀，與《釋草》文正相應，或古今語，或楚轉語，實一物矣。其於屈《賦》，則與艾並舉，《離騷》曰：「今直爲此蕭艾也」，洪氏《補注》：「《淮南》曰：「膏夏紫芝，與蕭艾俱死」，是屈、劉字並作蕭，與許引故書正合。菩既似艾，則宋曰：「菩蕭，猶屈言蕭艾矣。蕭艾、菩蕭，蓋亦楚常言爾。郭云：蕭即蒿者，《漢書·鼂錯傳》：「荏葦竹蕭」，顏《注》：「蕭，蒿也」；《後漢書·張衡傳》：「珍蕭艾於重笥兮」，《注》：「蕭，蒿也」；《釋蟲》：「炕，蕭蒿」，郭云：「食蕭葉」，《玉篇》：「炕，食蒿葉」（並見桂馥《說文義證·艸部》：「蕭」字下）；蓋江左以還，並以蕭艾之蕭爲蒿。《齊書》：「紀僧真夢蒿艾生滿江，驚而白之，太祖曰：「詩人采蕭，蕭即艾（此誤書，說見後）也，蕭生斷流，卿勿廣言」（見《紀僧真傳》，《南史》亦有此言），顏師古譏之，以爲蕭艾二草，名既不同，稱類區別」，設使齊高謬談，取會一時之應，子顯不當著於史籍，以誤將來學者」（並見顏氏《匡謬正俗·齊書·蒿艾》條），其實齊高

本謂蕭即蒿也，蒿誤作艾耳，惟以蕭萩之蕭爲詩人采蕭之蕭，與顏爲異；若以蕭爲蒿，則江左學者所同，雖顏注《鼂錯傳》亦云爾矣。夫取會一時之應，亦必擇衆所共喻者而託言之，若蕭之爲艾，既乖成俗，又無義據，苟爲此言，定何益乎？即使齊高謬談，猶不出此，況子顯雅才，豈慣慣乃爾乎？是知楚曰蕭艾者，江左以爲蒿艾，無論紀夢信否，旣曰蒿艾生江，正復物以類舉矣。

紛旖旎乎都房。

注：被服盛飾，於宮殿也。旖旎，盛兒。《詩》云：『旖旎其華。』《文選》作：『猗猗。』上

音倚，下女綺切。旖一作旖，於可（汲古閣本此下有切字）；旖（《四部叢刊》影明覆宋本誤作『旖』，今从汲古閣本），乃可切。洪氏《補注》：《集韻》：旖，倚可切，其字從可。旖旎，旌旗兒。旖，音倚，其字從奇。旖旎，旌旗從風兒。

李海按：王氏引《詩》，蓋本三家，毛詩《檜》：『隰有萋楚』，旖旎作『猗猗』，《傳》曰：『柔順也。』《漢書·司馬相如傳》錄《上林賦》云：『猗猗從風』，郭璞曰：『猗猗，猶阿那也。』猗音於氏反，猗音諸氏反。《文選·上林賦》作『猗猗從風』，《注》：『張揖曰：『猗猗，猶阿那也。』猗，憶靡切；昵，女尔切。』李廣芸《炳燭編卷二》：『旖，《說文》無，古作猗。《漢書·楊雄傳》：『乘雲蜺之旖猗兮』，又曰：『夫何旖旎郢偁之旖猗也』，李說是也。據洪氏所引，知北宋本《文選》，與《漢書》本傳所載正同，今本《文選》偏旁蒙上文而誤耳（胡克家重刻宋淳熙本已如是）。凡猗猗、旖旎、猗猗、阿那本是一言，其下字古音同在泥紐矣。《說文·女部》又云：『嫋嫋也，讀若騶，或若委』，《唐韻》：『烏果切』；『嫋，嫋嫋也；一曰：弱也』，《唐韻》：『五果切』，此唐人讀耳。《萬象名義·女部》引《玉篇》舊音：『嫋，佳華、』

於果二反；姬，乃果、雅華二反（今本《玉篇》上烏果切，下乃果、五果二切，此後人刪改），是江左人讀此故有泥紐一音，知嫫姬亦倚儺轉語，張揖以爲阿那者是矣。今字亦从女，蘇軾《和子由論書》：『剛健含婀娜』，若用正篆，當作嫫姬。然《考工記》：『既建而迎崇於軫四尺』，《注》：『鄭司農云：迎讀爲倚移從風之移』，陸氏《音義》：『倚移，於綺反，下以氏反』，賈公彥《正義》：『先鄭云：迎讀爲倚移從風之移』者，司馬長卿《上林賦》云：『倚移從風』（阮氏《校勘記》出『從風倚移』云：『誤倒，此从惠校本』），鄭讀倚移如倚移者，《說文·禾部》：『移，禾相倚移也』；又《木部》：『櫨，木櫨櫨』，《枌部》：『旖，旗旖旎也』，凡倚移、櫨櫨、旖旎，語皆共氏，並倚儺、旖旎之轉。下字今俱入喻紐，古音當在定紐，與泥皆舌頭音，其聲至近。要之鄭許讀自相應，蓋漢語有此矣。

日本初唐人書《漢書·楊雄傳》殘卷，《雲蜺》句作『旖旎』，師古曰：『旖，音於綺反。旎，音女綺反』，神田喜校記云：『各本旖旎作旖旎。宋祁曰：景祐本作旖旎，此卷作旖旎者，乃旖旎之譌』，今謂旖旎作旖，唐人破體字耳，旖亦唐人俗體，不必是譌字。知者，《楊雄傳》殘卷《雲蜺》句上方有天曆二年藤原良秀引顧胤《漢書古今集義》：『服云：從風柔弱兒，或云：美也。案《字林》云：旌旗（原譌不成字，今正）兒也』，字旁注旖，『於綺反』；旎，『女綺反』，與師古音合。此必顧氏所引《字林》舊音，故良秀具引之，不嫌與顏音重複也。洪云：旌旗兒，正是呂義。唐人雖書作『旖』，然顧引服義，與呂同條。洪云：從風兒，又同服義。《字林》《顏注》並音於綺反。明洪分旖旎爲二，音義全別者，良由宋人不識唐破體字，故有此誤會耳。旖旎減筆，依文易曉，不煩詳說。『旖旎』句作『旖旎』，師古曰：『旖音

猗，旒音女支反，校云：『旒乃旒之譌，宋本、汲古閣本旒作梀，又云：『明南、北監本則與此卷同。宋祁曰：越本作梀。』又『女支反』，校云：『明南、北監本支作倚。』然猗梀江左已讀上聲，子雲自叶平聲耳。

凡物柔順從風，則見倚移之態，《詩》云：『猗猗其華』、『猗猗其實』，亦謂繁花被枝、柔條垂實，則相倚移，猶禾相倚移矣。是王云：『盛兒』，亦不乖《詩》意，蓋三家有此說矣。與毛言各有當，而義亦相成也。《九辯》明謂『紛旒旒乎都房』，儻紛則其盛可知，然必合毛、許二家之言，而後能曉然於其所以爲盛兒之故，此毛《傳》《說文》之所以爲訓故宗也。

皇天淫溢而秋霖兮，后土何時而得漑？

注：久雨連日，澤深厚也；山阜濡澤，草木茂也。而一作

兮。漑一作乾。

季海按：《楚語》：『武丁於是作書』，有曰：『用女作霖雨』，韋《注》：『三日以上爲霖。』《左隱九年傳》：『凡雨自三日以往爲霖』，是其義。《釋天》：『久雨謂之淫，淫謂之霖』，是霖雨或曰淫雨。《左莊十一年傳》：『秋，宋大水，公使弔焉，曰：天作淫雨』，《月令·季春之月》：『行秋令，則天多沈陰，淫雨蚤降』，並以秋雨爲淫。鄭《注》《月令》云：『九月多陰。淫，霖也。雨三日以上爲霖』，是也。《九辯》所賦，正謂是矣。

《說文·雨部》：『霖，雨三日已往。从雨、林聲』，《唐韻》：『力尋切』，古音在侵部。語轉入談，則謂之霖。《說文》：『霖，久雨也。从雨、兼聲』，《唐韻》：『力鹽切』，是也。《九辯》作霖，則楚音自在侵

部。《說文·水部》：『淫，侵淫隨理也。从水、𠂔聲；一曰：久雨爲淫』（《四部叢刊》影宋本久譌入，段不誤），《唐韻》：余箴切。古音亦在侵部。《九辯》：『大招』雖並以淫爲雨水流溢，《九辯》：『久雨字又別作霖，然霖之爲言猶淫也，本以雨水流溢得名，楚言淫霖語亦相轉。知者，韻，《唐韻》：『力在切』，《說文》：『从邑、𠂔聲，讀若淫』，此一事也。《離騷》：『長顙領亦何傷』，段氏《說文注》謂段領爲顙，顙，《唐韻》：『盧咸切』，日本古寫《文選集注·離騷經》及《注》字並作『淫』，《音決》謂：『顙，曹憲音淫，此二事也。』《楚辭》：『淫含切』，《說文》：『从女、林聲』，『讀若潭』；《淮南·說山》：『淫魚出聽』，《論衡·率性》作：『潭魚』，《說文》作：『鰾魚』，此三事也。以是言之，漢以來楚音，霖亦或讀如淫矣。

願皓日之顯行兮，雲蒙蒙而蔽之。竊不自聊而願忠兮，或黜黜而汗之。 蒙一作濛，聊一作料。洪氏《補注》曰：汗，烏故切。

季海按：汗，《唐韻》：『烏故切』，與洪音合。四句學者舊不得其韻。今謂行與忠韻，楚音東冬不分，並與陽叶，《涉江》行韻中，竊是其比（行，江氏《韻讀》不入韻，云『疑脫偶句』，非也。王氏《韻譜》不立冬部，以入東韻，得之）。蔽故書當爲拂，與汗爲韻。汗讀若鬱，楚音魚脂旁轉，義具《離騷》：『曾歔歔余鬱邑兮』。聊猶慮也，重言則曰『聊慮』，下云：『罔流涕以聊慮兮』，王云：『愴然深思，而悲泣也』，是其義。一本作料，後人改故書耳。

罔流涕以聊慮兮，惟著意而得之。紛純純之願忠兮，妬被離而郵之。 一作紛怵怵而願忠，被一作

披，鄆一作彰。

季海按：四句學者不得其韻，江有誥直云：『無韻。』今謂得與鄆韻，江氏自未寤耳。鄆古音讀平如章，一本作彰，其聲雖同，偏旁譌失，乃與文章字相亂耳。陸氏《公羊音義》於隱公五年出『鄆谷』之尙反，又音章，是陳時古讀猶存，但今音既行，遂退居其次矣（《序錄·公羊》有：李軌《音》、江惇《音》，各一卷。二家並出東晉，弘範，江夏人；思俊，河內人；陸記又音，未知誰屬）。敦煌本S二〇七一《切韻》卷第二·平聲下·十一陽：『章，諸良（反九）』下有『彰，彰明、璋、鑾、鄆，（邑）名，在紀』，是法言取韻，猶依古讀，但字作『璋』耳。又敦煌本P二〇一一《刊謬補缺切韻》十二頁：『彰，采、璋、雍，又止讓反……鄆，邑名，在紀』（敦煌殘卷二種，並見《韻輯》），是王氏補缺，始以今音增益《切韻》也。大徐引《唐韻》：『璋、障、障隔並之亮切』，惟鄆邑作『諸良切』，是孫愐璋障不收平聲，與陸、王異撰矣。《廣韻·十陽》：『章，諸良切十五』有璋、障，是又上同陸、王，不用《唐韻》也。若得有平音，楚入陽韻，請再列三證以明之。《公羊隱五年傳》：『公曷爲遠而觀魚，登來之也』，何休《解詁》：『登讀言得來，得來之者，齊人語也。齊人名求得爲得來，作登來者，其言大而急，由口授也』；《傳》又曰：『登來之者何，美大之之辭也』，何云：『其言大而急者，美大多得利之辭也』，是齊人名求得爲得來，美大之則曰登來，本自一言，語有輕重緩急耳。得來爲登來，之蒸對轉。齊人言如蒸者，楚或同陽。《離騷》自『忽反顧以遊目兮』以下八句，以荒、章、常、懲爲韻。懲在蒸部，此楚音蒸或通陽之徵，其證一。章先生《莊子解故》於《齊物論》：『庸也者，用也；用也者，通也；通也

者，得也。』下云：『庸、用、通、得，皆以疊韻爲訓。得借爲中。』《地官·師氏》：『中失』，故書中爲『得』。《淮南·齊俗訓》：『天之員也，不得規；地之方也，不得矩』，《文子》得作『中』，是其例。宋玉以得入陽，莊子以得韻東者，楚音讀東如陽也，其證二。《離騷》：『覽察卉木其猶未得兮』，《四部叢刊》影明覆宋本卉作草，洪校出一作卉，今从一本，豈琤美之能當，得《周官》故書以爲『中失』字，楚音東冬不別，並讀若陽，正與當韻，其證三。然楚音得有二讀：其一讀平，則入陽韻，茲所證明；其一讀入，則在之韻，《天問》極與得韻，《哀郢》亦爾，此既常音，舊譜備矣。

《說文·土部》：『壇，擁也』，又《阜部》：『障，隔也』，同从章聲，《唐韻》同『之亮切』，阜、土同類（阜，大陸山無石者），擁、隔一意（擁同壅，《廣韻·三鍾》：『邕，於容切十六』有『壅，塞』，又音擁，是也），障障故是一字，以爲重文可也。宋玉云：『妬被離而鄣之』，王《注》云：『讒邪妬害，而壅遏也』，是《楚辭》以鄣爲障障字，《說文》無壅，故云擁也，義正同耳。鄣依《說文》，『邑名，在紀』，非此所用。一本作彰，隸艸或亂多，形近而誤耳（虞世南書《孔子廟堂之碑》：『川嶽成形』，形作『形』。敦煌寫本老子《玄通經》亦曰：『《天應經》曰：『故星象明耀，彰於禍福』』（《敦煌石室遺書三種》本，彰作『彰』，多形似『邑』，可證）。《惜往日》：『獨鄣壅而蔽隱兮』，洪出校語云：『鄣一作彰，音如鄣』，鄣亦譌彰。《廣韻·十陽》：『章，諸良切十五』，鄣，邑名，在紀，《四部叢刊》影宋巾箱本鄣亦作彰，其誤同矣。

九歌第三

《東皇太一》：「盍將把兮瓊芳。」

季海按：《解故》謂瓊芳與芰茅同實，卽指楚之香茅。《文選·吳都賦》：「食焉香茅。」劉逵《注》：「香茅生零陵」，是也。《晉書·志·地理下》：「零陵郡·泉陵，有香茅，云古貢之以縮酒。」全襲王隱《地道記》文。

《湘君》：「石濺兮淺淺。」

注：濺，湍也。淺淺，流疾兒。洪氏《補注》曰：「濺，落蓋切。《說文》曰：水流沙上也。《文選注》云：石濺，水激石間，則怒成湍。淺，音淺。」

季海按：玄應《一切經音義》卷第二·法炬陀羅尼經·三：「磧中，且歷反。《廣雅》：「磧，濺也。」淺水見石者也。《說文》：「水渚（同治八年翻莊所刻本譌者，今依大徐本《說文》正）有石曰磧也。」尋《廣雅·釋水》：「湍，濺也。磧，磧也。」王氏《疏證》：「《衆經音義·卷二（原誤一，今正）、卷十九、二十三》並引《廣雅》：「磧，濺也」，似此條湍濺下本無也字」，王說是也。『淺水見石』，故謂之石濺矣。王氏《疏證》云：「《漢書·武帝紀》：「遣歸義越侯中爲下濺將軍」，《史記·南越傳》濺作「厲」。濺之言厲也。厲，疾也。《月令》云：「征鳥厲疾」，是也。石上疾流謂之濺，故無石而流疾者，亦謂之濺，《楚辭·九章》云：「長濺湍流，沂江潭兮」，是也。合言之則曰：「湍濺。」《淮南子·原道訓》：「漁者爭處湍濺」，高誘《注》云：「湍濺，水淺流急之處也」，王《疏》至精，足明楚故矣。王又引臣瓚

注《武帝紀》云：『瀨，湍也。吳越謂之瀨，中國謂之磧』，謂『湍、瀨與磧，異名而同實』，亦是也。然中國曰磧，吳楚曰瀨矣。洪引《文選注》，見《魏都賦》張載《注》，載『磧同時（姚察以爲傳磧，可信）』，並宗王義。

《說文》：『淺，不深也』，非其義。此借爲瀆，《說文·水部》：『瀆，汙（《四部叢刊》影宋本誤汙，依玄應引正，見下文）瀆也。一曰：水中人。从水、贊聲』，《唐韻》：『則肝切』，《廣韻·二十八翰》：『贊，則肝切十一』下有『瀆，水瀆』，瀆，瀆，古今字耳。玄應《一切經音義》卷第三：『放光般若經·五』：『澆瀆』，『下又作瀆淺二形，同子旦反。《說文》：『瀆，相汚瀆也。《史記》：『五步之內，以血瀆大王衣，作瀆』……江南行此音。山東音瀆，子見反。』孫星衍曰：『《說文》無瀆字，則作瀆，或借淺，是也。瀆見《玉篇》：子賤切，瀆水也（見莊斲刻本孫《校》）。今謂玄應《音義》、孫氏《校正》，並是也。水瀆即水中人，此以今字釋古字耳。《湘君》此句，正謂疾流激石，水中人也。淺，《唐韻》：『七衍切』，《廣韻》在上聲《二十八獮》，《四部叢刊》影宋巾箱本作『士演切一』，七譌士。是唐人淺有二讀，水不深用作本義，則在上聲；借爲瀆瀆字則在去聲。然《九歌》以淺闢閒爲韻，是古音作平聲。尋《文選·魏都賦》李善《注》：『《楚辭》曰：石瀨兮淺淺』，是唐人所見舊本，字不从水，此故書也。《說文·戈部》：『淺，賊也，从二戈。《周書》曰：淺淺，巧言』，《唐韻》：『昨干切』，與《九歌》韻合。

《東君》：『撰余轡兮高馳翔，杳冥冥兮以東行。』注：『言日過太陰，不見其光。出杳杳，入冥冥，直東行而復出。或曰：日月五星，皆東行也。駢一作馳，一無此字。一云：翔杳冥兮，一無以字。』

季海按：高駝卽高馳。《離騷》：「乘騏驎以馳騁兮」，馳一作駝，夫容館本作駝，與一本合。《大司命》：「高駝兮冲天」，駝一作馳。《說文》：駝从也聲，駝變从它，它、也古音同在歌部，沱沼字古祇作沱，今別作池（見《說文》沱字下徐鉉訓釋），是其比。屈《賦》言高馳者多矣。《離騷》：「神高馳之邈邈」（一云：邁高馳），《涉江》：「吾方高馳而不顧」，並是也。此當於馳字句絕。夫容館本不疊冥字，與洪校一本合。今謂此本是也。翔杳冥兮以東行（一無以字，非是。說見後），《章句》前說得之。歌詞直謂東君耳，不關星月也。屈《賦》謂凡日西行，涉夜東行耳，或說非屈所謂。既不解微言，故苟爲曲說矣。此章首言日之出，終言日之入，日既入而東行，故云「翔杳冥」也。當句首尾有韻，學者不達，故以屬上句爲韻，又沾冥字足句，不惟馳翔不辭，下句亦言之無物矣。

翔杳冥兮以東行，一無以字，非是。《大司命》：「君回翔兮以下」（《四部叢刊》影明覆宋本作「迴翔」，洪校：「迴一作回」，今从一本），彼云「以下」（洪校：「以一作來」，此由不解以字所謂，因援王注「來下」字，改故書耳），此云「以東行」，語正同耳。以，猶而也（義具王引之《經傳釋詞》第一·釋「以」下）。《山鬼》：「表獨立兮山之上，雲容容兮而在下」，今下著而，辭氣相似。不曰「山上」、「在下」，必曰：「山之上」、「而在下」，正所謂：「疏緩節兮安歌」也。荀卿曰：「節族久而絕」，故一本輒刪「以」字。

天問第四

伯強何處？惠氣安在？

注：伯強，大厲疫鬼也，所至傷人。惠氣，和氣也。言陰陽調和，則惠氣行，

不和調，則厲鬼興，二者常何所在乎？

季海按：洪适《隸釋·卷第十》有《童子逢盛碑》：『在維州，靈帝光和四年立』，是碑當在今四川汶川縣附近，實立於公元一八一年也。《碑》云：『何寤季世，顓天不惠，伯彊涇行，降此大戾』，伯彊卽伯強，正謂大厲疫鬼，大戾讀與大厲同。厲古音在泰部，戾在脂部，厲爲戾者，脂泰旁轉也。世亦在泰部，惠在脂部，《碑》以世、惠、戾爲韻，理亦同矣。是楚人所信厲鬼，季漢蜀中，民間猶以爲口實也。

九章第五

《惜謫》：中閔瞽之惛惛。

注：閔，煩也。瞽，亂也。惛惛，憂見也。言已憂心煩悶，惛惛然無所舒

也。中一作心。

季海按：《說文·步部》：『蹢，瞽也，从步、昏聲』，《唐韻》：『呼昆切』。此閔瞽本字，正讀若閔，《惜謫》借閔字爲之。孫愐作呼昆反，今音耳。蹢或从心作惛，《九辯》：『惛惛而愁約』，《注》：『憂心閔瞽，自約束也』，洪氏《補注》：『惛，音昏，《說文》：惛也』，是也。又《漁父》：『安能以身之察察，受』

物之汶汶者乎，洪氏《補注》：『汶，音門；……一音昏。』《荀子注》引此作惛惛。惛惛，不明也。惛，門、昏二音。『尋《荀子·不苟篇》楊《注》：『《楚詞》曰：安能以身之察察，受物之昏昏者乎？』南宋台州本《後序》稱『悉視熙寧之故』，而《注》乃作『昏昏』，不如慶善所引之尤爲審諦，則知監本之輕改舊文，尙不止如伯厚所云也（見王氏《困學紀聞》：『青出之藍』條及《自注》）。惛卽惛字，唐人避太宗諱相承作惛耳。慧琳《一切經音義》卷第三：『大般若波羅密多經第三百四卷』出：『惛沉』，云：『《說文》从民，避廟諱改民爲氏』，是也。惛有門音，猶惛有悶音。悶从門聲，古音本平，《唐韻》作『莫困切』，以爲去聲，亦猶惛之同从昏聲，而今音有平去之別矣。老子楚人，其言亦楚，《上篇》曰：『俗人昭昭，我獨若昏；俗人察察，我獨悶悶』（二十章，章句从王弼本，下同）。『若昏』王作『昏昏』；『若』字依帛書乙本、傳奕本，江有誥《先秦韻讀》以昏韻悶，云：『悶，平聲』，以入文部，是也。帛書甲本《道經》悶悶作『悶悶』，乙本作『悶悶』，傳奕本作『悶悶』，悶从問聲，問从門聲，悶亦从門聲，悶从文聲，古音同在諄部，並讀若悶矣。《老子》此言，以相反對爲文，故以俗人與我對，以昭昭與昏對，以察察與悶悶對，義皆相反也。《下篇》又曰：『其政悶悶，其民淳淳；其政察察，其民缺缺』（五十八章），亦以悶悶與察察對，淳淳與缺缺對也。帛書甲本《德經》殘，乙本悶悶作悶悶，傳奕本作悶悶，悶从門聲（整理小組疑卽紊字異體，近是），以爲从糸、門聲，是也），讀亦同矣。然以察察與悶悶爲對文，猶《漁父》以察察與惛惛爲對文，悶悶惛惛，音義並同。舊書雅記，故俗語不失其方，而後人不知，故雖習見之文，猶不免郢書燕說矣。惛惛，猶訕訕，《釋訓》：『夢夢訕訕，亂也』，是其

義。《老子·德經》：「其政悶悶，其民淳淳」，帛書乙本作：「其正闐闐，其民屯屯」，闐闐、屯屯，讀與悶悶、沌沌同矣。郭注《釋訓》，云「皆闐亂」，明二者兼有闐義。老子不貴明察，樂民無知，故云：「其民屯屯」也。然悶悶、沌沌，楚語義本相比矣。沌沌荀子又作「肫肫」，《哀公篇》：「繆繆肫肫，其事不可循」，楊注：「肫與沌同」，引《爾雅》：「亂也」，爲說，是也。

《涉江》：幽獨處乎山中。

季海按：《文選》應休璉《與侍郎曹長思書》：「塊然獨處，有離羣之志」，李善注：「《淮南子》曰：卓然獨立，塊然幽處」，是幽獨義通，語或相代。《涉江》此文，同於淮楚矣。

《惜往日》：「臨沅湘之玄淵兮，遂自忍而沈流。卒沒身而絕名兮，惜壅君之不昭。君無度而弗察兮，使芳草爲藪幽。焉舒情而抽信兮，恬死亡之不聊。」沅一作江。遂一作不。沒身一作沈身。古本壅皆作幽。

季海按：此以昭韻流、幽、聊，昭在宵部，餘皆幽部字。尋《招隱士》以繚韻幽，繚亦在宵部，與此相似。一九五四年冬，江蘇新沂縣砲車鎮北大墩發現漢墓出土灰色陶罐七，其三有鉛粉寫白字，文曰：「西方大白，其帝少皓，其神蓐」（《報導》誤差，今正）收，其日庚辛，其蟲毛，當以丹砂除凶耗，□家富貴，當延壽」（見《文物參考資料》一九五五年第六期《文物工作報導》），此以皓、收、毛、耗、壽爲韻，毛耗並宵部字，幽宵通叶，正類淮南。《惜往日》用韻如此，豈楚遷壽春以後之作乎？

遠遊第六

玉色頰以晚顏兮。

注：面目光澤，以鮮好也。晚一作艷，一作曼。洪氏《補注》曰：晚，澤也，音萬。

艷，美色也。曼，色理曼澤也。劉氏《楚辭攷異》：案《文選·魏都賦注》引晚作開。

季海按：敦煌本S二〇七一《切韻卷第三·上聲·冊迴》：「頰，斂容，疋迴反。《楚辭》曰：玉色頰以晚（姜羣作晚，未審原卷如此，抑羣寫偶失，今正）顏兮。」（見《韻輯》），是唐本已作「晚」，與今本同。其作艷或曼，並後人臆改，要不足取。劉引《文選注》，出李善，善亦唐人，所引不同《切韻》殘卷，疑此本晚出，在李善後；亦可善及見古本，故不同時人矣。尋杜甫《丹青引》：「凌煙功臣少顏色，將軍下筆開生面」，《集註》：「趙曰：凌煙畫像，顏色已暗，而曹將軍重爲之畫，故云「開生面」。用字蓋因《左氏》：「狄人歸先軫之元，而面如生」也」，是也。顏猶面，故王云：「面目」矣。是唐人猶有此語，子美用之，與《章句》以爲面目鮮好者宛合。下語如此，可謂鎔鑄古今，清詞麗句，信與屈宋爲隣矣。惟《遠遊》故書久佚，故注杜者莫窮其淵源所自，解《楚辭》者亦罔識其真也。後世或以開顏爲解頤，如侯白《啓顏錄》云爾者，此別一義。

卜居第七

黃鐘毀棄，瓦釜雷鳴。譏人高張，賢士無名。吁嗟默默兮，誰知吾之廉貞？
吁一作于，默一作嘿。

五臣云：「嘿嘿，不言兒。」

季海按：《文選》作：「吁嗟嘿嘿兮」，與洪校一本合。《史記·屈原賈生列傳》：「賈生爲賦以弔屈原曰：『世謂伯夷貪兮，謂盜跖廉。莫邪爲頓兮，鉛刀爲銛。于嗟嘿嘿兮，生之無故』」，《集解》：「應劭曰：『嘿嘿，不自得意』，瓚曰：『生謂屈原也』」。賈生數言，實與《卜居》同意。終之以于嗟嘿嘿，總明『逢時不祥』，生之無故，傷夫『自沈汨羅』也（『逢時』二句，並賈生語）。誼謂逢此『方正倒植』（亦見賈《賦》）之世，苟生不如無生，因曰：『生之無故』耳。賦謂屈原，再言先生，此獨言生，明謂生死，瓚說非也。《卜居》云：「吁嗟默默兮」，王逸曰：「世莫論也」；弔屈云：「于嗟嘿嘿兮」，應劭曰：「不自得意」，二家之注，雖非達詁，要以此言爲明原所遭則一，是楚辭舊說，未嘗以爲原默默不言也。尋《新序·雜事第一》：「晉平公閒居，師曠侍坐。平公曰：『子生無目眖，甚矣，子之墨墨也。』」師曠對曰：「天下有五墨墨，而臣不得與一焉。」平公曰：「何謂也？」師曠曰：「羣臣行賂，以采名譽，百姓侵冤，無所告訴，而君不悟，此一墨墨也。忠臣不用，用臣不忠，下才處高，不肖臨賢，而君不悟，此二墨墨也。姦臣欺詐，空虛府庫，以其少才，覆塞其惡，賢人逐，姦邪貴，而君不悟，此三墨墨也。國貧民罷，上下不利，而好財用兵，嗜欲無厭，諂諛之人，容容在旁，而君不悟，此四墨墨也。至道不明，法令不行，吏民不正，百姓不安，而君不悟，此五墨墨也。國有五墨墨，而不危者，未之有也。臣之墨墨，小墨墨耳，何害乎國家哉？」師曠舉五不悟，楚懷之季，實備有之，其爲墨墨亦大矣！然屈賈所云：「嘿嘿」、「嘿嘿」，與師曠言「墨墨」，故若合符節也。其字之有口無口，黑聲墨聲，音義並

同，謂闇無知見，若盲瞽爾。屈原被讒而《離騷》作，非不言也。

招魂第十

《章句》：《招魂》者，宋玉之所作也。

招者，召也。以手曰「招」，以言曰「召」。魂者，身之精也。宋

玉憐哀屈原，忠而斥棄，愁懣山澤，魂魄放佚，厥命將落，故作《招魂》。欲以復其精神，延其年壽，外陳四方之惡，內崇楚國之美，以諷諫懷王，冀其覺悟而還之也。

季海按：楚有招魂，蓋《春官》招弭之屬。《男巫》職云：「春招弭，以除疾病。」《注》：「招，招福也。杜子春讀弭如彌兵之彌。玄謂弭讀爲救，字之誤也。救，安也，安凶禍也。招、救皆有祀、衍之禮」，是也。《招魂》之亂曰：「獻歲發春兮，汨吾南征」，終之以「湛湛江水兮上有楓，目極千里兮傷春心」，惟《大招》亦曰：「青春受謝，白日昭只。春氣奮發，萬物遽只」，其爲春招明矣。王云：「魂魄放佚，厥命將落，故作《招魂》，欲以復其精神，延其年壽」，與玉偁帝告巫陽之語相應，甚得男巫招弭以除疾病遺意，可謂善說詩矣。後人不知，猥云爲死者招魂，失之遠矣。惟《男巫》職云：「旁招以茅」，叔師乃云：「以手曰招」，未之思乎，欲以何明？

乃下招曰：魂兮歸來，去君之恒幹，何爲四方些？

一作徠歸。一云：何爲乎四方？乎一作兮。洪氏

《補注》曰：些，蘇賀切。《說文》云：語詞也。沈存中云：今夔峽湖湘，及南北江獠人，凡禁咒句尾皆稱些，乃楚人舊俗。

季海按：《春官·男巫》：「掌望祀、望衍，授號，旁招以茅。」《注》：「杜子春云：望衍，謂衍祭也。授號，以所祭之名號授之。旁招以茅，招四方之所望祭者。玄謂衍讀爲延，聲之誤也。望祀，謂有牲粢盛者。延，進也，謂但用幣致其神，二者詛祝。所授，類造攻說禴祭之神號，男巫爲之招，是也。今謂此云：『何爲四方些』，正下招之辭。此下備陳四方之害，偏云不可以託止，卽杜子春所說『旁招以茅，招四方之所望祭者』之比矣。賈公彥《疏》云：『旁，謂四方』，是也。然旁招，謂於四方招之也。蓋讀《楚辭》二招，而《春官》『旁招』舊事，宛在目前矣。玉云：『工祝招君』，王《注》：『工，巧也。男巫曰祝』，是楚俗亦招以男巫矣。

玄應《一切經音義六·妙法蓮花經二》：「毀些，古文些歟二形，同子爾反。《說文》：『些，呵也。』《禮》云：『些者莫不知禮之所生』，鄭玄曰：『毀，口些也。』孫星衍曰：『《說文》：些，苛也，與呵通。歟，歐也，義亦相近。惟《說文》無些字，見《楚詞·招魂》，俗人但知其有蘇箇音，而不知卽些字之譌，亦可讀爲些也。若以爲楚語辭，當音蘇箇，則《大招》何以用只代些？據此云：古文些，益足明些之當爲些矣。《說文·新附》有些字，非也。此以俗字爲古文，亦非。』孫謂些卽些之俗字，是也。至引《大招》用只代些，以明些亦可讀爲些，說雖未融，故已發前人所未發，其在今日，猶不失新穎也。方予爲《解故》時，尙以《招魂》用些，《大招》用只爲疑，徒有鑒於時地之殊，而不省其淵源莫二，是祇見其異，未見其同也。些只古音同在支部，支歌旁轉，卽楚些之聲矣。

若些、只相通之理，淵如尙未能洞徹，予一九七五年撰《漢語小記》，已爲證明，其時初未檢及孫說

也。《漢語·枳》記云：《漢書·地理志》：「巴郡：枳。」《注》：「如淳曰：『音徒，或音抵。』」師古曰：「音之爾反。」季海按：《說文》：「枳，木似橘，从木，只聲。」《唐韻》：「諸氏切。」如淳音徒，蓋本巴蜀舊音，其或音則從中國矣。今謂楚蜀毗鄰，語或通矣。觀巴土讀枳如徒，則知《大招》之「只」，即《招魂》之「些」矣。徒，《唐韻》：「斯氏切」；些，玄獎《大唐西域記·卷第二》「些」，注：「桑箇反」，《唐韻》：「蘇箇切」，《刊謬補缺切韻·三十六箇》：「些，蘇箇反，口詞。」（《韻輯》P二〇一一），斯、桑、蘇同在心紐，枳、只、徒、些同在支韻，唐人作蘇箇反者，楚音支歌旁轉也（以上十月五日《記》）。又《爾雅·釋詁》：「些，此也。」郝氏《義疏》：「些者，《說文》云：『苛也』，苛與呵同。……通作些，……《方言》云：『訾，何也』，何與苛音又同。郭《注》：『訾爲聲如斯，斯亦此矣。』又通作些，《一切經音義二》及《六》，竝云：『些，古文些、𪛗二形』，《爾雅釋文》：『些郭音些，引《廣雅》云：『些，辭也』，是郭以些爲些，蓋本《楚辭》，或讀些爲蘇箇切，非矣。」郝《疏》明些、訾與些音義相通之故，並是也。所引郭《注》見《方言第十》：「曾、訾，何也。湘潭之原，荆之南部，謂何爲曾，或謂之訾。」《注》云：「今江東人語亦云訾，爲聲如斯。」是訾之爲斯，亦因荆南舊語。明乎此，則知枳之音徒，些之爲些，音並楚矣。郝《疏》以讀些如蘇箇切爲非，則由未知支歌可以旁轉，荆楚不同中夏，七國不同隋唐也。日本古寫本《文選集注》卷第六十六·招魂：「何爲四方些」，《音決》：「些，音細，又先箇反」，以「先箇反」爲又音。公孫羅音出於曹憲，憲江都人，是隋唐江淮間音，轉入霽韻，此支脂旁轉，不入歌也。大徐《說文·新附》有些字，云：「語辭也，見《楚辭》，《唐韻》：『蘇箇切』，是孫愐不取淮楚之音。

《廣韻·十二霽》：「細，蘇計切六」有「些」，云：「楚音蘇箇切」，自是荆楚之音，觀沈括所云，亦可知矣。

其身若牛些。

季海按：《續編》依曹憲音及公孫羅引齊魯間言證牛字古讀，聲在明紐。尋《史記·律書》：「太史公曰：『東主牽牛，牽牛者，言陽氣牽引萬物出之也。』牛者，冒也，言地雖凍，能冒而生也」，古音冒讀若牟，同隸明紐，同在幽部，即牛之古讀可知矣。《詩》音牛在之部，與牟冒爲之幽旁轉，上古音或當同部爾。

晉制犀比，費白日些。

注：費，光貌也。言晉國工，作簪綦箸，比集犀角，以爲雕飾，投之皓然，如日

光也。洪氏《補注》曰：「晞，日光也，芳未切。」

季海按：宋玉云：「費白日些」，王以「皓然如日光」說之。《淮南》云：「日之所晞」，高《注》云：「猶照也」，孫氏《札迻》云：「費晞字同」，是也。然費乃借字，晞又不見《說文》，豈古文竟無本字邪？曰：陶文有之。吳大澂《讀古陶文記》有「鑿圓晞」，當釋「城圓晞」，晞字从日，弗聲，正其本字。陶文城易地名，晞乃人名。吳氏所記，皆陳介祺物，大氏出於山東，蓋七國齊器，然晞費亦齊楚通語矣。吳記見《吳窓齋尺牘》七，吳釋此文云：「似晞字」，「或釋晞」，今不取。鑿吳釋絨，極是，此文筆迹小異，其字同耳。今隸定作城（顧廷龍《古匋文存錄》收潘承厚藏匋有「城圓晞」，字作晞，所釋極是。此文先成，且說稍詳，未皇改定，因並記於此）。城陽有二：《漢書·地理志》有「城陽國」，原注：「故

齊，文帝二年別爲國。莽曰：『莒陵，屬兗州』，劉向所謂：『齊地，南有泰山、城陽』者也（班固云：『劉向略言其地分，故輯而論之』者也，見《漢書·地理志》），今山東莒縣，此其一。簠齋所得，多齊器，茲邑近之。濟陰郡有城陽縣，《漢書·地理志》、《續漢書·郡國志》作成陽，《晉書·地理志》在『濟陽郡』，作『城陽』，劉向所謂：『宋地，今之沛、梁、楚、山陽、濟陰、東平』者也，今山東舊濮縣地，姑記於是，以俟考定。

與王趨夢兮課後先。

注：夢，草中也，楚人名草中爲夢中（從一本，義具《續編》）。

季海按：《穆天子傳卷之六》：『癸酉，天子南祭白鹿于溧口，乃西飲于草中』，郭《注》：『草地之中』，其實此『草中』，正叔師所云楚人名爲夢中者爾。亦省稱草，韓嬰《詩外傳卷第七》：『昔者晉文公與楚戰，大勝之，燒其草，火三日不息，文公退而有憂色』，是也。草中謂之草，猶夢中謂之夢矣。《續編》云草中，青、齊語謂之苴、菹、菹者，亦見《穆天子傳》，同卷云：『己巳，天子□征，舍于菹臺。辛未，紐菹之獸』，郭《注》：『《管子》曰：『菹菜之壤』，今吳人呼田獵茸草地爲菹，音置』。此《傳》下云：『天子飲于溧水之上』，郭《注》：『溧水，今濟陰溧陰縣』，按兩漢平原郡溧陰縣，在今山東臨邑縣西，然則菹之名臺，故青、齊語邪？一卷之中，草菹互見者，則晉謂之草。知者，《傳》出魏王家，故晉人所傳，韓嬰《詩外傳》記文公之燒，亦謂之草矣。又書菹臺，因其俗也。

哀時命第十四

執魁摧之可久兮，願退身而窮處。

注：言己爲諛佞所譖，被過魁摧，不可久止，願退我身，處於貧窮

而已。

季海按：屈大均《廣東新語·文語》：「『魁摧』，出賈誼《哀時命篇》，即《詩》之『虺隤』也。」此莊忌作，翁山偶誤記。然近援粵語，遠證《詩》《騷》，音義並得，如接晤言，信乎南州之彥，說詩解頤也。陸德明《卷耳音義》云：「虺，呼回反，徐呼懷反，《說文》作『瘳』，隤，徒回反，徐徒壞反。『虺隤，病也』，《爾雅》同。孫炎云：馬退不能升之病也。《說文》作『瘳』。『魁摧明其見退』，願退知不能升，移叔然此《注》，以讀莊賦，無不合矣。虺隤、魁摧、猥猿，古音同在脂部。魁，《唐韻》：『苦回切』；摧，『昨回切』。虺，曉溪相轉（虺古音亦在牙紐，今音轉喉耳），隤摧定從相轉。姬漢韻部未移，而聲有迴轉，隤摧自舌頭入齒頭，殆吳音歟？」

大招第十六

霧雨淫淫，白皓膠只。

注：淫淫，流貌也。

季海按：《解故》引《淮南·俶真訓》：「『茫茫沈沈』，《注》：『沈讀『水出沈沈正白』之『沈』』，謂『淫淫』讀與『沈沈』同，霧雨水出正白之貌。蔣禮鴻引王念孫說謂沈當爲沆（義具王氏《讀書雜誌九》）『茫

茫沈沈條，是也。方爲《解故》，遭時非常，書成倉卒，未遑覆檢，此其一也。然《唐韻》：「沈，胡郎切」，在匣紐；「淫，余箴切」，在喻紐，匣喻同類，時相轉矣。沈在陽韻，淫在侵韻，楚音亦近。知者，楚音東陽相叶，《涉江》中，窮韻行（從王念孫），《卜居》長、明韻通，是也；東侵相叶，《天問》以沈韻封，《九辯》以中、洪韻豐，是也。故知侵陽於楚，語得相轉矣。高《注》：「沈讀，水出沈沈正白」之「沈」，與《大招》：「霧雨淫淫，白皓膠只」之文，音義並合。上尋淮楚舊讀，淫淫沈沈，其語同耳。《說文》：「淫，侵淫隨理也。从水、至聲；一曰：久雨爲淫」，許出一說，與《大招》之文相應，然久雨爲淫，亦以其水出淫淫耳。《說文》：「沈，莽沈，大水也。从水、亢聲；一曰：大澤兒」，以楚語論，淫沈建類一首，同意相受，謂之轉注可也。

吳鹽白蘖，和楚蘖只。

注：再宿爲醴。蘖，米麴也。漚，清酒也。言使吳人釀醴（《四部叢刊》影明

覆宋本、汲古閣本釀並作醴，蔣天樞說：「醴，釀之誤，是也。」隆慶夫容館重雕宋本、湖北叢書翻刻隆慶本並不誤，今據改），和以白米之麴，以作楚蘖，其清酒尤醴美也。

季海按：寇宗奭《本草衍義》卷之二十《酒》：「今人又以麥蘖造者，蓋止是醴爾，非酒也。」《書》曰：「若作酒醴，爾惟麴蘖」，酒則須用麴，醴故用蘖。蓋酒與醴，其氣味甚相遠，治療豈不殊也？依寇說即招云「白蘖」，以釀醴也。惟古人自有蘖酒，《管子·禁藏》：「舉春祭塞久禱，以魚爲牲，以蘖爲酒相召，所以屬親戚也」，則齊有蘖酒，以屬親戚矣。又《漢書·匈奴傳上》：「單于遣使遺漢書云：『歲給遺我蘖酒萬石』」，師古曰：「以蘖爲酒，味尤甜」，是漢有蘖酒，爲匈奴所羨矣。叔師所云，殆近之

矣，然不可以說《大招》。

接徑千里。

注：言楚國境界，徑路交接，方千餘里。

季海按：《離騷》：『夫唯捷徑以窘步』，王《注》：『捷，疾也。徑，邪道也』，洪氏《補注》曰：『《左傳》曰：『待我（待，明覆宋本誤作侍，今正），不如捷之速也』，捷，邪出也。』洪氏引《左傳》見《成公五年》，邪出本杜《注》，孔《疏》云：『捷，亦速也。方行則遲，邪出則速。』《楚辭》謂邪行小道爲捷徑，是捷爲邪出。』尋《淮南·本經訓》：『接徑歷遠，直道夷險』，高《注》：『接，疾也。道，行也。道之阨者，正直之。夷，平也』，是高注接，讀若捷，故其訓同矣。《禮記·內則》：『接以大牢』，鄭《注》：『接，讀爲捷』，是其比。《淮南·要略》亦云：『接徑直施，以推本樸』，其讀同爾。《唐韻》：『接，子葉切』，『捷，疾葉切』，古音同在盍韻。今考楚言，郢中謂之捷徑，《離騷》可證；淮楚謂之接徑，《淮南》《大招》可證也。《莊子·則陽》：『接子』，《古今人表》作『捷子』，《公羊·僖卅二年》：『鄭文公接』，《左》《穀》作：『捷』，《史記》作：『噤』，是宋齊亦讀捷若接，與淮楚同矣。

後記

自屈原作《離騷》以下諸賦二十五篇，而『楚人高其行義，瑋其文采，以相教傳』（見王逸《章句》）。故漢武好賦，而淮南王安能爲《離騷傳》，至於孝宣，而九江被公能爲《楚辭》。是時章句未備，而二子能道屈平之詞，知十口相傳，故老之遺說猶存也。然淮南『說五子以失家巷，謂五子胥也』，而班固譏之，則知雖安之博聞，猶未能盡得其本真。王逸又云：『莫能說《天問》……自太史公口論道之，多所不逮』。豈非節族久而絕，百餘年間，楚人雖轉相教傳，故未能委曲而無遺義歟？

蓋自劉向始定《楚辭》爲十六卷，今王逸《章句》前十六篇是也。自是援引傳記，以說《天問》，則有劉向、揚雄，而上逸猶曰：『亦不能詳悉，所闕者衆』。至於班固、賈逵，復以所見，改易前疑，各作《離騷經章句》，而逸又云：『義多乖異，事不要括』。今漢儒舊義，叔師而外，已無全書，然尋逸所論，其得失亦略可見矣。蓋自逸以前，《離騷》《天問》而外，徒有口說相傳，至逸始備其章句。前賢或文有離合（如班、賈之以壯爲狀），義有異同者，逸頗爲之整齊，有討論潤色之功矣。其自序有云：『稽之舊章，合之經傳』。其云『合之經傳』，猶劉、揚之援引傳記，班固之博采經書也；至云『稽之舊章』，則亦將考故老之言，采諸家之傳矣。觀其援《書序》以釋五子，則舍劉而從班；《離騷章句》一曰『撫壯』，再曰『方壯』，初不作『狀』，則又未嘗墨守班、賈也。

晉宋以還，諸家楚辭音義散軼略盡。其遺文尤可觀者，其唯晉之郭璞，隋之釋道騫乎？《隋志》有

郭璞《注》十卷，今不傳。然觀其注《爾雅》《方言》以下諸書，多引《楚辭》，義皆審諦，則其梗概可知也。《隋志》又稱：『騫善讀《楚辭》，能爲楚聲，音韻清切，至今傳《楚辭》者，皆祖騫公之音。』至朱子爲《楚辭集注序》時，已云『漫不復存，無以考其說之得失』。今賴敦煌殘卷，甫能窺見源流，其備載故訓，兼出衆音，信爲有功，然求其所謂楚聲者，亦已不可方物矣。洎唐之世，李善號爲書籠，然注《文選》，於《楚辭》諸篇，叔師而外，不著一字，可謂屏守矣。如陸善經之注《騷》，雖多亦奚以爲？唐人說《楚辭》，今更無專書。洪興祖《補注》引用舊義，有曰《釋文》者，見於《宋藝文志》，凡一卷。雖莫知時代，然頗載音讀，時存故書，見聞頗出宋人外。大抵猶承唐人相傳之舊，豈唐末、五代之作歟？然比諸騫書，彌爲苟簡矣。

宋人理《楚辭》，其成書可見者，洪興祖最可觀，以其用力既專，又不穿鑿也。如《天問》之『馮珖』、『馮弓』，叔師持兩說，而慶善糾之，是能補王而不佞矣。朱子衍吳棫之緒，頗能推尋古音，兼亦旁求謠俗，此其所長也；至於斥屈子，詆《山海經》，亦通人之蔽乎？若夫片言居要，則莫善於黃長睿之序《新校楚辭》。《序》曰：『蓋屈、宋諸騷，皆書楚語，作楚聲，紀楚地，名楚物，故可謂之楚辭。』寂寥千載之餘，能爲斯言，獨一伯思耳。惜乎其書不傳，觀自序之所發揮，又多但取目前，未遽爲知微之選也。自宋以降，爲《楚辭》者，多探胸臆，戴震所謂『碎義逃難，未能考識精核』者（見《屈原賦注白序》），既無關故訓，宜可得而略也。清儒能尋訓故以讀《楚辭》者，自東原始。《屈原賦注》讀『齊怒』如『天之方憺』，《音義》能明方音，斯皆陳義卓犖，度越前賢矣。弟子有王念孫，著《讀書雜誌餘編》，其釋『江介遺風』，訂

『懲連改忿』，又子引之之說『曾傷爰哀』諸條，精審可爲叔師解紛。近世則孫詒讓最優，說『蹇脩爲理』、『交吞揆之』、『荆勳作師』諸義，皆渙然冰釋也。

予治《楚辭》，歲在甲申，時倭禍方亟，實有哀郢之志。既流觀王逸以來諸家舊義，頗求之楚事楚言，時有未合，乃稍下己意。以爲叔師雖去古未遠，又身爲楚人，於初別國不相往來之言而當時或同者，實已不能盡瞭，故其爲《章句》，始有遺義矣。清儒於訓故實勤，然能通古今字而已，於方國殊俗，猶未遑條理也。何以明之？如『拂』在通語爲擊，在楚語爲蔽，王逸不能辨，故作《章句》說『拂日』，寧從通語，乃退『蔽』於一說。然《悲回風》云：『折若木以蔽光』，則知靈均意自謂蔽也（朱駿聲《離騷賦補注》所證明）。朱允倩知讀拂爲弗，而不能引《懷沙》之賦以證成楚語，是猶未達一問也（具詳拙撰《解故》中）。

今爲《解故》，務使楚事、楚言，一歸諸楚。其有明文者，必徵其始；其無明文者，亦以參伍而知之。故於校勘，則『幽拂』取諸太史公，《涼風》取諸淮南王，《厭塞》考之《方言》而後明，《故宅》質諸騫公《音》而後定，是文字異同，頗軼出王、洪二君外，而屈、宋故書，風貌乃髣髴可觀。於訓故則『拂』之爲蔽，《判》、《牌》、《伴》之爲棄，《淫》之爲遊，《服》之爲麗，或前賢所未知，或知之而未盡，自王逸以來，未能詳說，今悉爲之參伍遺文，明其語楚，以見諸家義一切據通語立說者，時失其真，蓋必先明楚語，而後楚辭始有達詁也。於謠俗則『指九天以爲正』引《九歌》、賈誼《新書》，而平爲此言，始狀溢目前；明『步馬』有二，而後諸文用語之殊，始委曲可理；『九疑賓』既是徵實之談，必稽之楚樂，其義始見；『白蜺』之諷，致

詰『良藥』、『大鳥何鳴』，譏喪厥體，蓋荆王慕不死藥，而屈子之微辭作。是皆考之故書，核之楚事，而後能覽其義理也。於名物則瓊芳之爲薺茅，疏麻之爲野麻，皆求諸楚俗所有，風土所具，一本良史所書，地記所載，語無譴益，而方物可曉也。至於音韻，仍當別爲之譜，篇中偶及一二，亦足以見拘牽『詩』音者莫能理『楚辭』，此戴君（東原）之見所以勝江（江有誥『楚辭韻讀』），猶尙惜乎其業之未竟也。持此五端，以觀『解故』，亦可以得其大略矣。蓋自草創以來，迄於今茲，歲星一終焉。倭難旣平，棄置篋中，殆不復省視。會『語言研究』爲之刊布，因疏其本末如此，以爲後記云爾。

• 編者按：『楚辭解故』部分條目曾發表於『語言研究』第二期（一九五七年十二月版）、第四期（一九五九年九月版）及『中華文史論叢』第一輯（一九六二年八月版）、第二輯（一九六二年十一月版）、第四輯（一九六三年十月版）。彙編時，發表部分也經過作者作了一些修改。這篇『後記』在『語言研究』上是作爲『前言』發表的。除結句外，無甚更動。

楚辭解故及續編引用書目略

周易 〔三國·魏〕王弼注

尙書 〔漢〕孔安國傳、〔唐〕孔穎達正義

禹貢錐指 〔清〕胡渭

尙書今古文注疏 〔清〕孫星衍

尙書大傳 〔清〕陳壽祺輯

古文尙書拾遺 太炎先生

逸周書 〔晉〕孔晁注

毛詩 大毛公故訓傳、〔漢〕鄭玄箋、〔唐〕孔穎達正義

毛詩音殘卷 唐寫本

毛鄭詩考正 〔清〕戴震

毛詩注疏校勘記 〔清〕阮元

韓詩外傳 〔漢〕韓嬰

周禮 〔漢〕鄭玄注、〔唐〕賈公彥義疏

儀禮 〔漢〕鄭玄注

禮記 〔漢〕鄭玄注、〔唐〕孔穎達正義

大戴禮記 四部叢刊影印明袁氏嘉趣堂本〔清〕孔廣森補注、傳錄〔清〕孫詒讓批校本

佚禮

扶微 〔清〕丁晏

求古錄禮說 〔清〕金鶚

禮書通故 〔清〕黃以周

左傳 〔晉〕杜預《春秋經傳集解》、《春秋釋例》〔清〕莊述祖、孫星衍校刻本、〔唐〕孔穎達正義

國語 〔三國·吳〕韋昭解

春秋地名考略 〔清〕高士奇

春秋左氏傳地名補

注 〔清〕沈欽碑

公羊傳 〔漢〕何休解詁

論語

爾雅 〔晉〕郭璞注、〔宋〕邢昺疏、〔清〕邵晉涵正義、〔清〕郝懿行義疏

爾雅漢注 〔清〕臧輔堂輯

五經異義 〔漢〕許慎、鄭玄駁、〔清〕陳壽祺疏證

經典釋文 〔唐〕陸德明

古經解鈞

沈〔清〕余蕭客

經籍叢話〔清〕阮元

經義述聞、經傳釋詞〔清〕王引之

倉頡篇〔清〕梁章鉅校證本、陶方琦補本

急就篇〔唐〕顏師古注

方言〔宋〕郭璞注〔四部叢刊影印傅氏雙鑑樓藏宋刻本〕〔清〕戴震疏證、〔清〕錢坫箋疏

說文解字又新附〔宋〕徐鉉校定 說

文解字繫傳、韻譜〔南唐〕徐鉉

說文廣義〔清〕王夫之

說文解字注〔清〕段玉裁

說文解字義證〔清〕桂馥

釋名〔漢〕劉熙、〔清〕江聲疏證

證 廣雅〔三國〕魏張揖、〔清〕王念孫疏證

玉篇〔陳〕顧野王〔古逸叢書原本〕

千祿字書〔唐〕顏元孫

十七帖〔晉〕王羲之

隸釋〔宋〕洪适

小蓬萊閣

金石文字〔清〕黃易

文始、小學答問太炎先生

切韻殘卷(S二〇七一)〔唐〕寫本

刊謬補缺切韻殘卷(P二〇一一)

陶唐寫本

韻書(P五五三一之一)

唐末五代刊本，以上三種俱見姜寅清《瀛涯敦煌韻輯》

唐韻〔唐〕孫愐〔八徐說文引〕

一切經音義〔唐〕玄奘、〔宋〕慧琳、〔清〕陳澧、〔清〕顧炎武

玄應 篆隸萬象名義日本僧空襲

廣韻〔宋〕陳彭年

集韻〔宋〕丁度等

韻補〔宋〕吳棫

唐韻正、韻補正〔清〕顧炎武

六書音均

表 玉裁

古韻譜〔清〕王念孫

楚辭韻讀〔清〕江有誥

史記〔漢〕司馬遷〔覆宋蜀大字本、影宋黃善夫本〕〔南北朝〕宋徐廣音義、裴駰集解、〔唐〕司馬貞索隱、張守節正義

史記會注考證日本瀧川龜太郎

漢書〔漢〕班固〔影景祐本〕〔唐〕顏師古注、〔宋〕宋祁校

揚雄傳殘卷唐寫本

漢紀〔漢〕荀悅

後漢書〔南北朝〕宋范曄、〔唐〕章懷太子注、〔清〕王先謙集解

續漢書志注〔梁〕劉昭

晉書〔唐〕房喬等

宋書

〔南北朝〕宋沈約 五代史志即〔隋書〕十志〔唐〕于志寧

舊唐書〔五代〕劉昫等

新唐書〔宋〕歐陽修

世本〔清〕雷學淇校輯

古本竹書紀年輯校王國維

穆天子傳四部叢刊影印明天一閣本

戰國策〔宋〕姚宏校本、〔元〕吳師道校注

帝王世紀〔清〕宋翔鳳輯、顧觀光輯

路史〔宋〕羅泌

通典〔唐〕杜佑

元和姓纂〔唐〕林寶

史通〔唐〕劉知幾

山海經影成化本、〔晉〕郭璞注、〔清〕郝懿行箋疏

水經注〔北魏〕酈道元

華陽國志〔晉〕常璩

洛宮舊事〔唐〕余知古

離騷草木疏〔宋〕吳仁傑

通鑑

地理通釋〔宋〕王應麟 溪蠻叢笑〔宋〕朱輔 嶺外代答〔宋〕周去非 諸蕃志〔宋〕趙汝适 元和郡縣志〔唐〕李吉甫 太平寰宇記

〔宋〕樂史 輿地紀勝〔宋〕王象之 乾隆府廳州縣圖志〔清〕洪亮吉 子思子〔清〕黃以周輯 孟子〔漢〕趙岐注 荀子〔唐〕楊倞注 賈誼新書〔漢〕賈誼 鹽鐵論〔漢〕桓寬 新

晏子春秋〔清〕孫星衍音義、蘇輿校本 子思子〔清〕黃以周輯 孟子〔漢〕趙岐注 荀子〔唐〕楊倞注 賈誼新書〔漢〕賈誼 鹽鐵論〔漢〕桓寬 新

序、說苑、列女傳〔漢〕劉向 中論〔三國〕魏徐幹 老子 莊子 列子〔晉〕張湛注、〔唐〕殷敬順釋文 管子 韓非子〔四部叢刊影印黃丕烈校

〔清〕王先慎集解 墨子〔清〕孫詒讓 呂氏春秋〔漢〕高誘注 淮南子〔漢〕高誘注、〔四部叢刊影印影鈔北宋本〕 論衡〔漢〕王充 獨斷〔漢〕蔡邕 風

俗通義〔漢〕應劭 博物志〔晉〕張華 歷代名畫記〔唐〕張彥遠 抱朴子〔晉〕葛洪 金樓子〔梁〕元帝 述異記〔梁〕任昉 玉燭寶

典〔隋〕杜預 齊民要術〔北魏〕賈思勰 素問〔唐〕王冰注 神農本草經〔清〕孫星衍、孫馮翼輯 重修政和經史證類備用本草〔宋〕唐愷、〔宋〕唐愷等

易林〔漢〕焦延壽、某氏注、〔四部叢刊本〕 匡謬正俗〔唐〕顏師古 五行大義〔隋〕蕭吉 列仙傳〔漢〕劉向 經典集林〔清〕洪頤煊輯

東觀餘論〔宋〕黃長裕 演繁露〔宋〕程大昌 項氏家說〔宋〕項安世 困學紀聞〔宋〕王應麟 述學〔清〕汪中 讀書雜誌〔清〕王念孫 炳

燭編〔清〕李寶英 諸子平議、古書疑義舉例〔清〕俞樾 札迻〔清〕孫詒讓

羣書治要〔唐〕魏徵等 北堂書鈔〔唐〕虞世南 藝文類聚〔唐〕歐陽詢、〔影宋紹興本、明王元貞校本〕 初學記〔唐〕徐堅、〔嘉靖辛卯安國刊本、甲午青濤重刻本〕 太平御覽

〔宋〕李昉等 太平御覽〔清〕鮑崇城校刻本、四部叢刊三編影宋本 英國百科全書(Encyclopaedia Britannica, 1957)

楚辭章句〔漢〕王逸、〔湖北叢書翻隆慶重雕宋本〕、〔宋〕洪興祖補注、〔汲古閣翻宋本、四部叢刊影明翻宋本〕 楚辭音殘卷〔隋〕道藏、唐寫本 楚辭集註〔宋〕朱熹 屈原賦注〔附音義〕

〔清〕戴震 讀書雜誌餘編〔清〕王念孫 離騷賦補注〔清〕朱駿聲 讀楚辭〔清〕曲園 楚辭考異〔清〕劉師培 楚辭校補〔清〕聞一多 文選

〔唐〕李善注、傳錄
〔清〕何焯批校本

文選

〔唐〕李善及呂延濟、劉良、張說、呂向、李周翰等注

文選集注殘卷

日本藏
古寫本

樂府詩集

〔宋〕郭茂倩

杜工部集

〔唐〕杜甫

柳河東集
〔唐〕柳宗元

皇甫持正文集

〔唐〕皇甫湜

伍子胥變文(S六三三二)、別卷(S三二八)

以上兩種均見王慶霖等輯敦煌變

文集

左宣外集、文說

劉師培

楚辭解故引〔漢〕饒歌見宋書樂志，脩華嶽碑見隸釋，武梁祠畫象及〔清〕瞿中溶說見小蓬萊閣金石文字，〔晉〕王羲之書見十七帖；續編引尸子見羣書治要，〔漢〕孟郁脩堯廟碑、韓勅脩孔廟後碑並見隸釋，〔唐〕皇甫湜書見皇甫持正文集，補記於此。